



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### **Usage guidelines**

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

the 1990s, the number of people in the UK who are aged 65 and over has increased from 10.5 million to 13.5 million (15.5% of the population).

There are a number of reasons why the number of people aged 65 and over has increased. One of the main reasons is that people are living longer. The life expectancy at birth in the UK is now 78 years for men and 82 years for women. This is a significant increase from the 1950s, when life expectancy at birth was 71 years for men and 76 years for women. Another reason is that people are staying in the workforce longer. The average age of retirement in the UK is now 65 years, up from 60 years in the 1950s.

The increase in the number of people aged 65 and over has led to a number of challenges for the UK government. One of the main challenges is the increasing cost of social security benefits.

The cost of social security benefits has increased significantly in the 1990s. This is due to a number of factors, including the increase in the number of people aged 65 and over.

One of the main reasons for the increase in the cost of social security benefits is the increase in the number of people aged 65 and over who are entitled to state pension benefits.

The state pension is a benefit that is paid to people aged 65 and over who have contributed to the state pension scheme for a certain number of years. The cost of the state pension has increased significantly in the 1990s.

One of the main reasons for the increase in the cost of the state pension is the increase in the number of people aged 65 and over who are entitled to the state pension.

The number of people aged 65 and over who are entitled to the state pension has increased significantly in the 1990s. This is due to a number of factors, including the increase in the number of people aged 65 and over.

Another reason for the increase in the cost of the state pension is the increase in the state pension age. The state pension age has increased from 65 years in the 1950s to 66 years in the 1990s.

The increase in the state pension age has led to a number of challenges for the UK government. One of the main challenges is the increasing cost of social security benefits.

The cost of social security benefits has increased significantly in the 1990s. This is due to a number of factors, including the increase in the number of people aged 65 and over.

One of the main reasons for the increase in the cost of social security benefits is the increase in the number of people aged 65 and over who are entitled to state pension benefits.

The state pension is a benefit that is paid to people aged 65 and over who have contributed to the state pension scheme for a certain number of years. The cost of the state pension has increased significantly in the 1990s.

One of the main reasons for the increase in the cost of the state pension is the increase in the number of people aged 65 and over who are entitled to the state pension.

The number of people aged 65 and over who are entitled to the state pension has increased significantly in the 1990s. This is due to a number of factors, including the increase in the number of people aged 65 and over.

Another reason for the increase in the cost of the state pension is the increase in the state pension age. The state pension age has increased from 65 years in the 1950s to 66 years in the 1990s.

The increase in the state pension age has led to a number of challenges for the UK government. One of the main challenges is the increasing cost of social security benefits.

The cost of social security benefits has increased significantly in the 1990s. This is due to a number of factors, including the increase in the number of people aged 65 and over.

One of the main reasons for the increase in the cost of social security benefits is the increase in the number of people aged 65 and over who are entitled to state pension benefits.

The state pension is a benefit that is paid to people aged 65 and over who have contributed to the state pension scheme for a certain number of years. The cost of the state pension has increased significantly in the 1990s.

One of the main reasons for the increase in the cost of the state pension is the increase in the number of people aged 65 and over who are entitled to the state pension.

The number of people aged 65 and over who are entitled to the state pension has increased significantly in the 1990s. This is due to a number of factors, including the increase in the number of people aged 65 and over.

Another reason for the increase in the cost of the state pension is the increase in the state pension age. The state pension age has increased from 65 years in the 1950s to 66 years in the 1990s.

The increase in the state pension age has led to a number of challenges for the UK government. One of the main challenges is the increasing cost of social security benefits.










\_\_\_\_\_

\_\_\_\_\_

Vertical line on the right side of the page.

Walten, Safari za Wasuabeli



# Safari za Wasuaheli

von

**Dr. C. Velten,**  
Lehrer des Suaheli  
am Seminar für Orientalische Sprachen.



---

Göttingen.  
Vandenhoef & Ruprecht.  
1901.

**LOAN STACK**

**Eine deutsche Uebersetzung erscheint gleichzeitig im gleichen  
Verlage. Preis gebunden 5 Mk.**

PL 8704  
A 2 V 39

Seiner Königlichen Hoheit

dem


Grossherzog Friedrich von Baden

mit allerhöchster Genehmigung

in tiefster Ehrerbietung gewidmet

vom Verfasser.





## Vorwort.

---

Die Suaheli-Litteratur steht noch in ihren Anfängen. Wir besitzen in den „Swahili tales“ von Steere, den Erzählungen in Dr. Büttner's „Anthologie aus der Suaheli-Litteratur“ und den „Märchen und Erzählungen“ vom Herausgeber dieser Reiseschilderungen eine Anzahl guter Prosatexte, während von der Poesie, die im Lande der Suaheli sehr gepflegt wird, nur Weniges uns bis dahin überliefert worden ist. Jede Bereicherung der Suaheli-Litteratur kann uns daher nur willkommen sein.

Afrikanische Reiseschilderungen von Europäern sind in stattlicher Zahl vorhanden. Von den Eingeborenen selbst besitzen wir noch keine. Um so interessanter dürfte es sein, auch einmal die Afrikaner selbst als die besten Kenner ihres Landes über das Reisen daselbst und die Sitten und Gebräuche der verschiedenen Stämme zu hören. Besonders schwierig ist es nicht, den Suaheli zum Erzählen zu bewegen, sobald er einmal Vertrauen zum Europäer gewonnen hat, und die meisten von ihnen besitzen ein gutes Erzählertalent.

Den Anlass zur Aufzeichnung und Sammlung dieser Reiseschilderungen gab mir der Erzähler der ersten, nämlich Sleman bin Mwenyi Tshande. Im Jahre 1893 lernte ich ihn zufällig in Daressalam kennen und gewann bald Gefallen an seinen lebhaften und interessanten Erzählungen, die hauptsächlich seine einige Jahre vorher gemachten Reisen ins Innere Ost-



Velten, Safari za Wasuabeli

und macht uns mit den Sitten und Gebräuchen der Wazaramu auf's genaueste bekannt.

Die letzte Reiseschilderung verdanken wir wiederum Selim bin Abakari. Er begleitete Dr. Bumiller auf dieser Reise nach Russland und Sibirien im Jahre 1896. Die ganze Erzählung deutet auf den mit europäischen Verhältnissen nunmehr vertrauten Afrikaner hin, dessen grosse Beobachtungsgabe jeden Europäer in Staunen setzen muss.

Sprachlich sind die Berichte von Mtoro bin Mwenyi Bakari die besten. Er hat sie erst nach reiflicher Ueberlegung und allmählich niedergeschrieben. Alle übrigen Schilderungen sind mit Ausnahme der von Abdallah bin Rashid im Erzählerton gehalten und von mir nach dem Dictat der Erzähler niedergeschrieben worden.

Was die Schreibweise des Suaheli anbelangt, so verweise ich auf die Einleitung zu meinen „Märchen und Erzählungen der Suaheli“ Band XVIII der Lehrbücher des Orientalischen Seminars. Die Interpunktion habe ich, um auch dem Anfänger im Suaheli das Lesen des Textes zu ermöglichen, so gestaltet, dass er sich mit Leichtigkeit in der Construction der Sätze zurechtfinden kann.

Berlin im August 1901.

**Dr. C. Velten.**

# Safari yangu ya barra Afrika

ya

Slēmān bin Mwenyi Tshande bin Mwenyi  
Hamisi esh-Shirazi.

Auwali safari yangu ya barra nimekopa mali kwa Mhindi. akanambia: „vema, utapata mali, tafuta wapagazi“. nikenda kambini kutafuta wapagazi, nikapata wapagazi mia na wanyampara watano. nikarudi kwa Mhindi, nikamwambia: „hawa wapagazi nimepata, haya funga mali sasa“. nikafunga mali thena'shara mia, nikawapa wapagazi upagazi wao, kulla mpagazi jora sitta na nguo tano rangi, wakaniuliza: „'ahadi yetu tutapeleka hatta wapi mizigo“? nikawambia: „'ahadi yangu Tabora“.

siku ya kuondoka nikamwambia kirongozi wangu: „haya kirongozi, toa safari, peleka shamba“. tukenda hatta shambani, tukalala pale. as-šubuhi siku ya pili tumekwenda mtoni Ruvu, tukamwita mwenyi mitumbwi, tukamwambia: „haya, lete mitumbwi tuvushe mizigo yetu“. tukapakia mizigo katika mitumbwi, tukavuka wote pia wapagazi na wanyampara na tājiri.

tulipotoka Ruvu, tulikwenda Bigiro kambi moja. tulipofika nikawambia wapagazi: „haya, Wanyamuesi, pangeni mizigo“. wakaleta mizigo wakaipanga mahali pamoja. nikawambia tenna: „haya, jengeni hema; haya,

wanyampara, twaeni nguo, mukahemere vyakula. haya wengine wapagazi jengeni boma, hapa pana wevi wengi“.

siku ya pili tumekwenda Viranzi, ya tatu tukenda Kengeni, pana ziwa kubwa la maji, ndipo kamabi ya tatu. kambi ya nne tumekwenda Mbuyuni kwa Wakwere. mkubwa wa Kikwere Mwene Mtaimbo. tulipofika, nikatoa nguo tatu, nikampa heshima yake. naye akatoa unga chakula na kuku kitoweo, chakula cha taji ya msafara. na yule Mwene Mtaimbo mtu mbaya sana. maneno yake mengi kama mtu mwenyi wazimu.

tukatoka hapa Mtaimbo, tukaenda Mbiki. pana mto mkubwa wa maji hapo Mbiki. na mkubwa wa mji wa Mbiki jina lake Sadi, huyu mtu mzuri. tukampa nguo mbili, akatupa unga na mpunga na kuku. tumetoka kwa Sadi, tukaenda Sagati porini. hapana mtu wala hapana nyumba. tukulala porini.

tulipoondoka tukenda Msua, na mkubwa wa mji Msua Tshamulungu, qabila yake Mkwere. na mkubwa wa pili Tongo, ndio wakubwa wa mji ule wa Msua. tukatoa gharama nguo mbili hongo.

kutoka Msua tulikwenda Kisemu, uko mji, na mkubwa wa mji jina lake Kibarrabarra. tukatoa gharama nguo tatu, tukampa, naye akatupa chakula unga na kuku.

tukatoka Kisemu, tukenda Rungerengere. na mkubwa wa Rungerengere Mas'udi. tukajenga boma kwa hadari ya simba, sababu simba Rungerengere wakali sana kulla mwaka. hatta usiku tulipolala, wakaja simba, wakakamata watu wawili wapagazi. tukaamka wote kwa makelele yao, tukawafuata simba, tukapiga bunduqi, tusiwapate.

as-subuhi tukaondoka, tukenda Yangeyange. na mkubwa wa Yangeyange Magembe. tulipoqaribia akasema: „nipeni hongo, kama hamkutoa hongo, ntafanya vita, niwanyanganye mali yenu yote pia“. tukatoa nguo kumi

hongo, tukampa, akakataa. na sisi tukakataa vilevile kumpa záyidi. akaleta vita, tukapigana naye. wakana watu wawili kwetu, wakachukua mizigo miwili ya biḡa'a, na sisi tukaua watu watatu kwake.

ḡatta aṣ-ṣubuḡi tukaondoka, tukenda Mikesse. na mkubwa wa mji wa Mikesse Matitu. akatwambia: „ni-leteni hongo, mali mengi nataka“. tukatoa nguo khamso u 'asherīn, tukampa. naye mtu mbaya sana, maneno yake ya ukali.

tukalala ḡatta aṣ-ṣubuḡi, tukaondoka, tukenda ḡatta Mrogoro kwa Simba Mwene. akatwambia: „leteni hongo, ndipo mpate rukṣa ya kuhemera vyakula“. tukatoa nguo arba'in, tukampa, akatwambia: „sasa rukṣa kutafuta vyakula mpate kula“.

tukalala ḡatta aṣ-ṣubuḡi, tukenda Viranzi. na mkubwa wa Viranzi Libega. tukampa hongo nguo sitta. na usiku ule tulipolala, akaja fissi, akamkamata Munyamuesi, akaondoa pua yake. aṣ-ṣubuḡi ya pili tukafika Mkata, mto mkubwa, mamba wengi na viboko vingi wako. na mkubwa wa Mkata jina lake Kigongo. tumempa hongo lake nguo tatu. na siku ile alitoka mwanamke moja, anakwenda kuteka maji katika mto ule wa Mkata, akakamatwa na mamba. tukenda mbio kumkamata, hatukumpata, mamba amemchukua.

tukaondoka tenna tukenda Mgomberenga. na mkubwa wa Mgomberenga jina lake Waziri. maji hapo yako mbali sana, yapata záyidi ya sa'a mbili kunako maji. na siku ile mpagazi mmoja akaugua. wanyampara wakasema: „na tushinde hapa leo“. lakini mimi nikakataa kushinda, kwa sababu maji yako mbali sana. tukaondoka tukenda Mkondoa. na mkubwa wa Mkondoa Sēfu bin Slēmāni bin Juma' Reami. tumefika pale pa Sēfu, akatufanzia ḡeṣhima kama tuko pwani. ḡatta aṣ-ṣubuḡi tukenda kwa Mwinyi Msagara. tukampa nguo



kumi na tano hongo lake, naye akatupa ngombe mkubwa sana. siku ya pili tukashinda kwa Mwinyi Msagara — hatta mchana wakaja Wahehe, wakapiga mji wa pili qaribu na Mwinyi Msagara, marra wakenda zao na mali waliyoteka.

tukalala hatta as-şubuhî, tukenda Kilossa. hapo hapana kutoa hongo. hapo twalilala, as-şubuhî tukaondoka, tukapanda kilima kikubwa sana, yapata sa'a sitta hatta kwisha kilima. tukenda hatta Kidete porini, hapana nyumba wala watu. as-şubuhî tukaondoka tukenda Tubugwe, pana mto mkubwa sana. kufika kupanga mizigo yetu, tukajenga na hema, mpagazi moja akenda akeba mahindi na maboga. wakamkamata wenyi maboga, wakamfunga, wakamleta hatta kambini. tukatoa nguo mbili, tukawapa, maneno yamekwisha.

siku ya pili tukafika Mpāpua. tukataka kujenga hema yetu, sultāni akasema mwenyewe: „marufuqu, hakuna kujenga“. tukamwuliza: „kwa nini hakuna kujenga?“ akasema: „mpaka mhonge, ndio mpate kujenga“. tukatoa nguo settin, tukampa sultāni, akasema: „rukhsa sasa, jengeni“. tukalala, hatta usiku akaja mwevi, akaingia ndani ya hema, akeba sufuria moja. tulipoon-doka usingizini, wakamkutia watu mwevi huyu, wengine wakampiga risasi. yule mwevi akafa. hatta as-şubuhî maneno yakenda kwa sultāni. akafanya hokumu yake sultāni kawambia: „huyu amekwenda kwiba usiku kwa wangwana, amepigwa — bassi — hapana maneno“. ndivo alivowambia watu wake.

tukalala hatta as-şubuhî tukenda mpaka mji wa Kambi. pana vilima vingi, na chini ya kilima pana maji ya chumvi. khalafu tukaingia ndani ya pori la Chyunyu, pori kubwa sana. tukakaa mle siku tatu, hatujapata mji. siku ya nne tukafika Kinyazungu. na mkubwa wa Kinyazungu Nyagaru. hiyo ndiyo mwanzo

wa Ugogo. huyu Nyagaru akaleta wanyampara wake kambini, wakatwambia: „mbūkūa<sup>1)</sup>, wangwana“? tuka-tikia: „mbūkūani<sup>2)</sup>“? tukawauliza: „mkasaka chichi<sup>3)</sup>“?. wakatujibu: „tukasaka mahongo ya mtemi<sup>4)</sup>, sulṭāni wetu“. wakasema: „mumpele mienda, ni kusaka magana matatu“<sup>5)</sup>. na sisi tukawajibu: „magana matatu nyingi“. wakashibu: „mumpele tauli<sup>6)</sup>“? tukawambia: „tutawapa igana“<sup>7)</sup>. wakakataa, wakasema: „iaye miangu<sup>8)</sup>“. ba'ada tukawapa nguo igana na khamsini, wakatwambia: „maneno yote sasa yamekwisha“. wakatuletea mawele<sup>9)</sup>, tukapokea.

tukalala ḥatta aṣ-ṣubuḥi tukenda Msanga, na sulṭāni wa Msanga jina lake Mabokera. akaleta munyampara wake kambini, akatwambia: „leteni hongo langu“. khalafu tukatoa nguo mitēni na 'esherīn, tukazipeleka kwa sulṭāni, ma'ana ndio lāzima, sababu tupate maji na chakula. sulṭāni akatwambia: „nguo hizi kidogo, nataka mkatoe na nyingine kama hizi“. tukatoa jumla nguo arba' mia u arba'in, tukapeleka watu kwake, tuka-taka maji na chakula. akatunyima chakula, akasema „hapana“.

tukalala ḥatta aṣ-ṣubuḥi tukenda zetu Madako. na mkubwa wa Madako jina lake Tshayaya. tukapeleka nguo mia na tano hongo lake, tukanunua maji ya kunywa kwa nguo 'esherīn, sababu hapana maji kabisa.

hapa tukasikia khabari ya simba. kulikuwa na simba, killa siku hukamata watu. siku qabla ya kufika kwetu wakaondoka watu wengi kwenenda kumvizia ku-

---

1) wie geht's? — 2) wie geht's euch? — 3) was sucht ihr?  
4) Häuptling. — 5) Gebt ihm Stoffe, er will 300 Tücher haben. —  
6) Wieviel wollt ihr ihm geben? — 7) Hundert. — 8) Nein, meine  
Freunde. — 9) Hirsenart.

taka kumwua. walipofika katika mwitu, wakamwona yule simba, sababu hakwenda mbali na mwanamke yule aliyomkamata jana. wakajigawa wale watu, mmoja akampiga yule simba, lakini risasi haikumpata sana. marra simba akamrukia. na huyu mwenziwe alipomwona amekamatwa na simba, naye akataka kumpiga yule simba, risasi isimpate simba, akampiga mwenziwe. simba alipomwona yule hana nguvu, akamwacha, akamrukia yule aliyopiga bunduqi. naye alipokamatwa, akapiga kelele nyingi. yule mwenziwe wa tatu alipomwona mwenziwe anapiga kelele kwa ghadabu za simba, naye akapiga bunduqi yake, isimpate simba, ikamfikia yule mwenziwe, aliyokamatwa na simba. yule ikawa amelia kelele nyingi sana, simba akamwacha akenda mbio. na yule akafa, na mwingine alikuwa na majeraha, ba'ada ya sa'a haba akafa vilevile, na simba amekimbia.

aş-subuhi tukenda zetu mpaka Ungomvia. na mkubwa wa Ungomvia jina lake Mabokera. tumetoa nguo miten na khamsin mahongo yake. hatta el'asiri wakaja Wamassai, wakawapiga wenyewe Wagogo, wakachukua ngombe zote za Wagogo, wakenda zao mbio kama walivokuja. na sisi hatukulala kwa kuogopa Wamassai, kwa sababu tumechukua mali mengi. hatta aş-subuhi tukenda zetu Mtoni Bubu, hapana nyumba wala mtu — porini. tukajenga boma kubwa sana kwa kuogopa Wamassai.

siku ya pili tukafika Unyangwira. sultani wa Unyangwira jina lake Makenge, mzee sana. akatwambia: „nileteni mahongo“. tukatoa nguo sitta mia, tukampelekea. akatwambia: „kesho hapana rukhsa kuondoka wangwana“. tukamwambia: „kwa nini kutuzuia, na mahongo tumekupa? sababu gani?“ akasema: „nataka mjenge boma langu“. tukamwambia: „tumekuwa watumwa wako?“ akasema: „bassi hamjui kama watumwa

wangu? mimi si sawasawa kama na sulṭani wenu wa Unguja?<sup>1</sup>“ tukamwambia: „hewallah, tutajenga“. ḥatta aṣ-ṣubuḥi tukaondoka na mashoka yetu kwenda 'kukata miti ya boma. tukenda tukakata, ḥatta el-'aṣiri tuka-rudi. siku ya pili na siku ya tatu tukajenga boma, kwa siku ya nne tukapata rukḥṣa, tukenda zetu ḥatta Mtiwe. na sulṭani mwanawe yeye Makenge. tukatoa nguo mia mahongo yake.

ḥatta aṣ-ṣubuḥi tukenda zetu Kilimatinde. na mkubwa wa Kilimatinde Massomoka. akatwambia: „wangwana, toeni nguo elfu mahongo yangu, ndipo mpate rukḥṣa ya kuondoka“. tukakataa, tukatoa nguo khamso mia, tu kampelekea. akasema: „shurṭi mnipe ṣanṭūr<sup>1</sup>). tuka-mwambia: „hatuna ṣanṭūr“. akasema: „kama ṣanṭūr hapana, mnipe vitambi bora 'ešerīn“. tukampa.

tukaondoka aṣ-ṣubuḥi, tukenda zetu ḥatta Muhalala. huu ndio mwisho wa Ugogo. na yule sulṭani wa Muhalala mwanawe huyu Makenge. tukatoa nguo thalatha mia na arba'in, tukampa mahongo yake. siku ya pili tukafika Mabunguru Mtoni, hapana nyumba wala mtu — porini. siku ya tatu tukenda Mwale. na huyo mkubwa wa mji jina lake Kilunda. ametaka mahongo, lakini sisi tumemnyima, hatukumpa. ḥatta aṣ-ṣubuḥi tukafika Jiwe la Singa, na sulṭani wa Jiwe la Singa jina lake Wamba. tukatoa nguo mitēn mahongo yake.

tukaondoka tukenda Malwa. qábula hatujapanga, tukakuta Warugaruga, wanatoka kwake yeye Wamba. zile nguo tumempa, hazikutosha, ataka kuja kunyan-ganya. tukapigana nao, tukana watu sitta, hawaku-pata kitu kutwaa. tukateleka, lakini hatukulala pale, tukenda tukalala Malwa Madogo porini.

aṣ-ṣubuḥi tukafika Mgunda Mkali porini, siku ya

---

1) Spieluhr.

pili tukenda Bimbisanda, na siku ya tatu tukenda Tshaya porini. pana ziwa kubwa la maji na mamba wengi na viboko vingi. wakaja Warugaruga, wanatoka kwa sultani Nyungu ya Mawe. tukapigana nao siku tatu. wakachukua mitumba ya nguo sitta, wakachukua mizigo ya baruti miwili, wakaua na waungwana watatu kwetu, wakenda zao.

tulipotoka pale tukafika Tula, sultani jina lake Maganga. hapo hatukutoa mahongo, tumekataa sababu yeye sultani mdogo, hana nguvu. tukaondoka tenna kwenda Ziwani Nyahua porini. siku ya pili tukenda Lubuga, na mkubwa wa Lubuga jina lake Nsilatali. hatukuhonga kitu. siku ya tatu tukafika Kigwa, na mkubwa wa Kigwa jina lake Mabokera. siku ya nne tukenda hatta mtoni Wala. tukalala hatta aş-şubūhi tukenda Kwihala. na mkubwa wa mji huu jina lake Kasui. mji huo ndio mwanzo wa Unyanyembe.

tukapumzika pale, hatta aş-şubūhi tukaingia Tabora. áuwali Tabora Kanyenye, mji wa Mw'arabu, jina lake Muhina bin Slēmāni Le'úrubi pamoja na Sa'idi bin 'Othmāni. na mji wa pili unakwitwa Bahareni, wa Mw'arabu, na mwenyewe jina lake Sa'idi bin 'Ali. mji wa tatu unakwitwa Lufita, mwenyewe Sa'idi bin Sālum pamoja na Mwenyi Mlenda, mtu wa mrima. mji wa nne unakwitwa Mkowani. mwenyewe Mw'arabu Sa'idi bin Ḥābibu el-'Afif. na mji wa tano unakwitwa Bomani, wa Mw'arabu, jina lake Seti bin Juma'. na mji wa sitta unakwitwa Mbugani, na Mw'arabu mwenyewe Sālum bin 'Ali. na mji wa saba Tshemtshem, mwenyewe Mhindi na jina lake Juma' bin Dina. na mji wa nane unakwitwa Ngambo, wa Mw'arabu, na jina lake Muḥammed bin Naşur. na mji wa kenda unakwitwa Mbirani, mwenyewe Mw'arabu 'Ali bin Sultani. na mji wa kumi jina lake Malolo, wa Mw'arabu, mwenyewe Rashid

bin Sālum. na mji wa kumi na moja unakwitwa Kwihara, mwenyewe Mw'arabu, na jina lake 'Abdallah bin Nasibu. na mji wa kumi na mbili unakwitwa Gange, mwenyewe Mw'arabu, na jina lake Thāni bin 'Abdallah. na mji wa kumi na tatu unakwitwa Miemba, mwenyewe mtumwa wa Mw'arabu, anakwitwa Farḥani bin 'Othmani. na mji mwingine unakwitwa Ituru, wa Mw'arabu, mwenyewe Moḥammadi bin Juma', baba ya Tipu Tip (Ḥammed bin Moḥammadi), na ndugu yake Moḥammed bin Sa'id el-Wardi.

Wa'arabu kwanza walikaa mrima wote. khalafu wamekopa mali kwa Wahindi, wakala mali yote pia, ndio wamekwenda zao Tabora, wakenda wakajenga miji, wakanunua watumwa, wakalima. wengine wamekwenda kana mkuu wa msafara wa Wahindi, wachukua feḍḍa ya Mhindi, wakakaa Tabora, wakamshau Mhindi na mali yake kabisa. kazi yao khalafu kulima mpunga na ngano kule Tabora.

khalafu Wahindi wakashitaki kwa Seyyid Barghash. Seyyid akapeleka luwali, jina lake Sa'idi bin Sālum el-Lemki. akenda akamwambia, kawakamate Wa'arabu, watoe mali ya Wahindi, kwa sababu wenyewe Wahindi wakafanya makelele sana. alipokwenda luwali, akawambia Wa'arabu: „toeni mali ya Wahindi“ — wakamwambia: „hatuna kitu sisi kabisa“. wakamfanzia ḥeshima kubwa sana, kulla mmoja akampa kitu, akazidi kukaa luwali, akastareḥe.

khalafu ndio imekuja vita na sulṭani Mirambo kuja kupiga Tabora. luwali akapeleka barua kwa Seyyid Barghash, na Seyyid akamjibu akamwambia: „pigana naye mshenzi, baruti na bunduqi na risasi kwangu“. ḥatta wamepigana vita vya Mirambo sana, wamenawa Wa'arabu wengi sana, ḥatta na sulṭani wa Tabora amekufa, jina lake Mkasiwa. ba'ada ya kufa kwake

Mkassiwa Wa'arabu wakaona: „tu pekeyetu, tutafanyaje sasa? na tumweke Silanda katika usultani wa Tabora!“ na mwenyewe akasema: „jina langu ndio Issike“<sup>1)</sup>.

khalafu ndio ameleta vita tenna Nyungu ya Mawe. anatoka kwenda inchi yake Kiwere, maqsudi kunyan-ganya usultani Issike. Wa'arabu wakasimama waka-pigana sana hatta wakamfukuza Nyungu ya Mawe. akenda kwake, wakakaa kitako Wa'arabu pamoja na Issike wao.

khalafu amepanda Amiri Pasha<sup>2)</sup> pamoja na amri ya jerman<sup>3)</sup>. akafika kwa Issike, akamwambia Issike: „lete mizinga yetu sisi na viasi vyetu, ndipo tufanye udugu“. ma'ana Issike amevitwaa vitu hivo kwa misa-fara ya Mabeljiki<sup>4)</sup> na ya Madeutschi. Issike akakataa, akakusanya 'askari wake wengi sana, akenda akapeleka vyakula vingi sana na ngombe wengi sana na mbuzi wengi sana. Amiri Pasha akasema: „sitaki chakula chako, tunataka mali yetu, utuletee, pamoja na huu mlingote wa Séyyidi, tutundikie bendera ya jerman“. mlingote akampa, walakini mzinga na viasi hakumpa. khalafu Amiri Pasha akenda zake.

nyuma ya Amiri Pasha akaja bwana Prinzi, akapi-gana naye Issike hatta akamwua na watoto wake, na 'askari wakamwagika wote, na watu wake wakatawan-yika wote.

ndio tenna Wa'arabu nguvu zao zikawa ndogo, sasa wako chini ya miguu ya jerman. wengine wame-kwenda Manyema, wengine wakaenda Uganda, wengine wakaenda Ruemba, wengine wakashuka pwani. wako mojamoja sasa, hawajui la kufanyiza. ile starehe yao

---

1) Issike hiess dieser Sultan richtig, nicht Sikki. — 2) Emin Pascha. — 3) engl. german. — 4) Belgier.

ya Tabora imeondoka. wanatafuta chakula, wale washibe — hawapati, sababu wale washenzi hawalimi kwao kama kwanza. hulima kidogo cha kutoshea wao, ndio sababu chakula kidogo na yote ghali.

tangu tulipowásili Tabora, tumekaa miezi miwili, kwa sababu ya kutafuta wapagazi wengine. hatta tulipowapata wapagazi, umekuwa mwezi wa tatu. na kulla Munyamuesi upagazi wake nguo kumi. hatta siku moja tukaondoka, tukenda zetu na safari yetu hatta kwa sultani Mtimsi. siku ya pili tukafika mji wa Kassekera. na huyu mkubwa wa Kassekera jina lake Mayole. siku ya tatu tukaondoka tukenda zetu Talikwa. na huyu mkubwa wa Talikwa jina lake Mualabu, Munyamuesi. tukulala usiku akaja mwevi kambini, lakini hakupata kitu. tukampigia kelele, akenda mbio.

hatta aşşubuhî tukafika mji wa Kuigunda, sultani wa Ugunda, na jina lake Ndisha. tukatoa nguo saba'in, tukampa mahongo yake, akasema: „nguo hizi kidogo, kama hamtanipa nguo nyingi, hamtapata rukhusu ya kanunua vyakula kwenu ninyi na watu wenu“. hatta tulipotoa nguo themanin mahongo yake, akapokea, lakini yeye hakutupa kitu, ametupa kuku moja na viazi kidogo. bassi ndio kitu alichotupa.

ba'ada ya kulala tukaondoka tukenda Issimbiri. na mkubwa wa Issimbiri jina lake Sigimbi, mtu wake yeye Ndisha. siku ya pili tukafika mpaka Kakoma, mji wake yeye Ndisha. siku ya tatu tukenda Kinywa Simba, vilevile mji wake yeye Ndisha. na siku ya nne tukafika Kassinde, sawasawa mji make Ndisha. huu ndio mwisho wa inchi yake Ndisha.

tulipotoka inchi ya Ndisha, tukenda mto wa Ugala, mto mkubwa sana, lakini porini, hapana nyumba wala mtu. tukakata miti, tukaweka ndani ya mto, ndivyo



tukapata kuvuka. hatta aş-subuhi tukaingia auwali inchi ya Ugala. na sultani wa inchi ya Ugala anakwitwa Kassagura. tukatoa nguo kumi na tano, tukampa, ndio mahongo yake. naye hakutupa kitu, ametupa asali kidogo ya nyuki ndani ya kibuyu.

tukalala hatta aş-subuhi tukaingia tenna mji wa pili wa Ugala, wake yeye Kassagura. yuko mkubwa wa mji ule, jina lake Mwana Mlimka, alikuwa anamwia mpagazi wetu. tulipoingia mjini akamkamata, qábula hatujapata chakula wala maji ya kunywa. tukaqaşirika sana sisi waungwana. kwa nini akatuonea sana mshenzi huyu? hatupigani naye? wengine wakasema: „haifai kupigana naye, wacheni tufanye maneno tartibu“. tukakaa hatta usiku, yule mpagazi akatoroka, sababu hana mali ya kumlipa.

hatta aş-subuhi mshenzi akaleta maneno kwetu sisi: „waungwana, mmepoteza mtu wangu, sasa mali mtalipa ninyi?“ na sisi tukamwambia: „mali yako qiási gani tutakulipa?“ akasema: „mali yangu nguo saba“. tukamwambia: „vema“. tukatoa nguo saba, tukampa. khalafu tukamwambia: „siku ya pili usifanye hivi. mtu hajafika mjini — marra na kumkamata? jana umefanya vibaya sana. kuwa watu wabaya — tungalipigana nawe, walakini sisi hatutaki kelele. sasa mali yako imewášili“. akasema: „mimi ni rađi, mali yangu imefika“.

tulipopumzika, tukaondoka tukenda zetu mpaka Ukalala, pia inchi ya Ugala, na mkubwa wa inchi ile jina lake Mweru Mpambara. akasema: „nipeni mahongo“. tukamwambia: „vema, tutakupa aş-subuhi“. hatta usiku tukatoroka, sababu mali yamekwisha kwa mahongo. tukaenda usiku kucha hatta aş-subuhi, tukafika mtoni Mtambo. huu ndio mwisho wa inchi ya Ugala.

katika safari yetu tukafika Ussauwira. na mku-bwa wa inchi ya Ussauwira jina lake Simba. tulipofika, akapiga ngoma. tukamwuliza: „ngoma hizi za nini, sultani?“ akasema: „mke wangu amekufa“. bassi wale wapagazi wetu wakafanya oga kwa zile ngoma alizopiga sultani. wakatoroka Wanyamuesi saba<sup>c</sup>, wakatwachia mizigo. tukamwuliza: „sasa mkeo amekufa — wataka nini?“ akasema: „mnipe sanda ya kuzikia mke wangu“. tukamwuliza: „sanda qiasi gani?“ asema: „kama mtakavyo wenyewe kunipa, mimi ntaqubali“. tukampa nguo mbili. akenda akazika.

hatta usiku tukamwambia: „sultani, watu wetu wamepotea, utatupa wengine, wachukue mizigo yetu?“ naye akatujibu: „lalani hatta aş-şubuhi, mkeshha hongaa — ndio tutatengeneza maneno ya wapagazi.

tukalala hatta aş-şubuhi tukapeleka nguo khamsin, akasema: „hii kitu gani?“ tukamwambia: „ndilo hongo lako“. akatwambia: „mnasema kweli ao mnasema di-haka? mimi bado nna kilio cha mke wangu, na ninyi mnanambia uwongo? mimi nataka nguo elfu mahongo yangu, ndipo mpate rukhuşa kwenda zenu“. tukamwambia: „unataka mahongo ao unatunyanganya?“ asema: „kama nataka kuwanyanganya, nisingaliwanyanganya<sup>1)</sup> toka jana?“ wakaja wanyampara wake, wakasema: „bassi ninyi wangwana hamtoi mahongo ya kweli? tukamsikiliza sultani maneno yake, walakini mnatoa nguo khamsini, mnafanya mchezo, mnasahau — huyu si sultani?“ tukatoa nguo miteni, tukampa mahongo yake. akatwambia: „nimequbali; sasa moto umeharibika, kwa sababu ya huyu mke wangu

---

1) nisingalinyanganya, usingalny., asingaliny. kommt neben der Form singaliny. hungaliny. hangaliny. vor und zwar scheint erstere Form beliebter zu sein als letztere.

amekufa, bassi, hamnipi kidogo, nikafanzia dawa, nikapata kufanya moto mwingine? waqati wa kurudi hamtaki kupika ninyi? huu si mji wenu?“ tukamwambia: „vema, sultani“. tukatoa nguo tatu, tukamwambia: „hizi, upate kufanzia moto mwingine.

hata aš-šubuhi tukenda Ussense. na mkubwa wa Ussense jina lake Kalimba. akatwambia: „waungwana, Tabora kwema? luwali hajambo?“ tukamwambia: „hajambo“. „Issike amepigana na Jerman sababu nini?“ tukamwambia: „sababu — Issike amejifanya sultani, naye si sultani. ataka kushindana na Jerman, atamweza wapi? Jerman baruti kwake tele, mizinga kwake tayyari, bassi huyu mtu wa kuwezekana?“ akasema: „sisi watumwa wa Jerman, kwa sababu hatuna nguvu. bassi ndugu zangu hamtaki kunipa 'ada kidogo, kwa sababu mimi sitaki mahongo kama wenzangu. nitake mahongo, anisikie bwana mkubwa aje nipige? mkanipa kidogo, ijapokuwa kidogo sana — chantosha“. tukampa nguo 'asherin. tukaona heshima yake kubwa sana, ametuheshimu sisi hata bwana mkubwa, kwa sababu anamwogopa bwana mkubwa qabula hajaenda kwake.

tukalala hata aš-šubuhi tukenda zetu mpaka Gongwe. na mkubwa wa Gongwe jina lake Kakamba. na sisi ametufanzia heshima kubwa, ametupa vyakula vingi na kitoweo, akatupa samaki. naye hakutaka mahongo kwetu, tumempa kwa heshima kwetu nguo 'asherin. hio ndio mwisho wa Ukonongo.

tukaondoka pale tukenda zetu Mbugani, panapo mizimu<sup>1)</sup> yao, na jina la mizimu yao inakwitwa Katawi. ndipo porini, hapana nyumba wala mtu. pana nyama wengi sana, simba wengi, na chui wengi, na

---

1) Seelen der Verstorbenen.

fissi wengi, na mbogo wengi, na punda milia wengi, na viboko vingi.

tukalala hatta aş-şubuhi, tukenda zetu, tukawášili mji wa Kawende. na mkubwa wa mji jina lake Soloma. tulipofika mjini, akatufungia lango. „ninyi wangwana“, akatuuliza, „mmekuja na viŕa?“ tukamwambia: „sisi wasafiri“. asema: „haha, huo uwongo wenu. ninyi mmekuja na Mzungu. mmetangulia maqşudi, yeye mmemwacha nyuma. hatta mkafika mjini, akija yeye marra moja, atapigana“. tukakataa, tukamwambia: „hatukuja na Mzungu, na kama huşadiqi — tule kiapo“. akasema: „wangwana, kiapo kitawafaa wapi? mji wangu sitaki mwingie. kwa nini msijenge kambi hapo nje, na vyakula wataleta hukohuko? walakini kuingia mjini mwangu sitaki“.

tukapanga mizigo yetu nje, tukajenga na hema yetu, tukawambia na wapagazi: „jengeni boma jema sana, kwa sababu mshenzi huyu mbaya, kazi yake kunyanganya mali ya watu“. akatuletea vyakula kulekule, tukanunua. tukapika, tukala hatta tukashiba, tukalala, lakini haikujiri neno.

hatta aş-şubuhi tukenda zetu mtoni. na huo mto jina lake huitwa Mfunne — porini, hapana nyumba wala mtu. tukalala hatta aş-şubuhi tukenda Kafissa, na inchi jina lake Kawende. na huyu sultani wa mji huu Kafissa, jina lake Tshata, akatufanzia heshima kubwa sana, akatupa na majumba ya kulala na vyakula vingi. hatuna khabari, kama atufanyizia khada'a ya kutunyanganya mali zetu. tukalala hatta usiku, akaleta watu, wakaizunguka nyumba, akatwambia: „wangwana, amkeni!“ tukamwambia: „sultani, kuna nini usiku huo? kama una maneno, sababu hungojei aş-şubuhi?“ akasema: namtaka mkubwa wa msafara atoke nje, tuje tuonane, na maneno yangu nataka nimwambie“. tukasema: „haha lillah,

maneno yako ngoja aş-şubuhi<sup>4</sup>. marra watoto wake wakafanya haraka, wakapiga bunduqi. tukajua — kweli hivi vita. na sisi tukajifunga silaha zetu na bunduqi zetu, tukatoka nje, tukaona washenzi wengi na bunduqi zinalia kwao, na sisi kwetu tunapiga bunduqi. wengine wa washenzi wakazunguka nyuma ya nyumba, wakapiga moto ile nyumba yetu sisi. tukasema: „jama'a, tutapigana vita viwili — moto na watu! sasa tufanye shauri gani? na tujigawe, wengine wateke maji, wazime moto, tupate kutoa mali yetu, na wengine tupigane na watu<sup>4</sup>. tukapigana hatta aş-şubuhi, na moto ukazimika. tukapata nuşş ya mali zetu. na washenzi wamekufa watu 'asherin na wawili, kwetu sisi wamekufa watu kumi.

sultani akatwita akasema: „sasa hapana vita, ninyi na tufanye urafiqi, na mali yenu iliyopotea nitalipa, kwa sababu haya sikufanya mimi, wamefanya watoto wangu. kama hamniamini, na tule kiapo cha kwetu sisi washenzi<sup>4</sup>. na sisi tukakhada'ika, tukathanni maneno yake kweli. tukaqubali kufanya urafiqi na yeye Tshata. tukatia mizigo yetu nyumbani mwake, akasema: „kaeni kitako, wageni wangu, na bunduqi zenu nipeni mimi zote pia, kwa sababu nakataa watoto wangu, wasifanye gházia, wakesha waona na bunduqi — roho zao watafanya oga, watakwenda porini na waanawake wote. chakula atatupikia nani? na ninyi mmekwisha kuwa ndugu zangu, mna hofu nini?“ tukampa bunduqi zetu zote pia, hatta na pembe tukamvulia tukampa, akatia nyumbani mwake, akasema: „wangwana, sasa uhodari wenu uko wapi? silaha zote nimekwisha twaa, mtapigana na nini? hamjui mali yenu nimekwisha wanyanganya, sasa mnataka roho zenu ao hamzitaki? kama mnataka roho zenu, msi-  
seme — kwangu yako mali. kama mnataka kufa,

kaeni kitako hapa pangu, ntawaua wote pia, kwa sababu waungwana jeuri sana“.

„alikuja mungwana mmoja hapa, jina lake Matuumla, akaja, akanifanzia hila, akachukua mali zangu pembe ‘esherin, akanambia: „ntakuletea mali mengi“. nimekaa mwaka mzima, sijamwona hatta sasa. na leo muungu umenipa kutwaa kwa mkono wangu. tenna mniachie mimi mjinga kama nani? ao mimi mnafanya si sultani? kama mnataka mali zenu, kaniletee Matuumla, tuje tufanye hesabu ya mali zangu, alizochukua Matuumla, na ninyi ndipo niwape mali zenu. na watu waliokufa — enda walipa wote pia, na mali zilizopotea — nazo ntalipa, walakin shurfi mje na Matuumla, ndio mpate yote hayo kwangu. na kama hamkuja naye — hayo hampati. labda mje kwa vita! na mkileta vita kwangu mimi, shurfi mniambie — kwa kuwa: „sisi tunakuja, ukae tayyari!“ waanaume hawafichani; kwetu sisi washenzi vibaya sana kufichana, sijui nini waungwana kwenu. hayo ndio maneno yangu; kama mmesikia — sikilizeni sana, na kama hamkusikia — mali yenu mmepotea“. na sisi tukamjibu yule sultani tukamwambia: „sisi huyu Matuumla hatumjui, walakini umetunyanganya mali zetu kwa kutuonea, kwa sababu hatuna nguvu. weye — kwa sababu sultani — ndipo ukanyanganya mali ya watu. na sisi tungalikuwa na nguvu kama wewe — nasi tungaliweza kunyanganya. walakin haiḍuru, bahati yako, kula mali yetu, yalale ndani ya tumbo lako“. akatujibu: „bado — tenna mnasema — roho zenu haziogopi? hamfanzi safari mkenda zenu? maneno mengi yote ya nini? manamme hufanya maneno mengi sana? kama mna-weza kupigana — piganeni. sikupigana?“ na sisi tukamjibu: „tutapigana na fimbo? na bunduqi zote zetu umetwaa? kama wataka tupigane na weye —

tupe bunduqi zetu, utazame kama tutapigana ao hatu-  
tapigana!“ akasema: „mimi nna wazimu, niwape bun-  
duqi — khalafu mnipige mimi? kama mnaweza, tafu-  
teni nyingine, mje mpigane na mimi. hivyo tenna on-  
dokeni, kwa sababu hawajaja watoto wangu, wenyi  
kichaa, watazidi kuwamaliza“.

tukafanya mashauri: „jama'a, hatwendi zetu? tu-  
nasema — na mshenzi hasikii! labda roho yake ita-  
gheiri, atafute kutuua? mali zetu zimepotea, na roho  
zetu bazipotei?“ wengine wakasema: „hatwendi zetu  
Karema, tukampe khabari Mzungu, kwa kuwa Tshata  
ametunyanganya? sasa tutaondoka waqati gani hapa?  
kuondoka mchana haifai, labda watatufuata washenzi,  
wakapata njiani watuue — afaḍali tumwendee sulṭani,  
tumwambie: „maneno yako tumequbali, mali zetu weka  
vema, nasi tunakwenda mtafuta Matuumla“.

tukapatana tukenda kwa sulṭani tukamwambia:  
„maneno yako kweli, sulṭani, tukikuletea Matuumla,  
utatupa mali zetu?“ akasema: „bassi mimi nnasema  
uwongo?“ tukamjibu: „bassi, sasa tunataka rukhuṣa  
kwako, tulale usiku kucha ḥatta aṣ-ṣubuḥi tutakwenda  
zetu, sulṭani, inshallah tutakuletea Matuumla“. aka-  
sema: „hayo si ndio niyataka hayo? haya, twaeni  
nyumba mkalale, nanyi msifanye ḥofu. laleni ḥatta  
aṣ-ṣubuḥi, tuagane vyema, na chakula ntawapa njiani  
ḥatta mfike kwenu“. tukenda zetu ḥatta kule nyum-  
bani alipotuonyesha. tukakaa kitako na masikitiko  
yetu ya kusikitikia mali zetu, zilizopotea, na ndugu  
zetu, waliokufa. hapana sababu, wala Matuumla ha-  
tumjui.

tukalala ḥatta usiku tukatoroka, tukenda zetu  
Karema. kupata njiani mwenzetu mmoja akakamatwa  
na simba. tutamfanya nini simba — hatuna bunduqi?

tutampiga na nini? tutafanya kelele tu? akamchukua mwenzetu, akampeleka mwituni, akenda, akamla.

na sisi aş-şubuhi tukawášili Karema, tukamkuta Mzungu amelala bado. tukawambia watu wake: „bwana yuko wapi?“ wakasema: „amelala, walakini qaribu ataamka“. tukakaa kitako mlangoni. hatta sa'a mbili u nuşş ilipopata ya tatu bwana akaamka, akauliza: eē boi, kuna nini huko?“ akasema: „wamekuja waungwana, wanatoka Tabora“. bana akasema: „wameleta barua yangu mimi? hela — nenda kawaulize“. tukamwambia: „sisi hatukuleta barua, sisi tumepigwa Kafissa na huyu sultani Tshata, ndiye aliyetupiga, akatunyanganya mali zetu zote, na ndugu zetu amewaua. bassi — twamtaka bwana, tumwambie maneno yetu“. boi akatujibu: „bwana sasa yuko mezani, kaeni kidogo, mumngojee, atakuja sasa hivi“.

hatta alipokuja bwana, tukamwambia: „bana, tumepigwa? akauliza: „nani aliyowapiga?“ tukajibu: „Tshata“. akatwambia: „walakini mimi nimesema, kama waungwana wote kwanza wafikie kwangu! mmekwenda fanya nini kwa mshenzi? walakini haiḍuru, ntapeleka askari, waende wakaulize „umenyanganya waungwana sababu nini?“ na nyie toeni mtu moja kwenu, afuatane na askari wangu, akasikilize maneno anayosema askari wangu pamoja na Tshata, na nyie wenyewe mpate sikia“.

wakafanya safari, wakenda zao hatta kwa Tshata. askari wakamwambia: „weye Tshata sasa umekuwa mwanamume wa kunyanganya mali za watu? huogopi amri ya serkali?“ akasema: „mimi sikuwapiga burre, nimewapiga kwa sababu yangu ya Matuumla, kachukua mali zangu — pembe esherin“. askari wakamwambia: „hasha, sisi hatuqubali, lete mali ya waungwana yote, ndivyo alivyotwambia bwana mkubwa“. alipoona nguvu



zimezidi, akatoa mali mshenzi, akawapa 'askari. wakaja nayo hatta Karema, mali yetu yaliyobaqia.

walipofika Karema, Mzungu akatwita: „nye wangwana, njooni huko, mje mtazame mali yenu, ndio haya aliyotwaa Tshata?“ tukatazama tukamwambia: „ndio bana, mengine yamepotea na moto“. akasema: „haiduru, chukueni haya yaliyosalia“. tukamwambia tenna: „hewallah bana, lakini sasa tunataka mitumbwi. tuvuke na mali zetu, twende zetu Marungu“. akatwambia: „mimi sina mitumbwi, nna mashua yangu moja, nayo imekwenda Marungu. mkitaka mitumbwi, nendeni kwa washenzi, ndio wenyi mitumbwi“. tukamwuliza: „washenzi gani?“ akasema: „wenyi mitumbwi si Wafipa?“ tukamwambia: „huyu mkubwa wa Wafipa nani?“ akasema: „sultani wao si Kapofi?“

tukalala, hatta aş-şubuhi tukamwaga bwana mkubwa: kwa heri, tunakwenda zetu“. tukafika hatta kwa Wampembe, ndio mizimu yao Wafipa. wanakuja kutambika<sup>1)</sup> siku zote hapo. na mitumbwi yote ndipo ilipo hapo. tukenda tukawambia wenyewe: „twataka pahali tupange“. wakatwambia: „ingieni mjini, sisi na waungwana ndugu zetu. sultani wetu anawapenda sana waungwana“. tukaingia mjini wote na mizigo yetu yote. wakatupa nyumba ya kulala.

hatta aş-şubuhi tukawambia: „tunataka mitumbwi“. wakatuuliza: mitumbwi ya kwenda wapi?“ tukasema: „tunakwenda ngambo Marungu“. „mnakwenda fanya nini?“ tukawambia: „tunakwenda fanya bi'ashara ya pembe“. wakatwambia: „ndio, lakini sisi hatuna amri ya kutoa mitumbwi, mwataka — nendeni kwa sultani Kapofi, huyu ndiye mwenyi mitumbwi. akesha toa amri

---

1) die Seelen der Verstorbenen anrufen.

yake, bassi tutakuja wapa hiyo mitumbwi mwitakayo“. tukawambia: „bassi, tupeni mtu moja, atupeleke hatta kwa sultani, twende tukatake mitumbwi“.

tukalala hatta aš-šubuhi, wakatupa mtu moja, tukafuatana naye hatta kwa sultani Kapofi. akamwambia mtu wake: „hapa inchi wamekuja na wageni, wanakutaka wewe, uonane nao, wakwambie maneno yao waliyo nayo“. akamwambia: „bassi, nenda kawete, nisikilize khabari yao waliyo nayo“. akaja hatta nje pale tulipokaa, akatwambia: mnakwitwa na sultani, walakini msinde watu wengi, nendeni watu wawili ao watatu, kwa sababu huyu si sultani mdogo, ni sultani mkubwa sana, wanamjua watu wote inchi zote“. tukaondoka watu watatu, tukamfuata yule mshenzi. tukenda hatta kwa sultani, tukamkuta amekaa kitako juu ya kiti. ameweka waanawake wawili na huku wawili, na mbele yake wawili, na nyuma yake wawili. na watu wamemzunguka, mwenyewe kattikatti. ameweka kibuyu cha pombe, ameshika mwanamke mmoja, ndio anampa pombe sultani. hatta tulipokwenda, akatwambia: „wangwana, hamjambo sana?“ tukamjibu: „hatujambo, sultani“. „pombe mnakunywa? niwape, na nyie mpate kunywa?“ tukamwambia: „hatunywi sultani“. akasema: „mnaogopa kwa sababu mnašali; ndipo msinywe pombe?“ tukamwambia: „haha, mioyo yetu haipendi kunywa pombe, tunaogopa kulewa, kwa sababu mtu akisha lewa — hupiga kelele, hutaka labda na kupiga na watu, na hayo mtu mgeni haifai? yataka mtu mgeni akae vyema na watu“. akasema: „bassi, sasa mnataka nini? niwape ugali?“ tukamwambia: „hatutaki, kama unga twataka, tupike wenyewe namna yetu ya mrima“. twaliogopa sumu, lakini hatukumwambia mwenyewe kwa sababu ataqaširika, hatta mitumbwi atatunyima. bassi akatupa unga na kuku, akatuonyesha na nyumba. aka-

tupa na vyungu vya kupikia ugali wetu, tukapika ule ugali, tukala.

tulipokwisha kula, tukamwambia yule mshenzi tuliyokuja naye: „tupeleke kwa sultani, kwa sababu hatujapata kumwambia khabari yetu ya mitumbwi. bassi sasa tunataka tumwambie, na yeye apate kujua, kama tutapata kwake mitumbwi, tupate kujua, roho zetu zifurahi“. tukenda zetu kwa sultani, tukamwambia: „sultani, tunataka mitumbwi kwako, tunataka kuvuka kwenda ngambo Marungu“. akatuuliza: „Marungu mnakwenda kwa nani?“ tukamwambia: „tunakwenda kwa sultani jina lake Mlilo, huko ndio tunakokwenda“. akasema: „haya bassi, tupatane ujira wangu wa mitumbwi mna-yoitaka. mtanipa qiasi gani?“ tukamwambia: „qiasi unakijua wewe mwenyewe mwenyi mitumbwi yako“. „khasa mnataka mingapi?“ tukamwambia: „sisi twataka mitumbwi sita“. akasema: „mitumbwi sita hiyo — mnipe nguo miteni“. tukamwambia: „pamoja na baharia?“ akasema: „hasa, na themani ya baharia nayo mbali“. tukamwambia: „bassi utupunguzie, sultani wetu, na sisi wanao“. asema: „bassi, nipeni ninyi qiasi mnachoweza“. tukamwambia: „tutakupa nguo khamsin“. akasema: „ee, mnafanya qihaka, kama mnataka mitumbwi, semeni kweli“. tukamwambia: „tutakupa nguo settin, na baharia tutapatana nao kwa themani nyingine. hizo settin ni zako wewe pekeyako“. akasema: „vema, nimequbali, walakini mnipe bunduqi moja“. tukamwambia: „sultani unatukumbusha kilio! bunduqi tui pate wapi? bunduqi katunyanganya Tshata zote“. akasema sultani: „hivi Tshata amekuwa mtu mbaya? hawaogopi? hakisikia kitendo walichotenda Issike, mwana Kiungi? naye ataka hivohivo? bassi wanangu, sikujua kama bunduqi mmenyanganywa. nipeni bassi nguo zangu settin“. tukafungua mtumba

tukampa nguo settin. akasema: „haya, sasa pataneni na baharia, wapate kuwavusha, wawapeleke hatta ngambo, mfike kwa Mlilo, na wao wapate kurudi upesi“.

tukaweta baharia wote pia, na mkubwa wa baharia jina lake Makunganya. akasema: „pataneni na wau-ngwana hawa ujira wenu wa kuwavusha hatta ngambo“. mkubwa wao akasema: „watoto wangu nguo inene, wote pia, na mimi mwenyewe nguo tano na vitambaa vya kufungia kichwa. watupe na posho yetu“. tuka-wapa nguo inene wote pia, na mkubwa alivotaka.

tukalala hatta as-subuhi, tukapakia mali yetu ndani ya mitumbwi na sisi wenyewe. wakavuta makasia. hatta sa'a heda'shara ikaja daruba kali, tukaona twa-taka kufa. Wafipa wakatwambia: „upesi upesi kunako mizimu yetu, twende tukatambike, labda upepo utare-geza“. tukenda upesi upesi hatta tukafika kisiwani. tukashuka wote pia na mali zetu. Wafipa wakatwambia: „toeni nguo moja nyeusi, mtoe na bendera moja, mtoe na shuka moja nyeupe, mtoe na ushanga kidogo mweupe, na ushanga kidogo mwekundu, tupeleke mizimuni“. tukafungua mizigo upesi upesi, tukatoa vitu walivyo-taka, tukapeleka mizimuni. na huo mzimu jina lake Wampembe. tukapeleka vile vitu vyote, tukamtaja kwa jina lake, tukamwambia: „weye ndiye Wampembe, tumekuletea zawadi zako hizi, twataka utupe salama ya safari, twende salama, tukarudi salama“. tukakaa robo sa'a — upepo ukaregeza.

tukamwambia: „haya, upesi tupakie mali yetu“. tukapakia, nasi wenyewe tukajipakia. baharia wakashika makasia yote pia, tukasafiri. hatta sa'a sita za usiku tukawasili ngambo ya Marungu kwa sultani Mlilo. walakini hatukufika mjini kwa sa'a ile, tumelala mitumbwini.

hatta as-subuhi tukashuka, tukenda mpaka kwa sultani, tukaonana naye. akatuuliza: „waungwana huko

kwema? nanyi nyote hamjambo? tukamwambia: „hatajambo sultani“. „kwa nini hamwendi leta mizigo yenu, mkaje mkingia mjini?“ tukarudi hatta pwani, tukenda tukatwaa mizigo yetu. tuliporudi, tukamkuta sultani katutafutia nyumba tayyari. tukatia mizigo yetu ndani. akatuuliza: „waungwana, mnataka nini?“ tukamwambia: „tunataka bi'ashara ya pembe, kama zipo — lete tufanye bi'ashara“. akasema: „baruti na bunduqi mnazo?“ tukamwambia: „baruti hatuna, kwa sababu tumenyanganywa na Tshata, sasa tumepakia na bid'aa tupu“. akasema: „vyema, laleni hatta as-şubuhi, tutazidi kuonana“. tukenda kulala.

as-şubuhi akaja, akutwita, tukamkuta ameweka kalasha mbele yake, akasema: „wangwana, mnataka hii mnunue?“ tukamwambia: „twataka, sultani, kuna mali mabaya?“ akasema: „haya, fanzeni bi'ashara“. tukainunua kalasha, themani yake nguo 'asherin, tukapeleka nyumbani kwetu. akatoa na bori moja palepale, qabla hatujaondoka, akasema: „mnunue na hii“. tukamwuliza: „themani yake qiasi gani?“ akasema: „nataka nguo khamsin“. tukamwambia: „hizo nyingi sana“. tukainunua kwa nguo khamso u thalathin, tukaipeleka nyumbani kwetu. akatuonyesha pembe moja kubwa, babu Ulaya, kwa sababu nzuri sana. tukamwambia: „qiasi gani themani yake?“ akasema: „nataka nguo miteni“. sisi tukampa nguo mia. akasema: „n'ongozeni“. tukamwongeza nguo kumi. tukainunua, tukaipeleka nyumbani kwetu. akatoa na pembe moja — imeoza. tukamwambia: „hii ya nini? mbayambaya“. akasema: „nununueni kwa ubaya wake. mtanipa nguo ngapi?“ tukamwambia: „tutakupa nguo kumi“. akasema: „nipeni“. tukainunua. akasema: „kwa herini, sasa nimechoka, labda kesho tutafanya bi'ashara“.

as-şubuhi akaja, akatwita, asema: „wangwana,

hamnipi pipa moja la baruti, niwape watoto wangu, waende porini?" tukampa, tukaagana naye kutupa pembe, ndio themani ya pipa letu. khalafu akatoa pembe ninge, akatwambia: „fanzeni bi'ashara“. tukainunua kwa nguo saba'in, tukapeleka nyumbani kwetu.

tukalala hatta aṣ-ṣubuḥi jua la kupata sa'a mbili — watoto wake, waliokwenda porini, wamerudi, waka-sema: „tumepiga tembo wawili“. tuliposikia vile — tukajuta, kwa sababu tumeagana naye pembe moja, na leo baruti yetu imechuma, imeleta pembe nne. akatwambia sultani: „wangwana, baḥati yetu njema, baruti yenu imepata fayida“. tukamwambia: „inshallah, sultani“.

tukalala, hatta aṣ-ṣubuḥi wakarudi na pembe zote nne, wakaingia mjini kwa furaḥa kwa kucheza ngoma, na kunywa pombe nyingi. akaja akatwita sultani, akasema: „wangwana, njooni mtwae pembe yenu ya baruti tulivoagana“. tukachukua pembe moja, tukenda tukaiweka nyumbani. tukamwambia sultani: „na hizi hutulizi? akasema: „miye bassi nakataa? leteni mali, tufanye bi'ashara“. tukanunua moja kwa nguo mia, tukapeleka nyumbani kwetu, tukanunua ya pili, na themani yake nguo mia, tukaipeleka nyumbani kwetu. na moja ndogo tukainunua kwa nguo khamsin na tano.

bassi biḍa'a yetu imekwisha. sasa tufanye mashaurigani? na deni yetu pwani kubwa sana. na mali nyingi yamenyanganya Tshata! afaḍali tuchuuze, tukatwae ile pembe kubwa, tuliyoinunua kwanza, twendee tukaiuze kwa huyo Mzungu, aliyo Marungu. tukafanya hivyo, tukapata biḍa'a na baruti na bunduqi na ushanga, tukauza pembe yetu. tukarudia mpaka nyumbani kwetu kwa yule sultani wetu, tukafanya bi'ashara tenna. akaleta pembe moja nzuri sana, sababu ameona biḍa'a yetu na baruti na bunduqi na ushanga — akazidi kufurahi,

nguo kumi“. tukayanunua, tukampa nguo kumi, tuka-peleka, nyumbani kwetu.

tukalala hatta aş-şubuhi, tukamwambia: „sultani, bi' a-shara tenna hapana?“ akatwambia: „nguo zenu zipo tu bado?“ tukamwambia: „zipo“. akaleta pembe moja ndogo. tukainunua kwa nguo 'esherin na nne na shindano khamzin, tukaipeleka nyumbani kwetu. akaleta na pembe moja ndogo, tukainunua kwa nguo kumi na nane na shindano mia. sasa biđa'a yetu imekwisha. tukamwaga sultani: „kwa heri, tunakwenda zetu bendarini kwetu kwa Mlilo“. akasema: „vema, nimesikia, mtaondoka leo?“ tukamwambia: „leo hatuondoki, kwa sababu jua limekuwa kali, tutalala, tutaondoka aş-şubuhi“.

tukalala hatta aş-şubuhi, tukafungafungā mizigo yetu, tukaondoka. kupata njiani yule sultani wa Kabwire akatuletea watu, kuja kutupiga porini. tukapigāna nao, tukaua mtu moja, hawa wengine wakenda mbio hatta kwao. na sisi tukenda zetu, tukawāsili Tshoma kwa yule sultani, aliyokopa mali yetu. tuka-fika pale tukalala.

hatta aş-şubuhi tukamwambia: „sultani, tupe mali yetu, twataka kwendā zetu“. akasema: „shindeni leo, wanangu, kwa sababu pembe ziko porini, ntapeleka watu, wende wakazilete, hatta jioni watawāsili hapa“. tukamwambia: „vema, walakini wasiende lala porini huko, kwa sababu tuna hamu ya kwenda zetu, kwenda kutazama mali yetu kwa Mlilo, kwa sababu tumeondoka siku nyingi“. tukalala hatta aş-şubuhi, jua kupata safa tatu, waliokwenda porini — wakarudi, wakaleta pembe mbili, zile tulizoagana naye yule sultani wa Tshoma. akatupa mwenyewe pembe zetu, akatwambia: „mali yenu yamewāsili?“ tukamwambia: „yamewāsili“. „mulikuwa mkanifanya mwevi! sasa mali yenu sikuwapa mwenyewe? nimenyanganya nini? aliyewanyanga-

nya — si sultani wa Kabwire?“ akaleta meno matatu ya ngiri, akasema: „chukueni waungwana; maqsudi kuwanyanganya“.

tukalala hatta aşşubuhi, tukenda zetu hatta Kissanso. siku ya pili tukafika bandarini kwetu kwa Mlilo', tulikoacha wenzetu. tukapiga bunduqi, wakaja, wakatu-furahia, wakatuuliza khabari ya Kabwire. tukawambia: „kwema, walakini mchenzi huyu alitufanzia hila sana, lakini muungu hakusimama naye, kwa sababu alitaka kutunyanganya. bassi, na sasa tumefika salama, tupeni ninyi khabari ya huko“. wakatwambia: „huku kwema; zama mlipoondoka, tukapata khabari, kwa kuwa mmepigwa njiani na washenzi. bassi khabari hiyo kweli ao uwongo?“ tukawambia: „uwongo“.

hatta aşşubuhi mkubwa wa safari akatukusanya wote pia, katwambia: „nipeni khabari yenu, biđ'a'a zimekwisha, sasa tufanye shauri gani?“ tukamwambia: „hapana mashauri illa ya kupima pembe zetu, tupate kuzijua frasila ngapi“. akatwambia: „wambieni watu bassi wapate kuzitoa pembe, tuzipime“. tukatandika mizani, tukapima pembe. jumla ya pembe zote, kubwa na ndogo, njema na mbaya, zikatokea frasila wahed u thalathin. ba'adaye akatuuliza: „ee, pembe hizi mwazi-naje? zitalipa mali za Wahindi?“ tukamwambia: „zitalipa wapi? na mali nyingi tumenyanganywa!“ „sasa bassi tufanyeje? si khēri tukenda tukabadili? tukatafuta njia nyingine ya kwenenda, tukazidi kuelemea mbele?“ tukamwambia: „mashauri yote pia yako kwako, wewe, mkubwa wa msafara, likawa jema — tutafuata, na likawa baya — tutafuata“. akatwambia: „moyo wangu mimi unanidanganya kwa hivo, kwa sababu kwenda pwani — nawaogopa Wahindi kwenda nishitaki na kunifunga, moyo wangu umefanya oga. sasa bassi tutaondoka kabisa? ao watu wengine watabaqi hapa?



na tukae bassi, hatta jioni tumwende sultani wetu, tumwage, tusikilize mashauri yake. atatupa rukhuṣa, ao atatuziwia? kwa sababu washenzi watu wa hila“. tukamwambia: „vema“.

tukakaa hatta jioni, tukamwendea sultani, kwenda kumwaga, tukamwambia: „sultani, tumekuja kwako qáṣidi kukuaga“. akasema: „mwaenda wapi?“ tukamwambia: „twaenda kwetu, kwa sababu bi'ashara zetu zimekwisha“. akasema: „kwa herini, wageni wangu, mtaondoka leo ao kesho?“ tukamwambia: „tunaondoka aṣ-ṣubuhi“.

tukalala hatta aṣ-ṣubuhi, tukenda zetu sisi sote pia na pembe zetu, tukenda hatta Sumbu. na mkubwa wa Sumbu jina lake Mwenyi Tereka, mtu wa mrima. tukiwáṣili, kwake akatuuliza: „wageni, mmekuja hapa ao mwaenda mbele?“ tukamwambia: „tunakwenda mbele“. hatta aṣ-ṣubuhi tukenda zetu hatta Iyendo. na sultani wa Iyendo jina lake Kitimbo. hatta aṣ-ṣubuhi tukachukua pembe zetu zote pia hatta kwa Mzungu, tukamwambia: „bwana, pembe hizi tumenunua“. akatwambia: „vema, na tupatane“. tukapatana kulla fráсила reale khamso u tissa'ini kwa themani ya barra. tukamwuliza pembe zetu zote pia. tukafunga biḍa', nuṣṣ tukatwaa baruti na bunduqi, nuṣṣ tukatwaa ushanga, mizigo yetu pia jumla mizigo khamso u settini.

akatwambia mkubwa wa safari: „na tuulize sasa — tutakwenda njia gani?“ tukamwita mshenzi, tukamwambia: „unajua wapi na wapi?“ asema: „najua inchi ya Lunda, hatta Luemba kwa Kitimkuru, hatta Itawa kwa Samma, hatta kwa Kafimbi, hatta kwa Mamba, hatta kwa Mkalikali, hatta kwa Kasembe“. tukamwuliza: „bi'ashara njema záyidi wapi?“ akatwambia: bi'ashara njema záyidi, kama mwataka kuchuma kweli, mpate furahi nyoyo zenu, mwende Kissinga kwa

Mkalikali<sup>a</sup>. tukamwambia: „mbali sana?<sup>a</sup> akasema: „mbali, lakini hamtaki kupata mali? japokuwa mbali — si kuenenda?<sup>a</sup> tukamwambia: „utatupeleka?<sup>a</sup> akasema: „tunapopatana — ntakwenenda<sup>a</sup>. „twambie ujira wako qiasi gani?<sup>a</sup> akatwambia: „nipeni nguo kumi na tano, walakini sitachukua mzigo, kazi yangu mimi ruhani kutangulia mbele ya njia. mnipe na ushanga kidogo, nimpe mwanamke wangu pamoja na wanangu, sababu nna watoto watatu<sup>a</sup>. tukafungua mzigo, tukampa nguo kumi na tano, alizozitaka, na ushanga wake tukampa. tukauliza: „safari leo ao kesho?<sup>a</sup> akatwambia: „mtakapo popote wenyewe<sup>a</sup>. tukamwambia: „leo tutafute vyakula, hatta kesho tufanze safari<sup>a</sup>.

tukalala hatta aşşubuhi, tukaondoka, tukenda hatta Pompe. na sultani wa Pompe jina lake Tshungu. tulipowášili akatwambia: „waungwana, mnatoka pwani ao hapa kwa Mzungu?<sup>a</sup> tukamwambia: „tunatoka hapa kwa Mzungu<sup>a</sup>. kwa sababu tulimficha maşşudi, akesha jua kama tunatoka pwani — atatunyanganya. akasema: „qaribuni<sup>a</sup>. tukatoa nguo tano tukampa.

tukalala, hatta usiku akaja mwevi kutaka kwiba. wenyewe tukaamka, tukampigia kelele, hatta tukamkamata, tukamfunga. hatta aşşubuhi tukampeleka kwa sultani, tukamwambia: „sultani weye huna haya? wageni, tuliokuja kwako, na heshima yako, tuliyokupa, hatta usiku unamleta mtu wako maşşudi kuja kutwibia mali zetu? weye huogopi?<sup>a</sup> akatwambia: „waungwana, hatta kumjua simjui. na kama hamşadiqi — mtendeni kitendo, mnachotaka ninyi wenyewe, ndipo mpate kujua, kama huyu sikumwamrisha mimi<sup>a</sup>. tukamwambia: „vema, tumesikia<sup>a</sup>. tukarudi hatta kambini kwetu.

tulipofikia tukafikiri: „sasa tutamfanyaje huyu mshenzi?<sup>a</sup> mkubwa wa safari akatwambia: mpigeni bakora kumi, kwa sababu tumepata rukhşa kwa sultani

wake. mkesha mwacha aende zake, kwa sababu hakutoa kitu“. tukampiga bakora kumi, tukamwambia: „nenda zako! siku ya pili usifanyize kama hivi. ukifanza — — utakufa. leo umekuja kwetu sisi watu wema, kesho utakwenda kwa wabaya, watakuua, kwa sababu watu si wamoja“.

hatta aş-şubuhi tukenda zetu hatta Mtoni Kavubu. na huyu sultani wa Mtoni Kavubu jina lake Kapoma, ni mtoto wake yeye Tshunga. hatta aş-şubuhi tukenda zetu tukafika áuwali ya Luemba. na mkubwa jina lake anakwitwa Porokosso, mwana wa Kitimkuru. tulipofika, hatujaingia mjini, akapiga ngoma, akakusanya jeshi kubwa. akawagawia baruti, akawapa na rişasi, akawapa na mishare. mnyampara wake akamwuliza: „sultani, vita hivi tunakwenda wapi?“ akamwambia: „huoni waungwana wamekuja? hao hawakuja pekeyao, wamekuja pamoja na Mzungu, maşsudi kunipiga mimi. wametangulia wao mbele, Mzungu wamemwacha nyuma, maşsudi tuamini roho zetu, tupate kufungua mlango, waingie mjini — usiku Mzungu atupige. hio ndio khada'a yao. 'aqili zao zote nazijua“. mnyampara akamwambia: „bassi tupeleke watu, wakenda wakauliza, kama kweli wamekuja na Mzungu ao pekeyao?“ sultani akamwambia: „bassi, nenda weye na watu wawili watatu wakupeleke“.

aliposikia waziri, akatoka yeye na watu wake, akaja hatta kwetu sisi waungwana, akatwambia: „waungwana, nipeni khabari yenu, iliyowaleta huku kwetu, mpate nambia mimi, nipeleke khabari kwa sultani. walakini msiseme uwongo, semeni kweli“. tukamwambia: „sisi tumekuja kutafuta bi'ashara ya pembe, na kama hamşadiqi, tupeni vyapo vya kwenu vya kishenzi, tupate kuwaapia, kwa kuwa — sisi hatuna shari“. akatwambia: „nimesikia maneno yenu, ngojeni nikampe khabari sultani wangu“.

alipokwenda kwa sultani, akampa khabari zote pia, kama tulivyomwambia. akamjibu akamwambia: „nimesikia maneno, yaliyotoka kwa waungwana, wambieni, wazunguke nyuma ya mji, wende wakapange. kuingia mjini hawana ruksha“. akaja akatujibu. tukamwambia kirongozi: „ondoa safari, twende tukapange tusikilize khabari vyema. miaka hii washenzi wote wameta'addi kwa kutaka kudanganya mali za watu“. tukaenenda hatta tukapanga, tukajenga hema yetu, tukawambia wapagazi: „shikeni mashoka, tujenge boma kubwa, tukae kwa hāzari“. tukajenga boma letu hatta ilipokwisha“.

wakaja washenzi watatu wakatwambia: „tunatoka kwa sultani, ametutuma kuja kwenu kutaka mahongo. mtampa ao hamtaki?“ tukamwambia: „tukatae sababu nini? mahongo yake qiasi gani?“ wakatujibu: „hatuijui themani yake, toeni kama mnavotoa wenyewe. tuondoke sisi na ninyi, tuwapeleke kwa sultani, mkapate kusikia anavosema mwenyewe sultani“. tukachukua nguo 'asherin, tukenda hatta langoni — tukazuiwa, wakatwambia: „mnaingia hivi billa rukhuša? mnafanya jeuri hii?; kawambia nani?“ tukawajibu: „siye tumekuja pekeyetu? hatukufuatana na wenyeji?“ wakatwambia: „simameni hapo, hatta tupeleke khabari, mpate rukhuša yake sultani, ndipo mwingie ndani, mpate onana naye sultani“. tukamwambia: „vema, nendeni“.

wakenda zao hatta kwa sultani, wakampa khabari: „waungwana wako mlangoni, wanataka kuja huko kwako. iko ruksha ya kuja ao hapana?“ akauliza: „wamechukua nini?“ wakamwambia: „wamechukua nguo“. akawambia: „wacheni wapite. watu wawili watatu watafanya nini?“ marra tukawaona wakaja hatta pale mlangoni, wakatwambia: „twendeni zetu, mkaonane na sultani“. tukaenenda hatta kwa sultani, tukaingia hatta ndani, tukamkuta amebarizi, amekaa juu ya kiti. huko

waanawake watatu; na huko watatu, na nyuma ya mgongo watatu, na mbele ya tumbo watatu, na mmoja ameshika kibuyu cha pombe, anamnywesha sultani. na mtu mwingine anampepea mainzi sultani. alipotuona akawambia watu wake: „ondokeni mkae upande moja, huko mwapishe, wakae waungwana“. akatuuliza: „waungwana, mmeletea nini?“ tukamwambia: „tumeleta nguo za mahongo kuja kukuhonga“. akatuuliza: „nguo ngapi?“ tukamwambia: „nguo ‘asherin“.

akatwambia: „zatosha, leteni mweke hapa mbele yangu“. tukampelekea hatta mbele yake, akatuuliza: „sasa mmekuja hapa, ao mnakwenda mbele?“ tukamwambia: „sisi nia yetu tunakwenda Kissinga kwa Mkalikali, kwenda tafuta bi‘ashara ya pembe. na wewe — pembe kama ziko kwako, tunataka tununue“. akatwambia: „pembe nizipate wapi? mimi maskini, kazi yangu kulima mtama tu. wakipita waungwana, wakanipa nguo moja mbili — nikapata kuvaa, kama mlivonipa mimi, na wenzenu hunipa vivihivi“. tukamwaga sultani huyu, tukenda kambini.

tukalala hatta as-subuhi, tukenda hatta porini. na hilo pori jina lake Dshaga, hapana nyumba wala mtu. tulipofika tukapanga mizigo yetu, tukajenga hema, tukawaamrisha Wanyamuesi: „kateni miti, tupate kujenga boma, kwa sababu mahala hapa pabaya sana, pana simba wengi na mafissi mengi na chui wengi. na washenzi wengi huja kuwanyanganya watu“. tukajenga boma, hatta likesha, kwa miti mikubwa sana, tukachimia, tukafunga fito na kamba.

hatta as-subuhi tukaondoka tukafika Kissinga kwa Mkalikali. tukatua mizigo yetu njiani, tukapeleka khabari watu wawili: „nendeni hatta kwa Mkalikali, mkampe khabari — kwa kuwa „njiani tumewacha waungwana, kuja kupasha khabari mwenyi inchi yako, utoe rukhusa yako, wapate kuingia mjini wageni wako“. akafurahi

sana, aliposikia vile, akaondoka mwenyewe sultani, akawa-  
waita watu wake watatu kwenda kutwaa wageni njiani.  
akawambia: „mniletee wageni wangu upesiupesi“. wa-  
kaja wale watu hatta njiani, wakatukuta tumekaa ki-  
tako, wakatwambia: „haya waungwana ondokeni, twende  
zetu mjini, mnakwitwa na sultani, anahimiza upesiupesi  
mpate kuonana naye“.

tukaondoka tukachukua mizigo yetu. hatta tukaingia  
mjini, akatuonyesha majumba, tukatia mizigo yetu. tu-  
kaka tukaweta watu wakubwa mjini, wanaokaa chini  
ya sultani, tukawambia: „tunataka mtu, atupeleke kwa  
sultani, tupate kuonana naye, ndipo roho zetu zitulie.  
kama hatukuona na sultani — tutafanya wasiwasi“.  
wakatwambia: „vema, ngojeni tupeleke khabari“. wa-  
kenda hatta kwa sultani, wakamwambia: „waungwana  
wanataka kuonana nawe, bassi tupe rukhsa waje, ao  
wasije?“ akawajibu sultani: „wana haraka ya nini?  
madam wamekwisha kuwasili mjini — hatuna buddi  
tutaonana. nendeni mkawape khabari“. wakaja wa-  
katwambia: „sultani anena „pumziken kwanza, mtao-  
nana naye tartibu“. tukawambia: „hiyo si qawa'ida  
ya mgeni ya kufika mahala kutoa kuonana na mwenyeji  
— haifai. illa kwa kuonana naye, tukapata kuuliza  
khabari naye, ndio roho zetu zipate kutulia“. waka-  
twambia: „bassi, tutarudi tenna marra ya pili, tukampe  
khabari“.

wakenda hatta kwa sultani, wakamwambia: „wa-  
ungwana hawaqubali illa kuonana nawe“. akawambia:  
„bassi kawaiteni, tupate kuonana, wanipe khabari zao,  
walizokuja nazo, wameletwa na nini“. wakaja hatta  
tulipo, wakatwambia: „je waungwana, m tayyari, mpate  
kwenda onana na sultani?“ tukawambia: „sisi tayyari“.  
wakatwambia: „bassi sisi tutakwenda mikono mitupu?“  
wakatwambia tenna: „tafuteni nguo moja mbili mpe-

leke, zilizo kubwa za kuonana naye sultani“. tukafungua mtumba, tukatwaa debwani moja na kitambi bora kimoja, tukawambia: „twende zetu“. tukenda hatta ndani, tukamkuta sultani amebarizi, amekaa juu ya kitanda, amekusanya na watu wengi, wamekaa chini ya sultani. na sultani amevaa ngara ya simba, ameshika na shoka ndogo mkononi, na mkuki ameshika pamoja na shoka, na mkono wa kushoto amezuia kiko cha bangi — anavuta.

hatta tulipowásili, akatwambia: „kaeni kitako“. tukakaa kitako. „jē waungwana, nipeni khabari yenu, huko mlikotoka, mmepita salāma? hatta maporini hamkupatikana na neno baya?“ tukamwambia: „bassi — msafiri hana buddi na kupatikana na mabaya“. akatuu-liza: „sasa mnakwenda wapi? mmekuja hapa kwangu mimi tu, nambieni, nipate kujua, kama wageni wangu?“ tukamwambia: „sisi wageni wako. yakitupata mema na mabaya kwako — hatuna mahala pengine pa kwenda“. akatwambia: „marhaba, ni vema, wageni wangu“. tukamwaga: „kwa heri, tunakwenda kambini“. akasema: „nendeni, záyidi ya khabari tutaulizana kesho, kwa sababu hamjapumzika, wala hamjala chakula“. tukenda zetu hatta kambini tukalala.

hatta aş-şubūhi akaleta watu kuja kutwita. tukenda hatta kwake. tukamkuta sultani emeshughulika, tukamwuliza: „Mkalikali una nini?“ akatwambia: „nimepata khabari mbayambaya — kwa kuwa vitakuja vita leo hapa mjini petu kuja kutupiga. bassi waungwana, kaeni vema“. tukamwambia: „vema, tumesikia“. tukenda hatta kambini kwetu, tukamwambia mkubwa wa msafara: „tufanyeje sasa? tupe mashauri yako sasa, kwa sababu weye ndio mtu mzima! tumekuja hapa — na vita vinatujia“. akatujibu: „ntafanzaje bassi, ndugu zangu? sisi tumefuata mali — tupate ao tukose! kheri

na shari itatukuta hapa na hapa, sisi na mwenyeji wetu, kwa sababu hatutakufa pekeyetu — tutakufa sisi na wenyeji. mali yetu yakipotea — na yao yatapotea na ya watoto wao“.

aş-şubuhi na mapema ilipopata sa'a mbili — bunduqi zikalialia. na huyo aliyokuja na vita kuja kumpiga Mkalikali, jina lake anakwitwa Kigongo, ni mtu wa Msiri. tukashika bunduqi, tukatoka nje, sisi na wenyeji wetu, tukachanganyika pamoja kupigana na vita vilivokuja. tukapigana nao hatta sa'a sitta, tukawashinda, wakenda mbio. tukaua watu arba'in na wawili, na sisi waungwana tukafa watu sitta, jumla wote pamoja na washenzi watu khamso u saba'ini, ndio walio-kufa katika mji wa Mkalikali.

hatta aş-şubuhi sultani akatwita: „waungwana, nipeni mashauri yenu; roho zenu zaweza kujizuia, ao mnaogopa, kwa sababu tumepigana na Kigongo?“ tukamjibu: „sultani, kama tunaogopa — tunaweza kupigana? na watu wetu wakafa — hujui kama tunaweza?“ akasema: „kweli waungwana, ninyi hodari, hatta mkaweza kunisa'idia vita — hamnijui wala siwajui!“ tukamwambia: „sultani bassi, hapana bi'ashara? kama ipo, tupe tufanyize, kama hapana, pia twambie, tupate kujua. na tukipata kukaa, tu'ama'ini roho zetu — kwa kuwa tutapata bi'ashara, tufura'hi roho zetu“. akatwambia: „mtafanza bi'ashara“.

tukalala hatta aş-şubuhi, tukamwendea sultani kwenda mwamkia. tukakuta pembe moja kubwa, ameiweka mbele yake. tulipokwenenda akatwambia: waungwana, bi'ashara mliyotaka si hii?“ „haya bassi na tupatane, qiasi gani pembe yako?“ akatwambia: „nataka nguo mia na pipa mbili za baruti na bunduqi mbili na qarṭasi mbili za ushanga“. tukamwambia: „hivo vitu vingi sana, sema kweli, tupatane“. akasema: „bassi —



hamsemi na nyie mnavotaka?“ tukamwambia: „tuta-kupa nguo khamsin na bunduqi moja na pipa la baruti moja na qartasi mbili za ushanga“. akatwambia: „leteni mali nitazame“. tukafungua mzigo, tukampelekea mali. akatwambia: „bi'ashara imekwisha“. tukaichukua kwetu, tukenda tukaipima, ikatokea frásila tatu. mkubwa wa safari akasema: „mshenzi mpumbavu, pembe tumeipata vema hii, tumeipata rakhishi“.

siku ya pili tukaenenda kwake kumwamkia, tuka-kuta pembe mbili, ameweka mbele yake. akatwambia: „waungwana, nalitaka kutuma mtu sasa hivi kuja kwetu mtazame pembe. sasa mmekwisha kuja wenyewe — kaeni kitako, tufanye bi'ashara“. tukazifanyiza zote mbili kuwa pamoja na themani yao, tukazinunua kwa nguo mia na pipa mbili za baruti na bunduqi moja na qartasi mbili za ushanga, tukazipeleka kwetu.

hatta tulipokwisha, akaleta pembe ningine kubwa, akatwambia: „fanzeni na hivi“. tukamwambia: „qiasi gani?“ akasema: „ninyi mnataka qiasi gani?“ tukamwambia: „twataka kwa nguo settini na pipa la baruti na bunduqi“. akatwambia: „leteni mali“. tukafungua mizigo, tukampelekea mali, kama tulivosema. akatwambia: „bassi — bi'ashara imekwisha, chukueni pembe yenu“. tukaichukua kwetu.

tukenda kambini kulala. hatta aş-şubuhî akatwita: „waungwana, mali yenu yote nikopesheni mimi, nitawapa pembe kuwa pamoja“. tukamwambia: „sulţani, hii khabari gani? kuna sisi maskini — tukakukopesha weye mtu wa inchi yako?“ akatwambia: „nipeni, msifanze khofu, wala mimi siwanyanganyi, ntawapa mali zenu“. tukaenenda hatta kambini kufanya mashauri yetu.

mkubwa wetu akatwambia: „na tumpe, tubakhatishe, hawezi kutunyanganya sisi“. tukakusanya mali yetu, iliyosalia yote, tukampelekea, tukamwambia: „la-

kini sultani tufungue upesi upesi, usituweke siku nyingi, kwa sababu tumetoka kwetu kuwa siku nyingi sana, na haya mali si yetu, mali ya wenyewe Wahindi. sisi hukopa, tukaja tukafanya bi'ashara, maqsudi kutuma'ini fayida". akatwambia: „hamtakawia, ntawapa pembe sasa hivi kwa siku mbili zizi hizi, wakesha rudi watu wangu, waliokwenda kwa mwanangu, nilikopeleka khabari zangu. watakuja na pembe, hawatakuja burre". tukamwambia: „vema, tumesikia".

tukakaa siku mbili, ya tatu tukamwendea: „sultani, ahadi yetu imekwisha, tupe pembe zetu, tupate kwenda zetu". akatwambia: „hivi hamna khabari?" tukamwuliza: „khabari gani?" akatwambia: „yule mpagazi wenu siku moja alikwenda kunya kunako maqaburi yetu, hamjui kama vibaya? ao kwenu hakuna vibaya? bassi, mta-pata kitu kwangu? si kwa sababu hii?" tukamwambia: „bassi, hapo alipokunya, usingalitwambia tukalipa? sasa ndio unafanya hila, wataka kunyanganya mali yetu, kwa sababu umekopa, huna pembe za kutulipa". akatwambia: „si kwa sababu hiyo, nawambia, kwa sababu vibaya tu". tukamwambia: „bassi vibaya mtoto aki-haribu — si kuruddiwa?" tukafanya mashauri yetu.

usiku tukatoa watu watano, wakenda hatta kwa sultani Kigongo kule Msiri, wakenda wakampa khabari yetu yote — kwa kuwa: „Mkalikali ametunyanganya mali zetu, tumekuja kumshitakia wewe sultani, tulettee watu upesi, waje watuda'ie haqqi yetu kwa Mkalikali".

ba'ada ya siku mbili wakatutokea watu, wanatoka kwa Msiri pamoja na watu wetu, wakapiga bunduqi, wakaingia hatta mjini, wakamwendea sultani, wakamwambia: „Mkalikali umenyanganya waungwana, wape mali yao sasa hivi, wala hatutaondoka sisi". akawambia: „bassi, ntawapa mali yao". akaingia nyumbani,

akatoa pembe kubwa na ndogo, zote pia tano, akatwambia: „haya mali ya waungwana“. tukachukua pembe zetu hatta kambini.

hatta aş-subuhi tukapima pembe zetu zote pia, zikatokea frásila arba'in na manni mbili. mkubwa wetu akasema: „sasa safari ya pwani tenna, kwa sababu naona, tutalipa mali ya Wahindi, na siye tutapata fá-yida, japokuwa kidogo“. tukamwambia: „sasa tupite njia gani?“ akatwambia: „tupite njia ya Iramba“. tukenda zetu hatta Iramba. na huyu sultani wa Iramba jina lake Gongotembo. tukakakaa siku moja, tukenda hatta Kikuyu porini, hapana nyumba wala mtu. tukapita porini, tukafika Kidete, na siku ya pili tukaenda hatta Tshaga porini. tukalala hatta aş-subuhi, tukafika áuwali ya Luemba, na huyo mwenyi mji jina lake Mko-refumo. hatta aş-subuhi tukenda zetu hatta kwa Tshewe. akatuuliza Tshewe: „waungwana mnapita njia gani? mtapita njia ya kwa baba?“ tukamwuliza: babako nani?“ akatwambia: „hamnijui kama mtoto wa Kitimkuru?“ tukakaa kwake, akatufanzia heshima nyingi.

tukalala hatta aş-subuhi, tukenda zetu, tukafika Makomba. pana ziwa kubwa porini, lakini hapana mtu wala nyumba. siku ya pili tukenda zetu hatta Mweru, pana pahali pakubwa, mna viboko vingi na mamba wengi, kwa kulla namna ya samaki imo, hatta daga limo, hatta ushimba umo. tukalala hatta aş-subuhi, tukafika kwa Kitimkuru, kwa mwenyewe sultani mwenyi inchi yake.

tulipowásili mjini mwake, akatupangisha nyumba, akatwita: „wambieni waungwana waje tuonane. wanatoka wapi huko? wanaacha njia, zinazopita watu, wao wanatokea njia ya pekeyao?“ tukaenenda hatta kwake, tukamkuta jeshi na watu wake. akatwambia: „waungwana jambo? khabari ya huko mmesikia?“ tukamwam-

bia: „hatukuisikia“. akatwambia: „mwanangu amekufa, nataka sanda kwenu, nizikie mwanangu“. tukamwambia: „sanda itatoka wapi? nasi tunatoka barra, wala hatutoki pwani“. akasema: „bassi, mtafanyaje? na huyu mwanangu amekufa, nendeni mkafanye shauri. msinifanzie kelele hapa, upesi upesi mniletee sanda upesi“.

tukenda zetu kambini, tukafanya mashauri: „je, sasa tufanyeje?“ tukatoa ‘aqiba yetu nguo tano, tukampelekea. akatwambia: „waungwana nyie wapumbavu — hatta ‘aqili hamna! mimi sultani mkubwa — mnamletea nguo tano?“ tukamwambia: „tufanyeje? bida’a zimekwisha“. akatwambia: „kama zimekwisha, nije nitwae kwa mkono wangu mimi mwenyewe?“ tukenda zetu kambini, tukatoa bori ya pembe, tukampelekea, tukamwambia: „hii sanda yetu sultani, upate zikia mwanao“. akafurahi, akawa radi.

hatta as-subuhi tukenda zetu, tukafika mwisho wa Luemba. siku ya pili tukafika Mambwe. na sultani wa Mambwe jina lake Fambo. tukalala salama, hatukuona kelele. na vilevile tukapanga vema kwa Tingamanda na kwa Kassonso na kwa Kakungu. hio ndio mwisho wa Mambwe.

tulipotoka hapa, tukaingia Unyamwanga. na sultani wa Unyamwanga jina lake Kanamlilo. kwanza akatufanzia vema, lakini hatta as-subuhi na mapema qaribu na alfajiri akatupigia ngoma na bunduqi zikalia. tukapigana. wakafa watu wawili kwetu. tenna wakachukua na pembe moja, wakachukua mzungo moja wa vyakula. ilipopata sa’a sitta, vita vimekwisha. tukenda zetu hatta kwa Sambu, na siku ya pili tukafika kwa Serengeni, hatta siku ya tatu tukafika kwa Mtanga Holile. hio ndio mwisho wa Unyamwanga.

tukalala hatta as-subuhi, tukenda zetu hatta Ubungu. na sultani wa Ubungu jina lake Mamsanya. siku ya

h̄atta aṣ-ṣubuḥi tukachukua mashoka, tukenda tukakata miti, tukarudi nayo. tukamwuliza sultani: „tuonyeshe boma tulijenge wapi?“ akatwambia: „mji wangu si huu? zungusheni mji“. tukasimama kujenga boma, mudda wa siku tiss'a boma limekwisha. tukamwambia: „kwa heri, twende zetu, kwa sababu kazi yetu imekwisha“. akatwambia: „bassi, hamnipi zawadi?“ tukamwambia: „tukupe nini? nasi tumeagana kujenga boma, na leo boma limekwisha, si bassi?“ akasema: „nipeni walau majembe, japokuwa kidogo“. tukampa majembe 'asherin, akawa raḥi.

tukalala, h̄atta usiku mpagazi wetu mmoja akakamatwa na chui. akachukua shikio lake, sababu tukapiga kelele — mtu akamtupa.

tukenda zetu h̄atta kwa Mawala. tukapanga, tukapeleka mahongo, akakataa. tukamwambia: „unafanya uqorofi wa nini tenna?“ akatwambia: „nataka mwende mkanisa'idie kupiga Wahehe, ndio mahongo yangu, kwa sababu Wahehe huja usiku, wakachukua ngombe zangu, h̄atta zimekwisha zote“. tukamwambia: „sisi vita hatuwezi. tumetoka kwetu kwenda kuchuma mali, hatukujia kupigana sisi“. akasema: „hampati rukhṣa ya kuondoka“.

tukenda kambini, h̄atta usiku tukatoroka, tukenda zetu h̄atta Marwa porini. tukaingia Marenga Makali porini, hapana nyumba wala mtu. tukenda zetu porini h̄atta Kilimatshanenge. h̄atta aṣ-ṣubuḥi tukafika Tutumi, ndio auwali ya Kutu. siku ya pili tukafika Mgazi. na huyu sultani wa Mgazi jina lake Muhunzi. naye akatufanzia h̄eshima. tukaondoka tukenda zetu h̄atta Kiperepetu. na mkubwa wa Kiperepetu jina lake Kirengawana. siku ya pili tukafika h̄atta Mniyombo. na mkubwa wa Mniyombo jina lake Mangwatwa. tukenda zetu h̄atta Mbamba. na mkubwa wa Mbamba jina lake

Kiratu. kisha tukafika Kole porini, na tenna Mbwiga. na mkubwa wa Mbwiga jina lake Mzeremela. tukenda zetu hatta Kirengwe. na mkubwa wa Kirengwe jina lake Mkunguze. na humo mote hamna mahongo. mahongo yamekwisha inchi ya Ugogo, sababu hao washenzi walimwogopa sasa Mzungu kutoza mahongo. nao Wadeutschi wamekwisha ingia barrani, wamejenga maboma pale, kuwaangalia hao masultani, walionyan-ganya safari njiani mali yao, wakakamata na watu wao, wakawatozea mahongo. na sisi tulipopita sasa humo — kazi yetu kula na kulala tu bassi, hatuna gbarama kabisa.

tukenda zetu Kidunda. na mkubwa wa Kidunda jina lake Mgumba. hatta as-subuhi tukafika Rufiji, mto mkubwa sana, una mamba wengi na viboko vingi. na huyu mkubwa wa Rufiji jina lake Korogero. tukakaa pale, sababu mkubwa wa msafara akawa hawezi. tukashinda siku saba, ya nane akapata hajambo kidogo. tukamtia njiani, akenda akachechema kidogokidogo. tukenda zetu hatta Mvuha. na huyu mkubwa wa Mvuha jina lake Makuka. siku ya pili tukafika mpaka Luguru, tukapanda vilima vingi sana, tukapoteana. tukalala mbalimbali, wengine wakalala juu ya mlima, wengine wakashuka bondeni. hatukuonana illa kwa siku ya pili kwa sa'a tatu, ndipo tulipoonana wote pia.

as-subuhi tukaondoka, tukawasili Ziwa la Manse, ziwa kubwa sana, limekaa kama bahari. na viboko vingi na mamba wengi na samaki wengi. na katti-katti ya ziwa pana nyoka mkubwa sana, na jina lake huyu nyoka anakwitwa nondo. hatta mtumbwi hau-thubutu kuingia hapo, kwa sababu ya kumkhofu huyu nyoka.

hatta as-subuhi tukaja zetu hatta Lowela. tukalala hatta as-subuhi, tukageuza njia ya kwendea Ba-

gamoyo. tukenda zetu hatta Sungwi. siku ya pili tukawásili Mtoni kwa Kidunda, siku ya tatu tukenda zetu hatta kwa Mpangile, siku ya nne tukavuka mto wa Ruvu. tukavukia chini — maji yametufika kiunoni. tukaja zetu hatta kwa pazi Mrombwa.

kisha kulala tukaondoka, tukaja zetu mpaka Yombo. tukapumzika pale. hatta aş-subuhi tukenda zetu hatta Dunda. na huyu mkubwa wa Dunda jina lake Djaha. pana mwitu mkubwa sana. hatta majumba yao wamejenga ndani ya mwitu, na mashamba yao wanalima ndani ya mwitu. akija mtu, hatajua kama pana mji, illa atajitukia yuko mjini.

tukalala hatta aş-subuhi, tukaja zetu hatta Nsole. tukandika barua kupeleka pwani kwa tájiri yetu — kwa kuwa: „sisi tumewásili Nsole, qaribu tutafika pwani. upesi tulettee vyakula na nguo za kuvaa, kwa sababu tu uchi, tunatoka mbali“. tukashinda siku mbili, ya tatu tukaondoka, tukenda zetu hatta Kanga. hatta aş-subuhi tukawásili mashamba áuwali ya Bagamoyo Sanzale. tukaondoka tenna, tukaja zetu hatta Tshemtshem, alipojenga daraja bana mkubwa. tukavuka daraja, tukapanga kambi. watu wanakwenda wakarudi, wanaotoka mjini kuja kututazama na vyakula kutuletea. tukalala hatta aş-subuhi, tukaingia mjini Bagamoyo.

tukakuta wametoa ngoma kuu, wameweka uwanjani kutupigia — siwa na zumari. wakatufurahia sana. pembe zikenda hatta forðani, na sisi tukenda nyumbani kwetu. hatta aş-subuhi tukawaendea wenyewe Wahindi, tukawambia: „twendeni mkatazame mali yenu“. wakenda wakapima pembe hatta zikesha, zikapigwa chapa ya serkali. khalafu wakachukua hatta nyumbani kwao Wahindi, tukawambia: „tufanye hesabu, tupate kuwalipa mali yenu“. tukafanza hesabu

mwanzo hatta mwisho, zikakusanyika daftari zote pia. wakajilipa mali yao yote pia, haikusalia kitu juu yetu. tukapata fáyida reale khamso mia. akatwaa mkubwa wa msafara, akatugawia. wa reale mia akampa, wa khamsin akampa, wa thalathin akampa, wa 'asherin akampa, kulla moja kwa qádiri yake, hatta tukesha wote pia.

hio ndio safari yetu, tuliyokwenda mwaka juzi. na ta'abu yetu iliyotupata ni kubwa. kulla mahala tulipokwenda, tulipopigana — tumepigana, tulipohonga — tumehonga, tulipojenga maboma — tumejenga, tulipolima mashamba — tumelima, tulipokufa — tumekufa. wala hatukufika qaribu, tenna tumefika mbali. safari ina ta'abu kulala na njaa, kushinda na kiu — hapana raha hatta marra moja. na mtu, kama hajasafiri barra, haijui ta'abu ya dunya. utaona kulla siku raha na starehe yako nyumbani mwako — kwa nguo njema, kwa kitanda chema, kwa chakula chema. hujui ta'abu kama watu wanata'abika — mpaka uende barra, ndipo utapojua, kama kweli barra ta'abu. haiwi kulala chini, na mwendo mchana kutwa — hapana kupumzika — hio ndio khabari ya barra.



# Safari yangu ya Nyassa

waqati bwana Major von Wissmann alipopeleka  
stima <sup>1)</sup> katika juto la Nyassa

ya

Selim bin Abakari.

katika mwezi sitta u 'asher'in märz sene elfu the-  
mānie mia tisa'in na moja nikaondoka na bana wangu  
dokter Bumiller Mannheim, tukasafiri Berlin na khalafu  
Hamburg. kutoka Hamburg katika meli tukafika Am-  
sterdam, Lisbao, Napoli, Port Said, Suezi, Aden, Tanga  
na khalafu Unguja.

kuondoka Unguja tukasafiri mpaka Mzumbiji <sup>2)</sup>, na  
toka hapo hatta Quilimane na Shinde. tukashuka Shinde,  
tukafanya kambi kubwa sana min ājili ya mizigo yetu,  
tuliopakia katika meli „Peters“ na „Wissmann“, kazi  
ya meli tunayoipeleka bahari ya Nyassa. na sisi tuli-  
pofika Shinde, tulikuwa na kazi nyingi ya kushusha  
vitu na kuvitengeneza, na kutengeneza namna ya sa-  
fari itakapoondoka, kwani ta'abu sana zile safari ka-  
tika mto wa Nyassa. siye hatupiti inchi kavu, lakini  
mtoni. na mizigo mizito, maşanduqu ya chuma, na

---

1) engl. steamer. — 2) Mozambique.

matishali<sup>1)</sup> yaliyokongolewa vipande, na meli<sup>2)</sup> yote ilikongolewa vipande.

kule Shinde tumekaa miezi miwili kutengeneza safari yetu. nasi hatukuwa na wapagazi, tuna 'askari tu, Wasuaheli na Sudani na Wasomali. kwanza kusa-firi kwetu tumeondoka bana Wissmann na bana Bu-miller na bana Eltz kutangulia mbele kutafuta kambi. tukasafiri katika matishali na stima yetu inayokwitwa „Pfeil“. tukenda panga kambi ya pili pahali pana-pokwitwa Msongwe. na Msongwe tumekaa mwezi u nuşşu, kungoja vitu vingine vinavyotoka pwani, na tenna ku'allimisha 'askari.

na katika qabila kule ya Msongwe wanakwitwa Wachegunda. nayo qabila hii wengi ni Wareno, wamechanganyika sana na Wareno. nao hujua sana lugha ya kireno. mavazi yao kama Mabanyani. na maakuli ya kule kuna mitama na mahindi na ndizi, na nyama ya kule kondoo na kuku, shidda huona nğombe. lakini kuna nyama msituni wengi na mitoni mamba wengi sana. majengo yao ya watu hawa ni kama majengo ya kizaramu, lakini nyumba zao kubwa kidogo.

tulipoondoka hapo, tukenda Msange, ndio mji wa Wengereza. na hapo pahali hugawana Zambesi na Shire, khatari sana kwa nguvu za maji. imepotea watu wengi sana, wamekufa. na mtu akitumbukia katika maji hayo, hapatikani tenna. na siye tume-poteza mtu moja hapa. kule Msange tumekaa qádiri ya mwezi. na hapo 'askari wetu Wangoni wametu-kimbia, kwani waliogopa kufanya kazi, wakakimbia na Wasuaheli watatu.

na katika Msange, mtu akiwa na nguo kidogo, yapata zira'a nne, hupata kuku thená'shara amma kondoo.

1) Stahlboote. — 2) engl. mail.

hapo Msange ndipo pahali nilipoona mtu aweza koga katika mto, hapana khofu, mamba wa hapa hawaduru watu. lakini katika mto wa Zambesi mtu hawezi koga kwa kuogopa mamba wengi. na katika mamba, tuliowapiga, tukaona vikuku vya watu ndani. mtu akiondoka aš-šubuhī sana, waqati jua linatokea, kulla pahali unapokwenda, utakuta mamba na viboko wengi sana.

kuondoka Msange tumepita inchi kavu hatta Chiromo, vitu vyetu vimepita mtoni. Chiromo ni mji mzuri kidogo, mātħali kama pwani. pale pana Consul wa Wengereza, wako tenna 'askari wa Unguja. na aliyokuwa hobsa<sup>1)</sup> wao ni Slemān Maulidi. hapo tuli kuwa na furaha kidogo, na kazi ilipungua kidogo. waqati ule vitu vyote tumefanza kambi tatu, na vitu mikononi mwa bana Eltz.

Chiromo tumekaa mwezi moja vilevile, tukenda kupiga nyama sana. na kule Chiromo ukenda katika mbuga, huweza kuona nyama wa mwitu kwa marra moja hupata elfu, nyama wa mwitu namna nyingi sana. kuna mbogo wengi sana, kuna chui, kuna simba.

siku moja tumekwenda kupiga mbogo na doktor Röver pamoja. tumekwenda katika mbuga waqati wa maghribi; ilikuwa ilifanya jiza kidogo, khalafu mbaamwezi ikatoka. mbaamwezi ilivotoka, tukajongea mbele kidogo, marra tukaona weusi kama boma lililojengwa, bana Bumiller kasema: „nini hii?“ Washenzi wakatwambia: „mbogo“. hatukušadiqi. bana Bumiller akamwamrisha 'askari moja Mgazija, jina lake Saleħ, kamwambia: „nenda katazame“. yule Saleħ akachukua bunduqi yake, akapiga magoti, akenda hatta akafika qádiri ya zira'a tis'a, akawakuta kweli ni mbogo.

---

1) farbiger Offizier, verstümmelt aus dem engl. officer.

akarudi, akaja, akasema: „mbogo“. bana Bumiller kasema: „haya tupige“. tukajongea kidogo hatta hapo walikuwako. walipotuona wakatawanyika, wakabaqi wawili. marra bana Bumiller akaamrisha bunduqi sitta zikapigwa. kupiga — wale mbogo huzidi kuingia ukali kutujia mbele. doktor Röver alipoona, wametujia qaribu, alitupa bunduqi, akakimbia juu ya mti na boi wake vilevile. bana Bumiller alisimama na 'askari moja Juma' bin Mwinyi, naye hodari sana. bana Bumiller akapiga moja, akazidi kuamrisha kupiga bunduqi, khalafu yule mbogo mwingine akakimbia. ndio siku niliyojua, kama kweli mbogo mkali sana. hapana kitu khatari kama kupiga mbogo, khasha akiwa pekeyake.

tukaondokā Chiromo safari ya Katunga. tukapita inchi kavu, mwendo wa siku nne tukafika Katunga. ndio mji wa Wengereza. hapo tukajenga kambi ya nguvu min ajili kungojea safari nyingine ya nyuma, inayoleta stima na mashua na mizigo. na Katunga tumekaa sana, na kazi ya hapo ilikuwa ngumu sana. 'askari pale lazima wachukue matishali kuyapeleka Blantyre. ndio uzia sana, sababu kupanda kilima, na kipande kimoja lazima kuchukuliwa na watu sitta'shara. yapata kuchukua siku nne wakichukua vile vipande, na mtu akienda hana mzingo huenda siku moja u nuss. bana Bumiller alikuwa na kazi sana, ma'ana kazi ya kupeleka vitu juu yake, hatta miye nilikuwa niki-mwona huruma jissi alivota'abika.

mizigo mingine walikuwa wakichukua hao Wangoni, walio'ajiriwa katika Katunga na Blantyre. kulla mtu hupewa zira'a nane amma ushanga kwa safari moja toka Katunga hatta Blantyre, amma toka Blantyre hatta Mpimbi. waanawake wa Wangoni wachukua nao vilevile pamoja na waanaume. wale wakubwa wao huitwa capitano. siku moja huja wapagazi

mitēn, siku nyingine wapagazi khamso mia hatta sitta mia, haina qawa'ida. na ushanga wa kule hufa'a ushangá „kijani kiviti“ ná „maji ya bahari“. watu wa kule hupenda sana ushanga, ndio uzuri wao.

tulipokaa Katunga, ilikuwa ikiingia gháfula ya 'askari wa Sudani, walitaka kutoroka. na sababu — 'askari moja ndio aliyofanya fitna hii, jina lake Ibrahīm. kazi yake ilikuwa akimsa'idia bana doktor Röver kazi ya daktari. akiwambia 'askari wengine: „tukimbie, sababu kazi hii kazi ngumu, hatuwezi kuchukua mizigo“. na katika mizigo ile huchukuliwa si kwa nguvu, lakini matájiri wetu waliwanáshi 'askari wetu kwa tafadđali, ya kuwa wachukue zile mashua, wapeleke upesi, safari ipate kwenda mbele. ma'ana wangechukua wapagazi, wangaliharibu, ma'ana hawajui, ya kuwa zile mashua ni mali. lakini 'askari walijua kama mali, na tenna manfa'a kwetu zikifika salama. 'askari wengine katika ile tafadđali walifuraħi, nao wametambua, ya kama wakichukua wapagazi — zitaħaribika, bassi afadđali hii ta'abu tupate wenyewe na mali ifike salama. walakini wale Sudani walisikia khabari ya fitna, ikawaingia kichwani, wakafanya shauri moja kutoroka. siku waliyotaka kutoroka, alikuwa 'askari moja katika jama'a ya hawa Sudani, alikuwa hawezi sana. naye ášili yake ni Bárbar, jina lake Murjān, naye alikuwa mpishi wa matájiri wetu. alikuwa rafiqi yake ya yule Ibrahīm, akamwambia: „utafanya shauri gani sasa na weye huwezi? 'askari wote wa Sudani watakimbia“. yule akaingia khofu, akamwita mkalimani 'Othmani bin Sa'id, akamwelezea khabari zote. 'Othmani akenda akamwambia bana Bumiller. marra bana Bumiller akaamrisha tarumbeta<sup>1)</sup>,

---

1) Trompeta.

akakusanya 'askari wote. wakaja wakafunga kulla namba<sup>1)</sup> mšafa wao. akawambia: „leteni silaha zote“. wakatoa silaha. akamwita effendi<sup>2)</sup> wa Sudani Faraji na mashaushi<sup>3)</sup> wote, akawauliza shauri waliyo nayo. wakataka kutuficha. bana Bumiller akawaelezea khabari zote, ya kama amesikia walitaka kutoroka wote. wakasema: „kweli, lakini fitina hii ameileta mtu moja“. akawauliza, wakamwambia: „Ibrahīm ameleta fitna hii“. bassi bana Bumiller akawambia: „kama mkiona neno msilolipenda, bassi nambieni, lakini kukimbia haifai, ma'ana kazi hii hatuwezi kuwashurutiza kwa nguvu, illa kwa tafadḍali na ḥesani. na nyie mnajua, ya kama mtapata ḥeshima juu ya kazi hii, na mshahara utazidi. na nyie mnaona wenzenu Somali na Wasuaheli hufanza vilevile. na siye Wazungu tunasumbuka vilevile kama ninyi katika kazi hii, hapana mwenyi starehe hapa ḥatta moja, si mtu mweusi, mala Mzungu, wala Mw'arabu — wote tunasumbuka katika kazi hii“. mwisho yule Ibrahīm akachukuliwa akafungwa.

na siku ile sisi watu wanne tukafanya zamu kwa bana Bumiller, sababu tukaogopa wale Sudani wasije kufanya shauri kumpiga bana Bumiller. ḥatta siku ya tatu, tulipoona imewaelea ile khabari, hatukulala zamu tenna.

zile mashua zikachukuliwa zote pamoja na mizigo ya vyakula kupeleka Blantyre. bana mkubwa akatangulia Mpimbi kufanya kambi, yeye na bana Fuchs, na bana Bumiller akakaa na mizigo. waqati ule kazi ilikuwa nyepesi, sababu hapana vilima. na Blantyre kulikwa kuzuri sana, tumekaa kama kule pwani. kuna maduka ya Wazungu, kulla kitu unachokitaka hupata.

---

1) engl. number. — 2) farbiger Offizier. — 3) farbiger Unteroffizier.

hékima nyingine kuchukua mashua ndogo kufungasa matishali ná kuyavuta. hatta jioni siku ya tatu tuka-wásili milangoni mwa mto, unaokwenda Fort Johnston. na pale hatta Fort Johnston ni siku moja. siku ile tukafanya kambi nyingine, siku ya nne tukafika Fort Johnston.

tulipofika tukaona furaha kidogo. tukaona jama'a wa Unguja, waliofuatana Wengereza kama 'askari. nao wamekaa kule kama ndio kwao, wameoa Washenzi, wamezaa nao. na yule sultani wa kule huitwa Mponda, na kule kwake mji wake huitwa vilevile Mponda. naye amepiga sana na Wengereza, lakini sasa wamemshinda.

na pembe kule nyingi sana, pembe inatokea Hiyao na Nyassa na Utonga. na Wangoni huleta kule pembe nyingi. nako kuna ne'ema sana ya mtama na mchele na mahindi na muhogo na viazi. tenna kuna kondoo na kuku wengi sana, na nyama wa mwitu wengi mno. na watu wa kule hulewa pombe sana. katika inchi hizi zote, tulizozipita katika safari yetu, hupenda kulewa pombe.

Fort Johnston hatukukaa sana, yapata labda siku saba. tukasafiri katika stima ingereza, wakafungasa matishali yetu kutupeleka Konde. na bahari ya kule mbaya sana, ina mawimbi, ikichafuka — mtu hawezi kula chakula. afađali bahari ya chumvi, mtu huweza kustahamili kuliko bahari ya Nyassa.

kutoka Fort Johnston hatta siku ya tano tukapata chombo cha Wa'arabu, waliopakia watumwa. na siku ile hatukuingia katika sitima ya Wengereza, tumetweka wenyewe matishali yetu. tulipoona kile chombo cha Wa'arabu, tukawambia watue. wakakataa, tukaweta marra tatu — hawakusikia. marra ya nne tukaweta — hawakujibu — tukapiga mzinga, nao wakajitupa ba-

harini wote wakavukia pwani. hatukuwapata, wamekimbia wote, na kuwapiga wenyewe hatukutaka.

tukaondoka tukenda tukajenga kambi nyingine katika kisiwa cha Watonga. wale Watonga hupenda kukaa visiwani, sababu wanaogopa Wangoni. ma'ana Wangoni huja wakawapiga Watonga, wakiwachukua, wakiwafanya watumwa wao. na mno ukimwona Mtonga humkuta na tundu za kingoni mashikioni — bassi mtu hujua, ya kama huyu amechukuliwa na Wangoni. ukitaka kumqasiri Mtonga, humwambia — ya kama „weye mtumwa wa Wangoni“, huqasirika sana. na machezo yao ya kivita ya kimafti. na 'ajabu yao hujigeza majina ya ki'arabu, na jina lake, alilolipewa na wazee wake, halitaji. atakwambia „miye Seyyid Barghashi“, mwingine „miye Seyyid 'Ali“, mwingine „Mohammed bin Salim“ amma „Mohammed bin Khalfan Rumaliza“. wao hawajui ma'ana ya majina, wanataka majina ya ukubwa tu.

nao Watonga welevu sana. wakikaa na watu wa pwani siku kidogo, hujua upesi maneno yao. na khabari ya amri wakifundishwa, hujua upesi. nao hodari ya kazi. na siye tulipofika kule Rumbira <sup>1)</sup>, bana Bronsart ameleta Watonga, ili kuja kufanya kazi ya upagazi. nao walikuwa hodari sana. nao tenna hodari kuchukua machera <sup>2)</sup>. ikabidi ya kuwa mtu akiwa hawezi katika safari humchukua siku nyingi na miezi mingi katika machera. nao sasa ndio 'askari wanaotumika kule Konde kwa Wadeutschi na Wengereza.

siku tuliyoifika Rumbira, tukashuka tukafanya kambi pwani. na wale Washenzi, waliokuwa pale, walistuka, wakathanni vita. tukajenga kambi yetu. tukakaa hatta siku ya pili, ili kutafuta pahali pengine pazuri tujenge,

---

1) Langenburg. — 2) Hängematte.



lakini hatukupata, palepale tuliposhukia ndipo tulipojenga. tenna vikashuka vitu vyote katika matishali, tukaanza kujenga mabanda.

hatta siku ya tatu usiku walipolala, ilikuwa mvua sana na darba. na 'askari, waliokaa zamu kutazama matishali, hawakuangalia vema, matishali mawili yamevuta nanga, yamekwenda baharini. shausi alipoona matishali hayapo, akapiga kelele. marra akaondoka bana Major na bana Bumiller kuwambia watu wote, ya kama matishali yamepotea. bana Major ameqashirika sana. marra 'askari wakachukua tishali lililobaqi na mashua ndogo, wakavuta wakenda kutafuta yale matishali. hatta qaribu na al-fajiri wakayapata wakayaleta. tenna tangu siku hiyo matishali hapana rukhsa kukaa pekeyao illa kulaliwa kulla tishali watu wawili.

tukakaa pale Rumbira, tukajenga boma. tukesha tukajenga na mabanda ya 'askari na majumba ya kutia mali. qadiri ya mwezi moja tumejenga pale. mwezi wa pili bana Major akaamru, yeye na bana Bumiller wagawe safari, wende wakatazame inchi kwenyi amani na kwenyi ukhasama. bana Bumiller ikabidi, ya kuwa yeye kupanda vilima kwenda Ukinga.

waqati ule tulioondoka pale, hatukujua, ya kama pale inchi, inayokwitwa Ukinga, illa tulipokwenda, wakatwambia wao wenyewe, waliozaliwa kule, ya kama wao Wakinga. na kutoka Rumbira hatta kufika Ukinga siku tatu vilimani, hapana asili ya mtu, huoni mtu wala nyumba, vilima vitupu, wala hapana bonde, hupanda hushuka vilima tu. na pahali pa kupigilia hema hapana. tukitaka kulala, huchimbia udongo amma hujengea mawe — mtu akalala, kwani khofu mtu asije kuporomoka chini.

siku ya tatu tukafika Ukinga. na kule hapana mji, kulla mtu hufanza kibanda chake katika shamba lake.

inchi ya kule nzuri sana kwa kutazama kwa macho na vilevile kwa kulima, sababu udongo wake wa inchi hii mwema sana, hufa'a kulla maakuli kupanda. na ngombe na kondoo wengi sana kule. na miti ya huko mianzi mingi sana na tenna mizuri. nyumba zao miti wanayojengea mianzi. hufunga mianzi sitta hatta saba majukwaa <sup>1)</sup>, na miamba miwili huzungusha kama boma, yatosha kwa watu wawili amma watatu kulala. na mtu akiwa mbali, hatambui kama ndio nyumba ya bin Adam, huthanni kama majani yamewekwa, lakini kinachotambuza ni moshi wa moto.

hawa Wakinga hawakupata bado kuona Mzungu. walipoona matájiri wetu weupe, walishituka, wakaogopa sana. tukawauliza wakatwambia, kama ndio Wazungu wa kwanza, walioingia katika inchi yao. nao hawana nguo, lakini nguo zao hutwaa majani, huweka mbele ya utupu. na waanawake hupandisha winda wa majani. na katika bi'ashara, tuliyofanya, hutwaa nguo hukata qádiri ya nyanda <sup>2)</sup> tano, ndio tunanunulia vyakula na kuku, nao hupandisha winda na zile nyanda tano.

na mtu akiwapa kitu kidogo kama nguo, amma kitu kingine, ahsante yao hucheza kama nyani, hufanya é-é-é, hukuna vilevile mbavuni kama nyani. nao hukaa qádiri ya robo sa'a kwa furaha yao kucheza kama nyani.

kwanza waliogopa sana kuja kwetu kambini, hatta mwisho wakatuzoea min ájili ya kupata vitambaa. nao wakikimbia hukimbilia vilimani wote, hupiga makelele, huitana wote pamoja. na ukisimama kilimani, ukapiga kelele, watu wote bondeni husikia. ukelele wao vizuri sana kusikia, hupiga kelele na şauti kubwa mfano wa kwimba.

---

1) Gerüst. — 2) Fingerdicke.

ba'ada ya siku tano ao sitta tukaondoka, tukauliza njia ya kwenda Usango. wakatupa mkalimani moja, anayejua kisango na maneno ya Ukinga, kutupeleka tufike Usafa. tukapita tenna inchi ya Ukinga. na katika 'ajabu, iliyotupendeza katika ile inchi, ina maji mengi. ukenda mwendo wa nussu sa'a, hupata bonde la maji, na ina ne'ema sana. na maakuli wanayopanda wenyewe: mbaazi za kizungu na kunde na mawese<sup>1)</sup> na nyangwe<sup>2)</sup> na mahindi mengi sana. mtu mwenyi 'aqili akipita hapa, anajua inchi nzuri ya kulima na 'afya.

tumekwenda mwendo wa siku nne tukafika Usafa. katika mpaka wa Usafa na Ubeni, pahali tulipojenga kambi yetu Usafa, palikuwa nyumba kidogo. tukakuta na kambi ya Wahehe, waliotoka siku hiyo katika kambi yao, wakanyanganya ngombe ya Wasafa hao. na hawa Wasafa wakatwambia, kama leo amma kesho aş-şubuhî watarudi hapa. siye tukalala katika kambi yao. ilikuwa zamu kubwa siku ile min ajili kuwakhofu Wahehe. hapana mtu aliyolala, kulla mtu silaha mkononi. hatta usiku wakaja hawa Wasafa wakatwambia, Wahehe watakuja sasa hivi. na siye tulikuwa na bunduqi arba'in na tano na mzinga moja na bombom moja. 'askari wakaondoka wote, wakawekwa mahali pao. na Wazungu hawakulala hatta kidogo. tukaangalia sana, lakini hatta aş-şubuhî hatukuona mtu.

ikaondoka safari tenna, tukaingia kattikatti ya inchi ya Usafa. na katika inchi ile vilevile vilima kama kule Ukinga, lakini vikubwa kuliko kattikatti ya Ukinga. watu wa kule huwakuta mojamoya huvaa nguo. inchi yake vilevile nzuri sana, ina maji tele, ina ne'ema ya mtama na mahindi na viazi na migomba na mawese

---

1) kleine schwarze Kornfrucht. — 2) Batatenart.

mengi. na salāmu zao watu wa kule wakikutana, hukaa robo' sa'a huamkiana, hukusanya mikono pamoja, husema robo' sa'a „āje, āje“. wao hujua kidogo khabari ya pwani, kwani wako katika ura'ia wa Merere wa Konde huona Wa'arabu waliotoka pwani.

nyumba zao kama nyumba za Wakonde, hujenga na mianzi na miti. kuna miti mingi na mikubwa sana. mtu akiingia mwituni, hawezi kuona jua. na kule mwituni kuna tumbiri wengi sana. tumepiga tumbiri wengi, waliokaa mitini. nao wakitutisha, killa siku wakitwambia, kama Wahehe wanakuja. wale wanaogopa sana Wahehe. watu wa kule Usafa wanaqubali kazi ya upagazi, lakini Wakinga hawaqubali kabisa.

tukaondoka Usafa kushuka kwenda Usango. tuka-kaa siku mbili njiani, siku ya pili tukafika pahali qaribu na Uténgure. napo pana mji mdogo. tukafanya kambi pale. tukakuta mtu moja wa pwani pale, jina lake Mwenyi Tshande, naye mkalimani wa Merere. tukamwuliza: „unatoka wapi?“ akasema: „natoka Uténgure“. tukamwuliza: „hapa hatta Uténgure sa'a ngapi?“ katwambia: „huchukua sa'a mbili“. tukamwuliza: „tutaweza kufika leo?“ akatwambia: „afaḍali laleni hapa hatta kesho, sababu hamkupata rukhṣa ya Merere ya kufika Uténgure. nami ntatangulia nikampasha khabari, ya kuwa wamekuja Wazungu, nao Madeutshi, wanataka kuonana nawe. labda atanipa rukhṣa kuja kuchukua ninyi, ma'ana hiyo ndiyo kazi yangu kupeleka wageni kwake“. khalafu akaondoka, akenda zake Uténgure kumkhubiri Merere.

hatta usiku wale wazalia pale mjini wakataka kututisha wapate kutunyanganya. waliondosha watu, waliwapeleka nje, ili kattikatti ya usiku waje watwambie „Wahehe wanakuja sasa hivi“. na wale watu wali-kuwa watatu. hutokea mojamoja, hujifunga silaha zake,

huja kwa gházia na kutoka jasho, hutwambia: „Wahehe tumewacha hapo qaribu, sasa hivi wanakuja“. sisi tuli amka, tukachukua bunduqi zetu, tukazungusha boma letu, tukakaa tayyari. lakini siye tulikuwa tukijua, kama uwongo, wanatutisha, wapate kunyanganya. na ile 'aqili yao haikuongoka.

hata aş-subuhi akatokea yule Mwenyi Tshande, katumwa na Merere kuja kutuchukua. tukenda mwendo wa sa'a mbili tukafika Uténgure. tulipoqaribia mjini, tukaona bendera ya kideutschi, tukafurahi sana tulivoiona. kufika mjini Mwenyi Tshande akatuonyesha pahali qaribu ya mji, akatwambia: „jengeni kambi hapa, na miye nakwenda mjini kumkhubiri sultani, kama umekwisha fika“. akenda zake mjini, akakaa mudda wa sa'a, akarudi akaja kambi akatwambia: „ngojeni kidogo, atakuja wakili wa Merere kuja kumchukua bana Bumiller, akaonane naye“. ilipopita sa'a moja, akaja mtu moja, akatwambia, kama Merere leo hawezi kuonana na Wazungu. marra bana Bumiller akamwambia Mwenyi Tshande, ende akamwambie Merere — kama: „sisi hatuwezi kungoja hapa siku nyingi, bassi afanze leo tuonane, mudda wa sa'a moja nataka majibu yake, amma kama hataki, ntakuja miye mjini billa rukhsa“.

akenda Mwenyi Tshande mjini, akenda kamwambia Merere, — kama: „Wazungu hawataki kungojea sana hapa, wanataka shauri yao ishe upesi. bassi wájibu wako kuwaqurubisha kwa heshima billa kuingia wenyewe mjini, ndio mrua<sup>1)</sup>“. Mwenyi Tshande akaamrishwa na Merere na mawaziri watatu, kuja kutuchukua kwenda kuonana na Merere. bana Bumiller akafuatana na bana Illich na 'askari tis'a. tukaingia mjini, tukenda katika tembe lake. na kattikatti tembe lake

---

1) Achtung, Respekt.

imezungushwa boma na kattikatti majumba. na majumba hayo ni nyumba zake mwenyewe na masuria yake. tulipokwenda tumewekwa ukumbini, naye bado bakuja katika ule ukumbi. tukakaa qádiri ya nuşşu sa'a ili kumngojea. bana Bumiller akauzika, akamwuliza Mwenyi Tshande: „yuko wapi Merere?“ na kulla akiuliza, husema: „sasa hivi atakuja“. akamwambia: „kama sasa hivi haji, mimi taondoka, sitaki kuonana naye, bassi mwambie upesi“. akaingia ndani, akenda akamwambia. marra tukaona watu wanakuja, wakamleta katika baraza. akaja akakaa kitako akatwamkia. lakini kutwamkia ni kisango „aje mwanamtwa! aje, aje, aje“, watu wote kuamkia kwa qauli moja „aje, aje“. wakageuza „tuhongeje, tuhongeje, ā ā ā!“ na katika salamu hiyo huchukua sa'a nzima hatta wataká-pokwisha.

walipokwisha kuamkia, akawanza kutuuliza khabari. naye akiuliza, hamwulizi mkalimani wake, la, lakini humwuliza wakili wake. na yule wakili wake humwuliza mkalimani, na yule mkalimani huniuliza mimi, mkalimani wa bana Bumiller, na mimi nikamwambia bana wangu kwa kideutschi, na maneno yake ya bana Bumiller hujibiwa vilevile.

naye alianza kwa kufurahi, ya kwamba amekuja Mzungu, na bado Mdeutschi, ma'ana tangu Wadeutschi walipoingia katika barra ya Afrika hakupata kwenda Mzungu Uténgure, illa hawa mapadri<sup>1)</sup>, alikwenda mtu mmoja. naye alikuwa na hamu sana kuonana na mtu wa sirkali. bana Bumiller akamwambia — ya kuwa: „mimi nimeondoshwa na bana mkubwa Wissmann kuja hapa kukutazama na kutazama inchi nyingine, tusizozijua, na watu wengine, wasio na bendera ya kideutschi,

---

1) Missionare.

tuwape bendera. nami nimefuraḥi nilipokuja hapa, marra nimeona bendera ya kideutschi, marra nimejua weye ni rafiqi ya sirkali deutschi“. bassi waqati ule akasema Merere: „tafáḍḍal nna mashauri nataka kusema nawe. tafáḍḍal ngoja ḥatta kesho, uje mchana tuonane tufanye mashauri haya“. khalafu tukaondoka tukenda zetu kambini.

ḥatta siku ya pili tukarudi kwa Merere. na tulipokwenda hatukumkuta ṭayyari, lakini lázima kumngojea sa'a nzima. na bana Bumiller hastahamili. lázima kumtuma mkalimani, akenda akamhimiza. ḥatta ilipopata sa'a, akatokea barazani. alipokuja barazani, kaanza salám yake, nayo yaḥitaji siku ile nuṣṣu sa'a ḥatta yakisha. akamwuliza bana Bumiller, ya kwamba ataka sikiliza khabari ya Uhehe, shauri gani? ma'ana amesikia khabari ya bana Zelewski, ya kwamba amepigwa na Wahehe. nao ulikuwa mṣiba mkubwa wa Madeutschi, na yeye Merere vilevile ana mṣiba, ma'ana hawa Wahehe kḥásimu zake tangu zamani. akamwambia tenna: „wamenifukuza katika inchi ya babangu, wamenileta ḥatta huku Usafa, ma'ana huku Uténgure ni Usafa. nami naomba du'a kurudi katika inchi ya áṣili yetu, bassi iwapo mtaweza nyie Madeutschi kunitilia msa'ada, twende tukapigane na Wahehe. miye ntaweza huu upande wangu kuzuia, na nyie mwanze pande nyingine, lakini nileteni qadri ya 'askari mitēni na Wazungu wanne, na miye ntaweza kuwapitisha ḥatta waingie Uhehe“. khabari ile kamfuraḥisha bana Bumiller, akamwambia: „aḥsante sana, shauri hili tunataka, lakini lázima niende nikamkhubiri bana mkubwa Rumbira“.

akatufahamisha tenna na mshenzi moja, áṣili alikuwa ḥádimu yake, jina lake Kimaraunga, akatwambia, kama anataka kwenda kumpiga. ma'ana sasa ametakabbari yule ḥádimu, kichwa chake kikubwa, sasa ame-

pata mali, amejitenga mbali, anataka kumpiga bana wake. bassi bana Bumiller, kama ataweza, atafadali siku hiyo tuondoke tukampige Kimaraunga. bana Bumiller akamwuliza: „itachukua siku ngapi toka hapa hatta kufika huko kwake?“ asema: „huchukua siku tano“. akamjibu: „siwezi kwenda huko, lazima nirudi kwa bana mkubwa kwanza, kwani hakunipa amri ya kupiga watu billa sababu. bassi nieleze khabari yake vema, nikamkhubiri bana mkubwa. akitoa rukhsa, tarudi kwenda kumpiga amma kufanza shuluhu mpatane“. lakini katika 'aqili ya Merere hakutaka ile shuluhu, azima yake ni kutaka mpiga Kimaraunga, amnyanganye pembe, yateke, na watu wake afanye watumwa. hakuja, kama Wazungu hawataki kunyanganya.

akazidi kuleta mashauri mengine piga Washenzi wengine, waliomo qaribu ya inchi yake, wasio nguvu. akatwelezea na mshenzi moja, aliyo qaribu ya Utengure, mwendo wa sa'a mbili tu, akatwambia, mshenzi huyu humzarau, bassi ataka amwondoshe katika mji wake, amma amwadabishe awe chini ya miguu yake. na yule mshenzi anamsumbua Merere sana. ma'ana katika mji wake Merere hawezi kuingia — imezungushwa kwa handaqi mbili za maji, ni asili kutafadali sisi kwenda kumpiga. walakini katika 'aqili ya bana Bumiller alijua, kama yule Merere hataki wale Washenzi wadogo wenyi miji yao pekeyao kujikalia billa kwa hokumu yake, ataka yeye hokumu pekeyake katika barra hii yote. na bana Bumiller humwitikia: „vema, lakini amri shurti itoke kwa bana mkubwa. akisha toa amri bana mkubwa, lazima ntapiga. lakini vibaya miye kuletwa huku kuja kufanya shuluhu na kuweka bendera — kuja kuwapiga watu burre, nao hawana sababu waliyonitenda“. Merere akashika tama'a, ya kuwa bana Bumiller arudi Rumbira, atakwenda kum-



tengenezea maneno mazuri kwa bana Wissmann, apate kuwapiga Washenzi, waliomo katika pande za Usango.

tukakaa siku nne kwa Merere. na kulla siku huleta chakula cha 'askari ngombe na unga, na Wazungu wakaletwa kondoo wanne na kuku na mayayi. tukamwaga, tukamwambia: „tunataka rudi Rumbira“. akatoa watu na pembe mbili, kulla moja frásila tano, kwenda kumwamkia bana mkubwa Wissmann. akamwamrisha yule mkalimani wake Mwenyi Tshande na watu wake heda'áshar, ili kutwonyesha njia kuturudisha Rumbira.

ametupitisha vilima vya Usafa kushukia Konde. na katika njia, aliyotupitisha, ilichukua siku sitta hatta kufika bahari ya Nyassa. njia hiyo ina mianzi sana na mitu ya miti mingine mikubwa sana. na mtu aki-toka na mitu hii ya mianzi na miti mingine hushukia Konde.

na siye tulipokuja Konde, ilikuwa inchi nzuri sana tuliyoiona. na watu wa kule watu wa nguvu sana, lakini hawavai nguo. katika nyumba zao nadifu. wao na ngombe wao hulala katika nyumba moja, lakini mchana, mtu akiingia katika nyumba, akiona ule unadifu, hajui kama kulikuwa ngombe. nao wana ngombe na kondoo wengi wa 'ajabu. kulla mtu huwapenda ngombe wake kama mtoto wake, ndio sababu hutwaa ngombe akawalaza katika nyumba. naye haoni uchafu ya kuwa haya mavi, anaona bora kama lulu, hutwaa mavi akajengea nyumba yake. na ngombe wao, aki-mwona bwana wake, humtambua.

nao chakula chao mno maziwa na ndizi za kuchoma. tenna kuna vyazi vingi sana, kuna magimbi<sup>1)</sup>, kuna mahindi, kuna mtama na mawese na vyazi vikuu vingi sana na muhogo na mbaazi na kunde na chooko na chooko za kizungu.

---

1) Batatenart.

lakini chakula chao kizuri wanachopenda sana ni ndizi. vyakula hivo vyote hufa'a katika inchi, udongo wake ni mwema, haukatai vyakula. kulla waqati hulima, ikiwa jua hulima, ikiwa mvua hulima. na tenna vyakula vyao vyote rakishi. mkono wa nguo hupata mikungu miwili ya ndizi, huwezi kuichukua pekeyako. amma hupata pakacha la vyazi, huwezi kuvila siku kumi. na malesi mizigo miwili ya watu wenyi nguvu hupata kwa mkono na nuşu, na mbuzi hupata kwa upande wa nguo, na kuku hupata wawili kwa mkono moja, na mayayi thalathini kwa mkono moja. wao wenyewe hawali mayayi, hufuga bassi. wageni, wanaokuja katika inchi, ndio wanaokula kama Wazungu na Washenzi wengine, wanaotoka katika inchi nyingine. wao wana-kula samaki na nyama ya ngombe na nyama ya kondoo na nyama ya mbogo na nyama ya kiboko na mamba wanakula. hula nyama mbichi kabisa ao ya kuvunda, ma'ana wanaacha nyama hii, wakichinsha siku mbili tatu, hawatii chumvi, na nyama huvunda. hawana chumvi katika inchi yao. wakiona chumvi hupigania ile chumvi. hubugia chumvi, hawataki kuunga. chumvi ndio ghali. ukiwa na chumvi, utapata kulla kitu utakacho katika inchi ya Konde. ukitaka ngombe utapata kwa chumvi, ukitaka mbuzi utapata, ukitaka mtumwa utapata kwa chumvi, ukitaka pembe utapata kwa chumvi. ukitwaa gao <sup>1)</sup> la chumvi, utapata chakula cha siku tano.

inchi ile ina ne'ema sana. hapana inchi nzuri katika inchi ya kideutschi ya Afrika yote kama Konde. inchi yenyewe ina udongo mtupu, na popote maji mengi sana. kulla kitu chafa'a kupanda kule Konde. na mtu akiwaona wenyewe, waanaume na waanawake, jissi wa-

---

1) Handvoll.

livo na nguvu na şura nzuri, hujua kama kweli inchi ya 'afya. nao tenna wakubwa sana Wakonde. na umardadi wao katika mikuki, huichukua qádiri ya mikuki mitano, mikuki minne huwa mkononi moja na mkuki moja huwa mkono wa kulia.

huzuka nywele zao, hutwaa mafuta hujipakaa mwili mzima. bassi mwili wake huŋgara kama chupa. na akenda mtu, huthanni anatoka jasho, lakini ni mafuta yanayochiririka. nao wakenda katika njia, huenda kwa tartibu na majivuno kwa mguu mojamoya kupiga mguu chini sana kutingisha inchi.

na machezo yao hupiga ngoma, hucheza manamme na mwanamke. mwanamke hutingisha kifua na mwanamme huruka akitingisha kifua na kupiga miguu chini na mikuki yake mikononi. na mtu akiwa mbali, akisikia machezo yao Wakonde husikia inchi kutingishika jissi wanavopiga miguu chini kwa nguvu. nao hawemi, lakini hunguruma tu, kwa jissi wanavoona nguvu. na ukimkuta Mkonde katika migomba, hatazami mtu kwa kiburi chake, husema dunya yao pekeyao, sababu huona hapana inchi kama inchi yao.

na mtoto akizaliwa kwao, kwa siku ya pili hutoka nje kwa ájili hawana stara. hutwaa udongo mwekundu, wakampaka mama yake, humfungia huyu mtoto mgongoni. kwa siku ya kumi ya kuzaliwa mwanamke anakwenda zake huko mashamba, akenda kulima na mtoto. na mwanamke akichukua mimba, ijapokuwa mwezi wa tis'a, hana stara. hana nguo illa majani ya mgomba. hana chakula kilicho ni cha mgonywa, chakula chake hageuzi. na chakula cha mtoto ni maziwa na ugali na ndizi na malesi. mtoto huyu huhukuliwa mgongoni wa mwanamke hatta khátima yake. akisha kua hasomi, kazi yake kuchunga ŋombe na kulima. waana-wake na watoto hulima, waanaume huhunga ŋombe bassi.

wakioa hufanya karamu ya pombe la ndizi na maziwa ya ndizi za kuchoma. hucheza machezo yao, hutwaa ngoma, wakajizungusha uanjani, watu wawili huwa katti. hupiga ile ngoma, na mwanamme hucheza na mikuki, na mwanamke hucheza kwa mabega. mwanamme hupiga mguu chini, akatingisha na mabega. wakisha mchezo wao hutoka, wakavaa kengele miguuni vijana wa herim moja. huchukua mikuki wakicheza wakipinduka na kwenda mbio. na mwendo wao sawa-sawa, miguu hupiga chini mshindo moja. huenda kulla pahali palipo jama'a yake. na wao hufarahiwa hutoa ngombe na maziwa. hii ni furaḥa yao. wakesha kuku-sanya, wakenda zao, hugawa nuṣṣu kwa nuṣṣu, wakampa bana 'arusi na nuṣṣu huchukua wao. nao hawapendi mtu mwingine aoe watoto wao, shurṭi wao wenyewe kwa wenyewe waoane.

hawafanyi vita na watu wengine, hupigana wao kwa wao. silaha zao mikuki, hawana bunduqi, hawana mishare. lakini wao hodari sana, hawaqubali kujenga boma, wameṭuma'i mikuki yao. wamekaa katika migomba yao, wanasema „hapana watu kama sisi kwa uhodari“. wakitokea waungwana hurudi nguvu zao. huwaṣiḥi husema „hapana watu kama waungwana“, kwa ajili wanaona zile bunduqi, wanaogopa kuliko radu. wanasema: „waungwana tusiwapige, kwa ma'ana hawana da'awa, huleta vitu tukinunue, na ne'ema katika inchi tuwafanze, ni ndugu zetu“. wakiona mshenzi anapita katika inchi yao, hawaqubali, humpiga, husema: „hawa wanakuja kutuchukulia ngombe wetu, na wakitupigia inchi yetu na ngombe wetu tutakula nini?“ ngombe wanaona bora kuliko inchi, kuliko watoto wao.

na katika khabari za watumwa sultani wao husema: „watu wangu wote watumwa wangu“. lakini

watu wengine wana watumwa wenyewe, hupigana wakawateka, ao hununua kwa ñgombe kwa wenzi wao. hununua mtumwa moja kwa ñgombe moja. na ñgombe moja utanunua kwa doti mbili za nguo. be'i ya mtumwa mwanamke sawasawa na mwanamme, ma'ana hawajui ma'ana ya mwanamke na mwanamme, husema „wote wamekhuluqiwa na mtu moja“.

na katika inchi zao wako nyama tele. kulla nyama iko, hatta tembo wako, na vifaru viko na mbogo wako na viboko viko na mamba wako.

mpiga tembo hupiga na bunduqi, lakini wenyewe hupiga na mikuki. humwandamia mahali alipo, humwendea kwa tartibu, hatta akifika qaribu — humpiga mkuki wa sumu mbavuni. akesha hukimbia, sababu wanaogopa qaruba za tembo. na tembo huenda akafia mahali pengine. wao humfuatia kinyumenyume hatta mahali atakáopia. akisha kufa huchukua pembe, wakakata na nyama yake, huenda kuuza, na pembe huenda kuza vilevile. frásila moja utapata kwa jora sitta.

na kiboko hupiga na mkuki. mkuki huu huwa na kamba na kamba huwa ndefu sana. wakimpiga huwachia ile kamba, akenda hatta akachoka kurudi nguvu zake, nao wanamvuta wakampandisha inchi kavu. huchukua nyama yake, na ngozi huitupa na kichwa huchitupa. na mamba vilevile wanapiga na mkuki.

mtu akifa shurŕi watu wote waalikwe. wakisha kuja, huja katika nyumba wakaondosha killa kitu chake cha huyu aliyekufa. wakaŕesabu ñgombe wake, wakaŕesabu mbuzi wake, na kulla kitu, kilichomo nyumbani, chaŕesabiwa. humwamru mtoto wake na mama yake, humwambia — ya kuwa: „tunataka kuzika“. wao hutoa rukhŕa, hutoa ñgombe na mbuzi, ñgombe nne amma tano amma sitta, akaamru na mashamba yake: „nendeni mkaŕaribu vitu vilivyoko katika mashamba, kulla

chakula kilichoko, nendeni mkavikate vyakula“. sababu anaona uchungu, anasema: „sioni kitu kuwa bora kuliko mume wangu, nimemkosa mume wangu — na vitu vyote nivikose“. huchukua zile n̄gombe wakachinsha, wakafanza karamu na machezo. khalafu wakisha kula na kucheza huenda kuzika. watu wote huchukua mikuki, huenda mbio na wengine wanarudi. wakifika penyi qaburi lake humzika. huchukuliwa na nguo zake zote. wakisha mzika, hurudi katika mashamba yake kuharibu vyakula vyake vya huyu aliyekufa. wanaharibu migomba na mahindi na vyazi na malesi na magimbi, yote wanaharibu, hatta nyumba yake hutia moto. na mkewe huenda zake kwao na watoto wake, huchukua na n̄gombe zao. nuṣṣu ya mali ya n̄gombe huchinsha, huwapa watu, na nuṣṣu huchukua mtoto wake na mamake.

na yule mke akitaka kuolewa tenna — huolewa, hana mṣiba. mṣiba wanasema wale n̄gombe, waliochinshwa, na mashamba yaliyoharibiwa, na nyumba ili-yotiwa moto, husema hutosha mṣiba.

turudi sasa katika safari yetu. siku hiyo tulivofika Konde, tukauliza katika mission ya Wazungu. wakatwambia, mwendo wa sa'a thená'shara tutafika mission. ilikuwa sa'a sitta za mchana, tukenda mwendo hatta sa'a thená'shara za jioni. 'askari wakachoka, ikalázima 'askari kujenga kambi. bana Illich na bana Krause wakakaa na 'askari pamoja. bana Bumiller akaniamrisha kuchukua mizigo mitatu yake na wapa-gazi watatu na Mwenyi Tshande na 'Othmani. tulikuwa bunduqi sitta, illa kufuata usiku wa jiza na vilimani na mito, lázima tufike katika mission siku ile. Mwenyi Tshande akasema: „haifai, ma'ana hapa kambini hatta kufika penyi mission, tukenda upesi, lázima sa'a sitta itachukua. na huku khatari kwa hawa Wa-

shenzi, wajinga bado, wakisikia watathanni vita. na nyama huko wengi, na simba na chui wengi, afađali tulale hapa“. bana Bumiller akasema: „sitaki, lázima nifike katika mission leo“. ikatulázima kwenda usiku katika usiku wa jiza na njia mbaya. tukenda katika njia hizo, kazi ya kupanda kilima na kushuka na kuvuka mito. hatta tukafika qaribu ya mission, ilikuwa sa'a tano u nuşşu ya ki'arabu usiku. marra tukasikia Washenzi wanakuja, waketa kwa maneno ya kikonde. wakauliza: „watu gani nyie?“ tusiwajibu. wakanliza marra ya pili. Mwenyi Tshande akawajibu akawambia: „huu msafara wa Mzungu, tunakwenda katika hii nyumba ya mission“. ndio ma'ana waliotupisha.

hatta ilipopiga sa'a then'áshara wa robo, tukafika penyi mission. nao hawakujua, kama pana kuja Wazungu. wakaamka na bunduqi zao, wakathanni vita, wakauliza kwa maneno ya kikonde. Mwenyi Tshande akawajibu: „wanakuja Wazungu“. na bana Bumiller akaweta kwa kideutschi: „siye rafiqi yenu“. khalafu waliposikia şauti ya kideutschi, wakazidi kujongea kwetu kuja kutuchukua. wakafurađi sana walivoona mtu jama'a yao, na bado mtu wa sirkali. wakafanya heshima sana, wakaongea naye sana. akawambia: „nangoja msafara wangu, kesho ntaondoka“. hatta aş-şubuhı tulivoamka, tukakaa hatta sa'a tano, ndipo msafara ulipokuja. marra tu-kaondoka tukenda mbele katika mission nyingine. na kutoka pale hatta kufika mission nyingine huchukua sa'a kumi.

tangu tulipoondoka, tumeingia katika mashamba ya migomba hatta kufika mission nyingine. hapana mti mwingine illa mgomba, nayo mwendo wa sa'a kumi. mtu akiingia pale, haoni jua kwa migomba. tukafika katika mission ya pili, na bado askari hawajafika. hatta siku ya pili wakafika aş-şubuhı.

tukaondoka kwenda mission ya tatu. tenna pale qaribu ya bahari ya Nyassa, mwendo wa siku moja. pale ndipo tulipopata khabari, ya kama bana Wissmann amekwisha reje'a Rumbira katika safari yake ya Mafiti. na kutoka hapo mission ya tatu tumeondoka aš-šubuḥi, tumekwenda ḥatta sa'a sitta, tumepumzika na kutelekeza.

wale Wakonde wa kule ni ba'adi nyingine. na mkubwa wao mwingine, jina lake Makenya. na Wakonde wote wanamwogopa Makenya kwa ukali wake. naye huwafanzia uzia wale mission. na mission akatwambia, tuangalie sana katika inchi hii ya Makenya, ma'ana yeye khatari sana.

na siye kufika kule mchana, hapo tulipotelekeza, tukenda mbele watu sitta vilevile na bana Bumiller, ma'ana msafara unakwenda polepole, hatuwezi kufuatana nao. tukenda ḥatta sa'a hedá'shara jioni, tukafika pahali penyi mto kungojea msafara, waje walale pale, na siye twende mbele. msafara ukafika wote. bana Bumiller akawambia bana Illich na bana Krause — ya kuwa: „jengeni kambi hapa mlale, na miye nakwenda kulala kwa Makenya, ma'ana nimesikia hapa na kwa Makenya sa'a tatu, na nyie hamtaweza kwenda mmechoka. bassi nachukua watu wangu na vitu vyangu kidogo, nende nikalale huko kwa Makenya. na mkisia bunduqi imelia — mjue, ya kama kuna vita. kama hamkusikia bunduqi — hapana neno. na mkiondoka aš-šubuḥi, msinitafute, ma'ana ntachukua mitumbwi ni-vuke Rumbira upesi, nipate kuleta matishali yaje ya-chukue msafara“.

tukawacha msafara wetu nyuma, tukenda mbele, ili kwenda kwa Makenya. tulipokwenda mwendo wa s'aa, kulla mtu tunayomwuliza „Makenya qaribu“, husema „Makenya papo“. yule Mwenyi Tshande akam-



tuma Mkonde kamwambia: „upesi nenda kwa Makenya kamwambie, kama anakuja Mzungu wa sirkali, bassi asije kufanya gházia yake, kama anavofanzia mapádiri. hawa hawaqubali, akifanza wazimu kidogo — watampiga, wachukue na mali zake zote. bassi afanze tartibu, aje akutane naye katika njia, amchukue kwa hëshima qabla hakufika penyi nyumba yake“.

yule Mkonde akenda akamwambia Makenya. Makenya akaogopa, akaja upesi, akatukuta njiani. na alipokuja, hapana mtu aliyomtambua, kama ndio Makenya mwenyewe — jissi alivoogopa. alinyenyekea kama mtoto mdogo. akaja akatuchukua, akatupeleka penyi nyumba yake, akatwambia: „lalani katika nyumba yangu, na miye ntalala pahali pengine“. vile ni kuogopa pia. lakini na siye hatuqubali kulala katika nyumba yake, afađali tulale nje katika hema yetu, ma'ana tulithanni alitaka kufanya 'aqili kutia nyumba yake moto. bana Bumiller akampa rukhša, akamwambia: „nenda kalala, kesho aš-šubuhi nataka mitumbwi kutuvusha twende Rumbira, walákin watu wangu walioko nyuma, 'askari wangu, na Wazungu wengine watazame vema, wasije kuđurika. na weye fanza safari katika siku hizi, wende ukamwamkie bana mkubwa. na wewe ukituletea vyakula ukituzia, ma'ana tuna watu wengi katika mji wetu Rumbira, na nyie mtapata manufa'a mengi, nguo na ushanga, killa kitu mnachokitaka mtapata“. bana Bumiller akenda kulala, lakini Makenya hakuaminisha kwenda kulala, kwani asije kuja Mkonde mwingine akatuđuru sisi, khalafu ta'abu ataipata yeye. bana Bumiller amempa rukhša kwenda kulala, lakini yeye hakwenda, akakaa nje mpaka aš-šubuhi. tulipokwenda kulala, ilipopata sa'a moja, ikaja đarba na mvua, ikatwangushia hema. hakuweza mtu kulala kwa mvua na upepo na mbu wengi sana.

siku ya pili aş-şubuhî tukaondoka kwenda kuingia katika mitumbwi kwenda Rumbira. na hapa hatta Rumbira yapata sa'a tatu. tulipoqaribia Rumbira, wale hawakujua, ya kama ni siye, sababu tulitokea upande mwingine. hatta tulipofika, ndipo walipojua, ya kama sisi. tenna wakafurahi sana, ma'ana walithanni kama tulipotea, kwani tangu tulipoondoka Rumbira, hawakupata khabari yetu.

bana Bumiller akaamrisha matishali kwenda kuchukua msafara wetu. tenna tukakaa Rumbira siku sitta'shara. na katika siku hizi Washenzi wakaja kufanya bi'ashara. nao wakaleta vyakula vingi sana, na ngombe na kondoo na kuku, killa kitu walicho nácho wakaleta, nasi tukanunua. na hawa wafalme wakaja wakamtazama bana mkubwa, lakini hawana nguo kabisa, huvaa winda tu.

tukakaa siku kidogo kule Rumbira. bana mkubwa akaamrisha safari, ya kuwa bana Bumiller asafiri ende Usango kwa Merere, min ájili ya kupatana naye atutafutie wapagazi. tukasafiri na bana mkubwa pamoja, ili kupitia Konde, ende akapige nyama kwanza, ndipo wagawe safari. tulipokwenda Konde, tumekwenda mwendo wa siku mbili, tumefika katika mji wa mission, ndio waliotuelezea penyi simba na faru. wakatupa kirongozi kutupeleka. kutoka hapa mission hatta kufika penyi simba — siku moja u nuşsu. tulipofika huku kwa siku ya pili, tukajenga kambi katika mwitu, ili kungoja usiku, ya kuwa simba atakuja amma chui. na siku hiyo hatukulala, tumeingia mwituni kuandamia simba na chui, walákin hatukuwaona, tumesikia wakilia.

na hapo tulipojenga hiyo kambi yetu, pana maji ba'adi mbili, moja maji ya baridi na moja maji ya moto — yanachemka, yanatoka katika ardi, nayo hu-

ruka sana jissi yanavochemka. mtu hayawezi kuyakamata. na mtu mwenyi funza, akitia miguu yake ndani ya maji haya — matekenya<sup>1)</sup> hufa. na maji haya nathanni mazuri kuyakunywa, lakini hatukuyajaribu. lakini Ulaya nimeona maji kama hayo, yana 'afya kwa watu wagonywa, kama watu walinambia, ma'ana mtu akinywa huendesha kama msahla<sup>1)</sup>.

tumekaa siku tatu katika kambi hiyo, hatukupata kupiga simba. tukarudi kwenda kule mission. qaribu ya mission tumejenga kambi, ndipo tulipogawana safari yetu. bana mkubwa alitaka kwenda piga faru, na bana Bumiller kwenda kwa Merere. bana Bumiller akachukua 'askari kumi na saba', na bana Oehm kwenda naye pamoja.

tukaachana tukenda zetu mwendo wa sa'a sitta. mpaka sa'a moja ya usiku tukafika pahali penyi mji wa Konde. nao watu wa pale wakali sana, na ujinga wao mwingi. bado hawakuelewa khabari ya Wazungu. walipoona bendera yetu wakashituka. wakaja wale Washenzi wote kuja kuzungusha kambi yetu kutazama mavazi ya 'askari. khalafu akatokea yule ndugu yake ya yule mkubwa wa mji ule, naye pande la mtu, akatokea pale na kiburi chake na majivuno yake, akachukua mikuki sitta mikononi. mkalimani wetu 'Othmani bin Sa'id akamwambia mkalimani wa kikonde, kama awambie hawa, watupe kuni tupikie, amma watuzie. wale Washenzi wakakataa, wakatwambia: „tafuteni kuni wenyewe. amma nani aliyoweteni kuja huko? siye hatuogopi Wazungu, wala bendera yenu. bassi msiwe mkijivuna sana, siye hatujui Mdeutschi na bendera yenu na sultani wenu, tunamjua sultani wetu

---

1) in kikonde Sandfloh. Die Suaheli sagen funza und wadudu wa Kepu (Kapstadt). — 2) Abfuhrmittel.

tu". 'Othmani alivosikia vile, na 'askari Saleh, Comore, akamkamata yule mshenzi mrefu, akamtupa chini kumnyanganya mikuki. 'Othmani akaamrisha na 'askari wengine kumsa'idia Saleh. hatta 'askari wengine walikuja, yule mshenzi akainuka juu. Saleh akamkamata akamtupa vilevile. 'askari wakamchukua, wakamleta kambini kwa bana Bumiller. marra ikaamrisha „shika bunduqi mikononi“, „bunduqi tayyari“. tukazungusha kambi zetu, kwani Washenzi wote wataka kutupiga. alipoona vile tulivozungusha kambi kwa bunduqi zetu, na yule mshenzi akafungwa — bapa Bumiller akamwuliza 'Othmani — ya kuwa: „sababu mlivomfunga huyu mshenzi?“ 'Othmani akamwelezea khabari zote, ya kuwa ametukana bendera yetu, asema hawajui bendera ya kideutschi. bana Bumiller akauzika vilevile, akamsaili — ya kuwa: „kweli umesema?“ yule mshenzi akasema: „ndio nimesema, lakini nisamehe sasa“. ikalazima kufungwa siku hiyo hatta as-subuhi na kuleta ngombe kumi na wawili, waje wanunue bendera, wapatete kuijua.

lakini jissi walivoogopa Washenzi wote — ni kwenda usiku wakifika hapo penyi mkubwa wao, wakifanya mashauri hatta waje wamwondoshe yule mwenzi wao katika kifungo. katika sa'a saba' ya usiku, tukasikia watu wanakuja. alikuwa yule mkubwa wa Washenzi, anakuja kutaka raqi kwa bana Bumiller, awasamehe, naye aqubali kuleta ngombe then'ashara, wanunue bendera, naye amrudishe ndugu yake. bana Bumiller akamwambia: „mimi singalimfunga, lakini yeye amejifunga mwenyewe. ma'ana miye sikuja huko kuja kutaka ngombe amma mali, lakini nimetumwa kutazama inchi hii, na kufanya shuluu watu wasiopatana, na kuweka bendera sultani wetu. na huyu ameitukana bendera yetu. lakini kama angalikuwa

mtu mwenyi 'aqili, akajua ni 'aibu kutukana bendera — ningalimpiga rişasi, lakini huyu mjinga hajui. ndio ma'ana mlete nğombe then'ášhara, mpate kujua, ya kama haifai kutukana bendera. na khabari hii isipite marra nyingine“. akaqubali, wakaleta nğombe.

tukaondoka katika safari ya kwenda kwa sultani moja, jina lake Maisote. na tangu tulipoondoka pale ikawanza mvua ya masika. tukapigwa na mvua — hatta mwendo wa siku moja hatuwezi kwenda kwa siku mbili, kwa jissi maji yalivokuwa mengi. ma'ana ikinya mvua sana Konde, lázima mtu aogele. na nyumba zao vilevile huogelea kwa maji mengi.

tukenda mwendo wa siku tatu, tukafika pahali pana mtu mkubwa, walákin hatujui upande gani unakokwendea, kama unashukia upande wa Nyassa, amma unakwenda upande mwingine. bana Bumiller akamwambia 'Othmani: „nenda panda katika kilima, ukatazame huo mto unashukia wapi?“ 'Othmani akawacha bunduqi yake na pistole yake kwetu, akenda kutazama. na siye tukenda mbele. hatta aliporudi, haukuta msafara, umekwisha ondoka. akatufuatia nyuma, asitupate. alipokwenda mwendo wa nuşşu sa'a, akakuta Wakonde wawili, nao wana mikuki. akataka kuwauliza, kama hawakuona msafara wa Wazungu, wanaokwenda mbele huku. na wale Washenzi 'ázima yao wanataka kumnyanganya 'Othmani. wakaja wakamkamata wakamwambia: „lete koti<sup>1)</sup> lako“. akataka kusita kidogo, lakini wao wakamwambia: „kama hutatoa tutakupiga“. akawapa ile koti. „vua na kanzu yako“, wakasema. akakataa. na wale Wakonde wakubwa sana, watu wa nguvu, nao hawana nguo, walikuwa utupu. walipomkamata 'Othmani, walitaka kumwangusha chini. aka-

---

1) engl. coat.

pigana nao hatta yapata nussu sa'a. 'Othmani aka-choka. wakamtupa chini, wakamchoma mkuki katika mguu. alivoona wamemtupa chini, akafikiri „tafanyaje sasa“? akapata hekima, akamkamata moja utupu sana, akavuta, akamtupa chini. 'Othmani akachukua mkuki wa yule, aliyoanguka chini, kupigana na yule mwingine. yule mwingine akakimbia. alivokimbia marra atokea yule mkalimani wa Merere, Mwenyi Tshande, amemjia 'Othmani. lakini yule Mwenyi Tshande hakumjua, ya kama ndiye mtu wa bana Bumiller, illa alivoqurubia ndivo alivotambua, kama huyu ndio mkalimani wa bana Bumiller. tenna akaja akamchukua 'Othmani, waka-fuatana wakaja hapo tulipojenga kambi yetu.

wakaja wakatuelezea khabari zote, ya kuwa 'Othmani alipigwa na Washenzi, wamemchoma mkuki. ikabidi kutafuta yule sultani wa ile inchi, atafute watu hao. tukamwambia: kama hukuwatafuta, siye tuta-fanya vita“. yule sultani akasema, kama hawezi ku-watafuta, sababu hawajui. na siye tukawacha khabari, lazima awatafute, hatta tukirudi kwa Merere — lazima atupe watu hao.

tukaondoka kwenda kwa mfalme Maisote, aliye chini ya amri yake Merere. tulipofika katika inchi yake, akatushika kwa heshima. tukakaa siku tatu kwake, kwa sababu bana Bumiller hawezi. kuondoka hapo bana Bumiller amechukuliwa ndani ya machera kupanda juu ya vilima, na mvua nyingi. tumekwenda mwendo wa sa'a tisa' kupanda kilima kimoja. kule juu ya kilima tukajenga kambi yetu. ilikunya mvua sana. tukakaa mudda wa sa'a mbili, wakatokea Wasafa, waliotoka Usafa, wakaja wakatwambia, kama njia haiendeki, kwani Wahehe wanakuja. na bana Oehm, alivosikia khabari hiyo, akamwambia bana Bumiller — kama: „turudi twende zetu Nyassa, kwani

hatuna watu wa kupigana na Wahehe“. bana Bumiller akakataa, akasema: „sirudi nyuma, mpaka niwaone, lakini sikimbii vita nisivyoviona“. hawa Washenzi wakazidi kututisha, kama wanakuja Wahehe wengi sana, lakini bana Bumiller hakusikia maneno yao.

tulivoondoka aş-şubuhi, tukafuata njia kwenda Usafa. naye akachukua wale watu wawili, walio-twambia khabari hii, ya kama watuonyeshe hapo Wahehe walipo. wakatangulia. tukenda mwendo wa sa'atisa' — hatukuona mtu, wala hatukuona 'alama ya mtu mbaya kupita. tukazidiwa na mvua, ikabidi kulala kule mwituni kwa mvua nyingi. hapo tulipo-jenga kambi, tuliwasha vibiriti vingi, havikuwaka kwa mvua nyingi na baridi.

tukakaa hatta siku ya pili tukaondoka tukenda Usafa kuuliza hawa Wasafa — ya kuwa: „kweli Wahehe wamekuja huku?“ wakatujibu — ya kuwa: „haktukuwaona Wahehe kupita“. ndipo tulipojua, ya kama wale walitaka kututisha kweli.

tukakaa Usafa siku mbili kupeleka khabari kwa Merere, ya kuwa tunakuja. alipopata khabari, akaleta watu kutuchukua hatta tukafika Uténgure. tulipofika kule Uténgure, akatushika kwa héshima, akatupa nyumba mjini kukaa. lakini katika sisi kukaa Uténgure na yeye kutupa nyumba kukaa mjini — alikuwa ana khofu, Wahehe wasije kutujia usiku kambini, ndio ma'ana aliyotwita mjini. tukakaa siku nane kwa Merere. kulla siku ni kufanza shauri ya wapagazi, lakini yeye hawezi kukataa. na bana Bumiller hawezi. hatta siku moja bana Bumiller akamwita katika nyumba yetu kufanya shauri, tupate kuondoka. na siku hiyo alikufa mpagazi wetu. akakataa asema: „siji huku, ma'ana amekufa mtu. naye bana Bumiller asije nyu-

mbani kwangu mpaka zipite siku nne, sababu amekufa mtu, na miye baifai kuona mtu, aliyoona maiti“.

ikawa siku ya pili bana Bumiller akamtuma mtu, akamwambia: „nenda kwa Merere, mwambie, nakuja kwake“. akamkataza. na siye tunataka kuondoka. alipokuja majibu, ya kuwa yeye asiende, akamrudisha mkalimani, akamwambia: „nenda mwambie — vema, siji leo, lakini kesho lazima aje kwangu. na kama hakuja — khabari itakayopita — asinilaumu“.

aliposikia vile Merere, akakhofu sana. siku ya pili aş-şubuhî akaja kwetu. wakafanya mashauri ya wapagazi. hatta ilipopata nuşşu sa'a, akamwambia, mudda wa siku tatu atatoa wapagazi. bassi tukakaa pale siku tatu, akatupa watu arba'ini, akatwambia: „wengine watakuja nyuma“. tukawachukua, ili tupitie njia ya kwendea Unyika.

na katika njia tunayopitia, kulla mji tunaofika, hukata mfalme mwingine. na wale Wanyika mali yao mbuzi na ñgombe. na vitu wanavyopanda kule mawese na mtama. na mtu akifika katika mji, wakijua, kama pana kuja wageni, hufunga lango la boma, hukimbiza ñgombe zao na mbuzi zao kwa sababu ya kuogopa.

mji tulipofika kwanza katika inchi ya Unyika, huyo mfalme huitwa Karondo. wakatufungia lango, na siye hatuna vyakula. bana Bumiller akamwamrisha mkalimani — ya kuwa: „nenda mjini, ukamwambie mkubwa wa hapo, kama afungue mlango, atupitisha mjini, amma kama hataki, walete vyakula hapa tununue, ma'ana watu wangu hawana vyakula“. akaja yule mwenyewe mji, akatwambia: „hatuna vyakula, na siye hatuna mbuzi wala ñgombe“. alivosema vile, bana Bumiller akasema „kama huleti chakula, bassi fungua mji tuingie, tukae sote tufe na njaa“. akatutia mjini.



tulipoingia tukakuta wote wamekimbia, wako watu kidogo tu. na vyakula wamevificha. tukakaa mudda wa nussu sa'a, akatokea 'askari mmoja nje kutafuta kuni. alipoingia mwituni, akakuta mbuzi na ngombe na kondoo wote kule mwituni. akarudi 'askari, akaja akasema, kama wako ngombe na mbuzi wengi. marra ikaamrisha bunduqi sitta, wakakusanya mazizi ya ngombe na mbuzi kuleta. walipozileta, bana Bumiller akamwambia yule mkubwa pale mjini: „ngombe hizi si zako?“ akasema: „zetu“. akamwuliza: „mbona unasema huna mbuzi huna ngombe?“ akasema: „hizi za watu wengi, si za miye pekeyangu“. lakini bana Bumiller hakuzitaka burre, alitaka kuzinunna. ikabidi siye kuchukua zile mbuzi na ngombe, tuondoke pale mjini, ili kumtaka kumtisha yule mshenzi na kumwadabisha, asiseme uwongo tenna. msafara ukaondoka, na yule mwenyewe akatufuatia na watu wake kututafadali tuwarudishie mbuzi zao na ngombe zao. na damiri yetu twataka kuwatisha hatta siku ya pili tuwarudishie.

tulipofika mwituni, tukajenga kambi, tukachinsha ngombe moja na mbuzi wanne. hatta as-subuhi tukawakuta wale Washenzi walilala qaribu ya kambi yetu, hawana roho kabisa kuwachia mazizi yao. bana Bumiller akaamrisha 'askari — kama: „rejesheni mali zao hawa Washenzi“. na mkalimani akawaelezea: „kipita Mzungu ao mgeni mwingine hapa, lazima mshike uzuri, mpe kula na kunywa. kama mkifanya kama mmefanya leo na sisi, mtakuja kupata adabu yenu“. wakafurahi sana, wakasema „ahsante“. na zile tuli-pochinsha tukalipa nguo.

tulipokwenda mji wa pili, wakataka kutufanya vile, lakini hawakuwahi kuficha, ma'ana marra tuli-kwenda kufika mjini. kulla nyumba tunayoingia huwa-

kuta wanafunga vitu wanataka kukimbia, ma'ana walithanni tumekuja kuwapiga na kuwanyanganya mali yao. na ngombe zao ziko bomani, vilevile wakataka kuziondosha. tukawambia: „kwa nini mnaondosha ngombe?“ wakasema: „twataka kwenda kuchunga sasa“. tukawambia: „hapana rukhsa kuondosha, wacheni hapa, ma'ana nyie mnaogopa. siye hatunyanganyi, lakini kitu tunachokitaka hununua“. waqati ule wakaziacha. wakatanzia ngombe wawili na unga na mahindi, na bana Bumiller wakamletea kuku. na kule wote wakitaka kumpa mtu heshima, humletea kuku na unga na mayayi amma pombe, hawana kitu kingine.

nao majengo yao hujenga mwituni. na maboma yao huzungusha handaqi za maji. na kama wamepigana vita pahali, wakiua mtu, huchukua kichwa, wakatungika katika boma lao. na akifa mtu — hawaziki, hutupa. na nyama akifa — hawatupi, hula.

tukaondoka safari ya hapo kwenda Karonga. tukenda mwendo wa siku mbili, tukafika qaribu ya Karonga. pana mji wa Mwarabu na mtu wa mrima. na kule kote huitwa Mlozi. na Wakonde wote humwogopa Mlozi. tulipofika huko, wakatwambia Washenzi: „tazameni sana, ma'ana huyu Mlozi mkali, hapatani na Wazungu, na nyie watu kidogo“. wale wanathanni tunamwogopa kama wao. tulipofika tukajenga qaribu na ule mji wa Mlozi. na yeye ana ghazia nyingi kutisha watu. usiku walikuwa wakipiga ngoma na bunduqi za machezo. na katika machezo yale walithanni, labda siye tutaogopa, lakini sisi tukalala kambini mwetu.

hatta as-subuhi tukaondoka, tukapitia njia ya kwendea kwa Mwakilima. tulipofika kwake, tukakaa pale penye nyumba yake. akatushika kwa heshima sana. naye mshenzi mrefu, kasimama uzuri na kuum-

bika kwake kuzuri. nyumba yake naḍifu sana. naye kaipakaa chokaa kama nyumba ya pwani. na mtu akiingia ndani, vilevile naḍifu.

na kule kutushika uzuri — ataka tumsa'idie tum-pige mshenzi mwingine, anayemwuzi, jina lake huyo mshenzi Mwakiyusa. naye mpaka moja na inchi yake. akatuchukua aṣ-ṣubuḥi yake, ili kutuvusha katika inchi yake, mtu asiye kutuḍuru, amma kutufanzia ujui katika inchi yake. ḥatta tulipofika mpakani, akatwambia: „sasa nnarudi, ma'ana hiyo si inchi yangu. nikiingia na nyie pamoja, Mwakiyusa atasema, nampelekea vita, na miye sitaki maneno naye“. tukamwambia: „njoo, tufuatane“. akakataa kabisa kuingia katika inchi hiyo. tukaagana.

tukaingia katika migomba ḥatta tukafika kwa Mwakiyusa. tukajenga kambi pale. tukauliza huyu Mwakiyusa — kama: „yuko wapi?“ wakatwambia — ya kama: „hayupo, amekwenda tembea“. bana Bummiller akawambia: „ondosheni watu wakamwite, nataka kuonana naye“. wakatucheka wale Washenzi. na kutucheka kwao ni kiburi tupu, wanatuḗarau — sisi kuja katika inchi yao, marra kutaka kuonana na yule mfalme wao. wasipeleke mtu, waka-sema: „yeye mwenyewe atakuja, wala haiḥitaji ku-peleka mtu“. tukawambia: „leteni vyakula na maziwa na ṅombe na kulla kitu, tunataka kununua, ma'ana hatuna vyakula“. wakakataa, wakasema: „hatutaki“. tukawambia: „kama hamkutuuzia, tuta-chukua kwa nguvu“. wakazidi kutucheka, wakaona upuzi kabisa, kwa sababu wao wakajiona na nguvu sana na mikuki yao. tukangoja mudda wa sa'a tano, hawakuleta vyakula. ikabidi 'askari waingie majumbani wachukue wenyewe vyakula. nao wamezunguka katika kambi yetu yapata watu themānie mia, na siye

bunduqi saba't'ashara na Wazungu wawili. wakapiga makelele majumbani, kama wananyanganywa vyakula. wakaja wakatwambia: „kama akiingia mtu katika nyumba — tutampiga mkuki“. bana Bumiller akawajibu — kama: „nyie watu, mliozunguka kambi hii yote, na waliono mjini humo wote — akaonyesha kwa mkono — jua likifika hapo — nataka kulla mtu awášili hapo, alete na kitu kidogo hëshima yangu. kama hamkuleta, nitatia inchi hii yote moto, siogopi mikuki yenu. hizi bunduqi mbili zangu zitanitoshia kupiga katika inchi hii yote“. wakaondoka kwenda kufanya shauri. ilivopata nuşşu sa'a, akaja yeye mwenyewe Mwakiyusa, akaja kuangukia tumsámehe. wakaleta na vyakula, wakaleta na ngombe then'ášhara na kondoo 'asherin, na ndizi nyingi, na kulla 'aina ya vyakula ya Konde huleta, ili kutuhonga sisi. waqati ule tukafanya urafiqi. tukampa na bendera ya kideutschi, tukamwambia, yeye lázima aje Rumbira kwa bana mkubwa, aje amwamkie. akatupeleka yeye mwenyewe hatta kwa Makenga.

na yule Makenga ni rafiqi yetu. tulipofika kule, akafanza gházia ya machezo na kuleta ngombe na kuku, vitu vingi akaleta. naye mwenyewe akaingia na sisi pamoja katika mashua kutupeleka Rumbira. tulipofika Rumbira, ikawa furaha sana tuliyorudi salama.

hatukukaa sana Rumbira, tumekaa siku arba't'ashara, ili kufanya mizigo ya safari ya Tanganyika. bana Wissmann na bana Bumiller na bana Fuchs na bana Oehm ndio wanaopeleka safari Tanganyika. tukachukua matishali mawili, tukaingia na 'askari wetu kuvukia Karonga. siku tuliyosafiri Rumbira, tukafuata chanjari matishali yote mawili. tukatweka mpaka mwendo wa sa'a tatu. marra tunaona darba inakuja. lakini tishali, aliloingia bana Wissmann, limekwisha kwenda mbele. hatta mudda wa nuşşu sa'a hatuku-

mwona. siye tukatweka hatta kattikatti ya usiku, tukafika qaribu na inchi ya Mwakaringa. tishali letu likafunguka misumari yake, ikafanya kama linataka kukatika vipande viwili. likajaa maji, na siye tumo kattikatti ya bahari. na shehena nyingi, watu na masanduqu. hatukulala, illa kazi yetu kuteka maji kwa zamu. hatta ilipofika al-fajiri, tukavutia qaribu na pwani. lakini siye hatuwezi kushuka kwa mawimbi, min ajili maji yanakupwa. ikabidi waqati ule kutupa vitu baharini. na mashua ndogo tulitaka tuwavushe matajiri wetu kwanza, lakini ile mashua haikuweza kwa mawimbi. askari wanaojua kogelea, wakajitupa baharini, na Wasango wote wakajitupa baharini, mashua iwe nyepesi. wakaogelea hatta pwani, wakavuta mashua kwa kamba. wakafa Wasango wawili.

tulipofika pwani, hapana mji illa mwitu mtupu. tukajenga kambi, na kupakua vitu katika tishali, tupate kulitengeneza. tukakaa hapo siku mbili, tukafunga lile tishali. na msafara ukapita barrani, ili kwenda Karonga. tishali akachukua bana Fuchs na watu sitta kulipeleka Karonga, kwani hapo Karonga ndipo tunapoondoshea safari yetu ya kwendea Tanganyika. tukenda mwendo wa siku mbili hatta tukafika Karonga. na katika siku ya pili hiyo, tulivoqurubia Karonga, katika kambi tuliyoijenga, palikuwa nyumba za Wakonde katika migomba. hawa Wakonde walivotuona, wataka kukimbia. bana Bumiller akamtuma mkalimani kuwarudisha na kuwambia, kama sisi si watu wa vita. wakarudi wakaja katika nyumba zao.

siku hiyo niliyogombana na bana Bumiller sababu ya sanduqu. sanduqu ilikuwa na vitu vingi vyake, akanita usiku kanambia, nitafute dawa ya homa. na katika ghazia iliyokuwa katika sanduqu sikuweza kuona. akauzika, akanambia: „nenda zako“. nikataka

kwenda zangu, walakini sijui paha! nnapokwenda, sababu kule barrani na miye sina kitu, wala sina silaha, na usiku wa jiza. nilivokwenda nikawambia jama'a zangu Wangazija, wakachanga, kulla mtu katoa rupia sitta hatta kumi, ikapata qadiri ya rupia mia. na nguo wakanipa, lakini bana Bumiller hakunifukuza kwa nia yake, alifanya kunitisha na kuniadabisha tu. alivojua, kama nalitaka kwenda zangu, akamtuma 'Othmani bin Sa'id, kamwambia: „nenda kamwite“. 'Othmani akamwambia: „amekwisha ondoka“. akaondosha 'askari sitta usiku kunitafuta. na wale jama'a zangu walini-ficha hatta as-subuhi wapate kunitafutia njia ya kuni-peleka Karonga. walivosikia, kama ananita, wakani-chukua wakanipeleka kwake, ili kusikiliza khabari, alitaka kunifanza. akaamrisha mimi kukaa ndani ya karokoni mpaka as-subuhi, naye akawezeza wale Wangazija: „sikumfukuza, lakini nalitaka kumwadabisha tu“. hatta as-subuhi akaja, akanichukua katika karokoni, akanipa kazi yangu.

tukafunga mizigo, tukaondoka tukenda zetu Karonga. nasi tulivofika Karonga, tukakuta bana Oehm hawezi na homa, iliyomshika, homa ya ndui. akachukuliwa akapelekwa mahali pengine katika shamba, ili kuu-guza. tukakaa pale — mudda wa siku tatu, ili kungoja, labda atakuwa hajambo. hatta siku ya tatu akafa. na 'askari moja wetu akashikwa na ndui vilevile, tukamwacha Karonga.

tukasafiri kwenda zetu Tanganyika. tukenda mwendu wa siku mbili, tukafika nyika. siku tulipofika nyika, Wasango wetu wakatukimbia. bana Wissmann akamwamrisha bana Bumiller kwenda kupeleka khabari hii kwa Merere, ya kuwa watu wake, aliotupa, wametupa mizigo yetu wamekimbia. bassi tunataka watu wengine. siku hiyo tukaachana msafara wetu, bana Bumiller

akachukua 'askari 'asherin na sitta, Sudani kumi na moja na Wasuaheli kumi na watano. mwendo wa siku tatu tukafika Usango. tulipofika — Merere akashtuka. akatuuliza: „kuna khabari gani?“ akamwelezea khabari, ya kuwa watu wake wamekimbia, bassi na atupe watu wengine. na wale waliotukimbia, wamekwisha, fika kule mjini. akawakamata akawafunga. akatwambia: „vema, ntakupa watu“.

tukakaa pale qádiri ya siku nne kutafuta watu. naye akatwambia, kama anataka kukusanya watu wake, ili watupeleke njia ya kupitia kwa Zunda na Kimaraunga. ma'ana Zunda na Kimaraunga ni watu wake, nao wamemw'ashi. nao wanapiga misafara, inayopita katika inchi yao. akatwambia: „bassi twende tukafanye mashauri nao. [tupatane, kama wamekataa tupigane nao“. bana Bumiller akamjibu: „vema, lete watu, lakini sitaki vita. kama nikenda kuonana nao, takwenda kufanya shuluhu na kuweka bendera yetu ya kideutschi. kama wakikataa bendera kuchukua — waqati huu lázima nitapigana nao.

Merere akamwamru mtoto wake Mgándire na waziri wake, akaondosha na watu elfu nne, ili kutupeleka katika njia hizi, lakini sisi hatukujua, ya kama atachukua watu wengi. siye kuondoka Uténgure tuliondoka na watu kidogo, hatta tulipokwenda mwendo wa sa'a sitta tukafika kambini, tukakuta kambi imejengwa, wamezungusha boma Wasango arba't aláf, tukashtuka. bana Bumiller akamwuliza yule Mgándire — kama: „watu hawa wote wanakwenda kufanya nini?“ kamwambia: „watu hawa wanakupeleka kwa Kimaraunga na Zunda, kwani watu wabaya hao. siye tunajua, kama lázima watafanya vita“.

siku ya pili tukaondoka, tukenda hatta sa'a sitta, tukatelekeza, wakatwambia: „mwendo wa sa'a mbili

hätta kufika kwa Zunda“. sa'a saba' u nuşşu tukaondoka, tukenda kwa Zunda. na qaribu ya mji pana mwitu kilimani. na mtu akisimama hapo kilimani, huona huo mji wa Zunda. tulivokuwa tunakwenda qurubia mji, wakatuona. marra wakaji, hászari, wakajua Wasango wanakuja. wakatoka nje na bendera yao, wakaanza kucheza na bendera na kuipepea bendera, ili kuonyesha kama ni vita. Wasango wakatwambia: „wale wanataka vita, sababu wanatuonyesha bendera yao na kupiga bunduqi kwa furaha ya vita“. hätta tuliposogea qaribu na mji, tukatuma mkalimani wetu kwenda kuwambia, kama anakuja Mzungu, wasifanye vita. wakamjibu: „mbona tunaona Wasango wengi? haiyumkini, kama Wasango hawa watakuja huku burre, billa kuja kufanya vita“. akarudisha kuja kutwambia, kama hapana rukhşa kwenda mjini. akarudishwa yule Belushi Jemadari, aliyokaa miake saba't'ashara kwa Merere, kwenda kuwambia: „huyu Mzungu hataki vita, ataka kusema na mfalme wenu na kumpa bendera ya kidentschi, ma'ana nyie ni ra'ia za Madeutsch!“ akenda akawambia. akamwambia — kama: „vema, Mzungu na aje pekeyake, lakini asije Msango wala mtu mwingine“.

alivorudi akaja akatwambia bana Bumiller akawarudisha Wasango kuweka mbali, wasije mjini. akachukua na 'askari kumi na wawili na yule Belushi na wakalimani watatu, wawili Wasango na mmoja Mnyika. tulipofika langoni, tukakuta ule mwango umefungwa. wakatoka watu wawili nje kusema nasi. wakatwambia — kama: „hapana rukhşa kuja na watu wengi. kama mnataka shauri — huyu Mzungu pekeyake na mkalimani moja, lakini hapana rukhşa kuchukua silaha, waingie mikono mitupu“.

tukafikiri, tukaona katika 'aqili yao wataka kumtia



bana Bumiller kule bomani, wende wakamfunge, amma wamwue. bana Bumiller akataka kuingia. tukamwambia — kama: „usiende pekeyako, lázima ukiingia huko bomani — ufuatane na watu wako qádiri ya bunduqi sitta bassi“. bana Bumiller maneno yale yakamtua, asiingie. akawambia: mwiteni mfalme wenu, aje, tufanye shauri, kama nyie hamşadiqi, kama siye maşşudi yetu kuja hapa kufanya şuluđu“. bassi wakamwita yule mfalme, akafuatana na waziri wake, wakaja. bana Bumiller akamwambia: „tunataka pağali tujenge kambi, khalafu tufanye shauri“. yule mshenzi akatuonyesha pağali pasipo maji, na bado mbali ya mjini, tujenge. tulipoono vile alivotuonyesha pağali pabaya kujenga kambi, tukakataa kujenga pale. tukenda pağali pengine pazuri katika mashamba yao, palipoelekea na mjini, tukajenga kambi. tukawambia — kama: „huyu bana anataka, ya kama mlete chakula cha ‘askari na ñgombe tununue“. wakatwambia: „hapana ñgombe na vyakula hapana, ta’abu sana, pana njaa katika mji“. lakini khabari ile pia ni uwongo, vyakula viko na ñgombe, lakini hawataki kutoa billa kufanziwa nguvu. akaambiwa: „kama huleti vyakula na kutuuzia na ñgombe — tutachukua kwa nguvu. na siye kunyanganya hatutaki, afađali ulete tununue“. akatwambia, kama anataka rukşsa, akafanye shauri na watu wake. bana Bumiller akamwambia: „kama unakwenda, kwanza chukua hii bendera ya kideutschi, ukatweke katika boma lako. na kama ukiona msafara wa Wazungu amma Wa’arabu, tungika bendera hii, khalafu hawakuđuru. ĥatta Merere akiona bendera hii — hakupigi“. yule Zunda asi-sikie, akamwambia: „kwanza niwashauri watu wangu“. akamwambia: „vema, nenda kawashauri“.

akenda akakaa mudda wa sa’a. tukatuma mtu ende akamwite, upesi alete majibu, kama anatuletea chakula

na tenna majibu ya khabari ya bendera. yule mkalimani akenda, akamleta yule Zunda. akatwambia — ya kama: „bendera hatuijui“. bana Bumiller akamwambia: „lázima uijue, sababu weye uko chini ya bendera hii“. yeye akasema: „la, miye chini ya bendera yangu mimi, sijui bendera ya kizungu wala ki'arabu“. bassi bana Bumiller alivosikia vile, akaamrisha 'askari kumkamata yeye na waziri wake wafungwe. wakawafunga, na huyo moja mtu wa Zunda akatumwa: „nenda mjini upesi kawambie, kama hawakuleta vyakula upesi — tutamwua huyu mfalme wao na waziri“. akarudi mjini kwenda kuwapasha khabari.

akarudi akaleta ñgombe wawili na unga na mbuzi na mayayi. wakathanni tutawafungulia, walakini tukawambia — kama: „hawa hawakufungwa min ájili ya vyakula, lakini ni kilichowafunga ni msemu wao wenyewe, ma'ana wameitukana bendera ya kideutschi, kama hawaijui. bassi mkawambie hao, walioko mjini, kama waje wachukue bendera ya kideutschi, nao wafungue mlango“. alipokwenda akawambia, wakaleta majibu — ya kuwa: „hatutaki bendera, na wachukue huyu mfalme na waziri wake, wafanyize watakavo. wakifa — wako wengine, lakini hatutaki kupatana na Wasango, na bendera hatuitaki“. wakapewa mudda — ya kuwa: „siku ya pili sa'a nne, kama hawakuja kuichukua bendera na şuluḥu, tutakuja kupiga mji wenu, tutie moto“.

tukalala pale, ḥatta siku ya pili aṣ-subuḥi tukatuma mtu kwenda kuwauliza, kama wanataka amma hawataki. akarudi akatwambia, kama hawataki şuluḥu wala bendera, tufanyize tutakavo.

bana Bumiller aliposikia vile, marra akaamrisha 'askari na Wasango kwenda kupiga lile boma. tukenda kupigana mudda wa sa'a nne, lakini hatukuweza kuin-

gia bomani. tukachukua mashoka kwenda kupiga mlango tuuvunje. lakini alikuwa Sudani, ndiye mchukua bendera, akachukua shoka kupiga lango, alipoinua mkono marra ya pili — alikuwa mtu bomani, alimpiga risasi akaanguka. akatokea kijana mwingine, akachukua shoka lile kupiga langoni, akaanguka vilevile juu ya Sa'id Harubu, wakatokea 'askari katika handaqi ya maji kuelemea juu ya boma. na waanawake, waliomo ndani, wakachukua maji ya moto wakatumwagia. bana Bumiller akaniamrisha kumtafuta mwenyi tarumbeta, ili kupiga tarumbeta kuwarudisha 'askari. nilipofika mwanoni, nikamkuta 'askari moja, rafiqi yangu, akanambia: „usiende mbele, sababu yuko mtu hapo anatuandamia, na siye hatumwoni, naye amekwisha piga watu watatu“. nikaambia: „natafuta mwenyi tarumbeta, awarudishe 'askari“. akanambia: „yuko hapa, namwita“. akamwita, akaamrisha kupiga tarumbeta, 'askari wakarudi wote kambini kwenda kupumzika. nao wameumia 'askari wanne na watatu wamekufa.

bana Bumiller akatuma tarishi katika mji wa Wengereza, Mwenzo, ili kumkhubiri bana mkubwa kutuzidishia 'askari na mzinga. na kutoka hapo hatta kufika Mwenzo mwendo wa siku tatu. kulla siku tulijaribu kupandia boma, lakini hatuwezi kuingia, limezungushia kwa handaqi ya maji. tumefanya busara zote — hatukuweza kabisa. na katika siku tatu hizo, tulizokaa pekeetu, kulla tukipigana nao tukichoka tukirudi kambini — hupeleka mtu kule mjini, ili kwenda kuwaamrisha kuleta vyakula vya mfalme wao na hongo letu. hawakuqasiri wakileta, lakini kufungua mlango na kuchukua bendera — hawataki.

na Wasango wakaleta busara yao ya kupigana — ya kuwa wafunge mizigo ya majani, ndio wafanzie nguu, kwani risasi ikipiga katika majani haina nguvu.

hata siku ya nne hatukupata majibu ya bana mkubwa, ikalázima kupandia boma tenna. tulipofika katika boma, tukachoma moto, lakini haikufa'a kitu. wakaumia Wasango wanane na waziri wao akafa. alivoona vile mtoto wa Merere, ya kama waziri wake amepigwa risasi, amekufa, tulivorudi kambini, akachukua watu wake wapata mia, akenda upande wake, ataka kulipandia boma pekeyake. lakini kupigana kwao si kuzuri, hupigia mbali bunduqi zao, na wakifika bomani hawana nguvu. nao waoga risasi, ma'ana katika kambi yetu walichimba katika arqi, wakilala chini ya arqi, kwani wakipiga katika boma, risasi kufika hata kambini mwetu. nao wameumia watu watatu usiku.

hata siku ya tano, watu walioshika zamu ya Zunda hapo alipofungwa, kattikatti ya usiku wakapiga makelele: „huyo Zunda anakimbia“. wakamfuata mbio hata qaribu ya boma lake wakamkamata, lakini huyu waziri hakupatikana. alivoulizwa, nani aliyemfungulia kamba, akasema: „mchawi amefungua kwa uchawi“. akázidisha kufungwa.

hata as-subuhi yake akatokea bana Fuchs, akaja na mzinga mmoja na askari asherin. marra alipokuja, akaamrisha bana Bumiller kwenda kupiga boma. wakaurekebisha mzinga, wakapiga hata mudda wa sa'a sitta. haikufa'a kitu, wala hapana hila nyingine za kufanza. ikabidi kuondosha tarishi mwingine kumwita bana mkubwa.

tukakaa pale kumngojea bana mkubwa mudda wa siku nne. hata alipokuja bana mkubwa, akaleta bom-bom <sup>1)</sup>, tukapiga — vilevile haikufa'a. hata usiku akaleta busara ya kukusanya mawe na mishare na mikuki, akatwaa makumbi na majani na vitambaa vibovu ku-

---

1) Maximgeschütz.

fungia mikuki na mishale na mawe, na kutia mafuta Ulaya, tuwashe moto, tutupe juu ya nyumba zao ndani ya boma, na kurusha moto wa Ulaya. hatta usiku wakagawa askari kulla mtu pahali yake kuzungusha boma. na katika sa'a sitta usiku wakisikia tarumbeta, kulla mtu atupe moto ndani ya boma. ilipofika sa'a sitta, wakafanya hivyo. wale Washenzi wakawacha mji wakakimbia, lakini hapana mtu aliwaona pahali walipotoka. al-fajiri tukaingia kule bomani, hatukukuta mtu hatta moja, illa moto na ngombe na mbuzi. nao wamechimba vilevile katika ardi wakilala, ndio ma'ana risasi zisiwapate.

tukakaa kule mjini hatta as-subuhi, tukaondoka, tukautia moto kabisa. tukenda zetu Mwenzo. tulipokwenda mwendo wa sa'a nne, tukafika mwituni, tuka-wakuta watu wa Zunda, wanatungojea na kucheza mchezo wa vita na kupigana bunduqi. lakini hatukuwatazama, wala hatukusema nao. tumekwenda zetu. na kulla mji tunaopita, wamefunga lango lake.

siku ya tatu tukafika Mwenzo. na Washenzi wa papo wamesta'arabika kidogo, sababu kuwa Wazungu Wengereza, nao wamewafundisha kidogo tabi'a za pwani. na Mungerereza, aliyokuwa hapo, alitufanzia heshima sana. naye amemwoa Mshenzi, hataki kabisa kurudi tenna Ulaya.

tuliyoondoka hapo, tukenda kwa Mwenyi Fipa. tukenda mwendo wa siku mbili, siku ya tatu tukafika kwake. aliposikia, kama tunakuja, akapeleka watu kuja kutuchukua njiani. tulipofika mjini kwake, akafurahi, akaleta vitu vingi katika kambi yetu kwa heshima. nao Washenzi wa kule wameeta'arabika kidogo, kwani huja misafara mingi kule. nao hodari kulima. na inchi yao nzuri. na kazi yao sana hupiga tembo. kuamkia kwao, wakiamkia mtu mkubwa, hupigia kidevu chini, halafu hupiga makofi.

tukaondoka kwa Mwenyi Fipa, tukenda kwa mfalme mwingine, wakatufuatia watu wa Mwenyi Fipa, waka-thannia tunakwenda kumpiga Kimaraunga. hatta tuli-pofika kwa yule mfalme mwingine, vilevile akatufanzia heshima njema sana na kucheza ngoma. akaleta vitu vingi sana, na kumtafadhali bana mkubwa akampige Kimaraunga, kwani huwauzi sana, naye kawazuilia kwenda kupiga tembo kule Rikwa. bana mkubwa aka-kataa, akasema: „sitaki vita“. na pale na Rikwa siku moja. tukapanda vilima vya Ufipa, tukenda zetu Tan-ganyika. na juu ya vilima kuna bardi sana, usiku hu-ganda barafu. katika kambi tulipolala, jissi ilivokuwa bardi, bana Bumiller hakustahamili ile bardi, akatwa-mbia, tumfanzie moto chini ya kitanda. na usiku ki-tanda kimeungua kidogo, naye hana khabari. hatta aš-šubuhi tukakuta barafu juu ya meza imeganda.

aš-šubuhi yake tukaingilia katika inchi ya Warungu. na watu wa kule hupiga nyama vilevile. na kulima kwao si sana. hatta siku moja tukagawa kwenda piga nyama. bana mkubwa amekwenda kupiga nyama ya-pata sitta siku hiyo — mbogo, punda milia na swara. na siye tukakuta simba mwituni. bana Bumiller akai-fuatia kuipiga, lakini imetukimbia, hatukipata.

usiku wake tumelala porini, akaanza kulia fungo, washenzi wakatwambia, kama kesho amma kesho kutwa itakuwa vita, kwani nyama hiyo hailii burre.

siku ya tatu yake tukafika Karambo katika mpaka wa Wengereza na Wadeutschi. hapo tukakuta huyu mfalme wa mji huo Karambo, akatwambia — kama: „njoomi huko mkae bomani, ma'ana Wawemba wana-kuja“. tukaingia bomani tukakaa. hatta usiku magha-ribi tukasikia bunduqi zapata tisa', wakapigia katika boma. wale wenyeji wakatwambia: „hawa ni Wawemba“. tulipoondaka nje, wakakimbia. na siye tukaona moto

mwingi sana mwendo wa nuşşu sa'a, ndipo walipojenga kambi yao, lakini tukawacha. tulikuwa na bunduqi khamso u 'asherin na mzinga moja na bombom moja.

aş-şubuhi yake katika sa'a then'áshara, jua linavotoka, tunaona msafara unaokuja, msafara mkubwa. nao wana kulla 'aina ya bendera, bendera ya bun Sa'id, na ya kingereza, na ya kifranza, na ya kibeljik, na ya kideutschi. khalafu tukathanni msafara wa Wa'arabu. tulipouliza wale wenyeji, wakatwambia: „sulţani Kitimkuru, anataka kupiga miji yetu“. lakini sisi hatukuşadiqi min ájili ya zile bendera. haikupata nuşşu sa'a wamefika pale mjini. nao hawa watu wakubwa wa vita kulla mtu na bunduqi yake na mkuki na mwavuli kama msafara wa kinyamuesi. walipofika bomani, bana mkubwa akawauliza, kasimama juu ya boma: „msafara wa nani?“ hawakusikia kile kiunguja. akamwita mkalimani wetu Slemani, aliyejua maneno ya kiwemba, akamwamru kuuliza, „msafara wa nani?“ wakajibu: „sisi watu wa Kitimkuru na mwenyewe yuko kattikatti ya msafara, anakuja“. akauliza: „mnataka nini?“ wakasema: „tunataka mji huo, kwani ni watu-mwa wetu“. akawambia: „bassi ngojeni hatta tutoke, ndipo mje hapo mjini“. wakatwambia: „hatutaki kungoja, tunataka mji huo leo, kama hamkuondoka, tutapiga pamoja na watu wenu“. bana mkubwa akawambia: „mimi sitaki vita, wacheni tufanye şuluđu, mpatane“. lakini Wawemba hawakusikia, wanataka lázima wavunje lile boma. na kule kusema nao wanazidi kuzungusha boma. bana Fuchsi na bana Bumiller wanamwambia bana mkubwa, kama haifai kusema sana, kwani hawa watu wengi sana kuliko sisi, yapata themánia elfu. na katika boma hili hatupati wote pamoja watu mitēni. wakamwambia: „bassi wacha kusema nao, piga mzinga na bombom, ma'ana wanaweza killa mtu kuvunja mti

mmoja, na wakiingia hapa, tumepotea zote“. hasikii bana mkubwa, akazidi kusema nao. na mshenzi mmoja, waziri wa mfalme wa Karambo, akatwambia: „kama ninyi hamtaki kupigana, miye ntaanza kupiga“. marra akapiga bunduqi yake. alivoipiga, ndivo bana mkubwa alipiga bombom na mzinga. akawambia 'askari: „fungueni boma, tutoke nje“. likafunguliwa boma, haiku-pata mudda wa daqiqa nane, Wawemba wamekimbia wote.

nao palikuwa waanawake wawili, walitekwa na Wawemba, ili kuwafanya watumwa. walivoona vile tunavopigana na Wawemba, wale waanawake wakakhi-yari kuqábili rişasi zetu, ili kuja kututafuta. na wote wawili walipigwa rişasi, lakini hawakufa. tukawachukua kuwafanzia dawa. tukauliza: „nini ma'ana kuqábili rişasi zetu?“ wasema: „afađali kufa kuliko ta'abu ya Wawemba“.

hatta mudda wa nuşşu sa'a tulivofuatia nyuma ya Wawemba, ikatokea jeshi moja ya Wawemba, yapata watu thalatha mia, kutokea nyuma yetu kutupiga, lakini mw'ezimgu hutuja'alia, tukaona qabla yao, tukaanza kuwapiga. wakapiga bunduqi marra mbili, wakakimbia. na kulla pađali tunapoingia mwituni, hukuta maiti ya Wawemba. na upande wetu hapana aliyomia. wale washenzi wa mji walikuwa na furađa kubwa. walichukua vichwa vya watu walionawa, wakaviweka pamoja, wakapiga ngoma, wakazungusha na kucheza wakupiga ngoma. na katika miji ya qaribu ya Karambo wote walikuja katika mji huo wa Karambo kucheza ngoma, sababu walifurađi walivopigwa Wawemba.

hatta siku ya pili tukaondoka, tukenda zetu Tanganyika. na hapo mwendo wa siku moja u nuşşu hatta kufika Tanganyika. tukakuta watu njiani, wakatwambia: „Wawemba wamekwenda mwendo wa siku nne kwa



siku moja, jissi walivokuwa wakiogopa<sup>4</sup>. siku ya pili tukafika bahari ya Tanganyika. na hapo tulipofika, bana mkubwa akachukua mitumbwi na watu wake kupitia baharini, ili kutaka kwenda Kituta, mji wa Wengereza. na siye tukapita barrani. hapo tulipojenga kambi ya kwanza, tukamngojea — siku ya pili hakuja. bana Bumiller akachukua watu na vyakula kwenda kumtafuta, ma'ana hakuwa na vyakula. wakenda mwendo wa sa'a tano, wakakutana naye, wakakuta ile mitumbwi imepigwa na wawimbi imevunjika, wakaja nao kambini.

na katika watu wa kule Tanganyika nyumba zao kama nyumba za Wakonde, lakini si nađifu kama za Wakonde. nao huvaa nguo kama Wanyamuesi. na vyakula vya kule mtama na mahindi na ngano na samaki wengi sana. na bahari ikichafuka, huwa mbaya kuliko bahari kubwa. nayo khatari sana koga baharini min ajili ya mamba na viboko.

na kambi ya mwisho ya kufikia Kituta, msafara ulivoondoka as-subuhi, tulivokwenda mwendo wa nusu sa'a, tukakuta kiboko mwituni. bana Bumiller na bana Fuchsi wakakifuatia kutaka kukipiga, lakini hawakuwahi kupiga, kilikimbia mbio, kikapita kattikatti ya msafara wetu kutafuta bahari. na watu waliokuwa qaribu, wote wakashtuka kwa kishindo kwa jissi kina-vokwenda upesi na gházia yake. ma'ana hawakuweza kupiga kwa hivo kilivopita katika jeshi ya watu. wakakifuatia hatta kikaingia baharini. na mtu akiona kiboko, huthanni hakiwezi kukimbia, lakini huenda upesi kuliko frasi.

tulivoondoka hapo, tukenda mwendo wa sa'a sitta, tukafika Kituta. na ule mji wa Wengereza, wana duka lao la bi'ashara ya pembe. na wale washenzi wa hapo welevu kidogo, wanaelewa na khabari ya pwani, ma'ana

huja Wazungu wengi na Wa'arabu, khassa Rumaliza <sup>1)</sup>. na washenzi wa hapo walifurahi sana tulipofika. killa siku walicheza ngoma. hatta wakicheza ngoma, huwita 'askari kucheza nao. na 'askari hawajui, lakini wali-kuwa wakiwafundisha. na mchezo wao hutia ngoma kattikatti, hupangiana katika msafa mwanamke na mwanamme, huingia kattikatti ya wanja hucheza, wakarudi wakaingia katika msafa, hubadilisha kwa zamu. hatta mwisho wao hupiga makofi, ndio wanapumzika.

nao nadifu, huoga sana, na nguo zao hufua, wameshika kama tibi'a za pwani. na waanawake mardadi sana. na kupika kwao mathal kidogo kama mapishi yetu, lakini si sana — kidogo. na bahari ya Tanganyika inawapa samaki wengi na wakubwa, nao wana mafuta wengi.

tukakaa Kituta siku saba. wale Wengereza wakawambia, kama pana Mshenzi, anakaa pande za Urungu, yeye huwazarau sana, akafanya vita nao, bana mkubwa awasa'idie, amwondoshe huyu mshenzi, jina lake Kabunda. bana mkubwa akaondoka na 'askari, wale Wengereza wakafuatana nao kwenda kumpiga yule mshenzi. na kutoka Kituta hatta kufika kwa Kabunda yapata siku sitta. wakenda kule, wakupiga, wakachukua na mateka watu, waliofanywa watumwa kule, wakawaleta Kituta.

tukafanya safari ya kurudi Nyassa, lakini tukarudi njia nyingine, inayotokea Karonga. siku tuliyoondoka Kituta, tumekwenda katika mji moja wa mapadri ya Wafranza. tukalala hapo. kuondoka tukenda siku mbili porini, hapana maji wala mji. na pahali tulipolala, tumekuta matope. hatujui kama maji

---

1) Muhammed bin Khalfan.

amma mkojo wa tembo, lakini hapana mtu aliyowacha — wote wamekunywa yale matope.

hata siku ya nne tukafika mji katika Unyika. hapo tulipata vyakula na maji. tukenda tenna kupiga nyama. siku ya tano tukafika Mwenzo. na Mwenzo walivopata khabari, ya kuwa sisi tunakuja, wakaja kutuchukua njiani kupiga ngoma na bunduqi kwa furaha, ma'ana wanatujua. tumekaa pale, sababu wame-tuzoea.

ba'ada ya siku nne tukaletewa tarishi kutwambia, kama bana Sakrani<sup>1)</sup> wamefuata Wazungu wawili, wana kuja kumtafuta bana mkubwa. tukaondoka Mwenzo, siku ya pili tukakutana naye njiani. akamwelezea bana mkubwa, amekuja kumwita. tukareje'a tukenda mwendo wa siku tatu, tukafika Konde. na tulipofika kwa Mlozi tukulala. siku ya pili tukenda Katunga. ilikuwa jua kali sana, na majani yamekauka. katika sa'a sitta ya mchana tukaona moto mbele yetu. hata yapata robo' sa'a kufika penyi moto — wengine wali-wahi kupita na wengine hawakuwahi. na majani mengi pale. bana Fuchsi akataka kwenda mbele upesi ku-kimbia mbio ule moto — ukamwunguza nywele zote na ndevu zake. msafara mwingine ukakaa nyuma hata ule moto ukazimika. jioni tukafika Karonga. tukakaa siku tatu. bana mkubwa akatuma mtu kuleta mashua, na msafara upitie Konde hata kwa Mwakaranga, hapo tutaletewa mashua. tukenda mwendo wa siku mbili, tukafika katika inchi ya Mwakaranga. yakaja matishali yetu kutuchukua, ili kwenda Rumbira.

tulivoingia katika mashua, 'askari furaha yao ku-bwa mno, kama walivosikia, meli imekwisha jengwa,

---

1) Hauptmann Prince.

inakwenda tenna. wakemba wimbo katika kuvuta makasia, wimbo huo:

„bassi wē!  
mgogoro bassi wē!  
meli imekuja,  
mgogoro bassi wē!“

na bana mkubwa na bana Bumiller wakawasa'idia kwimba wimbo huo.

tukafika Rumbira, lakini hatukukaa sana. bana mkubwa akenda kupiga nyama Konde, yeye na bana Bumiller na bana Sakrani. huyu akachukua askari yake kabisa kwenda zake kwa Merere, mudda wa mwezi arejee Rumbira.

bado kidogo bana mkubwa akarudi. alipokuja, meli siku hiyo ikaja na bana Eltz. ikabidi yeye kukaa Rumbira, na siye kurudi pwani. wakafanya mashauri, ya kuwa bana mkubwa aingie katika stima kwenda Fort Johnston, warudi waje khalafu, ndio turejee pwani.

aliporudi akauliza askari, anayetaka kurudi, na anayetaka kukaa Rumbira. wengine wakasema „tunataka“, wengine wakasema „twataka kurudi pwani“.

tukafanya safari kurudi, tukaingia katika meli, na jina lake „Hermann von Wissmann“, tukenda Fort Johnston. kule tukashuka, tukaingia katika matishali ya Wengereza hatta kufika Mpimbi. na kufika pale tumekaa katika kambi yetu ya zamani siku moja, tukasafiri kwenda Matope. mashua yetu, iliyo mwisho, waliingia bana Fuchs na bana Frank. siye tulivotangulia mbele, tukenda pahali, tukashuka kutelekeza. tukaona mtumbwi unakuja kutwambia — ya kama: „ile mashua imekaa nyuma, sababu bana Fuchs haenzi“. bana mkubwa akarudi mwenyewe nyuma,

akenda kamchukua, akaja naye Matope. tukakaa Matope siku tatu kumwuguza, lakini ugonywa umemzidi. na siye tukalala kwa zamu kumtazama. hatta siku ya nne bana mkubwa akamwamrisha bana Bumiller kuchukua msafara atangulie Blantyre. bana mkubwa akamtazama bana Fuchs. tulivoondoka usiku tukafika Blantyre. hatta as-subuhi akaja tarishi, akatwambia, kama amekufa. bana mkubwa akamzika kule, akaondoka, akatufuatia Blantyre.

alivokuja Blantyre, tukaondoka kwenda Katunga. hatta siku ya pili tukafika Katunga. tulipojenga kambi yetu, walikwenda Habashi wawili mtoni kuteka maji. moja akapigwa kofi na mkia wa mamba, akamwan-gusha majini, akamchukua. mwenzi wake akapiga makelele, hatta watu walivoshuka mtoni — hawa-kumwona.

tukakaa hatta siku ya pili, tukachukua mashua, ili kuingia mtoni kwenda Tshiromo. kule Tshiromo tukakaa siku mbili, ili kupiga nyama. bana mkubwa akapiga mbogo, na bana Bumiller vilevile mbogo moja. kuondoka hapo tukafika Msange. na hapo bana Bumiller alishikwa na homa sana, tukathanni atakufa. tukapata makapakapa<sup>1)</sup> ya Wengereza, tukaingia, tukafika Msongwe. tulipofika Msongwe, ugonywa ukamzidi. ikabidi kushuka pale na kutazama hali yake. tukakaa siku tatu. lazima kulla sa'a mbili kushika zamu kumtazama. na bana mkubwa vilevile akashika zamu yake. siku mbili hakuweza kusema, siku ya tatu hajambo kidogo. tukampakia katika stima, akawa hawezi hatta tulipofika Shinde, khalafu akapata hajambo kidogo.

na katika njia ile tuliyopita waqati wa kwenda

---

1) Flusdampfer.

Nyassa, tumekuta vingine waqati wa kurudi, ma'ana kulijengwa sana, wamekuja Wazungu na Wahindi na Mabanyani. khaṣṣa kule Shinde tumekuta zimejengwa nyumba nyingi na maduka mengi. tukakaa siku nne ikaja stima „Wissmann“, ikatuchukua hatta Mzumbidji. na kule tukaingia katika meli kubwa „Kanzler“, kwenda Daressalama na Unguja. hio ndio mwisho wa safari yangu ya Nyassa.

---

# Safari yangu ya Ulaya toka Daressalama hatta Berlin

ya

Selim bin Abakari.

katika mwaka elfu themānie mia arba' u tisa'in niliondoka Daressalama katika meli<sup>1)</sup> ya Ostafrika-Linie, 'ázima yangu kwenda Ulaya. nilipoingia katika meli, nikaona anasa kubwa katika mabaharia, wanao-pandisha Wazungu, wanaosafiri kurudi Ulaya. na dasturi kule Daressalama, ikiingia meli katika bandari, huja Wazungu wengi katika meli. wengine wanakuja kutazama meli, na wengine wanakuja kunywa bier, na wengine wanakuja kuaga rafiqi zao na ndugu zao. huja katika meli kwa furaḥa na buriani kuwapa ndugu zao. na wengine unaona ḥali zao mbaya, hawawezi kwa ḥoma, wanavopata rukḥṣa kwenda kubadili hawa kwao Ulaya. wakiingia katika meli, ṣura zao hubadilika, huonekana wazima kidogo kwa furaḥa wanavokwenda kwao kuungua, bassi roḥo zao huruṭubika kidogo.

na hawa, wanaokuja kuwapa rafiqi zao buriani, huamrisha mvinyo kugongeana pamoja na ndugu zao na rafiqi zao kwa furaḥa na masikitiko wanavoachana.

---

1) engl. mail.

na waqati meli inavoondoka, mashua zote huzungusha meli pande zote mbili na nyuma, ili kungoja meli ikiondosha nanga. sa'a mbili tatu qabla ya kuondoka, meli inapiga selo<sup>1)</sup> ya kuondokea. na ikitoka bendarini, watu hupepea vitambaa na kupigia hipp hipp hurrah! mashua haziondoki mpaka meli iondoke milangoni. na zile mashua nyingi hupendeza sana kwa uzuri wao. mtu akiwa katika meli — anatazama, kwani kulla mashua hutundika bendera yake, na mavazi ya baharia kama mavazi ya mabaharia ya manowari. kulla mashua mavazi mengine, nayo naḍifu sana.

na meli ikifika milangoni ya bandari, unaona kisiwa chenye mnara wa taa. hupitia upande wa mkono mshoto ikitoka. mwendo wa nuṣṣu sa'a meli hufika visiwa vya Kondutshi. hatta ikifika sa'a, meli iko kattikatti ya kisiwa cha Unguja na mrima, tenna mtu anaona barra muli na barra kisiwa. bado kidogo kinatokea kisiwa cha Tshumbe. na toka hapa mwendo wa nuṣṣu sa'a inatokea nyumba ya Tshukwani. na nyumba hiyo ya sultani wa Unguja ya kubadili hawa. nayo iko katika rasi ya Tshukwani.

na sultani akitoka mjini, akienda badili hawa kule Tshukwani, hupendeza mno, kwani huenda kwa gházia, kwa magari ya frasi mnamo waanawake, masuria wake. lakini qabla yeye kuondoka mjini, hutanguliza 'askari na matarumbeta na watu wa kumkhodumu. na siku anayokwenda yeye hufuatana na magari na wapanda wa frasi, na Wa'arabu huvaa ya kibedui<sup>2)</sup>, hupanda ngamia, hutangulia mbele, wengine huwa nyuma. na njiani husimama 'askari. hapana rukhṣa mtu kupita mpaka sultani apite. na akipita, mtu akimwona, salamu yake „ṣubalkheri seyyidna“. na gari lake frasi wanne hatta

---

1) engl. sail ho! Schiff in Sicht! — 2) nach Beduinen-Art.



sitta, nao huwa namna moja, mno huwa weupe. na gari kitambaa chake kimesukwa kwa zari ya zahabu. nao wanaopanda frasi shurṭi wafute panga zao, ziwe mikononi. na Wa'arabu huchukua mikuki ya ki'arabu, hushika mkono mume na upanga hutia begani.

na meli ikiwacha Tshukwani, ikiqurubia mji, unaona jumba la sultani bēt el-'ajaib, na mnara wa taa, na nyumba za mabalazi <sup>1)</sup>, na nyumba ya sim <sup>2)</sup>. tenna waqati ule selo imepanda mnarani. na watu wa pwani wakisikia „selo“, hufurahi sana, kulla mtu huita „selo“ kwa marra moja. ijapokuwa wanakula chakula amma wanašali, na watu waliozoea kuita „selo“ — huwacha kazi waliyo nayo, huita „selo“ kwa furaha, ma'ana ndipo wanapopata fáyida yao. tenna kulla pahali wanapokaa hushukia pwani kutengeneza mashua zao kungojea meli. na ikifika bendarini huja na mashua nyingi, wanavuta wanaijia meli qabla haikutia nanga. sasa huja robani <sup>3)</sup> na bendera yake kuja kuwaonyesha pahali pa kutia nanga. na robani mwenyi rukhša ya kupanda wa kwanza katika meli. waqati wa kutia nanga hupiga mzinga mmoja, ndio desturi.

na mashua zimezunguka meli hungojea ngazi <sup>4)</sup> ku-rekebishwa. hapo ndipo penyi uzuri, hupendeza sana wale watoto wa pwani. hupigana kwa kugombea ngazi, kulla mtu ataka mashua yake ndiyo iwe ya kwanza kuegesha ngazini, hupigana kwa makonde na vigongo, na kutukana, kwa makasia kugongana na kusukuma mashua ya mwenzi wake. kulla mwenyi nguvu husukuma asiyo na nguvu, sababu apate yeye ngazi kwanza.

na ngazi ikisha rekebishwa, wakiegesha mashua zao, bassi wakipanda ngazini kama nzige kwa wingi

---

1) balazi Konsul. — 2) Post- und Telegrafien-Amt. — 3) Louts. — 4) Fallreep.

na kusukumana. na kama wakiingia katika meli huwa kama wazimu macho yao. huingia kwa vishindo na gházia kuuliza watu, waliomo katika meli, anayetaka kushuka.

waqati ule ma'abiria hutengeneza kushuka kutazama mji. bassi wakifika pwani, husimama wachukuzi tayyari, huja kumchukua 'abiria mabegani katika mashua, humpeleka inchi kavu. na iwapo yuko mwenyi mizigo — hupigania, kulla mzigo hupigania watu wawili amma watatu, kulla mtu ataka kuchukua, min ájili kupata rizqi.

na ba'ada ya hivo wako mabichboi<sup>1)</sup>, kazi yao hongojea wageni, wanaokuja, ili kuwapeleka mjini kuonyesha njia. nao vilevile hupigania wageni. huja qádiri ya wanne, husukumana huambiana: „ondoka, huyu mgeni wangu, namjua“. mwisho hupigana, na mgeni akiona wanapigana — huchagua mwingine, asiyoingia katika ugomvi wao. ndivo wanavopeleka wageni mjini kuwaonyesha katika hoteli na miqahawa na madukani. wengine wanakwenda Mnazimoja, panapo nyumba za Wazungu, zinazokwitwa club. na wengine wanakwenda Ngambo<sup>2)</sup> kutazama nyumba za wenyeji, na wengine wanapanda punda kwenda mashamba, wengine wana-chukua magari, lakini kulla mtu huwa na bichboi wake.

na wanaokwenda madukani kununua vitu, huenda hupunjwa na Wahindi na Mabanyani. kitu rakhiši hununua ghali, kitu ghali hununua rakhiši, kwani be'i wanaishika Wahindi: iwapo mtu ananunua kitu cha rupia — hushika be'i ya rupia kumi. nao hushindana sana katika be'i, hupunguza hatta mwisho hufika rupia. katika mashindano ya bi'ashara yao mtu akisema „sitaki“, akitaka kwenda zake — humrudisha „njoo, haya nunua, sema bana, ngapi utanipa?“ ukimwambia „nta-

---

1) engl. beach-boy. — 2) Negerviertel Zanzibar's.

kupa hivi“ — hukataa. ukiondoka anakwita vilevile „njoo, njoo, patana bana, hapana kosana, nunua bana“. itakuwa hivo mpaka mudda wa sa'a mbili tatu. akiona kama kweli hununui, unataka kwenda zako — huku-fuatia njiani hukuita „haya njoo, chukua bana, bakhti yako“.

na wengine huenda sokoni, huenda kutazama vitu vinavyonadiwa. wengine hununua, wengine wanatazama namna wenyewe wanavonadi kwa makelele. na mtu akiwa katika soko, ukisema na mwenzio, hasikii kwa makelele, ma'ana watu wengi kule, na madalali wakifanya kelele zao wakinadi — watu hawasikilizani. na kunadi kwao: husimama wanunuzi, huzungusha mšafa, na dalali huingia katti, hushika kitu kinanadiwa, huanza katika pesa moja kushauri watu, na wanunuzi humjibu majibu ya kupandisha béi. mwingine husema pesa mbili, mwingine pesa tatu, naye huwa akisema „fels“<sup>1)</sup>. iwapo akiqubali husema „alláhu bārek“<sup>2)</sup> — humpa.

na katika soko kulla aina ya vitu vinavyotoka shamba kama ndizi, nazi, machungwa, embe, mastafeli, kangaja, madafu, malimao, mafenesi, ndimu, inananasi, mapera, madanzi, machenza, zambarao, matunda manga, mapapaye, matoffaha, shōkshōki, mabibo, mabalungi, kwaju, duriyani, topetope, muhogo, mahindi, viazi vidojo, viazi vikubwa na kulla namna ya mboga.

na vitu vya mjini, vinavyoletwa sokoni, ni silaha kama panga na bunduqi, na fimbo, na miavuli, na nguo kama kikoi, na kanzu, na kofia, na visibao, na suruali. na tenna vyombo vya waanawake kama kanga, na kanzu za kike, na suruali za kike, na madisimali, na kaya nyeusi, na bināgir, na mikufu, na mitali, na vikuku, na vikoa, na mapete, na vipini, na hazama, na

---

1) fels = pandisha. — 2) Gott segne dich.

useja. huleta na sinia, na ṣahani, na mabaquli, na maṣanduqu, na vitanda, na magodoro, na mito, na vyooc, na mazulia, na visu. killa kitu huweza kununua sokoni, na mtu hupata rakhīṣi kuliko madukani sababu ya kuwa mnada.

na wengine wanakwenda mashamba kutazama miqarafuu na minazi. na mtu akenda njiani, akiqurubia mashamba ya miqarafuu waqati inapozaa, 'arufu yao huenda mbali sana. qádiri ya mwendo wa nuṣṣu sa'a husikia 'arufu yake. na ukiwa mbali, ukatazama miti yake, hupendeza sana, jissi ilivosimama uzuri, imenyoka, matawi yao yameinukia juu. na ukiingia katika shamba yenyi miqarafuu mingi — hupendeza mno, jissi ilivokwenda miṣafa miṣafa sawasawa, kulla upande hukuta miti yote sawasawa, sababu imepandwa mwaká mmoja.

na katika mavuno yáo hualikwa wátu kwa siku moja, huja kuichukua kwa ngoma na machezo na kwimba kuipeleka forḡani, iende ikatozwe 'ushuru. ikisha hupeleka nyumbani kwa mwenyewe, amma hupatana na tájiri kule forḡani hununua. na katika mji mzima wa Unguja ni 'arufu tupu ya qarafuu, killa pahali mtu anapokwenda.

turejee sasa katika meli yetu, inayotuleta Ulaya. tulipoondoka Unguja, tukenda Tanga. safari ya sa'a sitta. na ukiondoka bandarini Unguja, meli hutambaa qaribu ya pwani, hufanza kama inakwenda kupiga rasi ya Marukhūbi. na ukipita hapo Marukhūbi unaona nyumba nzuri ya sultāni ya kubadili hawa pamoja na bustani nzuri. nyumba ile ilikuwa mali ya Mwarabu, jina lake Marukhūbi, akanyanganywa na Seyyid Barghashi.

na meli ikifika mbele kidogo, huona nyumba ya Mangapwani, ni vilevile mali ya sultāni. na kwa juu vilimani huona mashamba mazuri ya miqarafuu na

miembe na michungwa na minazi tele. hatta ukiwa baharini, ukitazama — hupendeza mno.

ba'ada ya kupita nyumba hiyo tenna kinatokea kisiwa cha Tumbatu. na hawa Watumbatu wanajua kazi ya bahari sana. na kusafiri kwao husafiri kwa nyota. wao mno huwa manokhoza, kwani katika bahari ya sawaheli hujua kulla pahali pazuri na pabaya pa kupita na chombo. ijapokuwa usiku wa kiza, naye hana dira, lakini huweza kupita ile miamba ya khatari na fungu za khatari, naye asidurike na chombo chake.

na hapo Tumbatu meli ikipita, unaona kisiwa cha Unguja na barra qaribu na Pangani, ya'ani kisiwa cha Maziwe, ndio milango ya Pangani. na bahari ya hapo mbaya kidogo, haikutulizana. ba'ada ya kupita barra ya Pangani mwendo wa sa'a mbili huona Tanga. na ukiingia milangoni, ukatazama mjini, hupendeza sana lile komo<sup>1)</sup> la minazi na miembe na michungwa, na katti-katti nyumba nyeupe za kizungu. na nyuma kwa juu huona msafa wa vilima vya Usambara, vimefungana kama kilima kimoja kwa kimoja.

na bandari yake ya Tanga nzuri sana, maji yake yametulizana. bandari hii imejificha kwa upepo mbaya. ijapokuwa kusi amma kaskazi, maghribu amma matla'i, haiwezi kuduru chombo, mtu akiwa katika bandari ya Tanga. nayo ndiyo bandari ya pili katika inchi ya Madeutschi Afrika kwa uzuri, kwani iko ghobani<sup>2)</sup> njema. na tenna samaki wengi sana. meli ikisha egesha, huwa na mitumbwi mingi, inayoleta samaki kuuza.

Wazungu, walioko pwani, wakisha iona meli, huchukua mashua zao, na kulla mtu hutundika bendera yake mashuani, wanakuja kuipandia meli kuwatazama

---

1) kiangazija = Hain. Die Suaheli sagen kiza cha minazi. —

2) Bucht.

jãma'á yáo na rafiqi záo, na kuleta ma'abiria, wanao-taka kusafiri kwenda Ulaya. na zile mashua, mabaharia wanaovuta makasia — huvuta kwa amri. na mavazi yao ni mamoya, mavazi meupe, desturi vilevile kama kule Daressalama.

na mtu akishuka pwani, hufika kwánza forðani, khalafu anakwendea bomani. mtu akiingia sasa mjini, husta'ajjabu sana jissi ulivotengenea mji, kwani zamani ulikuwa mji mdogo na nyumba ndogo na mbaya za makuti, lakini sasa, walipoingia Madeutschi, wameuvunja mji, wamejenga vingine, nyumba za mişafa. toka nyumba za mawe hatta za udongo shurði zifuatane mşafa mmoja, na njia ziwe pana na kulimiwa. na mtu akiingia sasa mjini anatembea, anapona zile nyumba na zile njia na bustani jissi zilivolimiwa -- hujua, kama kweli inchi hii imeingia watu hodari, wenyi hekima na ma'arifa.

na miye nimeona Tanga na Daressalama qabla ya Wadeutschi kuingia Daressalama ilikuwa mathal ya shamba qádiri ya watu thalatha mia, hapana záyidi, na nyumba mbovumbovu. na sasa mtu akiona Daressalama hushituka kwa jissi ilivo kubwa na jissi ilivotengenea kwa nyumba nzuri, na njia nzuri, kwa bustani njema. na watu wengi wamo sasa, watu wa sirkali, na watu wa kazi, na mabazazi kama Wahindi na Wa'arabu na Wazungu wenyewe, waliofanya maduka. na upande wa pwani qaribu na bandari imezunguka majumba ya mawe ya Wazungu, na foroða kubwa, na nyuma yake ya majumba haya ya mawe pana majumba ya mawe madogo kuliko ya Wazungu, nyumba hizo ndizo za Wahindi na za Wa'arabu. na nyuma ya nyumba hizo za Wahindi na za Wa'arabu pana nyumba za udongo katika njia nzuri na naðifu. nyumba hizo zote zimepakwa chokaa nyeupe, unavozitazama huwa kama bafta. na kulla nyumba ina baraza yake, wenyewe wanáikaa

wakizungumza wakicheza mabao na damá na kárata. ná wenyewe ndio Wasuaheli, ndio wanaokaa katika majumba hayo.

sasa na turudi katika khabari zetu za Tanga. Wazungu wamejenga sasa gari la moshi<sup>1)</sup> kule Tanga. wálipoanza kujenga, wamechimba katika ardi chini, wakafanya handaqi, ili kujengea uzuri, liwe na nguvu. gari hilo sasa linakwenda hatta kufika Korogwe. ukienda kwa miguu toka Tanga hatta Korogwe hupata qádiri ya siku nane — gari linakwenda mchana kutwa.

na kuondoka Tanga hatta Mombasa mwendo wa sa'a tano. mtu akifika qaribu ya inchi, akiingia milangoni, kwanza huona gereza ya zamani ya masultani wa Mvita<sup>2)</sup>, huiona kwa juu. khatari sana kwa chombo, ikiwa pana vita. bandari ya Mombasa nzuri, iko ghobani.

na hapo Mvita wenyeji wa hapo watu mahushumu, nao watu wa 'elim. na msemu wao kisuaheli, lakini namna nyingine kuliko kiunguja. vitu vingine huita namna nyingine kama kule Unguja, lakini watu husikilizana na watu wa Unguja. na maduka ya hapo ya Wahindi na Wazungu na Wa'arabu na watu wa Mvita wenyewe, lakini si mengi.

na vyakula vya hapo záyidi mtama. mpunga upo, lakini si mwingi. na tenna mahindi yapo na muhogo na viazi. ndizi zipo, lakini si nyingi. na matunda si mengi sana kule.

na hapo Mombasa ndipo linapoanza gari la moshi la Wengereza, linakwenda hatta kufika Uganda.

meli ikiondoka Mombasa, inakwenda kutwa, siku ya pili iko Amu. bandari yake mbali sana, na milango mibaya ya kushukia pwani. kutoka bandarini hatta kufika pwani robo' sa'a. na mtu akiwa bandarini,

---

1) Eisenbahn. — 2) Mombasa.

huoná nyumba nzuri sana na minazi mingi. na aki-shuka pwani, katika mji njia zake nyembamba sana, majumba yamesongana. na mji si nađifu, lakini katika nyumba yao, mtu akiingia, huona nađifu sana. majumba ya mawe mengi sana hapo. na kulla pađali unapokwenda, ukifika barazani, wenyewe hukuqurubisha, hukupa kiko cha kuvuta, ndio neno la kwanza. na wenyewe hatta waanawake huvuta viko. nao hunywa tembo sana, lakini tembo tamu, ndio maji yao wanayokunywa. kulla pađali, mtu anapokwenda, huqaribisha „qaribu njugu“<sup>1)</sup>, huuliza kama wataka chembo<sup>2)</sup> amma kuvuta kiko. wana heshima sana.

watu wa Amu ndio watu zamani maqabaila wasta-<sup>3)</sup>arabu), walioko sasa katika barra ya suađeli. nao wanajua elim sana, na kutunga masha'iri hujua sana. ndio pađali katika barra ya suađeli, panapopatikana watu, wanaojua kutunga vyo vya hadithi na kufasiri vyo vya ki'arabu katika lugha yao. khabari yao kama tab'a ya ki'arabu, killa kitu wanayotumia shurfi waandike kwa kalamu. nao wana khabari nyingi za zamani, wanazojua katika barra ya suađeli. watu wengi husafiri kwenda Amu min ajili ya kwenda kusoma elim. katika elim yoyote unayoitaka katika islamu, ukenda Amu, utaweza ku'allim.

na katika vyombo vyao vya kusafiria madau na mitepe na betela. mitepe misumari yake ni kamba, hapana misumari ya chuma, na tanga ni jamvi. na watu, wanaosafiri katika mitepe, wana tab'a moja mbaya. kulla mtu huchukua chakula chake mbali katika kikapu chake. iwapo mmoja amekwishiwa na chakula, akimwambia mwenziwe „nipe chakula, ma'ana changu

---

1) ndugu. — 2) tembo. — 3) arabisierte Stämme.



kimekwisha“ — humwambia „hakuna njugu<sup>1)</sup>, mchepe<sup>2)</sup> ni mmoja, lakini kulla mtu na kitumbache“<sup>3)</sup>.

kule Amu kuna ufuta mwingi, na mtama mwingi, na pamba jingi, na njugu nyingi, na matunda mengi, lakini mpunga si mwingi sana.

na meli ikiondoka Amu kwenda Aden, imemlázima mwendo wa siku sitta. watu wakiqurubia katika barrá ya Somali wanaona vilima, vilivyoko katika rasi ya Gardafui. na rasi hiyo khatari sana kwa kuduru vyombo, kwani rasi hiyo inakwenda mbali sana baharini. tenna bahari ya hapo mbaya, sababu maji yana mikondo<sup>4)</sup> miwili, inayopigana pamoja. na ile mikondo ya maji huvuta jahazi sana kuipeleka upande kwenyi rasi. ndio ma'ana watu, wakipita hapo, lázima watazame sana. katika meli yetu wote walilewa kwa bahari<sup>5)</sup>, watu kidogo waliokuwa wazima, na waliokuwa mezani kidogo sana.

kuondoka hapo hatta kufika Aden sa'a arba u 'esherin. na mtu akifika qaribu ya Aden, huona jebali la Aden, lakini hatta kutia nanga inachukua sa'a mbili u nussa. juu ya jebali hilo pana mlingote wa bendera, huona kulla upande unaotokea jahazi amma meli. na ule mlingote hupandishwa selo, wapashe khabari walio mjini.

tenna pana buruji, iliyojengwa min ájili ya mizinga kuiweka juu. kwani Wengereza wameijenga buruji hiyo, kama pana vita wao na qabila nyingine wakapigana, ikipita merikebu ao manowari waizamishe na ile mizinga iliyopo katika buruji. ma'ana hiyo ndio

---

1) ndugu. — 2) mtepe. — 3) kitumba chake = kikapu chake.  
4) Strömung. — 5) für „seekrank sein“ hat der Suaheli folgende Ausdrücke: kulewa kwa bahari, kulewa baharini, kuona kizungu cha bahari, kuona msukosuko wa bahari, kuona mrama wa bahari, kuona ta'abu ya bahari.

njia kubwa ináyofungana na Ulaya na Afrika na barra Hindi na Şini <sup>1)</sup>, lázima meli zipite Aden, hapana njia nyingine.

tulipokwisha zunguka jebali, marra tukaona majumba na bandari. haikupata nuşşu sa'a tukatia nanga. na mbele ya bandari huona kama majumba meupe, lakini si majumba — ni chumvi <sup>2)</sup>. na anayefanya chumvi hiyo ni Italiani. meli ilipokwisha egesha bandarini, tukaona gházia ya mashua na meli zinazokuja. mashua hizo za Wasomali. nao hupakia pembe za nyama za mwitu, na ngozi za chui na za simba, na vitunga, huchukua na vitambaa na miswaki, hupakia na Mayahudi <sup>3)</sup>, wanaouza nguo za ħariri na vitambaa vya ħariri na manyoa ya mbuni.

wakifika katika meli, huwa makelele sana, watu hawasilizani kabisa kwa makelele yao. wanainua vitu vyao, huonyesha ma'abiria, nao huanza be'i kubwa sana, huuliza kwanza pauni <sup>4)</sup> mbili amma tatu, ħatta kushuka rupia mbili tatu. nao hawapati siku zote rukĥsa, kupanda katika meli, lakini wakipata rukĥsa, wakija katika meli, huja huwadanganya ma'abiria kwa kuchekeka na kucheza. na mchezo wao kama watu wenyi wazimu amma watu wapumbavu. hupiga makofi na kupiga makelele, tenna hukusanya miguu pamoja hurukaruka. vyumba vyote vya meli hufungwa na madirisha hufungwa kwa kuogopa wevi, ma'ana Wasomali wanakwiba sana. kama hawawezi kupita milangoni, hupita katika madirisha kwiba vitu. nao hawa Wasomali huwasumbua sana hao Mayahudi, huwapiga na kuwatoza mapesa kwa kuwatisha, kwani Mayahudi wa hapo kama popote waoga sana.

watoto wadogo wa Wasomali wana mitumbwi yao

---

1) China. — 2) Saline. — 3) Juden. — 4) engl. pound.

midogo. huweta Wazungu, huwambia watupe fedda baharini, waizamie wachukue. nao huita kwa makelele „hev e daiv“<sup>1)</sup>, hev e daiv“, wakitupiwa nao huzamia, ‘ajabu haipotei kabisa. lázima kuipata katika maji, ijapokuwa maji marefu sana. wao hodari sana kwa kwenda mbizi<sup>2)</sup>).

na mtu akishuka pwáni, akifika forđani, vilevile hufanya gházia kwa kupigania ma‘abiria wawafuate. wengine huleta magari ya frási, wengine wanaleta punda, wengine wanaletá frasi na ngamia kuwapangisha ma‘abiria. na hao mabichboi wa Aden khatari sana, haifai kusikia maneno yao, ma‘ana watu wabaya na wevi, wanađuru watu. wakupata mtu faragha — pekeyake, naye mgeni, humpiga humnyanganya fedda yake. ndio ma‘ana haifai kwenda mbali pekeyake.

wengine wa ma‘abiria walikwenda ná magari kitembea Tawahi na Aden, wengine walichukua ngamia amma punda na frasi. wengine walikwenda hoteli na miqahawani, ná wengine katika maduka kununua pembe, na ngozi, na vitambaa vya ħariri, na manyoa ya mbuni.

nao wanaopangisha watu frasi na gari hawana qa-wa‘ida, hupangisha kama watu wanaofanya bi‘ashara. ‘aqili yao huwacha mtu akapánda, ħatta waqati wa mwisho wanamwambia be‘i. na be‘i yao hushika ghali sana. iwapo mtu mwenyi ‘aqili, haqubali kutoa be‘i anayoitaka. akiuliza rupia nne — mpe rupia u nuşsu, akitaka asitake, mwachie ende zake.

ukiingia katika mji wa Aden, utaona nyumba za máwe tu, za mawe meusi. na kulla paĥali unápokwenda hukutá mqahawa, lakini michafu sana miqahawa ya Aden. na watu wenyewe wachafu sana. ħatta midele, wanayopikia qahawa na vikombe, wanavyonywea, vi-

---

1) engl. have a dive. — 2) tauchen.

chafu sana. na kule Aden hapana maji ya mto wala maji ya ardi. maji yao maji ya mvua, amma maji yanayotoka barrani. huletwa katika viriba, hupakia katika ngamiä na punda na frasi, huuza bilauri ya maji pesa. na ukinunua mtungi wa maji ya kogeza hutoa rupia.

napo pana inchinia<sup>1)</sup>, inayopika maji ya chumvi kuyazima maji ya chumvi yawe ya bäridi. na watu wanayotumia maji hayo ni askari wa Wengereza.

nao watu wa Aden wamechimba chini ya jabali, wamefanya shimo kubwa sana, wakajenga kwa udongo wa Ulaya, ili ikinya mvuä yaingie maji. namo huingia maji mengi sana, lakini Aden hupita mwaka ämma miaka miwili isinye mvua, na ikinya — hunya siku chache tu.

hari sana kule Aden. sijaona pañali penyi jasho kama Aden. na katika inchi hiyo mtu hawezi kuona äsili ya jani bichi amma mti, hakioti kitu, kumekauka kama jiwe.

na Adeni vyakula vya hapo záyidi nyama ya kondoo na ya ngämia. nyama ya ngombe hawali sana, labda Wazungu na Wasomali wanakula, lakini hawa Wa'arabu wa Aden hawali. na vyakula vyote vya Aden vinatoka katika barra ya Yaman. mpunga na mchele unatoka barra hindi, na matunda hutoka Mişri<sup>2)</sup> na Ulaya. lakini äsili ya chakula, wanachopanda wenyewe, illa chakula cha hapo — samaki.

kule Aden pana ziyära<sup>3)</sup> za mawalii<sup>4)</sup>, mmoja jina lake 'Eidarusi. na şifa yake 'Eidarusi säkin el-Aden. naye alionyesha äjabu nyingi za walii. na kulla mwaka huenda wakizuru ziyara yake na kuweka nádiri. nayo

---

1) engl. engine. — 2) Egypten. — 3) Wallfahrtsort. — 4) Heiliger.

ziyara ina karama sana. na ya pili ziyara ya Shekh 'Othmani. nayo vilevile ina karama. nayo tenna kulla mwaka hufanziwa desturi yake kuizuru kwa machezo na karama, huwa kama siku kuu, ikiwa ziyara. na ziyara hizo, ikipita mwaka, nao hawakufanza qawa'ida ya ziyara, wanasema huḍuru watu, huonyesha 'ajabu.

na kitu kinachotoka Aden, kinachopelekwa katika inchi nyingine kufanza bi'ashara ni buni na ubani. na buni, inayotoka Aden, ni buni ghali kuliko buni ya dunia yote. nayo hupendwa sana. na pahali pana-polimwa huitwa Mokha. asili ya Mokha ulikuwa mji mkubwa zamani katika inchi ya Yaman, lakini sasa umekufa, umekuwa ghurabu. hapana mtu ḥatta mmoja sasa, lakini majumba ya mawe yako.

na wenyewe watu wa Aden hawanywi qahawa safi. qahawa wanayokunywa maganda ya buni. nao wanasema 'afya kuliko buni yenyewe.

meli ikiondoka Aden kwenda Suezi mwendo wa siku nne. tulipoondoka bandarini, tukatokea nje, tukaona visiwa vingi viko baharini. na kutoka bandarini ḥatta kwisha visiwa hivo huchukua sa'a arba u'esherin. na hapo ndipo penyi khatari ya hari, huḍuru watu. watu hufa kwa jasho, khaṣṣa Wazungu hawastahamili kabisa. meli ikiondoka Aden amma Suezi, ikipita katika bahari hiyo, hutia Wa'arabu amma watu wengine wa barra hiyo kutia moto kule katika inchini <sup>1)</sup>, kwani Wazungu hawastahamili kule chini. na miye, nimeona' marra tatu katika safari tatu wamekufa watu. bahari hiyo inakwitwa bahari nyekundu kwa kisuaḥeli, amma bahari akhmar kwa ki'arabu, ao bahari ya Musa. mtu huona kama mawingu ya mvua, lakini ile ni hari pia, inayotoka

---

1) engl. engine.

katika maji, yalivoshika moto kwa juu. na maji haya-tulizani kabisa, na tenna hapana upepo.

na mkiwacha visiwa vile vya Farsan, moto hupun-gua kidogo. na mtu akiqurubia Suezi, huona barra zote mbili, barra ya Afrika na barra ya Sham. hapo bahari inakwitwa juto la Suezi. na hapo katika upande huu pana kilima huitwa Seina, ndipo alipokuja nabbi 'Isa, akaomba du'a yake, akapiga fimbo baharini, maji yakakauka, akapita kwenda barra ya Sham. na hao makhášimu wake, watu wa Firaun, waliomfuatia nyuma, kutaka kumpiga, walipoingia kufuata njia yake ya ba-harini, wakafika kattikatti — na yeye amekwisha vukia barra ya Sham — maji yalichanganyika, yakawazamisha. hapo pameelekea sawasawa na Misri.

tulipondoka hapo, sa'a thena'shara tukafika Suezi, lakini meli haikusimama sana. na mashua za hapo, zina-zopandia meli, mashua za matanga na sitima<sup>1)</sup>, lakini hapana mashua ndogo. hapo ndipo watu huchukua taa ya sim<sup>2)</sup> na rubani, anayepeleka meli mtoni. tulipo-toka bandari ya Suezi, haikupata daqiqa sitta, tukaingia katika juto lililochimbwa. mto huo, waliouchimba Wa-franza, zamani hapakuwa mto, ilikuwa inchi kavu. na meli zilipokuwa zikitoka Ulaya zamani, zikenda barra Hindi na barra Afrika na barra 'Arab — lázima ku-zunguka Capetown kulla paḥali zinapotoka. lakini ali-pata mtu mmoja ḥékima kuchimba ule mto, achanganye hizi bahari mbili, bahari ya Ulaya na hii bahari ya Musa, ma'ana si mbali. kutoka Suezi ḥatta kufika Port Said qádiri ya mwendo wa siku tatu u nuşş kwa miguu, na kwenda katika meli sa'a arba' u 'esherin, kwani meli haiwezi kwenda upesi, kwa ájili mto mwem-bamba. lázima, ikija meli, inayotokea mbele, bassi zi-

---

1) engl. steamer. — 2) Scheinwerfer.

kikutana, lázima moja ifungiwe kando na moja ipite, ndipo ifunguliwe.

kulla chombo, kinachopita mto wa Suezi, hupimwa ukubwa wake na shehena yake, hutiwa be'i, hutozwa 'ushuru. na 'ushuru huu ghali sana. katika hizi meli kubwa za sasa, ikipita marra moja, hulipa qádiri ya mark khamsin elf na záyidi qádiri ya shehena yake. wenyi mto huo wanapata mali sana, kwani zinapita meli nyingi na manowari nyingi, sababu sasa njia imekuwa qaribu ya barra zote kuliko zamani.

na mkifika katika mto, marra nyingi hufuata wato wadogo na wazee, hufuata meli, wakiomba vyakula na mapesa. kulla upande huweza kuwatupia vitu. na mtu akiwa mbali, huthanni meli iko katika inchi kavu. na mtu akilala katika chumba chake cha meli, huthanni vilevile yumo katika inchi kavu. mto huo unagawa sasa barra ya Afrika na barra ya Sham, lakini zamani ilikuwa mpaka mmoja, watu wakenda kwa miguu.

kattikatti ya mto iko bahari ndogo. na zamani ni ziwa la maji, huitwa Bittersee. hapo meli hupata kwenda upesi na rukhsha kupishana meli. upande wa Mişri pana mji, unakwitwa Ismailia, zamani alijenga Ismaili Pasha. ni mji wa kubadili hawa, nao ni mji mzuri na bustani zake nzuri sana.

tukiondoka hapo, tukaingia vilevile katika mto mwembamba hatta tukafika Port Said. mtu akiingia katika Port Said, huwa gházia sana na vumbi la makaa, ma'ana lázima kulla meli, inayokuja hapo, hupakia makaa. waanawake na waanaume wa hapa huchukua makaa. na watu wanaofanya kazi Wanubi na Sudan, nao hodari sana kwa kulla kazi, hufanya upesi sana.

nazo huja mashua nyingi kuchukua ma'abiria na kuuza vitu — nguo, na vitu vitamu, na picha<sup>1)</sup> mbaya

1) engl. picture.

za 'aibu, na machungwa, na mapera, na kofia nyekundu, na kulla aina ya matunda huleta, na vitu vingine vingi. na watu wa hapa wevi sana. mtu hujihādari sana katika meli, huibia mtu fedāa na sa'a, kulla kitu cha mali hutaka kuchukua.

na mtu akishuka pwani, vilevile hupigania watu katika mashua. pana vilevile mabichboi wa kupeleka watu na kuwaonyesha mji na maduka. lakini khatari sana, haifai kuwafuata popote.

tulipoondoka Port Said, tukaingia katika bahari, inayokwitwa bahari ya kattikatti, ma'ana inayokwitwa kattikatti — imekaa katti ya barra ya Ulaya na barra ya Afrika na barra ya Sham. bahari hiyo ina ghoba nyingi na nzuri. nayo ina mawimbi sana, na rangi yake kana rangi ya nili.

siku ya pili tulipoondoka, tukaona kisiwa kimoja kikubwa, kinachokwitwa Kreta. na siku ya tatu tukaona inchi ya Italien na kilima kimoja kikubwa, kinachoitwa Aetna, kilima cha moto, unaotoka katika ardi. kilima hicho kiko katika kisiwa cha Sizilien. zamani kisiwa hicho, watu wanasema, kilikuwa pamoja na barra Italien. na sasa kimekatika, kimo mbali, meli inapita kattikatti. milango hiyo khatari, kwani pembamba sana, pana fungu, na maji yanavuta sana. na zamani merkebu za matanga, wanasema zimezama nyingi sana hapa kwa maji yalivo mabaya, kwani maji yake yanavuruka kama mtu anavuruka uji. na mji unauona hapo ni Messina. mtu akipita usiku, hupendeza sana taa zake. ngambo ya pili huitwa Reggio.

tulipoacha kisiwa cha Sizilien, mwendo wa sa'a theminta shara tukafika Neapoli. na hapo Neapoli bendari kubwa ya Italien, nao ndio mji wa 'ezi. iwapo mtu akiqurubia Neapoli, huona visiwa vidogovidogo baharini. na katika visiwa hivo pana kimoja kidogo sana,



ndio ma'arufu, na jina lake Capri. watu wengi huenda wakitazama kisiwa hicho, sababu pana pango. na pango hilo inaweza kupita mashua kwenda upande wa pili. nalo hutisha. huitwa pango nili, sababu maji ya hapo kama nili, na pango lenyewe nuru lake kama nili sababu ya maji yake.

qaribu ya Neapoli, sa'a mbili kwenda pale, kiko kilima cha moto, kinachokwitwa Vesuv. na moto huo umetokea katika ardi yapata miaka theminta'shara mia u'asherin, kama watu walinambia, na hatta sasa kulla siku unawaka. nao umezamisha miji miwili, iliyokuwa hapo qaribu ya kilima hicho, miji hiyo inakwitwa Pompei na Herkulanum. na sasa sultani wa Italien anafanza kazi kuichimbua miji hiyo, ili kutafuta busara ya jissi ya moto unavojaribu mji. nao wamekwisha pata vitu vingi katika miji hiyo waliyoichimbua. 'ajabu katika watu, waliokuwa katika miji hiyo, wanaochimbuliwa sasa — mtu akiwaona — huwakuta vilevile walivokaa kitako zamani siku, ilivoshuka huo moto, unaokwitwa zaha kwa kiangazija.

tulipoingia bandarini, akaja robani kutia meli ndani. mtu akiingia ndani ya bandari, hupendeza sana mji, kwani mji huo uko katika ghoba, umezungusha bandari kama boma, na tenna uko kilimani. na mtu akitazama yale majumba yalivo mengi na makubwa na meupe — hupendeza mno. na mawingu ya hapo hupendeza mno katika namna yake, na usiku, taa zinapowashwa, vilevile hupendeza mno.

tulipotia nanga, zimekuja mashua nyingi sana. nyingine huleta ma'abiria, nyingine walipakia watu wenyi matarumbeta na vinanda na matari. watoto wadogo na waanawake na waanaume huja wakipiga vinanda na kucheza na kwimba na kuinga miavuli kuomba mapesa. na wengine walileta matunda, na mboga,

na picha, na fimbo, na sa'a, na miavuli, na nguo, na lozi, kulla aina ya matunda, na kulla aina ya kitu kinachouzwa. watu hao vilevile wabaya — huiba. nao wanajua kuđihaki watu kuwanyanganya.

ba'ada ya kutazama machezo yale, tukashuka mjini kwenda hoteli. na mtu akisha fika pwani, vitu hufunguliwa kutoza 'ushuru. na khaṣṣa kitu, wanachotafuta — tumbako, ndio khatari, na kitu kipya vilevile. na mtu hukuta wachukuzi wengi hapa, na mabichboi hupigania mizigo, kama mtu hakutazama sana huibiwa vitu vyake.

tukakaa siku moja katika hoteli, nikenda kutazama mji. na katika mji wake si nađifu sana — mchafu, na wenyewe wachafu. nao hupita, wakitembeza vitu, kama kule kwetu Unguja. vyakula vyao mno tambizi zinazokwitwa makaroni. nao husimama njiani waki-chukua mikononi wakila. na hapa pana hari sana waqati wa jasho kama kule barra yetu. nayo ndiyo inchi inayofaa kupanda matunda ya kwetu.

tulipoondoka Neapoli, tukaingia katika gari la moshi, tukenda Rom — Mailand — Luzern — München hatta tukafika Berlin. tukakaa siku mbili u nuṣṣ katika gari la moshi. na mtu akisha shuka katika gari la moshi, hujiona khafifu sana, kama mtu aliyovunjika mafupa.

---

# Safari yangu ya Udoe hatta Uzigua

na khabari za Wadoe na mila yao

inatoka kwa

**Mtoro bin Mwenyi Bakari.**

bismillahi er-rahmani er-rahim!

hiki qissa cha safari yangu zamani nilipokwenda Udoe na Uzigua. siku moja nimefikiri moyo wangu, mimi kijana mzima sasa, wala sijui safari iliyo yote. bassi marra nalikwenda kwa Muhindi kubadili biḍa'a pekeyangu, hapana mtu hatta mmoja aliyejua. nilipokwisha kubadili biḍa'a, kwa siku ya nne nikampa khabari mama yangu, nikamwambia: „mimi nataka kusafiri“. akaniuliza: „unakwenda wapi?“ nikamjibu — ya kama: „nakwenda Zigua kutembea na kufanya bi'ashara kidogo“. mama yangu akaniuliza: „utakwenda na nani Uzigua, na wewe mgeni katika barra?“ nikamjibu: „nakwenda mimi pekeyangu, wa pili muungu, atakayenisa'idia kulla maafa katika njia“. akanambia: „nenda“, lakini moyo wake hauna furaha.

bassi tulipokwisha kuagana mimi na mama yangu, ikawa kutafuta wapagazi wa kidoe na kizigua hatta nikawapata. tukapatana mimi nao hatta tukaelekezana. tulipokwisha kupatana, tukaondoka, tukenda hatta

tukafika shamba, jina lake Nsole, tukapumzika katika shamba la Mwinyi Maulidi. akaja Mwinyi Maulidi, akaniuliza: „Mtoro, unakwenda wapi na biḡa'a?“ nikamjibu: „nakwenda kutembea Uzigua“. akanambia: „salama inshaallah!“ bassi marra Mwinyi Maulidi akanwita kitwana chake, akanwambia: „nenda ukamwanguilie madafu bana wako, aje anywe maji“. na yeye mwenyewe akenda akakata miwa mitatu mikubwa sana, akawapa wale wapagazi wangu wakatafune. na yule kijana akashuka juu ya mnazi, akatafuta kifuo, akafua madafu, akaniletea nikanywa. khalafu Mwinyi Maulidi akanambia: „tafaḡḡali nataka ushinde hapa pangu“. nikamjibu: „ashanta maneno yako, walakin siku ya leo nataka unisámehe, ma'ana nataka nikalale Dunda leo“. bassi wapagazi walipokwisha kutafuna miwa na mingine wakachukua, na mimi nilipokwisha kunywa madafu, marra nikataka rukḡḡa kwa Mwinyi Maulidi, akanishindikiza ḡatta mwisho wa mashamba ya Nsole, khalafu akarudi, nasi tukenda zetu.

tukenda ḡatta tulipofika qaribu ya Mkwaju wa Mvuani, tukaona embe zimezaa sana. wale wapagazi, walivoona embe, roḡo zao hawakuweza kujizuia, wakanambia: „hapa tutue, tupumzike“. na mimi nikawajibu: „vema“; wakatua mizigo. walipokwisha kutua, marra nikawaona wanapanda juu ya miembe, wakatingisha embe. na nyingine wanakula juu ya mti kama mfano wa popo. kisha wakashuka juu ya miembe, wakakusanya embe zao, wakatia katika vikanda.

khalafu tukaondoka tukenda zetu ḡatta tukafika mto wa Chatota qaribu ya Dunda. tukakutana na pazi, anatoka shambani kwake, nikamwamkia, akaniuliza: „unakwenda wapi na biḡa'a?“ nami nikamjibu: „nakwenda Zigua kutembea“. bassi akanambia: „twende nyumbani kwangu, ukapumzike kidogo“. tukenda mimi

naye na wapagazi wangu hatta tukafika kwake. akamwita suria yake, jina lake Vumilia: „nenda katika shamba la muhindi, ukamvunjie mahindi Mtoro“. bassi na yule suria yake akenda akavunja mahindi, akaja akachoma, tukatafuna mimi na wapagazi wangu. hatta tulipokwisha, nikamwaga, nikamwambia: mwenemzi <sup>1)</sup>, sasa nataka kwenda Dunda, sababu nimechoka sana“. akanambia: „vema, walakin lini safari yako?“ nikamjibu: „kesho aş-şubuhi“. akanambia: „na mimi kesho ntakuja huko kwa ndugu yako“. tuzidi kuagana.

tukaondoka, tukenda hatta Dunda. tulipowášili, wapagazi wakatia ndani mizigo. nami nikaingia ndani, nikamwamkia mke wa ndugu yangu, mařana ndugu yangu alikuwa hayupo barazani, amekwenda kutembea. marra akapata khabari, ya kama nimekuja, naye marra akarudi nyumbani. tukaamkiana na kupeana khabari kama niliyo nayo.

hatta aş-şubuhi akaja pazi, tukamwamkia, akaniu-liza: „utasafiri min gheri ya kwenda katika maqaburi ya wazee wako?“ Abdallah, ndugu yangu, akasema: „kweli pazi maneno yako“. marra tukaondoka, tukenda maqaburini tukazuru. tulipokwisha tukaja nyumbani, wakanihimizia chakula nikala. nilipokwisha wakanambia: „mbona unakwenda pekeyako Uzigua? nawe mgeni, hujasafiri!“ nikamjibu: „ntafanyaje? nataka kufanya safari moja ya barra“. wakasema: „haifai“. wakanipa mtu moja kufuatana naye. na ndugu yangu mdogo Slemani akasema: „nami ntampeleka hatta Zigua“.

bassi nikawaaga, tukaondoka tukaenda hatta tukafika Sanganzuru mbele ya Dunda. nikaonana na Mkwe-lengala, mkubwa wa Sanganzuru, naye akataka kuni-

---

1) mwenye mji.

chukua kwake. nikamwambia: „sipati kwenda kwako, kunrađi sana, sababu wingu la mvua linakuja, nami nataka kwenda kulala Usako“. bassi tukenda zetu mudda wa sa'a moja ikanya mvua kubwa sana, ikawa nimeuzika sana, nikajuta kusafiri kwa ta'abu ya tope katika njia na mashimo yamejaa maji. nikaona 'azabu kubwa sana, wala hapana pahali pa kupumzika. bassi tukenda — marra nimeingia katika shimo la maji, marra nimeteleza kwa tope zilivo nyingi — hatta tukawášili Usako imekuwa usiku auwali ya 'isha. nimechoka sana, sina nguvu.

tulipofika Usako, marra nikamwona Mwinyi Shehe, ndugu yake pazi. tukaulizana khabari yeye na mimi. akaamru mkewe kufanyiza chakula upesi. marra akaja ndugu yake, pazi Tandukizi jina lake. nikamwamkia, na khalafu tukazungumza, akanambia: „unakwenda wapi?“ nikamwambia: „nakwenda Uzigua kufanya bi'ashara kidogo“. akanambia: „utaiweza pekeyako bi'ashara ya Uzigua?“ nikamjibu: „sababu nini?“ akasema: „mbuzi wao ao nğombe wanauza ghali sana, na wewe mgeni“. nikasema: „haiđuru, ntatazama, nikaona mna makhlaša katika bia'shara — ntanunua, na kama hamna — ntawacha“. bassi marra akaja kijakazi, akasema: „chakula kimekwisha“. Mwinyi Shehe akajibu: „mwambie apakue“. kikapakuliwa chakula, akaleta kijakazi, tukala pazi na Mwinyi Shehe na mimi. tulipokwisha kula, pazi alitaka kuweka maongezi. nikamjibu: „nisámehe mvele wangu, nataka kulala, sababu nimechoka sana kwa mvua na matope“. tukaa-gana mimi naye na kupeana buriani.

hatta aš-subuđi na mapema tukaondoka, tukaingia katika pori la Mwidu. pori hilo da'ifu sana, simba hutembea usiku na mchana. siku chache qabla ya kupita sisi katika safari, mwenyi safari amefuatana na

kirongozi wake, akatokea simba njiani, akamkamata mwenyi safari, alikuwa juu ya punda, hakupata kumshika sana, lakini alianguka chini. marra simba akamrukia kirongozi, akenda naye. mwenyi safari alipoondoka, akatazama mbele yake, kirongozi wake hayupo — simba amemchukua, sababu safari yalikuwa nyuma, na wao walikuwa mbele pekeyao, na simba amekuja kama mfano wa radi.

hatta tulipotoka katika pori la Mwidu, tukaingia Shakini, tukenda kwa Mdoe mmoja, jina lake Mtengwa Kidedede. tukapumzika, sababu jua lalikuwa kali sana, na kiu imetushika.

na katika inchi ya Wadoe na khabari zao na dasturi zao nitawaelezea mambo yote ba'ada ya kwisha safari yangu.

hatta siku moja tukaondoka, tukenda kulala Wame kwa Mzigua mmoja, mji wake mbaya sana. kuna taka nyingi na mavi ya ngombe mengi sana na vidudu katika kitanda — mtu hawezi kulala. bassi tukalala, nami moyo wangu unawaza usiku na uche hima, tuondoke katika mji huo.

bassi usiku ulipokucha, tukaondoka, tukenda kuvuka mto wa Wame. na mto huo mbaya sana, una mamba wengi na viboko. na mtumbwi wao mdogo sana. lakini tukavuka salama hatta ngambo ya pili.

kama safari kubwa inataka kuvuka hapa, kwanza hupiga bunduqi katika maji kufukuza mamba katika maji, 'askari na wapagazi wapate kuvuka kwa miguu, sababu mitumbwi haba.

na kule ngambo tukaona Wazigua, wamejifunga vita, wanataka kwenda kupigana wenyewe kwa wenyewe. nikamwauliza Mzigua moja: „wanagombea nini?“ akanambia: „wanagombea mipaka ya inchi, huyu anasema »upande huu wangu«, na mwingine anasema »upande huu wangu«, ndio sababu yao“.

nikenda zangu hatta nikafika katika mji wa yule jumbe Kingaru. mji wake mzuri sana, ana mbuzi wengi sana na ngombe. akaniqaribisha, akanipa kiti, nikakaa kitako, akaniuliza: „wewe kijana wa wapi?“ nikamjibu: „kwetu Bagamoyo“. akasema: „wazee wako wote wazima?“ nikamwambia: „baba yangu amekufa“. bassi akamwita mke wake akamwambia: „fanyiza chakula hima“. tenna tukazungumza mimi naye, wakaja Wazigua wengi sana kunitazama, moyo wangu ukafanya khofu kidogo. marra chakula kimekwisha tukala. akaniuliza: „umekuja kufanyiza nini huku Zigua?“ nikamwambia: „mimi mgeni katika barra, nasikia kwa watu killa siku Zigua nzuri sana, bassi moyo wangu umetamani kuja kuiona Zigua“. akaniuliza: „bii bida'a unataka kununua nini?“ nikamwambia — kama: „kinachofa'a pwani nitanunua tangu mbuzi hatta ngombe, tangu ngombe hatta mpira“. akasema: „vema, kwanza nakutaka usare — wewe uwe ndugu yangu, sababu mimi sina ndugu“. nikamjibu: „vema“.

akamwamru mtumwa wake kwenda kuleta mbuzi, akaja mbuzi akachinshwa, likatolewa ini. akaja mdu-milizi na kinoo na wembe, akaniweka juu ya kichwa na huku anasema: „wewe mungwana, umetoka pwani, Kingaru amekutaka urafiqi. nawe umekuja na bida'a. Kingaru akatwae doti moja ao mke wa Kingaru akatwae doti moja, na weye ukaqasirika, ukenda pwani kumshitaki, kwa sababu ya doti yako, Kingaru akafungwa na sirkali — weye ufe. ao umeona 'adi ya Kingaru, anamteta Kingaru, na weye ukamsa'idia 'adwi, ukasema „kweli Kingaru mbaya“ — ufe. ao umemwona Kingaru ao ndugu ya Kingaru katika mji wako na weye usimtaame kwa chakula ao kwa maji — ufe weye na wa kwenu“. ba'ada ya maneno hayo, aliyonambia mimi, na Kingaru huambiwa kama haya. ba'ada



ya kudumiliza akachanja uchale, akatwaa ini la nyama, akachanganya kidogo cha damu yetu, akatupa, tukala kipande Kingaru na kipande mimi. tulipokwisha, akaja mkewe, nikampa jora ya kaniki na kitambi na ushanga. na yeye nikampa kanzu na kofia, akawa rafiqi yangu sana.

khalafu nikamwambia: „sasa nataka kufanyiza bi'ashara“. akanambia: „kunako mbuzi wazuri na ngombe wazuri mbali sana, wewe huna haja na kwenda, kaa hapa, walakini toa mtu wako mmoja, na mimi ntatoa mtu wangu, tuwapeleke kunako mbuzi wazuri, wakanunue“. nikamjibu: „vizuri sana“. hatta aş-şubūhi wakaondoka, wakenda na wale wapagazi wangu kununua mbuzi na ngombe. wakashinda kule walikokwenda. hatta siku ya pili wakarudi na mbuzi na ngombe wazuri, nikafurahi sana.

ba'ada ya siku sitta nikamwaga, akanambia: „nataka nikupe watumwa wangu na mbuzi wangu na ngombe wangu, uende nao Bagamoyo ukauze, sababu hawa watumwa wajinga“. nikamwambia: „vema“.

nikaondoka mimi na wapagazi wangu, tukenda hatta tukafika Wame. jua limekuchwa, na mtumbwi hapana. mashauri yakatupotea. na pahali hapo ni njia ya simba, na katika mto mamba anakamata samaki. khalafu nikawambia: „hapana mashauri illa tujitose — mwokozi muungu“. wapagazi wakasema: „ndio mashauri yako, walakini mamba anakamata samaki“, nikawambia: „yuko mbali kidogo“. wakasema: „haya“. bassi nikasema: „ēwe rabbi tunuşuru watumwa wako kwa siku ya leo“. tukajitosa na maji yanavuta sana. muungu akatuvua, na yule mamba asituone hatta tukavuka ote salama.

tulipofika ngambo ya pili, tukapanga nyumba kwa Mdoe mmoja, jina lake Luaga. na pahali hapo pana haridi nyingi sana. wale wapagazi wakahimiza chakula

tukalala. hatta aṣ-ṣubuḥi tukaondoka, tukenda mchana kutwa, hatta mshuko wa al-ʿaṣiri tukafika Usako kwa pazi Pandukizi. akaja pazi na ndugu yake tukaamkiana. akaamru tenna mke wake kufanyiza chakula. hatta tulipokwisha, akaniuliza: „safari yako nzuri?“ nikamjibu: „al-ḥamdu lillahi“. bassi akanambia khabari, iliyopita Usako, ya kama mama yake amekufa. nikawapa mkono wa taʿazia.

hatta usiku tukalala, aṣ-ṣubuḥi nikamwaga pazi na Mwinyi Sheḥe, tukaingia katika nyika ya Usako kwenda Mwidu. na hiyo njia tuliyoipita yalikuwa ya zamani — yalikufa. tukaifuata tukakuta siafu wengi, wote wamechanganyika — wanapigana vita. na vita vyao ʿajabu kubwa. aṣili yake mdudu mmoja katika wale siafu aliuawa na wenziwe, tenna wale siafu wakafanya vita, lakini kwanza walikwenda siafu watatu kuuliza khabari. walipofika wale siafu, nao wakauawa, tenna wale wengine wakajua, ya kama kuna vita kweli. nao wakaondoka wakenda katika vile vita wakapigana. na kupigana kwao hawapigani wote, wengine wanapigana, wengine wanachukua walio na madonda, na wengine huwachukua wale waliokufa, hawaqubali kuwawacha. na mapigano yao huuma na meno juu ya kichwa hatta afe. akisha akenda kwa mwingine. nao waqaidi sana, hawa wakifa — wanakuja wengine, na nyuma hawarudi, wajapokwisha wote. kaḥālīka wale wanaowapata katika vita wenyi madonda huwapeleka katika mashimo yao, wakawaweka, wanaopona watapona na watakaokufa watakufa.

kaḥālīka vita vya sangara. hawataki kuona moto katika njia. wakiuona moto, watajikusanya wote sangara, wakauzime moto. na kuuzima kwao huuzima na mate. nao watakufa wengi. hawa wanakwenda na hawa wanarudi, na wengine wanachukua jamaʿa zao

aliekamatwa na simba. kumpuni <sup>1)</sup> alitaka mtu kerani Mtoni kungojea safari zinazopita kutoka barra. amepatana na Mw'arabu mmoja, naye akaqirri akendá kukaa pale kivukoni. na pahaali hapo desturi yake killa mwaka waqti wa masika mamba hukamata mtu na simba kazálíka, panakwitwa Kiyembayemba. siku hizi yule Mw'arabu amelala usiku, akasikia mlangoni kama mfano panapo mtu, akastuka katika usingizi, akenda pale mlangoni. alipoushika mlango — akakutana na simba. simba alipomwona Mw'arabu, alimpiga makucha ya kichwa. Mw'arabu akapiga makelele. simba aliposikia kelele yake, alimkamata kichwa alimtoa nje. na wale watu, walio-kuwa ndani ya nyumba, wote roho zao zalikuwa na khofu. simba akamla yule Mw'arabu.

hatta aş-şubuhi wale watu wakapeleka khabari kwa kúmpun. kúmpun alipopata khabari, ya kama mtu wao ameliwa, akenda nyumba ya serkali kupeleka khabari. serkali aliposikia maneno ya kúmpun, alimwamru bana wa 'askari kupeleka mtego Mtoni na mbuzi mmoja. akatega mudda wa siku mbili, siku ya tatu akanasa yule simba. wakaja watu kuleta khabari, ya kama simba amenasa, akaondoka bwana wa 'askari pamoja na 'askari, wakenda hatta panapo mtego. walipofika kutaka kumqaribia, simba akanguruma kwa ukali, hawakuweza kufika panapo mtego. akaamru kumpiga. rişasi wakamleta mjini, wakamtembeza mji mzima, watu wote wakamwona. wakatega marra ya pili mtego, akanasa simba mwanamke. hatta siku ya saba' akanasa simba mwingine mwanamume, jumla yao walikuwa simba watatu wamenasa kwa siku saba'.

nimesikia khalafu khabari nyingine ya simba aliyenasa, lakini hawakumpiga. zamani moja katika mrima

1) Verstümmelt aus Kompagnie. Gemeint ist die Deutsch-Ostafrikanische Gesellschaft.

kule Lindi palikuwa na simba hukámata watu killa siku. wakamfanyia mtego kumtega. hatta siku moja akanasa. siku ileile palikuwa na mwanamke wa kizungu anapita kutembea. yule mwanamke alipomwona simba, roho yake ikaingiwa na oga sana, sababu hakumjua ya kama amenasa. mbele hakuweza kwenda, wala nyuma hakuweza kurudi. khalafu moyo wake ukarudi, fahamu zikamreje'a, akareje'a mbio mjini, akatoa khabari mjini, ya kama simba amenasa. yule mwenyi mtego aliposikia, akajifunga na bunduqi yake, akenda hatta alipo simba na Wazungu wengine naye pamoja. alipotaka kumpiga yule simba — rişasi yake yalikuwa mbovu — mshindo haukutoka. simba alipoona mshindo wa bunduqi haukutoka, akamrukia akamkamata. wale wenzawe aliwofuatana naye, walipomwona mwenzao amekamatwa, na wao wakakimbia. katika mbio zao walizokwenda mmoja khofu ilimshika, akaanguka chini, naye alifuatana na boi wake, akamwangukia juu yake, moyo wake ulithanni ndio simba ananikamata sasa. marra akapiga kelele nyingi sana akaondoka akazidi kwenda mbio, fahamu hana, akenda kujitosa katika mto, na huo mto ulikuwa na khatari ya mamba, lakini amenuşurika. na mwenyi mtego, aliyekamatwa na simba, alipiga makelele mengi sana, simba akaona uchungu — akamwacha. lakini amemia kidonda mwanzo wa kifuni hatta miguuni.

nikashinda Dunda, hatta aş-subuhi nikenda mjini, walákin niliporudi nimepitia njia nyingine. nimepita njia ya Yombo. kwanza nalivuka Chatota, khalafu nikenda mto wa Mtakashari. nilipotoka mto wa Mta-kashari, nikaingia mto wa Chasimba. khalafu nikenda zangu, nikavuka mto wa Chombe, lakini ulikuwa ume-kauka hauna maji. lakini waqti wa masika mto huo huwa na mamba.

nilipotoka Chombe, nikaingia Vikukuni. mashamba

haya wanalima Wandengereko, lakini inchi wenyewe Wazaramu. nilipotoka Vikukuni, nikenda Matimbwa. na hayo mashamba ya Matimbwa mazuri sana, mabonde yake na inchi yake ruṭba sana. hustawi kulla mbegu — mtama, mpunga, mahindi, ḥatta miwa na ndizi, wa kaḥálíka minazi. na ášili ya mashamba hayo wenyewe Wazaramu, qabila yao Wanzerekera na Wavyuma na Wapandeni — ndio wenyewe. bassi tulipofika pale Matimbwa, nikenda kwa babu yangu, jina lake Mwenyi Makubi bin Chuma, naye ndiye mkubwa wa katika inchi hiyo. aliponiona, akanihimizia chakula, nikala. ḥatta waḥṭi wa al-‘aširi nikenda mashamba ya Nsole. nilipotoka Nsole, nikaingia Bako. nilipotoka Bako, nikenda Ugeni. na pale Ugeni pana shamba la Tshanzi Mdumi. nikenda nikaonana naye. akataka kuniangulia madafu, nikamwambia: „jua limekuchwa, sasa nataka kwenda mjini“. bassi akanishindikiza ḥatta Boṅwa, khalafu akarudi.

nilipotoka Boṅwa, sikusimama illa nimewašili mjini Bagamoyo. nilipofika Bagamoyo, akaja mama yangu na ndugu yangu mwanamke na jama‘a wengine wamekuja kunihongeza, ma‘ana — mtu akisafiri akirudi, huja watu kumhongeza, humpa mkono wakamwambia: „hongera“; naye hujibu: „al-ḥamdu lillah“. marra nikafanyiziwa uji nikanywa, khalafu nikoga, nikavaa nguo nyingine, khalafu nikenda mskitini kušali, magharibi nikarudi nyumbani, nikalala ḥatta aš-šubuḥi.

nikamwita dalali, akaja nyumbani, nikampa vile vitu, nilivyonunua Udoe na Uzigua. akapeleka sokoni, akauza jumla. nikampa mbuzi na ṅṅombe wa yule rafiqi yangu Kingaru. akauza jumla, akaniletea feḍḍa, nikawaqábiḍi wale watumwa wake. wakalala ḥatta aš-šubuḥi wakenda zao. nikawambia: „salamu kwa bana — ou sana, nami, muungu akinija‘ali, ntakuja marra

nyingine kumtezama“. wakasema : „vema“. bassi tangu safari hiyo hatta sasa bado kwenda upande huo, simjui yule rafiqi yangu mzima ao amekufa.

---

### **khabari za Wadoe.**

m w a n z o w a m a n e n o .

maneno haya yanayokuja ba'ada ya kuandika safari ya Udoe ni khabari za Wadoe na dasturi zao. nimezipata kidogo kwao, zamani niliposafiri, na nyingine nimezipata katika mji waqti wanapokuja na bi'ashara zao kuuza. mna wengi wanajua maneno ya kisuaḥeli, hao ndio nilivokuwa nikiwauliza dasturi zao. nami wakanambia, nikazikusanya katika kichwa, na sasa nataka kuziandika zote. na dasturi za bin Adam nyingi sana. mtu huzaliwa na wazee wake, katika udogo wake hushika dasturi za wazee wake. akikua nyingine huzishika, nyingine akaziwacha. na katika qabila za mrima na za barra mila yao mingi inafanana, na mingi inakuwa mbalimbali. nami sasa nitaandika mila ya Wadoe qadri nitakápojua.

**khabari za Wakamba na Wadoe na  
mapigano yao.**

zamani za kwanza katika mirima katika inchi, inayokwitwa sasa Udoe, mlikuwa na watu huitwa Wakamba. walikuwa watu wabaya sana na jeuri nyingi sana. watu, waliokuwa katika mirima, mashauri ya kufanya yakawapotea. khalafu pakaondoka mtu, akenda Kutu, akamkuta pazi, akakaa katika mulki wake, akamwambia: „mwenemzi pazi, nimekuja kwako, nataka vita uende ukaipige pwani, na hiyo pwani inchi nzuri sana“. pazi akamwuliza: „'alama yake nini inchi hiyo?“ yule mtu akatoa chumvi, akampa pazi. pazi akaonja

chumvi, ikampendeza sana, sababu yeye haijui chumvi. khalafu akamjibu: „vema, nimesikia maneno yako“. pazi akapeleka khabari kwa watu wake wote, wakaku-sanyika kwa pazi kusikiliza amri. bassi khabari ya pazi ikawa killa siku anasema: „kesho tutakwenda pwani“; siku nyingi zikapita, wala asende.

na yule pazi ana ndugu yake mwanamke, jina lake Mlalukali. alivomwona ndugu yake Lukali<sup>1)</sup>, killa siku amekaa tu, wala hana hamu ya vita, akaqasirika sana, akamwambia: „sababu nini amekuja mtu kutoka pwani, amekualika vita, na wewe sultani na hamu ya vita huna? kama wewe unaogopa, mimi ntakwenda pwani nikapigane“. Lukali aliyosikia maneno ya ndugu yake, ghadabu zikamshika. pazi akapeleka khabari tenna kule Usukuma, akawaita Wavira na Wanyamwendo, waje wafuatane pamoja kwenda pwani. marra akafunga safari ya vita. wakazidi watu kukutanika, wakawa wengi sana. vikatoka vita. hatta walipofika kattikatti ya njia, wakakuta jeshi myingine ya vita. pazi akatafajjabu sana — ya kama: „nani yule mwenyi watu wengi kama mimi?“ akashinda pale pazi, safari haikwenda, akatuma mtu kwenda kuiuliza ile jeshi, inatoka wapi inakwenda wapi. marra mjumbe akarudi, akamjibu pazi — ya kama: „ile jeshi ya Tshanzira<sup>2)</sup> haina pahali ma'alumu pa kwenda illa wanatembea bassi“. pazi akafanya ura-fiqi na Tshanzira. ba'ada walipokwisha urafiqi wao pazi na Tshanzira ikawa safari moja kwenda pwani.

khabari ya yule mwanamke Mlalukali. siku moja tumbo limemshika sana, akaugua siku tatu, hatta ya nne akafa. Wadoe<sup>3)</sup> wakapata khabari, ya

1) Der frühere Name des pazi. — 2) cha nzira = cha njia.  
— 3) Nach Vertreibung der Wakamba wurden die an der Küste  
niederlassenden Wavira, Wanyamwendo, sowie ein Theil der

kama Mlalukali amekufa, wakaja wakamtaka kwenda kumzika. walipompata wakafanyiza mashauri ya kumla. khalafu wakamkatakata wakamla. ikawapendeza nyama ya mtu, ndio mwanzo wa kula watu Wadoe. khalafu wakaondoka, wakenda hatta wakawášili pwani. wakamkuta Mkamba katika mji amestarehe.

maneno ya vita.

pazi alipowášili pwani, marra ali'azimu vita kumpiga Mkamba. khabari ya Wadoe kupigana kwao na Mkamba: Mdoe, killa akimwua Mkamba, humkata nyama yake kama mfano nyama ya mbuzi, na khalafu huitia katika majungu, wakaipika, wakisha wanakula. kazálíka nyingine wanachoma wakala. vikawa vita vikubwa sana. Wakamba walipoona mambo ya Wadoe wanakula watu, roho zao zikaingia khofu, wakakimbia, wakauacha mrima. na pazi akapata inchi, na khabari ya Wakamba imekwisha.

majumbe, walio qaribu, walipomwona pazi hodari sana, ameweza kumpiga Mkamba, hatta akamwondosha, wakamwambia pazi: „sasa wewe mume, sisi waana-wake“. na ma'ana hiyo wameiweka mila, tangu zamani hizo pazi haonani na jumbe. na katika ba'adi ya Winde na Sa'adani mwene haonani na mwekambi<sup>1)</sup>. katika daraja hizo, tulizozitaja, pazi kuonana na jumbe, ao mwene kuonana na mwekambi, katika watu wawili — mmoja wapo — atakufa. dasturi hiyo hatta sasa katika mrima. na mwanzo wake ni hivo vita.

tureje'e tenna kwa pazi. ba'ada alipopata inchi, eigenen Leute Lukali's von den übrigen Küstenbewohnern Wadoe genannt und zwar weil in ihrer Unterhaltung fortwährend das Wort doe als Bejahung, Betheuerung etc. vorkommen soll.

1) Alle jumben von Gama bis Uvinje heissen jumbe mwekambi oder diwani mwekambi z. B. jumbe mwekambi Ismail, Bana Kheri bin mwekambi Juma'. Der jumbe mwekambi steht seinem Range nach über den jumben z. B. von Bagamoyo, er steht direct unter dem mwene, hat also denselben Rang wie der shaha bei den Suaheli.



pazi akawambia majumbe: „mimi mtu wa barra, siwezi kukaa pwani, nami nataka kwenda zangu, hapana vita tenna, mna mashauri gani?“ majumbe wakasema: „sisi hatuna mashauri, kama utakálosema wewe — kwetu sisi bassi“. pazi akawambia: „inchi nnawapa mkae, walakini mjue sana, ya kama mimi ndio mwenyewe. wa kazálíka killa mwaka mnipe kanda langu la inchi, ma'ana 'ushuru“. majumbe wakauliza: „nini kanda lako unalotaka? twambie tujue“. pazi akaweka dasturi: kulla mwaka kuja katika mji kutwaa biḍa'a. naye aliwaonyesha mvinje<sup>1)</sup>), akawambia: „killa mwaka mweke biḍa'a na visua mwanzo wa chini ya mvinje ḥatta juu, hilo ndilo kanda langu“. wakaqubali majumbe.

bassi pazi akenda zake Kutu, walakini zamani anapokuja katika mji kutaka kanda lake, huwa kishindo kikubwa kama mfano wa vita. Wa'arabu na Wahindi na Wasuaheli wote hufunga milango na maduka, wala watu hawatembeji sana siku hiyo, ma'ana huja na watu wengi sana, bassi kama kitu watakáchokiona — watachukua, wajapomwona mtoto wa Mw'arabu — humchukua. bassi khalafu majumbe humqaribisha pazi, wakatafuta biḍa'a, iliyo nzuri, wakaipanga katika mvinje, na khalafu humpa pazi akenda zake.

na dasturi hiyo imekaa siku nyingi katika mrima, ya majumbe kumpa pazi kanda lake, walakini khalafu majumbe waliondoka wakaenda kwa Seyyid Barghash wakamwambia: „Seyyid, tunataka neno hili utuondolee kwa mapazi“<sup>2)</sup>). khalafu Seyyid Barghash akaweta mapazi wote, akawambia: „sasa hakuna kutaka kanda la inchi kwa majumbe, illa kaeni ndugu moja“. na mapazi wasimrudi jawabu Seyyid Barghash, wakasema: „vema, tumesikia“. ikesha khabari ya kanda.

1) Baum. — 2) Die übrigen pazi im Küstengebiete hatten es unterdessen dem pazi aus Kutu nachgemacht.

khabari ya Wadoe na Wazaramu.

ba'ada ya kupata ile inchi ya mrima, wakagawana pazi upande wake Zaramu yote na Mdoe upande wake ba'ada ya kuvuka mto wa Ruvu mkuranga wote — mwenyewe mwene. hokumu ya Winde hatta Shakini na Kwere — mwenyewe mwene, hupatana na majumbe wa Winde Makame ya Shani<sup>1)</sup> na Mwekambi<sup>2)</sup>. na hokumu ya Baga-moyo hatta Benderessalama na Zaramu yake — mwenyewe pazi, hupatana na majumbe wa Bagamoyo hatta Benderessalama. huo ndio mwisho wa ášili ya mrima zamani.

### **mila yao ya Wadoe.**

dasturi ya mtoto kuzaliwa.

ba'ada ya siku saba' mtoto hupewa jina. akizaliwa mtoto mwanamume, hupewa jina la babu yake, aliyezaa baba yake, na akiwa mtoto mwanamke, hupewa jina la bibi yake, aliyozaa mama yake. ao yule mtoto majina yake humwuguza — hutafutiwa jina jingine katika ndugu<sup>3)</sup> wa kwa baba ao ndugu wa kwa mama. na jina hilo humpa babu yake ao bibi yake. na kama watu hao wamekufa, jina atampa baba yake ao mama yake.

na yule mtoto humtazama sana katika kulala kwake, asilale kifudifudi<sup>4)</sup>. iwapo atalala kifudifudi — bassi mtoto huyu hawamlei, husema mtoto huyu mbaya.

na iwapo ametoa meno ya kwanza<sup>5)</sup>, humtia katika ungo, wakampeleka kulla nyumba zilizomkhušši. siku hiyo hufurahi sana. na yule mtoto humtunza, killa mtu humpa kitu alicho nacho, killa nyumba, atakáyopeleka, harudi billa ya kupata kitu.

---

1) Die jumben von Winde heissen alle Makame ya Shani. —  
2) Die jumben von Gama bis Uvinje heissen alle Mwekambi. —  
3) Verwandtschaft. — 4) auf dem Gesicht. — 5) unteren Schneidezähne.

na mtoto anapoota meno ya juu kwanza — hawamlei, wanasema mtoto mbaya, humwita kibi. humtupa amma huwapa watu wengine wanaopita kumlea, ma'ana watu wa qabila nyingine, wasio na mila hii. na wazee wake wakimlea — hupatwa na maraḍi, sababu wana khofu nyingi sana.

na hiyo siku ya saba', anayopewa jina yule mtoto, humlaza kattikatti ya mlango, akaja kungwi, akamtia katika ungo, akisha humweka chini kungwi. akashika mchi, na ule mchi huweka juu ya kifua cha mtoto, walakini si sana — kidogokidogo. huweka ule mchi marra saba' juu ya kifua cha mtoto. marra ya kwanza humwambia: „shindia moyo wako, ukipewa kitu na watu wengine — ukitapike“. ma'ana yake watu wengine ma'adwi, humpa kitu yule mtoto, akachanganya na uchawi, akala — huḍurika. marra ya pili humwambia: „shindia moyo wako, ukipewa maji na watu wengine kuyanywa — yasi-kae tumboni, marra uyatapike“. na marra ya tatu humwambia: „shindia moyo wako, ukisikia maneno ya watu ya siri, usiwe mwongo — ukayatoe“. na marra ya nne humwambia: „shindia moyo wako mtoto, huwi mwenyi fitna kugombanisha watu“. marra ya tano humwambia maneno yaliyofanana na haya ḥatta kutimu marra saba'. huḥasibu marra saba', ma'ana yake zindiko <sup>1)</sup>, wanamzindika mtoto, anashikwa na watu wengi.

na dasturi yao katika kulea <sup>2)</sup> mtoto kama Wasuaheli na Wazaramu, ma'ana mwanamke akiwa analea — hatwaliwi na mwanamume mudda wa mwaka. na kama atatwaliwa na mwanamume — mtoto ataharibika, atakuwa na nyogea. na hiyo nyogea mtoto kulla siku huhara, wala hawi mnene, huwa mwembamba sana.

---

1) Zaubermittel, dass das Kind bewahrt bleibe. — 2) Brust geben.

hiyo ndiyo nyogea. bassi yataka wapatikane watu, wanaojua dawa ya nyogea, wamfanyie yule mtoto. na kama hapana mtu — atakufa mtoto.

Wasuaheli wote wameshika tabia<sup>c</sup> hiyo, illa mwana-mume akiwa na wake wawili anaweza kulala na mkewe wa pili na mtoto haduriki. na mwanamke akiwa analea, huwa na wivu sana, naye huwa mkali kama mume anatembea.

dasturi ya Wadoe tangu kuwa wadogo hatta  
ukubwa wao.

Wadoe hawana dasturi ya kupeleka watoto wao katika jando. tangu asili mila hiyo hawakuiweka Wadoe, illa sasa, sababu wanakwenda killa marra katika miji, nao wanalala na waanawake, walio katika miji, bassi waanawake wanawambia: „sababu nini ninyi waanaume wazuri hamwingii jandoni?“ bassi wale Wadoe wakirejea kwao, hutafuta mangariba, wakawatahiri. ao mle katika mji hutafuta pahali, akamwita ngariba akamtahiri. na akenda kwao, huwapa khabari kama alivofanyiza. pakitokea mwingine yamempendeza mambo yale, naye hufanyiza. lakin sasa wengi wanatahiriwa, wakesha wanakwenda katika mji, wakatafuta wa'allim, wakawafundisha kusali na kulla mambo ya haramu na halali. na wengine wanajua kusoma, lakini si wengi, wanaojua kusoma. na wakesha kujua mambo kama hayo, si mno kupenda kurejea kwao, hushika sana dini. kwao wanakwenda kutezama jamaa zao, wakesha hurejea pwani. na akiwa katika mji, jina, alilokuwa nalo kwao, huliwacha, hupewa jina la kiislamu. na akitaka kuoa anaoa kwa mazingira ya islamu.

mambo ya mtoto mwanamke aliyevunja ungo.

maana yake baada ya kupata miaka kumi na minne

ao kumi na mitano bassi huwa mwari <sup>1)</sup>, na ma'ana ya kwitwa mwari — yule mtoto hutoka na damu, ndio ma'ana ya kwitwa mwari. bassi yule mtoto akiona ametokwa na damu, asinyamaze kimya, lázima alie sana, hatta aje mama yake ao bibi yake wamwulize: „unalilia nini?“ naye awaoneshe damu iliyomtoka. na wale wazee wake wakiona damu, watajua, ya kama amekuwa mwari. bassi tenna hakai katika nyumba ya wazee wake, atakuja kungwi lake, ambebe, ende naye hatta nyumbani kwake, amwoshe na kulla siku kumfundisha dasturi ya mambo yote ya kike. hatta ukapata mwezi mmoja, wazee wa yule mtoto na kungwi lake watatoa khabari kwa watu wote, ya kama mwari anataka kuchezeva ngoma. bassi wakesha sikia wale jama'a zake wote, ba'ada ya siku saba' hupika pombe nyingi sana za mwari kwenda katika mkole <sup>2)</sup>. na huko kunako mkole, ndiko kunako mizungu <sup>3)</sup> mingi sana. na ma'ana ya mkole — mti, jina lake mkole. mwari hukaa chini ya mti huo kimya, hasemi wala hali. na watu wanacheza ngoma mchana kutwa hatta jioni, ndipo wanaporudi majumbani. na yule mwari atareje'a kwa kungwi lake. tenna hana jina jingine, killa siku jina lake mwari, hatta aolewe azae mtoto, khalafu atakwitwa mamiye mtoto.

na dasturi ya mwari — nguo havai kifuani, maziwa huwacha wazi, nguo yake huvalia kiunoni. ukipata mwaka mmoja, hufanyizwa pombe marra ya pili, wakacheza ngoma, hiyo ndiyo marra ya mwisho. tenna mwari hutoka nje, akatembea na kusema na watu, sababu zamani, alipoanza kuvunja ungo, hana rukhsa

1) mwari wird jedes junge Mädchen mit Beginn der ersten Menstruation genannt. Sie behält diesen Namen so lange bis sie ein Kind bekommt, dann wird sie meist mamiye Mtoro, mamiye Khamisi etc. genannt. — 2) Baum. — 3) mizungu ya kike.

kusema na mtu, wala kucheka na mtu, illa yeye na watu, walio katika nyumba anayokaa. kama hakutimiza mwaka — nyumbani na nje hatoki.

naye mwari si lazima juu yake kunyoa nywele za kinenā pekeyake. afanyapo mambo kama haya, na wazee wake wakamjua, akazaa mtoto — hawamlei, watamwua, ma'ana yake si dasturi mtoto mwanamke mwari kunyoa nywele za kinenā pekeyake, illa kwa amri ya kungwi lake. hiyo ndiyo dasturi ya mtoto mwanamke mwari.

dasturi ya mtoto mwanamke akiwa anataka kuolewa na mume.

yule mume humposa baba yake. na baba yake huambia ndugu zake na jama'a zake wote, na wao husema: „sisi hatuna maneno, walakini maneno kwa bibi yake na mwenyewe mke“. bassi khabari huambiwa bibi yake na yule mtoto mwanamke. bibi yake husema: „mimi nimequbali na mjukuu wangu amequbali, walakini mume tunataka kumwona“. bassi yule mume hupelekewa khabari — ya kwamba: „wakwezo na bibi zako na babu zako wote wamekuqubali, wa kazalika na mchumba wako amekuqubali, walakini mke anatakā kuonana nawe kwanzā“. bassi yule mwanamme atakuja katika nyumba ya bibi huyu panapo mchumba wake, akakaa naye pekeyake kuzungumza naye. hatta jioni atakuja bibi yao kuwatazama. yule mwari akichekacheka, bibi yake atamwuliza: „khabari gani?“ yule mwari atasema: „huyu ndio mume wa kunioa mimi“. bassi na bibi yake atafurahi sana. marra atakwenda kufanyiza ugali wa mtama, ulio mzuri sana, na kuku wa kuchoma amletee. akisha kula, yule mume ataaga kwenda zake. na yule bibi atapeleka khabari kwa baba yake, ya kama mwari ndiye mume anayem-

taka. bassi babiye mtu atasema vitu vya uposa wa mtoto wake.

wā kazálíka yule mume iwapo jongoo<sup>1)</sup> — hali-pandi mtungi, áo hupanda marra moja juu ya mtungi, khalafu likaanguka, bassi yule mwanamke háčekíchéki. akija bibi yake kumwuliza „wamwonaje mwanamume huyu“, yule mwari hunyamaza, hasemi wala hacheki. bassi mwanamume kháníthi hafai. kama ametoa feḏḏa yake, watamrudishia. na kama bado kutoa, hawaitaki feḏḏa yake, na yule mume haji tenna. na bado mwenyewe mume hamtaki — baba yake wala mama yake wala babu yake hawamwozi kwa nguvu.

na khabari ya uposa wao yalikuwa kuposana kwa nguo doti arba'íni, na ushanga, na vitambi sitta ao saba', na mbuzi tangu wanne ḥatta sitta, walakini sasa wanaposana kwa feḏḏa reale 'esheríni na mbuzi vile-vile kama watakávopatana. walakin ukeshá mpata mtoto wa kidoe kwa dasturi ya mrima — umepata mwanamke, ma'ana ana adabu nyingi sana na moyo wake unaoga, una khofu ya ugoni, hawi na macho ya nje kama wengine. huo ndio mwisho wa dasturi hizi.

khabari yá kuoá mtoto mwanamume.

kama anataka kuoá mke, shurṭi aonekane hodari sana, anaweza kulima na kujenga nyumba pekeyake. ba'ada ya kwisha kubáleghi, atamwambia baba yake — ya kama: „mimi nataka mke“. na baba yake aki-mwona mtoto wake hodari sana, anaweza kazi zote, atamwuliza: „umemtafuta mchumba ao bado?“ kama amempata, atasema: „nimempata mchumba, amenipendeza“. bassi baba yake atapeleka posa kwa wazee wa mwanamke. wakiqubali wazee wa mwanamke posa, kama

---

1) impotent.

yule babiye mume anaweza kutoa fedda yote kumposea mwanawe — atatoa. na kama maskini — hana kitu, mwenyewe mtoto atatoa fedda ampe baba yake, na baba yake apeleke kunako uposa. walakin maneno ya uposa: watu walio katika mji wanasema „posa“, Wadoe wanasema kufunga zengere<sup>1)</sup>.

bassi akesha oa hupata heshima kubwa kwa wakwe wake. na dasturi ya ukwe wa kidoe, mtu hali na mkwewe<sup>2)</sup> pamoja, wala katika nyumba ya mkwewe haingii. akifanya mambo kama hayo amekuwa hana adabu, watu wote watamcheka. na Wadoe mkwe<sup>2)</sup> humpenda sana, killa kitu cha tunu humpa. na wao Wadoe hawana fungate<sup>3)</sup> katika 'arusi siku saba' kukaa katika nyumba. hiyo si dasturi yao. wala mtoto mwanamke si sherti kuweka kizinda hatta siku ya 'arusi.

qissha cha kuoana kwao kwa Wadoe.

mtu mwenyi kutaka mwanamke wa kidoe kumwoa, ba'ada ya kupatana mwanamume na mwanamke, kwanza aende kwa babu yake na bibi yake, aseme nao sana, tenna awafurahishe awape kitambi killa mtu kilicho kizuri. wakesha furahi watasema na babiye mtu, ya kama „mume huyu ndiye mume wa kumwoza mwari, ma'ana mwari anampenda sana“. bassi babiye mtu hasemi maneno. ba'ada wamequbali watu hao, marra ataozwa.

na kuozwa kwao hawaoi kama islamu, sababu wao hawana dini wala hawajui kusoma, wala hawana mw'alimu wa kuwafundisha dini iliyo yote. wamekuwa kama mfano wa vipofu wasiwo macho. bassi khabari ya kuo: siku ya kuo hukutana watu, wakaja kwa babiye mke, na mume na jama'a zake vilevile. babiye mke hutamka;

---

1) Ehe. — 2) Schwiegereltern. — 3) wie bei den Suaheli.



akamwita yule 'arusi, humwambia: „nnakupa mtoto wangu huyu, ndio mke wako. na kulla pahali unapotaka kwenda naye rukhsha, walakin kwa lugha ya kidoe“. na yule mume huqubali maneno yale. marra atatoa ushanga na jogoo la kuku, ampe babiye, huo ushanga ndio nikaha yao. ba'ada ya kwisha pakiwa, pana pombe hutolewa, watu wakanywa. na babiye mke hupika ugali mwingi wa mtama na mhindi, na kitoweo nyama ya kuku ao mbuzi, iwapo wanaweza mambo hayo. na kama hawawezi — maskini, hufanya pombe qadiri ya watu watakaokunywa, ma'ana dasturi kubwa kwao.

na ba'ada ya kwisha kuoa yule mume, huja watani<sup>1)</sup> zake, wakamtania<sup>2)</sup>, humwambia: „mwanamke huyu humpati, illa utupe utani wetu“. bassi yule mume atatoa utani awape. na akitaka kuingia katika nyumba, kazalika atakuja babu ya mke, atamwambia mume: „nataka poka mke<sup>3)</sup> wangu“. na ma'ana „poka mke“ — „umeninyanganya mke wangu“. bassi yule mume hawezi kufanyiza uqaidi, sababu hiyo dasturi, atatoa kitu ampe babu yake. ba'ada ya kwisha mambo hayo yote, mke ameshi kuwa wake. tenna mume ana khiyari kukaa katika mji wa wakwe zake, ao kwenda pahali atakapo na mkewe.

Wadoe wazuri sana, khashsha waanawake. ma'ana watu, walio katika miji, wanapenda kuoa watoto wa kidoe, sababu dasturi yao nzuri. wa kazalika mtu, akioa mwanamke wa kidoe, mfano wake kama aliye-nunua mtumwa. ma'ana mume wake akifa, harudi kwao, atakaa katika nyumba ya mumewe, na kule kwa wazee wake atakwenda kuwatazama tu.

1) Verwandte desselben Stammes. — 2) kutania heisst jemandem von den Stammverwandten das gewohnheitsmassige Geschenk verabreichen. — 3) Hier ist mke scherzweise für mjukuu gebraucht.

kh abari ya kuachana.

mwanamke na mwanamume wanapotaka kuachana, katika watu wawili mmoja ataanza ugomvi, mume ao mke. akiwa mume, atalala na mwanamke mwingine, aje aş-şubuhi, mwanamke akitaka kusema, humjibu: „unanitakia nini?“ mwanamke hunyamaza. na akapika chakula, humwambia: „chakula hiki kibichi, mimi sikiwezi kukila“ na katika maongezi humtaja yule mwanamke, aliyelala kwake, ya kama mwanamke mzuri sana, anajua mambo mengi, bassi yule mwanamke huqaşirika sana, hupeleka maneno kwa wazee wake. na yule mume havimşuru, killa siku hufanyiza mambo ya kumkirihi. tenna mwanamke akimwona anazidi killa siku kufanyiza mambo mabaya, naye mwanamke atafanyiza uzuri wa kikwao. akisha atapika chakula, awache, afunge mlango, atoke, ende kwa mwanamume, anayempenda, akazungumze hatta hamu yake imwishe. akarudi nyumbani, mume wake ameqaşirika, atampiga sana, na khalafu yule mwanamke atakwenda kwa wazee wake. tenna mwanamume atakuja kwa wazee wa mwanamke kumtaka mke wake. mwanamke atamjibu: „mimi kwako siendi, hapo uliponikuta — kwetu, na sasa utakaa papa hapa“. bassi mwanamume, kama anampenda mke wake, atambembeleza, amwangukie miguu, khalafu mwanamke atamfuata. na kama hampendi atamwuliza: „utanifuata ao hunifuati?“ mwanamke atajibu: „sikufuati“. atamwambia: „unataka nini sasa?“ mwanamke atamjibu: „wewe sikutaki, nakuona kama ndugu yangu“. mwanamume akisikia neno hilo, marra huqaşirika, bassi atamwacha.

na kuwachana kwao si kama islamu kuandika ţalaga na kumpa máhari ao kusámehe máhari. hawana dasturi hiyo, illa humwambia baba yake mke — ya

kama: „mtoto wako amefika“. na babiye mtu hujibu: „amefika“. bassi mwanamume atatafuta mwanamke mwingine, na mwanamke atatafuta mwanamme mwingine. hiyo ndiyo khabari ya Wadoe kuachana kwao.

#### khabari ya kuzika.

kama mtu amekufa, dasturi ya Wadoe hupeleka khabari kwa watu, walio jama'a zake. nao wote huja, na kulla mtu huchukua sānda yake doti ya bafta ao zāyidi kuja kuzika. bassi watu wakesha kukutana, huamru sānda kukatwa na kushonwa. hatta inapokwisha kushonwa, humtia yule maiti katika sanda, wakisha humweka juu ya kitanda, walakini tenna huja watani wake kumtania, sherti wapewe 'ada yao. na kama hawakupewa 'ada yao — maiti hatoki kwenda kuzikwa, ma'ana ndio dasturi yao. na ba'ada ya kwisha kuzika huenda kwa mganga kutezamia, sababu gani iliyomwua maiti huyu? amekufa kwa amri ya muungu, ao amerogwa? bassi iwapo amerogwa na mchawi, wanamjua, watamkamata wamfunge kamba, kwa dasturi ya zamani na yeye mchawi watamchoma moto, lakin sasa wana khofu.

na kuzika kwao: maiti akifa hawamwoshi kama islamu, humzika vilevile. nao hulala tanga siku tatu ao saba'. illa khitima hawasomi, wala hawana dasturi ya kuvunja fungu<sup>1)</sup> katika qaburi ba'ada ya siku arba'ini, walakini, kama wanataka kwenda kuzuru katika qaburi, hupika pombe ao togwa. siku ya kwenda katika qaburi, hutia pombe katika kibuyu na unga wa mtama, wakenda hatta panapo qaburi, humwaga unga na pombe juu ya qaburi. na kama amekuja mkewe katika qaburi, kama mumewe amekufa, hulia

---

1) Grabbügel nach 40 Tagen ebenen wie bei den Suaheli.

sana. na kulla mwaka, wakitaka kuzuru, dasturi yao ni kama hiyo.

wa kažálíka siku ya kuzika, kama ana ndugu yake yuko mbali kidogo, nao wamezika pekeyao, hawakumngoja, akija, ataqashirika sana, na kama hawakupatana mashauri — vitakuwa vita. labda atoe amri ya kuzika baba yake ao ndugu yake — juu ya hayo ataqashirika. hiyo ndiyo khabari ya kuzikana kwao Wadoe.

khabari ya mwene anapokufa.

siku ya kufa mwene kwanza hawatoi khabari, ya kama mwene amekufa, illa wanajua watu walio katika nyumba. hatta aş-subuhi hupelekwa khabari kwa mwene mwingine, ya kama mwene fulani amekufa. na khalafu wale mamwene <sup>1)</sup> wote watakuja, wakafika katika nyumba ya maiti. huja na ngoma ya mšiba, nayo hupigwa vizuri sana, haipigwi illa amekufa mwene ao mtu mkubwa katika Wadoe. na khalafu wale kina mwene wakesha kukutana, na sanda zimetimia, na kulla 'ada iko tayyari, khalafu mwene atatoa amri ya kunadi sanda ya kulla mtu, aliyoleta, tangu ndugu zake hatta jama'a zake. na huyo anayenadi sanda jina lake kibirikizi. ba'ada ya kwisha kunadi, sanda itaamrisha kushonwa. watakuja watani kutaka utani wao. watapewa, na khalafu watafurahi watasema: „hache kula“. watarukaruka kwa furaha nyingi, sababu ndio dasturi yao. khalafu watakwenda wakachimbe qaburi wale watani. na yule maiti katika kitanda watamchukua wao hatta qaburini. bassi ba'ada ya kwisha qaburi kuchimbwa, huletwa pembe, ikawekwa katika qaburi, ikafukiwa pamoja na yule maiti. wakisha zika, atakuja tenna kibirikizi kwa mwene kuuliza khabari ya tanga: „pana tanga ao hapana?“ na mwene atajibu: „lipo tanga siku saba“.

1) plur. wene und mamwene.

simami illa katika mji wa mwene. na wengine huingia ndani ya mwitu kuwatazama watu waliokuja na vita. kama pana vita — watapigana, na kama hapana vita — watasikiliza amri, inayotoka kwa mwene. kama kuna vita viko mbali, atawambia — ya kama: „nendeni katika mji wa fulani mkaupige, sababu jeuri, hasikii amri yangu“. bassi Wadoe hawairudi amri ya mwene wao. na vita vinapoingia katika mji, mwenyewe mwene naye hupigana. na anapopigana hujifunga bunduqi na uta na mishare na sime yake kiunoni.

na vita kama viko mbali, siku ya kutaka kwenda vitani kwanza hutambika <sup>1)</sup> katika maqaburi, hupeleka pombe na unga, ndipo wanapokwenda kupigana. illa iwapo vita vimewatokea ghafla katika mji, imekuwa lazima kupigana billa ya kutambika. baya ndio maneno ya kilingo cha mwene, yamekwisha.

khabari ya nyumba zao mfano wanavojenga.

kwanza hukata miti ya kusimamishia nyumba, na khalafu hukata fito za kufungia viwambaza. tenna huenda mwituni, wakachuna kamba, ma'ana kamba zao zinatoka katika magome ya mti. vikisha timia vitu hivyo, hupima kiwanja cha nyumba. na tenna huchimba

---

1) Am Grabe der Verstorbenen mit denselben reden. Die Suaheli sagen auch kufyagia maqaburi d. h. sie liegen auf den Knien, reinigen mit den Händen das Grab und sagen ihren verstorbenen Angehörigen, was sie für die nächste Zeit vorhaben und erbitten sich deren Beistand. Vor einer Reise in's Innere z. B. besucht der Suaheli das Grab seiner Eltern und spricht etwa folgendes: „nimekuja kwenu, wazee wangu, mimi msafiri. muungu anifungulie safari yangu, nuakokwenda niseme na watu vema, neude salama, nirudi salimini. na nitakaporudi nitawakumbuka kwa kijungu ao karamu. bi'ashara yangu itoke, na matáji yangu niseme nao vema.

mashimo kwa duwara, wakesha hutia miti ya kusimamishia nyumba katika yale mashimo. na tenna huchimba shimo kattikatti, hiyo ndiyo nguzo kubwa. wakesha huvifunga viwambaza na vinapokwisha viwambaza hufunga fito za juu, ndio wanasimamisha msonge<sup>1)</sup>. na nyumba zao mfano wake kama mwavuli, zina nguzo moja katti. walakin iwapo imejengwa vizuri, hukaa miaka mingi sana.

mwanamume akijenga nyumba, hatta ikesha, hufanyiza pombe ao togwa, akawaalika jama'a zake — ya kama: „kesho nnawataka mje kwangu, kuna pombe, nataka msa'ada wa nyasi<sup>2)</sup>“. bassi wakesha sikia, killa mtu atakwenda mwituni kunako nyasi, akakate killa mtu mzigo mmoja wa nyasi, walete kwa yule jama'a yao; wakesha wanywe pombe. hio ndio karamu yao.

kazi ya mwanamume imekwisha katika nyumba, sasa kazi ya mwanamke. mwanamke akiona mume wake nyumba amekwisha kujenga, naye atafanyiza pombe, awambie waanawake wenziwe — ya kama: „siku fulani nawataka kwangu, kuna pombe ya kukandikia nyumba“. bassi waanawake wakisikia, hatta siku wanayojua, leo tunakwenda katika kandiko, killa mwanamke huchukua mtungi wake wa kutekea maji ya kukandikia nyumba. hatta wakafika, marra watakwenda katika shimo la udongo. wengine wanachimba udongo na wengine wanachukua, wengine wanaponda na kukandika na kuteka maji. na huku wanakwimba nyimbo. mudda wa siku mbili nyumba imekwisha yote kukandikwa.

tenna mwanamume atapanda juu kuwezeka, na ma'ana ya kuwezeka ni ile nyumba kufunikwa ma-

---

1) Dach. — 2) Die Wadoe verwenden umotomoto-Gras zum Decken ihrer Hütten.

nyasi juu, wasipate jua wala mvua. wakisha watahamia.

na nyumba zao hazina vyumba wala kumbi, wanajenga behwa<sup>1)</sup>, meko, na pahali pa kulala, na choo kidogo si mbalimbali, illa choo kikubwa wanakwenda mwituni kufanya haja zao. na katika nyumba zao wanazisafi sana. ukaingia moyo wako haukirihiki, illa mtu aliye mchafu tangu zamani, huwezi kukaa nyumbani mwake. haya ndiyo majenzi yao Wadoe.

khhabari ya mji wao Wadoe.

Wadoe miji yao wanapotaka kuijenga, sharti watafute mwitu ulio mkubwa, mwenyi miti yaliyo na imara. na khaşa ule mwitu ukawa na maji yapo qaribu, huupenda mno. wakesha uona mwitu, umewapendeza, killa mtu atashika munda na shoka, waukate mwitu, na majani kuyapiga moto. hatta ukesha husimamisha jengo, wakajenga majumba katti ya mwitu. na katika pembe ya mwitu hufanyiza boma la miba. na miba hiyo khatari sana, mtu mwengine hajui kama mna miba illa wao wenyewe. na mfano wa miba hiyo: huchonga miti, ikawa na ncha iliyo kali. wakisha wakaizika killa pahali, mji mzima, na mbele ya lango lao kazalika, ma'ana hilo ndilo boma lao. illa husaza njia moja ya kutokea. huko hawatii miba<sup>2)</sup>. ikawatokea khatari ya vita, watoto wao na waanawake wao huwapitisha katika njia hiyo isiyo miba. na wenyewe waanaume huziwiwa mji kusikiliza mwisho wa khatari. wakiweza kupiganā — watapigana, na kama hawawezi — watafuata njia, waliyopita watoto wao, wauwache

---

1) grosser Raum, der alles vereinigt. — 2) Die Spitzen sind so verborgen, dass man sie nicht sehen kann. Nur auf den den Bewohnern bekannten Wegen sind keine.

mji. na huko wanakokwenda kuna mwitu mwingine ulio mkubwa. wakaingia katika mwitu huo, mtu mwingine hajui kama mna watu humu. hukaa kimya, wakasikiliza hatta vita vishe. ndipo wanapotoka nje. na lango lao la pili, jina lake kiri, hulifunga marra tatu. hufunga kwa miti, iliyo mikubwa, na kamba. kwa vita vyao wenyewe kwa wenyewe hupigana siku nyingi. illa vita vya mzinga hatta sa'a moja haipati.

wa kazálíka katika mji wao ndani ya mji majani ya vyakula mahindi ao mtama, na kulla matakataka hatta majivu ya moto hawamwagi katika mji, illa wanamwaga nje ya mji. mudda wa miaka mitatu pale wanapomwagia majivu na mataka panakuwa chuguu kubwa. na hiyo chuguu hawavunji kabisa, huwacha vilevile hatta wakihama.

wa kazálíka kuni zao za kupikia sharti za kuchagua miti yake, hawapikii ovyo billa ya kuchagua, ma'ana mná kuni nyingine — mzio <sup>1)</sup>), haziingii katika mji kupikiwa. na kama mwanamke mgeni amevunja ukuni, usioingia katika mji, na wenyeji hawakuuona ule ukuni, ukatiwa jikoni — bassi haipati mudda wa sa'a wataona majoka yanaingia katika mji, ao usiku simba ataingia ndani ya mji. na akiingia simba, hatoki illa apate mtu kumla. bassi wenyewe wakisha ona ule ukuni katika jiko, marra watautoa. wakesha watafanyiza dawa zao za kuondoa majoka, na simba asirudi tenna katika mji ma'ana miji yao wanapojenga huijenga kwa zindiko <sup>2)</sup>), kulla nyama asiwaduru. na ba'ada jua likatua, hawapaliani moto, sababu wanachelea mambo kama hayo ya simba ná nyoka.

1) Verbot. — 2) d. h. sie machen dawa, stecken einen Stein oder Holz mit den nöthigen Zaubermitteln an einem Kreuzweg vor dem Ort in die Erde, damit derselbe vor Schlangen und wilden Thieren bewahrt bleibe.



na tabia' yao wanapojenga pamoja, mmoja usiku akipiga makelele, mnyama kama amemwingilia katika nyumba ao mwizi — bassi fahamu wote watatoka nje, wajifunge sime, wakamsikilize mwenzao jambo lililom-pata. huo ndio mwisho wa maneno hayo.

#### nguo za Wadoe.

ásili zamani Wadoe walikuwa hawajui nguo, walikuwa wakivaa magome ya mti. huyaponda, wakesha wakayasuka na nyuzi, wakavaa. na jina lake mavazi hayo yanakwitwa kiyombo. bassi mwanamume husuka viyombo viwili vya mke wake, kimoja hujifunga mbele na kimoja akajifunga nyuma, yamekwisha mavazi yake mwanamke. na mwanamume kazálíka. na hivo viyombo haviwi virefu, mpaka wake magoti bassi, na mwanzo wake kitovuni, kichwa na mabega vi wazi, hapana kitu cha kujifunika. na wakizaa mtoto, kazálíka humfanyizia bwende <sup>1)</sup>, akavaa kiunoni, wakamfunga mbele, nyuma hana kitu. na wengine wanajua kusuka viyombo, wengine hawajui, wananunua. kuna watu wengine hawana kazi illa hivo viyombo. na kuuza kwao hupatana kwa themani ya mhindi ao mtama, sababu zamani walikuwa hawajui mapesa wala fedða, walakin sasa wamekuwa werevu, wanajua killa kitu, wanavaa nguo kama watu wengine, waanawake wanavaa lesu na kaniki, ao huvaa doti ya shuka moja. na waanaume huvaa shuka, walakin huishona pande mbili, jina lake kigwembe. na kama hawezi kuzipata shuka mbili pamoja, huvaa shuka moja mwanzo wa kitovuni hatta katika magoti. bassi amekwisha, hana kofia kichwani wala kanzu maungoni.

---

1) Die Wadoe nennen jedes Kinderkleid bwende, die Suaheli sagen shegele pl. mach. Doch ist ihnen auch der Ausdruck bwende bekannt.

na usiku wanapotakâ kulala, zile nguo alizovaa mchana, na usiku atajifunika ileile. na kama waqti wa baridi huweka gogo la mti, wakalichoma moto, wakaliweka qaribu ya kitanda, bassi ule umotomoto ndio mfano nguo ya pili, sababu nguo ya kujifunika hawana usiku. na mwanamke akiwa na mimba — sanâ huvaa kaniki. hio ndio dasturi ya mavazi yao Wadoe.

khâbari ya nguo zao wanavofanyiza.

namna wanavofanyiza nguo zao: hawazifui, illa huzivaa tangu kutoka dukani kwa Mhindi hatta zikawa chakavu. bassi zinapokuwâ chakavu, huzitia mafuta ya nyonyo, waanaume na waanawake hufanya kama hivo. na hayo mafuta ya nyonyo âsili yake mti wa mbono, huzaa matunda, wakayachuma, wakesha waka-yaanika juani hatta yakakauka. na khalafu huyapika katikâ mitungi hatta yakawiva. tenna huchuja yale mafuta, huyatia katika vibuyu, wakayaweka. na mafuta yake dawa sana kwa maraâi ya mshipa<sup>1)</sup>, iwapo mtu mgonywa, akichuliwa<sup>2)</sup>, hupata uzima.

wa kazâlîka wale walio mardadi wanafua nguo zao, lâkin si killa siku. amma mafuta zâyidi wanatumia katika nguo, wa kazâlîka na kupakaa maungo mazima waanawake na waanaume. na nguo zao huweka chini ya mchago wanapolala, ao huzitia katika kilindo, ao mtungi, ndio maşanduqu yao. na nguo ikiwa kukuu hawaitupi, huiweka vema hatta waqati wa vyakula, mashamba vinapowiva, humpa mtu ungojezi wa kungojea vyakula mashamba visiliwe na nyama, ndege ao nguruwe. ao hutokea mtu, aliye maskini, kutafuta nguo, iliyo kukuu, kununua kwa themâni

---

1) Rheumatismus. — 2) kuchua bei Rheumatismus mit Ricinusöl fest einreiben.

ndogo, sababu nguo mpya hawezi kuipata. hiyo ndiyo khabari ya nguo zao wanavofanyiza.

khabari ya waanawake mavazi yao  
katika kiuno.

waanawake wa kidoe mwanzo wa kupata 'omri wa miaka kumi hununuliwa ushanga na wazee wake mwingi. ukeshá ule ushanga hutungwa, ukasukwa kama mfano wa mtu, anayesuka mkeka. tenna ukawa na kiwimbo, kilicho kinene, mfano wa mguu wa mtu. na khalafu yule mtoto mwanamke huvaa katika kiuno chake. huo ni uzuri mkubwa kwa Wadoe. na akiwa mwanamke mkubwa, huwa na ushanga mwingi. bassi anapouvaa mwanamke, akiwa mwembamba wa kiuno, akivaa ushanga huo, atakuwa mnene kiuno chake. nao huvaa wanapotoka nje kwenda kutembea, walákin wanapotaka kulala huuvua. nao hutangulia kuvaa ushanga, na khalafu akavaa nguo. na ushanga huo wote huuvaa vijana na wazee. na akifa hurithi mjukuu wake. na kama hana mjukuu, bassi haurithiwi na mtu mwingine. na wenyewe wamezoea uzito wa ushangá huo. huchukua mtungi wa maji, na mitungi yao mizito, wakapanda juu ya vilima upesi. na mwanamke akiwa na mume, humnunulia ushanga huo kwa wingi. na kama hakumpa, hawapatani mashauri nyumbani, killa siku ugomvi, sababu hapana mwanamke wa kidoe asiyekuwa na ushanga huo kiunoni mwake, ajapokuwa maskini, ameqirri kukosa vitu vyote, walakin apate ushanga. na wao Wadoe waanaume, mwanamke akivaa ushanga huu, hufurahi sana.

wa kazálíka siku, wanayoalika na ngoma, bassi siku hiyo ndipo wanapojipamba. katika miguu huvaa

vitindi<sup>1)</sup>, na mikononi kazálíka huváa vitindi. na khalafu atavaa kaniki, ajitánde kitambi, atie mafuta ya nyonyo katika kichwa. na anapokwenda vile vitindi hulía miguuni. na hivo vitindi shaba kama seŋenge, huikunja duwara qiási cha miguu yake na mikono yake, na khalafu hufanya uzuri mkubwa. na kidoleni huvaa pete za rişási, na shingoni akavaa ushanga, walakin si mwingi. wakesha wakenda ngomani. hayo ndio mavazi ya mwanamke wa kidoe.

**khabari zà nywele zao waanaume na  
waanawake.**

waanawaume wengine wanasuka na wengine wanyaoya. na kusuka kwao kwanza huosha nywele na majani ya mkunuŋgu na maji yaliyo moto kidogo. na majani yake yanateleza sana maji yake. akesha osha kichwa, huleta udongo mwekundu, khalafu huzisuka zile nywele, na kupaka udongo juu yake. akesha suka hutia mafuta ya nyonyo kichwani. huo ndio msuko wa waanaume.

wa kazálíka waanawake wánafanya kama hivo. mwanamke hanyoi nywele zake, illa anayetoka katika uzazi, ba'ada ya kwisha kuzaa kwa siku arba'ini, hunyoa nywele zake, amma kama hakuzaa hazinyoi. walakin waanawake namna wanayosuka nyingine ná waanaume namna nyingine, bali<sup>2)</sup> wote wanatia udongo mwekundu kichwani na mafuta ya nyonyo. waanawake wanasukwa na waanawake wenzao, na waanaume kazálíka, walakin khabari ya kusuka waanaume yalikuwa zamani, sasa mno wananyoa. na waanawake misuko

---

1) suah. seŋenge Messing- oder Kupferdraht, den sie in Spiralen drehen.. — 2) aber.

ya kizamani wameiwacha, wanasuka namna ya sasa. kazálíka udongo mwekundu hawautumii sana.

na siku ya kwenda ngomani mwanamke wa kidoe huosha nywele zake, akesha akazisuka kwa msuko wa zamani, akavaa kaniki yake chini, akajitanda kitambi barawaji, na miguuni akavaa vitindi, na mikononi kazálíka. bassi siku hiyo mwanamke, kama ana mume, hamqubalishi kwenda pekeyake, na akikataa — utakuwa ugomvi. ba'ada ya kwisha kusuka nywele, lazima usoni hutinda sekini<sup>1)</sup> ma'ana hiyo sekini mwanamke huzidi kuwa na háiba uso wake. na jina la kidoe sekini inakwitwa denge. waanaume wengine hutinda sekini, lakini sherti awe na nywele nyingi. lakini waanaume wananyoa duwara kichwa kizima, waana wake wananyoa mbele ya uso. lakini kama hajaolewa, si desturi kunyoa denge, kusuka haiquru.

namna ya meno yao.

meno yao ya Wadoe yanaota kámili kama kwa watu wote, lakini ba'ada ya kuwa mkubwa, hutaka kufanya uzuri, huwashauri wazee wake — ya kama: „nnataka kupanya mwanya<sup>2)</sup>“. tenna huitwa fundi, akaja na vyombo vyake, wakamwambia: „tunataka umpanye meno huyu kijana“. wakesha patana naye yule fundi, watamleta yule kijana mbele ya fundi ampanye. na kupanya kwake huja na vyuma viwili, kimoja hushika mkono wa kiume, na kimoja mkono wa shoto. tenna humpanya kama mfano wa mtu, anayefanyiza nakshi katika ubao. lakin desturi ya meno

---

1) Die Frauen rasieren Stirn und Schläfen aus, während die Männer einen Kreis rund um den Kopf herum ausrasieren lassen.  
— 2) sie splittern die beiden obern Vorderzähne ab bis sie spitz werden und so eine Lücke (mwanya) entsteht.

wanayoyapanya — meno ya juu, lakini ya chini hawayapanyi. na hayo ya juu si yote illa meno mawili. nayo hawayapanyi yakiwa na ncha kama meno ya paka, illa qádiri ya kujua mtu huyu amepanya. kazálíka waanawake vilevile wanapanya, lakini wana qabila wanawopanya, wengine hawayapanyi. na yule fundi akisha, humpa mchele wake, sababu si desturi kupanya burre. na ile siku anayopanya, hawezi kula chakula kilicho moto, illa kipoe. wala pale anapokwisha kupanywa, marra hawezi kula chakula, illa upite mudda kidogo. huo ndio uzuri wa meno yao Wadoe.

kazi wanazofanyiza waanaume kwa Wadoe.

waanaume ba'ada ya kurudi mashamba kulima, hutoa kicha<sup>1)</sup> cha muyaa na kisu, wakisha hutandika jamvi, wakakaa kitako, wakachana<sup>2)</sup> muyaa, na huku wanatafuna muhindi mteke<sup>3)</sup> wa kuchoma. wakisha chana ule muyaa, huanza chanzo<sup>4)</sup> cha bambo<sup>5)</sup> kusuka qádiri pima settini. likesha bambo hushona jamvi lililo kubwa. linapokwisha jamvi, hupeleka Winde kuuza. jamvi moja hupata rupia u nuşş. na khalafu hununua chumvi, akanunua mavazi, khalafu akarudi kwake.

na kazi ya pili husuka vikapu vikubwa na vidogo. vikapu vikubwa kazi yake, wanapovuna mashamba, hutilia muhindi ao mtama, wakachukua majumbani. wa kazálíka vingine hupeleka Winde kuviuza. na vikapu vidogo vilevile.

wa kazálíka husuka na vitanga. na hivo vitanga msuko wake duwara, lakin vikubwa sana, huvisuka

---

1) Bündel, auch tita la muyaa. — 2) in Streifen schneiden. — 3) weich. — 4) kleiner Anfang. — 5) Mattenstreifen.

kwa wingi, wakiwapelekea Washihiri, wanavipenda. na n̄gongo zinazobaqi katika miyaa huzikusanya qádiri ya mizigo thalathini, wakauza kwa Washihiri, hupata mapesa ya kutumia.

na wengine kazi yao kugonga mpira mwituni na kuchimba sandarusi.

hio ndio kazi ya waanaume.

#### kazi ya waanawake.

ba'ada ya kurudi mashamba, huchambua chungu na kuhimiza chakula, akala yeye na mume wake. tenna hutwaa jembe lake, akenda panapo shimo la udongo, akauchimba, na khalafu hutia katika kikapu, akarudi nyumbani kwake, akauponda hatta ukawa leini. tenna huanza kufnanga vyungu na mitungi, akafnanga na mikungu ya kulia vyakula. ba'ada ya kwisha kufnanga vile vyungu, huviweka juani mudda wa siku tatu hatta vikakauka. vikasha kukauka hukata kuni, akatwaa vyungu vyake, akavichoma moto hatta vikawiva. vnapokwisha wiva, huja waanawake wa kidoe, wakanunua vyungu na mitungi, na vingine hutumia mwenyewe. na kama akiona havitoki, huvichukua Winde akaviuza.

na kazi yake ya pili mwanamke husuka mikeka ya ukindu<sup>1)</sup> na miyaa, walakin haina nakshi kama mikeka, wanayosuka waanawake, walio katika miji. mikeka yao yote meupe. na Wadoe hawajui jina la mkeka, wanasema hinda la kulalia ao la kukalia. na yakiwa mengi huuza. na asiyojua kusuka, wala mapesa hana ya kununua mkeka, wanatandika nguo zao juu ya kitanda, lakini wenzao huwacheka sana wafanyapo mambo hayo. hiyo ndio kazi ya waanawake.

1) Baum, aus dessen Blättern Mattenstreifen geschnitten werden.

khabari ya ukulima.

inchi yao Wadoe ina ta'abu kubwa ya maji, sababu mkuranga. watu wakiondoka aš-šubuhi kwenda kuteka maji — majira ya kaskazi hurudi sa'a nne. walakini vyakula katika mashamba vinastawi.

wote wanalima mume na mke. kwanza mume hulima shamba yake, akapanda killa mbegu muhindi, mtama, mhogo, viazi, karanga na kulla kitu. na mwanamke shamba lake mbali pekeyake, walakin mbegu lázima mume anatoa. na katika ba'adi ya siku mume huenda katika shamba la mke wake kumsa'idia, iwapo ile shamba ina majani mengi, mwanamke hayawezi pekeyake. kazálíka siku ya kupanda hendi mwanamke pekeyake, huenda na mumewe kumsa'idia mpando. na siku, anayopanda mume, huenda mwanamke kumsa'idia mumewe. iwapo mpando umekuwa qaribu, na shamba zao bado kwisha, wote wawili husa'idiana kuwahi huo mpando pamoja na watu, sababu watu hupanda kwa miongo <sup>1)</sup>. wakiukosa mwongo, ukiwa umetangulia pekeyako kupanda, ao umepanda nyuma, watu wote wamekwisha, wewe hupati vyakula. watu wakivuna áuwali, wewe ukavuna mwisho, vyakula vyako vitaliwa na ndege, ao ukatangulia kuvuna qabla mashamba ya watu wengine hawajavuna — kazálíka vitaliwa na ndege. ao mimea itakufa kwa maji, sherti mpande sawasawa na kuvuna kazálíka.

aiða zamani za nyamizi <sup>2)</sup>, vyakula vimewiva, mashamba lázima mume kumsa'idia mkewe kumpa mtu wakaamie pamoja. kazálíka atafute mtu mwingine amsa'idie shamba yake, ma'ana katika ukulima ta'abu kubwa kuamia ndege. huo mwisho wa makulima yao mke na mume.

---

1) Jahreszeiten. — 2) kuamia ndege.



khabari ya mavuno yao.

vyakula vinapowiva mashamba, wakitaka kuvuna, havuni mtu moja pekeyake, illa hualikana jama'a na majirani — ya kama: „siku kaza wa kaza mimi ntavuna shamba langu, allah allah mje!“ hatta ile siku waliyoagana — ikatimia, killa mtu huja na kapu yake, wakenda shamba kuvuna. na wakesha vuna, killa mtu humpa qadiri yake. nao hawavuni illa kwa tambiko<sup>1)</sup> zao.

wa kazalika khabari ya tambiko ya mavuno: ba'ada ya kwisha kuvuna, ukiwa mpunga, hutwaa mchele qadiri ya magao<sup>2)</sup> mawili, wakapika katika kijungu kipya, na khalafu hupeleka panapo njia panda. wakesha wakajenga kibanda kidogo, wakakiweka kile kijungu pamoja na ule wali waliupika. na ma'ana yake wanasema sehemu ya kinyamkera<sup>3)</sup>. na vyakula vipya hawavili kwanza illa kwa mkumbi. na huo mkumbi unga wa mti, rangi yake majani, huchanganya pamoja katika chakula, wakesha wakala. bassi wakesha kufanyiza mambo hayo, ndipo nao wanapokula vyakula vipya.

wa kazalika iwapo wamevuna mtama ao mpunga, lazima hufunga kicha cha mpunga ao shuke la mtama, wakalipeleka njia kuu kuliweka. bassi vitu hivo katika wao Wadoe, wakiviona katika njia kuu, hawachukui, sababu si mila yao, illa apite mtu, atokaye Winde ao Bagamoyo, akiona atachukua.

aida ba'ada ya kwisha kuvuna, hutenga vyakula, ambavo watakula, wakiviweka mbali, na watakavyotumia huviweka mbali. na mahindi ya kutumia hawayamenyi majani, wanawacha vilevile mudda wa mwaka. illa wanapotaka kufanyiza chakula hutwaa qadiri. hii khabari ya mavuno yao.

---

1) Erklärung folgt. — 2) Handvoll. — 3) kinyamkera — Geist.

maneno ya vyakula vyao.

vyakula vyao wanavyovipenda muhindi ao mtama. na huo muhindi jinsi wanavofanyiza: kwanza wanautwanga, na khalafu wanautia katika jungu la maji ukaroana <sup>1)</sup>. wakesha wakautwanga marra ya pili. bassi pumba <sup>2)</sup> yake huibambika <sup>3)</sup> katika maji mudda wa siku mbili ao tatu, wakesha huitoa katika maji, wakaipika uji. wanautia uji wa bambiko, wanaupenda sana uji huo. kazalika na ule muhindi ba'ada ya kuutwanga hutokea unga mweupe mno na ugali wake kazalika mweupe.

aifa mtama kazalika wanaufanya kama wanavofanya muhindi, lakini ugali wa mtama hawaupendi, sababu mzito katika tumbo, hautoki hima.

muhogo na mpunga wanalima sababu ya kuuza kupata mavazi, walakini hawakuja'ali, ya kuwa ni chakula. nao as-subuhi wanakula ugali, ao ni huo uji wa bambiko. na mchana kazalika ugali. na usiku hawali, illa wanakula jioni jua linapotua. na chakula cha as-subuhi na mchana wanakula katika nyumba zao, illa chakula cha jioni hukutana wote, wakala pamoja. waanaume wanakula pekeyao na waanawake pekeyao.

na tabia' yao wanapokula, tonge zao wote wana-mega upande mmoja, tenna pahali pamoja, ma'ana yake wanasema, ugali kumega upande mmoja vizuri sana, ma'ana unaobaqi hauharibiki, mwanamke anaweza kufanyiza togwa. ma'ana ule ugali unaobaqi waanawake huutia katika mitungi, wakaupika togwa, wenyewe wanasema mvato. wanalipenda mno togwa hilo. wanakunywa wanapokuwa shamba wanalima ao wanaporudi, ma'ana li baridi sana.

na tabia' yao katika vitoweo hutowea chungu. na

---

1) weich werden. — 2) Spreu. — 3) in Wasser stecken, zu-decken und stehen lassen.

hiyo chungu ni mboga, walakini chungu sana. huipika na khalafu wakachuja, ule uchungu ukaondoka kidogo. ná khalafu huipika marra ya pili, wakesha wakatia chumvi na ufuta ao pato<sup>1)</sup> nyingine. na hiyo pato nyingine ni kokwa za matango, yaliyo mapevu, ao kokwa za mbede. na mbede ni kama matikiti. bassi kokwa zake ndizo wanazozikaanga hatta zikaungua, khalafu huzitwanga katika kinu, unga wake wakatia katika chungu, wakatowelea na ugali wa mahindi ao wa mtama. wenyewe wanapenda mno Wadoe.

wa kazálika Wadoe panya na nyani na kima wanakula. lakini zamani walikuwa wengi wanaokula, sasa haba wanaokula.

namna ya silaha zao Wadoe.

silaha zao tangu zamani walikuwa hawana bunduqi, illa silaha zao nyuta na mishare na sime. sime hujifunga kiunoni, mishare hushika mkononi, na upindi begani. na hiyo mishare hutia katika bode, ndani ya bode huwa na mishare khamsini. na watoto wao hufundisha kurasha<sup>2)</sup>, huweka kitu mbali, akisha humwambia „piga“. akiweza, tenna huenda naye mashamba kumfundisha kurasha ndege hatta ajue. kazálika sime vilevile humfundisha jinsi inavotumiwa. humwonyesha kitu kilicho kiteke, akamwambia „piga“. na yule mtoto hupiga, lakini marra moja hawezi, illa kwa kufundishwa marra nyingi, sababu silaha ya sime mapigano yake yanataka ma'arifa. kazálika uta na mishare unataka ma'arifa, kama hujui ma'arifa yake hupigi kitu.

wa kazálika mundu wanachukua Wadoe, lakini silaha hiyo hawaichukui katika vita, hiyo silaha ya mjini ya kujengea majumba ao kukatia mwitu mashamba, na

---

1) Fett. — 2) schiessen.

kuulia nyoka. wakiwa katika mji silaha zote huzivua, hubaqi na huo mundu. lakini kama wanagomba wenyewe kwa wenyewe hupigana kwa hiyo miundu. amma silaha ya shoka wao hawana.

na tangu zilipoingia silaha za bunduqi, nyuta na mishare wameiwacha wote, wanashika bunduqi, lakini sime hawakuiwacha.

na silaha ya mwisho ni kisu, wanachukua ya kuwa kukatia nyama, ao amejichoma mwiba kutolea. hawa-kukifanya kuwa silaha. imekwisha khabari ya silaha zao.

namma ya sumu<sup>1)</sup> yao wanayotia katika  
silaha zao.

namna ya kwanza jina lake msunguti. na huo msunguti ni mti wa mwituni, mbaya sana. bassi wale wawinda, ndivo wanavoqaribia mti huo, huupika uchungu. na kupika kwao kwanza huuchuna magome yake, akau-pika katika chungu, kilicho kipya, hatta yakawiva. na mudda wake siku saba. yale mafuta, yanayotoka katika yale magome, ndio msunguti. bali msunguti jina la mti, amma yale mafuta jina lake uchungu. bassi unapokwisha kupikwa, yale majungo huyavunja, sababu khatari kubwa mno. kama mtu hajui, kama jungu hilo limepikiwa uchungu, akaliramba — marra atakufa, hapana shubira.

kazalika hokumu ya ule uchungu hutia katika mishare yote na mikuki, sababu anapokwenda kuwinda, akimpiga manyama mshare mmoja — haondoki. ujakokuwa ule mshare haukumpata sana, muradi atakufa, sababu sumu mbaya. na bin Adam kabisa hawezi kuchukua.

na asili waliyovumbua sumu hiyo, Wakamba ndivo

---

1) suah. liga pl. mal. oder uchungu.

walivokuwa wakitia katika mishare yao. kazálíka nyingine, jina lake kulēga, mti huupika kama msunguti, lakini hiyo sumu ya kulega haiui upesi kuliko msunguti. na wakitaka kupaka katika mishale zao ao mikuki, hawashiki na mikono, wanapaka kwa ujiti. washikapo kwa mkono, khalafu wakila chakula, mwenyi 'omri, ulivo mchache, atakufa. na wanapoweka, hawamwonyeshi mwanamke, wanachalea kuwaua. na mwanamke akiwa na hēdi, haishiki sumu hiyo — vibaya, hukatika ile hēdi. hiyo ndiyo khabari ya sumu.

namna ya kuvinda kwao.

kwanza wanawinda kwa wavu. na huo wavu ni kamba, zilizo nyembamba, wanazisuka zikawa na tundu nyingi. na khalafu huchukua wavu, wakenda nao mwituni wakatega. na kutega kwao hunyosha ule wavu mwanzo wa pembe hatta mwisho wa pembe, tenna wakafunga na miti. wanapokwisha, wote huondoka, wakenda wakatafuta nyama mwitu pahali walipolala. wakiwaona huwasituza, wakapiga ukelele. na wale nyama mwitu, wakaposikia ukelele wa wana Adamu — husituka. tenna wale wawinda huwafukuza wale nyama upande ulivo na nyavu zao. na huku wanapiga makelele. bassi wale nyama watakwenda mbio hatta wakaingie katika nyavu. wakesha waje wawakamate. hila zimeweshea wale nyama.

kazálíka namna ya pili hutega nguruwe ao nyama wengine kwa namna nyingine. kwanza huchimba mashimo, yaliyo makubwa, huku na huku, tenna wakenda kuwatafuta nyama mwitu, wakawasituza vilevile, wakenda mbio hatta katika mashimo. wakiwa ndani ya mashimo, hawawezi kuruka. huja na mikuki na mashoka, wakawapiga ndani ya yale mashimo, wakapata nyama.

illa ndege, wáliwo wakubwa, huwatoga kwa tanzi. hufunga kamba katika mti, wakesha hufanya kitanzi, wakaweka chini ya kitanzi ndege aliyo mdogo. bassi dege, lililo kubwa, 'likaona kidege, huṭam'ani kwenda kukimata — marra litanasa.

ao wanagonga urimbo, wakapaka katikā mti. wakesha wakaufunga, wakabandika juu ya urimbo nyenze<sup>1</sup>). ndege akiona nyenze, huṭam'ani kwenda kumla, akakaa juu ya urimbo — amenasa. hizi ndizo hila za matego yao ya kuwinda.

#### mambo ya watu wenyi marāḍi.

mtu mwenyi ukoma Wadoe hawali naye, wala hawakai naye qaribu. lakini humtafutia waganga wa kumṭibu ḥatta apate náfu'u. na kama waganga wamemṭibu, naye killa siku vidole vinakatika, na kupona haponi, bassi humwambia: „wewe tenna si mwenzetu, mtu mwingine, na katika mji huu toka“. bassi akiwa na jama'a zake, huenda nje ya mwitu, wakamjengea kibanda pekeyake, vyakula hupika mwenyewe. na kisima chake cha maji pekeyake, ma'isha yake hukohuko mwituni. ao akiwa bakhti yake ḍa'ifu, usiku atakuja simba ao fisi wamtafune.

kažálíka mwenyi wazimu, akiwa hakuṭibika, killa siku anapiga watu, na kuvua nguo, akenda uchi, ao hutaka kuunguza majumba katika mji, naye vilevile humtoa katika mji, wakamjengea kibanda katika mwitu pekeyake.

aída kažálíka ugonywa wa buba huogopa kukaa naye pamoja, sababu wanasema, ugonywa mbaya wa buba, marra hutoka kwa huyu ukaingia kwā huyu, naye humtoa katika mji.

---

1) Wurm.

maradi matatu hayo Wadoe wanayokhofu sana, illa maradi ya ndui — mgonywa wa ndui hawamtoi katika mji, watamwuguza hatta apone ao afe.

kinyume cha Wazigua — mgonywa wa ndui na wa buba humtoa katika mji, walakini mgonywa wa ukoma rafiqi yao, wanakula naye, wanakaa naye pamoja.

na tabia' ya Wadoe mwanamke mwenyi mume, na mume huyo amekufa kwa maradi ya ukoma ao ya buba — hapana amtakaye. hiyo ndiyo khabari za maradi.

#### haya maneno ya vyapo.

iwapo mtu mwizi, amekwiba, lakini hawakumwona, wanatumiana, bassi kwanza hupika maji ya moto, wakesha wakajikusanya wote kama wanavojituhumu. wakesha wakaombokeza<sup>1)</sup>: „mimi fulani, kama ndio niliyokwiba kitu cha fulani, kiapo kinigwie, na kama sikwiba, kiapo nihongeze“. bassi tenna mtu hutia mkono wake katika jungu la maji ya moto, kama hakwiba — mkono utatoka salama, na kama mwizi — mkono utaungua, hawezi kuyashika maji ya moto.

namna ya pili: humwita mganga akaja, wakamwambia — ya kama: „sisi tunataka kiapo kwako cha sanga“. bassi hupatana naye yule mganga fungu lake watakalompa. wakesha patana, mganga hutoa kibuyu chake, na ndani ya kibuyu mna shindano, jina lake sanga. watakuja, wanaotoka kuapana, mganga atasema maneno yake — ya kama: „sanga unakwenda katika jicho kutafuta mwizi, iwapo ni mwizi — usitoke sanga, na kama si mwizi — si nyumba yako sanga, toka nje“. atamtia shindano katika jicho, na huko anakwimba: „sanga ndekera<sup>2)</sup> mwanangu<sup>3)</sup>“. na watu wanaitikia. kama si mwizi, shindano haiingii katika jicho. na kama

---

1) = dumiliza. — 2) = niwachie. — 3) gemeint ist das Auge.

ni mwizi, shindano inaingia na khalafu hutoka tenna, lakini jicho hugeuka likawa jekundu. na watu wote watajua, ya kama huyu mwizi. na yule mwizi hana hila ya kukataa, kama „mimi si mwizi“, atalipa vitu vilivokwiwa. na akikataa, watampeleka kwa mwene, naye mwene atamlazimisha kulipa.

iwapo wote wamehongera, hapana mtu kiapo kili-chomshika, itakuwa da'awa kubwa, ao awalipe fedda ao mbuzi awape watu, aliwowingizia wizi. na kama hakutoa watapigana. hii ndio khabari ya vyapo vyao Wadoe.

khabari ya udugu wao jinsi wanavotakana.

huondoka mtu mmoja, akamwambia mwenziwe: „somo, mimi nakutaka udugu“. na yule wa pili humjibu: „vema, nakutaka“. bassi humwuliza: „kwenu wapi?“ naye humwambia: „kwetu pahali kaza wa kaza, na wazee wangu kina fulani. na mkutano wao sana katika pombe, ndipo wanapojuana watu wengi. bassi wakesha patana, yule mmoja humpeleka kwa wazee wake, akawambia — ya kama: „huyu nnamtaka urafiqi“. na wazee wake humjibu: „vema“. bassi tenna, akiwa anajiweza, atatoa mbuzi, wamchinshe wafanye udugu wao. na kama si mweza wa mbuzi, atatoa kuku, muradi wapate ini la usare <sup>1)</sup>, khalafu atakuja mdumilizi <sup>2)</sup>, awadumilize, awambie: „wewe umemtaka Mtengwa udugu, na Mtengwa ana ndugu wadogo waanaume, na wewe una mke, ndugu za Mtengwa wakilala na mke wako usiqasirike. ukiqasirika, ukenda pwani kumletea 'askari, ao ukenda kwa mwene kumshitaki, nawe ukataka kulipwa ugoni — ufe“. na yule wa pili huambiwa kama hayo. kha-

---

1) Blutsbrüderschaft = udugu, und sare yangu = ndugu yangu mein Blutsbruder. — 2) Leiter der Ceremonie.



lafu wakachanshwa wote wawili, wakapewa nyama ya ini killa mtu kipande, kikapakwa damu ya huyu na huyu, wakala pamoja.

namna nyingine hufanyiza udugu kwa mchanga wa Mzia<sup>1)</sup>. nao mchanga huo mweupe kama sukari, lakini mwembamba kama unga wa ngano. wanapotakana udugu, killa mtu huramba mchanga huo, lakini manuwiyo<sup>2)</sup> kama tuliyotangulia kuyasema katika ini la kuku.

wakesha fanyiza udugu huo, hupendana kama ndugu wa kuzaliwa. hawatetani, wala, wakiombana kitu, hawafichani. na zamani za kwanza udugu huo walikuwa wakirithiana, mmoja wapo iwapo amekufa, lakini sasa hayako mambo hayo. yamekwisha maneno ya usare na udugu.

#### khabari ya kuomba mvua.

iwapo wameikosa mvua, hufanyiza mashaari kina mwene wote — ya kama: „mwaka huu jua, vyakula haviji juu tukipanda, lázima twendeni mziinni“<sup>3)</sup>. bassi hutafuta doti ya kaniki na doti ya bendera, wakaondoka mamwene, wakenda Nguu, kunako mzimu, kutambika. na huo mzimu umo katika pango ya jiwe, wala kini nafasi sana. wanapofika huamkia mzimu wale mamwene. na mzimu nao hunguruma kama mfano wa mvua. na kama wamefuatana na mtu mbaya, mzimu wao huambia: „katika safari yenu mmefuatana na mtu mbaya, amevaa nguo namna kaza wa kaza“. bassi akiwamo katika safari, watamfukuza. bassi wakiwaşili katika mzimu, watasema maneno yao kama wayatakayo — ya kama: „mwaka umetutupa jua jingi, vyakula

---

1) Mzia ein Ort in der Nähe von Pangani. — 2) Anwendung = madumilizo. Das Verb nuwiya (ar.) = dumiliza. — 3) mzimuni Ort, wo die Geister der Verstorbenen hausen.

haviji juu, na maraŕi mengi sana, sasa tunakuombea utupe mvua“. khalafu utanguruma marra ya pili mzimu, bassi watafurahi wote, ma'ana wamejibiwa. na kama mzimu umeŕaŕika — haujibu, utanyamaza kimya. na iwapo wamepata furaha, mvua itakunya nyingi, na kama hapana furaha, watarudi na jua.

na aŕili ya mzimu huo — mtu, alikuwa jumbe katika Ukami. naye alikuwa mchawi sana. bassi hatta siku moja watu wakafanyiza vita kuja kumpiga — wasimweze, sababu riŕaŕi wala sime wala mshare haviingii vitu hivo katika maungo yake. lakini walikuwa na magomvi yeye na mke wake. na yule mke wake akawambia wale wa vita: „kama ninyi mnamtaka kumwua mume wangu, mimi ntawapa ma'arifa yake“. wale wa vita wakamwuliza mke wake: „nini ma'arifa yake?“ mwanamke akajibu: „mume wangu mchawi sana, nanyi wote mnajua“. wakajibu: „kweli“. akawambia: „mkataka kumwua, marra moja afe, tafuteni kikonyo cha mboga, mumpige, huo ndio mzio<sup>1)</sup> wake, marra atakufa“. bassi marra wale wa vita wakatafuta kikonyo cha mboga. walipokipata, marra wakampiga yule jumbe palepale hakuvuta mguu wake, marra alikufa. na kufa kwake hakuonekana, illa marra yalivuma tufani, na yeye asijulikani alikokwenda. tufani ikampeleka hatta katika pango hiyo iliyoko sasa. kwa ba'adi ya siku wakaona katika ile pango silaha zake na nguo zake na kilemba chake, wakapeleka khabari watu katika mji — ya kama: „jumbe tumeona katika pango nguo zake, walakini yeye hatukumwona“. wakenda watu

---

1) Verbot. Jeder Familienstamm hat ein bestimmtes Fleisch oder gewisse Fleischstücke oder Fische, die sämmtliche Familienangehörigen nicht essen dürfen. Der Betr. sagt z. B. mwiko wangu kidali mein Verbot ist ein Bruststück (vom Thiere zn essen). mzio hier ist dasselbe wie mwiko.

kutezama, wakaona kweli, ikaşiri kuwa ndio mzimu. na ma'ana ya mzimu wameona 'ajabu ya mambo hayo ya mtu aliyekufa, naye wasimjue paşali alipokwenda. na 'ajabu ya katika mwitu huo: wenyi mzimu katti ya mwitu — walakini ndani mchanga mweupe, kama kunakwenda watu kufyagia.

na ba'adi ya siku hulia ngoma katika huo mwitu na vigelegele kama kunako 'arusi. hio ndio khabari ya mzimu wa Kolele<sup>1)</sup>. na majumbe, waliwo barra wote, huo mzimu wao mkubwa. mamwene na mapazi na kina Kingaru<sup>2)</sup> wote hawaudarau mzimu huo.

---

1) Ort in Nguu wo der mzimu seinen Wohnsitz hat. — 2) jumben von Ukami.

# Safari yangu ya Afrika toka bahari ya suaheli hatta bahari ya pili

katika safari ya bwana Graf von Götzen

ya

'Abdallah bin Rashid.

Bismillah er-raḥman er-raḥim!

auwali ya safari yetu — ya bwana Graf Götzen na bwana Prittwitz — tulitoka na ndovu wawili na watu sitta mia wa settin, 'ázima yetu kwenda barra. tukapandia kwa Pangani. tulipofika qaribu ya Mauwya, ndovu moja akazama katika matope. aka'azimu bwana mkubwa Graf Götzen kuwarudisha, akaonelea, ya kama tutapatikana na ta'abu sana njiani ya hawa ndovu. wakarudishwa Tanga, na siye tukenda zetu Mauwya. tukabaqia siku kumi, kutengeza safari yetu hatta ikatimia.

khātima tukasafiri, tukenda Uzigua. tukaona watu wake wema sana, na hëshima zilizo nyingi sana. na katika bi'ashara yao njema sana. mbuzi huuza kwa mikono kumi na sitta ya nguo, mbuzi aliye mwema, na unga wa mahindi chakula cha siku nne kwa upande — hapana záyidi, na kibuyu kidogo cha asali vilevile kwa upande.

khātima tulipotoka Uzigua, tukenda vilima vya Nguu, tukafika Mgera kwa mudda wa siku kumi. tulipofika Mgera, bwana Graf Götzen akasema — kama: „hapa na tufanye kambi qádiri ya siku kumi kutengeza vyakula, kwani mbele yetu kuna pori la siku kumi“. ikawa kutaakhhari kutengeneza vyakula ndiani <sup>1)</sup> mudda wa siku kumi. ikawa kununua doti chakula cha siku kumi, na mbuzi mmoja kwa doti moja, na ngombe moja kwa gora tatu kwao wenyewe Wanguru na Wamassai.

khātima tulipokwisha nunua vyakula, tukaondoka tukaingia katika pori la Wamassai. mudda wa siku tis'a ndipo tulipotoboa Burungwe. tukataka khabari ya vyakula, wakatujibu — ya kama: hatuna vyakula, lakini iliyo riziqi yenu mtapata, kwa sababu tumeingiliwa na nzige. ikawa kutafuta vyakula, tusipate vyakula kabisa illa unga wa mawele, kitunga kwa upande.

tukalala siku moja katika mji huo, siku ya pili tukaondoka kwenda Irangi. tulipofika Irangi, tukaona mji mkubwa mno. muna matunda mengi mno, muna mitende na mikomamanga na killa namna ya matunda. na mji huo mwenyewe Moḥammed bin 'Omari Nabehani, yeye ndiye luwali wa mji huo. tukapata ḥeshima kubwa sana, ili kumfurahisha bwana Graf Götzen. tukanliza sa'ari ya vyakula, wakatujibu — kama: „vyakula humu mwetu siku hizi ni 'adimu“. tukawajibu: „ḥatta kwamba ni 'adimu, twataka mtuuzie kwa uchache wake“. ikawa kutuuzia ungo wa unga wa muhogo kwa upande, na mbuzi mzuri kwa doti mbili, na mbuzi aliye ḥafifu kwa doti moja.

tukakaa mudda wa siku nne, khātima tukaondoka kwenda Uassi, khalafu Ufiome. watu wake wema, lakini ckakula ghali. khalafu tukenda Mangati, tukaona

---

1) njiani.

mji mkubwa sana na watu wengi sana. lakini miji yao i vilimani, na nguo zao ngozi, na vyakula vyao maharagwe na maziwa na mahindi. na sa'ari ya vyakula kwao ghali: pishi ya maharagwe kwa upande wa satini, na buyu la maziwa kwa upande, na buyu la asali kwa upande, na kuku wanne kwa upande, na mbuzi kwa doti moja.

na wasifu wa watu wake — şura zao kama Wagalla. na wao si mno kuqurubiana na watu, na wakitaka fanya bi'ashara, hawaji kambini, hukaa mbali ya kambi, wakakusanyikana kikundi, watu wakenda kwao kununua vyakula kwao. lakini mtu akifanya nao bi'ashara, ataházari nao sana, kwani ukighafilika kidogo — hukupokonya nguo yako, wakenda mbio.

khātima tukaondoka tukenda zetu Mburu. watu wake wema sana, na hëshima nyingi sana kwao, lakini vyakula kwao 'adimu.

tukaondokâ kwenda zetu Nyaraza, ziwa la chumvi. twalikuwa na mtu mmoja mgonywa wa ndui, amebaqia nyuma, na mmoja anayemtunza mgonywa. wakaonana na Wandorobbo, wakampiga mgonywa wa ndui darba mbili za mikuki. akapiga kelele — kama: „nauáwa“. marra akaja 'askari mmoja, jina lake Hamisi, waka-kimbia. wakaja zao mpaka kambini, akawauliza bwana mkubwa Graf Götzen khabari, iliyopita kwa watu wake na Wandorobbo. akauzika ghaya, aka'azimu kuondoa safari aş-şubuhi ya watu wake. akabaqia yeye mwenyewe na bwana Prittwitz na bwana daktari<sup>1)</sup>, ili kuwaotea watu hao, na 'askari wao watatu na maboi wao. wakakaa mudda wa sa'a, marra wakatokea kutafuta vitu katika kambi. marra 'askari Hassani Jusuf akawaona. alipowaona akampigia bwana mkubwa uruzi,

---

1) Doktor.

ili kufahamu bwana mkubwa, ma'ana alikuwa na mi'adi nao, alisema: „kulla awaonao mbele, ana amri kupiga uruzi“. aliposikia şauti ya uruzi, akafahamu, akapeleka macho, marra akawaona wakaja zao Wandorobbo hatta qaribu ya bwana mkubwa. marra ziliwatoka bunduqi wote Wazungu watatu, wakawapiga, wakenda mbio. wakampiga mmoja, lakini hakufa, alikuwa jerihi, khātima wakarudi kuandama safari. ndio khabari, iliyotupata Nyaraza, ziwa la chumvi.

khātima tukaingia katika pori la kwenda Miatu, pori lenyewe lina vilima vidogovidogo. tukatoboa Miatu, tukaona mji wake mkubwa mno, lakini wenyewe walipotuona wakatukimbia katika vilima. tukathanni, kama waogopa — kumbe ni khada'a watufanyia. kwa kulla tukimwita mtu mmoja — hutukimbia.

tukenda zetu hatta kwa mkubwa wao, ili kutaka panga. tulipofika pahali hapo, ikawa bwana mkubwa Graf Götzen akasimamisha safari, akasema — kama: naişubiri safari hapa, ma'ana watu hawa labuda wanakhada'a, wataka kutukhada'a, lakini nitatangulia mimi na 'Abdallah na Khērallah na Taufiqi na maboi wangu, tukatezame khabari zao. kama hawana vita, tutakuja itwaa safari“. akenda bwana mkubwa hatta mjini kwao, akataka amani. wakasema: „sisi hatuna amani, wewe Mzungu umekuja kwa vita, bassi hatuna amani nawe kabisa“. akawajibu bwana mkubwa — kama: „sisi hatukuja wala hatuna haja ya vita kabisa, nimekuja kutezama miji na kupiga picha<sup>1)</sup> bassi“. wakamjibu: „kama kweli umekuja kwa amani, panga hapa qaribu ya mto“. akaridhia bwana Graf Götzen. kumbe vile ni khada'a wataka tufanyia! na sisi tusielewe kabisa.

khātima tukapeleka mtu mmoja kutuulizia vyakula,

---

1) engl. picture.

ili kununua. wakatujibu — ya kama: „sisi hatuji kambini kwenu, labuda nyie muje mjini kwetu“. bwana mkubwa akawajibu: „kama hamleti vyakula vya kununua, tutakuja mijini mwenu kuwapokonya. bassi tezamani khiyari yenu“. wakasema — kama: „hatuwezi kuja kambini, twaogopa“. tuka'azimu kwenda mijini kwao, tutafute vyakula. wakatoka ba'adi ya 'askari na wapagazi billa silaha, ili kuwatoa khofu. walipofika mjini kwao, wakawaona hawana silaha, waka'azimu washenzi kuwapokonya nguo zao; wasiriqie. walipofanya nguvu, ikawa kuwapiga mikuki, ikawa kukimbizana wapagazi na 'askari hatta qaribu ya kambi. marra ile tukaona wapagazi wawili — mmoja amefumwa, na mmoja amepigwa mkuki. ikiwa wakaulizwa na bwana mkubwa: „mbona munaumia, muna khabari gani?“ wakamjibu — kama: „khabari ni kheri. tuliondoka kambini, 'azima yetu kwenda kuhemera. tulipofika mjini mwao, wasiqasiri, ikawa tukiuzwa wakinunua. khātima yake waka-tugeukia unyama, ili kutaka kutunyanganya; tusiriqie. ikawa kutupiga, tukakimbia. 'alama yetu waiona tuli-vofanywa. na wengine wakali kuko, nao allahu a'alam kwa hali zao“.

marra bwana Graf Götzen, alipopata khabari ile, akaghaqibika sa'a ile, akawambia 'askari wake: „antreten“, tupate wapa azabu, watu wangu wasiqasiri“. marra wakajifunga. akatoka bwana Graf Götzen na bwana wa 'askari Prittwitz. bwana mkubwa akenda upande wa yamini, na bwana wa 'askari akenda upande wa shemali, ili kuwatafuta. walipoona Washenzi, kama Mzungu anakuja, wakakimbia juu ya majabali. ikiwa bwana mkubwa kutia moto majumba yao na vyakula vyao, na bwana wa 'askari kazalika na katika vyakula vyao na mbuzi wao. khātima ikawa kutezama watu waliopigwa, tukaona watu saba waliokufa na watatu



majuruhi. ikawa bwana mkubwa kusikitika sana kwa khabari yao Wamangati waliotufanya.

akawataka mashauri wanyampara wake: „mmeonaje, tuondoe safari hapa ao tushinde?“ wakamjibu — kama: „kheri tushinde, ma'ana hawa wanatupiga, nasi lazima twataka jilipiza“. akawajibu bwana mkubwa: „nimesikia khabari yenu, si mabaya; kesho tutashinda, twende mijini mwao — hapana buddi“.

tukalala, hatta as-subuhi na mapema bwana mkubwa akapiga 'askari „antreten“, wakajifunga tayari. akaondoka bwana wa 'askari Prittwitz na bwana daktari, Wazungu wawili, na 'askari arba' u 'asherin, ili kwenda kuwatafuta, na ba'adi ya wapagazi wachache. walipofika mjini mwao, hawakuona mtu, wote wamekimbia katika miji yao. ikawa kuwatafuta, wasiwaone kabisa. wakateka mbuzi wao na silaha zao, wakatia majumba yao moto. khātima wakareje'a kambini.

hatta siku ya pili tukaŋgoa safari kwenda zetu. tulipofika katti njia, bwana daktari, aliyekuwa nyumā, akaona Washenzi wawili juu ya vilima, akauliza: „wale ni watu gani?“ akaambiwa — kama: „ndio waliotupiga jana“. ikawa kumpiga, ikampata mmoja katika mguu, akaanguka, mwenziwe akakimbia, isiwe mtu kumwendea.

tukenda zetu hatta mwanzo wa Usukuma kwa Mwera kwa Nyuma, jina la mji Uduhe. pahali pazuri sana, na watu wake wazuri sana. ikawa sultani wao kumfuraḥia bwana mkubwa, wakamletea ḥeshima iliyotama. tukataka kwao kujua sa'ari ya vyakula, tukaambiwa sa'ari yao. tukaona kama ni rakhiḥi sana. tukafuraḥiwa sana. ikawa kununua mbuzi mmoja kwa upande, na kuku saba' kwa upande wa kaniki ao satini, na njugu pishi kumi kwa upande, na maziwa buyu kubwa kwa koja tatu, za ushanga, na buyu la asali, lililo kubwa, kwa koja sitta za ushanga. na vyakula vyao ni unga wa

mtama na unga wa mhindi na kunde. na katika inchi yao haina milima, na ikinya mvua huwa na matope mengi sana.

tukakaa mjini mwao Uduhe siku mbili, ili kutingeza mitumba na sababu ya Wassukuma, waliotaka kwenda kwao, má'ana bwana mkubwa hakutaka pita njia ya Mwanza, alitaka kupita mkono wa kulia, na Mwanza i mkono wa kushoto. khátima wakafanya shauri yeye na bwana 'askari, ili atoe mnyampara na 'askari kidogo, ili kuwapeleka mpaka mjini mwao Mwanza. safari ingine ikenda zake na bwana mkubwa hatta tukafika Uko. tukaona watu wake kazálíka wazuri sana, na heshima iliyotama kwao, wasiqasiri. wakamletea bwana mkubwa heshima yake, akafurahiwa sana. ikawa kuuliza sa'ari ya vyakula, tukaambiwa — kama: „vyakula vimo, lakini vi ghali kidogo“. wakenda kwao kutafuta vyakula, tukapata kwa qiasi kitu, lakini ghali. unga wa mtama kitunga kwa mikono miwili ya Mombei<sup>1)</sup>, na kuku wanne kwa upande, na mbuzi doti mbili. ndio khabari ya Uko.

khátima tukaondoka kwenda Shinyanga. kazálíka watu wake wema sana, na vyakula 'adimu.

khalafu tukenda Nindo kwa sulṭani jina lake Muhankira. tukaona mji wake mkubwa sana, na mwenyewe mtu mzuri sana. akapendezewa bwana Graf Götzen kushinda siku tatu kufungua mitumba yake, ili aianike, ma'ana ilipata mvua siku nyingi.

tukalala hatta aş-şubuḥi na mapema tukenda mjini kuuliza sa'ari ya vyakula. tukaona hapana vyakula vinavotutosha. ikawa tukitafuta tukapata kidogokidogo, lakini ghali sa'ari yao; kitunga cha unga wa muhogo kwa upande, na kuku watatu kwa upande, na mbuzi doti tatu.

1) Bombay.

na mji huo auwali wa watu, wanaofanya miti nguo<sup>1)</sup> za kuva. na desturi hii yatoka kwa Waganda. namna ya watu hao, mfano wa nguo zao, wanavofanyiza, ni hiyo: kwanza hutwaa mti, jina lake muyombo, wakauchuna maganda. na khalafu yale maganda huyaweke katika jua kidogo, tenna wakayaondoa yale maganda, huyaweke mahali panapo mbau kubwa, tenna huja na nyundo wakayagonga na nyundo hatta yakawa leini kama mfano wa uzi. khalafu huleta jungu, lililo kubwa sana, ao mtungi, wakayatia maganda. wakisha huyapika sana hatta yakawiva, tenna huyawacha yakapoa moto qadiri ya siku saba' ao zayidi. na khalafu huyatwaa mle katika mtungi, huyapiga tenna kwa nyundo kubwa hatta yakawa leini. tenna hutwaa vipande wakashona, nguo imekwisha.

bassi pahali hapo tulibaqia siku tatu. tulikuwa na punda 'asherin na watano, waliochukua mizigo. tulipofika Nindo, ikawa hawawezi kwenda tenna kwa ajili ya matope. bwana mkubwa akaonelea „ni kheri kumpa sultani wa Nindo, labuda atanipa wapagazi“. akampa punda hao sultani wa Nindo, naye asiqasiri, akampa wapagazi thelathin kumpelekea mizigo yake hatta Msalala.

khâtima tukaondoka Nindo kwenda zetu Msalala. tukafika Msalala, tukaona mji wake mzuri sana. nao wakaa mapadiri ya Wafranza<sup>1)</sup>, wasomesha watoto wa Wanyamüesi. nao hao Wafranza wanautengeza mji wa Msalala vizuri sana billa qiasi; na majumba yao mazuri sana.

na katika mji huo sultani wao jina lake Himo, qabila yake Munyamüesi. aliposikia huyu sultani, kama amekuja Mzungu, atoka pwani, akafurahiwa sana, akatupa heshima nyingi sana, akanwambia bwana mkubwa

---

1) Rindenstoffe. — 2) französische Missionare.

— kama: „mudda wa siku tatu watu wako wasinunue vyakula kabisa“. siku ya áuwali alileta malindo yá vyakula, mizigo ya watu khamsini. na siku ya pili akatuletea mizigo khamsini ya vyakula, na siku ya tatu mizigo khamso u arba'in. khātímá akamwambia bwana Graf Götzen: „hëshima yako kwangu mimi imefika, ahsante, sasa nataka uwambie watu wako, walettee watu wangu vyakula vya kuuza, ili wanunue, ma'ana wamepata posho kwangu“. akamjibu: „inshallah, vitakuja“. akamwuliza: „na vyakula vya hapa vyauzwaje?“ akamjibu — kama: „lindo la unga kwa upande, na kunde lindo kwa upande, na mbuzi doti, mbuzi aliye mwema sana, na buyu kubwa la asali kwa upande wa kaniki, na buyu kubwa la maziwa kwa upande. ndio sharifa ya hapa petu, ma'ana mwaka huu wametujia nzige, ma'ana chakula kuwa ghali“. akamwambia: „ahsanta sana, nimesikia maneno yako, nimefurahiwa sana“.

tukalala siku ya kwanza na siku ya pili na siku ya tatu, sababu bwana mkubwa Graf Götzen akashikwa na ugonywa. ikawa kutaakhkhari, ili kumngojea bwana mkubwa. tukakaa siku tis'a katika Msalala. siku ya kumi bwana mkubwa akataka wapagazi kwa sultani Himu, akapata watu thalathin, ili kumchukulia mizigo yake hatta Kirimbogo. wakatatana kulla mtu doti na upande hatta Kirimbogo.

tulipofika Kirimbogo, tukaona watu wake wema sana, lakini hawana vitu, wameshikwa na njaa. ndio khabari yake ya Kirimbogo.

hkātima tukenda Ushirombo. nao kazálíka ni mji wa Wafranza, mapádiri. na sultani ni Mnyamuesi, jina lake Mwana Ndege, mtu mmoja — ana watu wengi na mali mengi. naye ni rafiqi yao mno na Wafranza. Wafranza wameutengezā mji wake vizuri sana.

☞ khātima tukataka khabari ya sa'ari ya vyakula, ma'ana tulisikia, kama Ushirombo kuna njaa. waka-sema — kama: „ni kweli khabari muliyosikia; hapa chakula kwetu ni kunde na viazi, hapana záyidi. na sa'ari ya kunde doti, chakula cha siku kumi, na viazi upande, chakula cha siku sitta. na katika vitoweo ni ghali sana: kuku watatu kwa upande, na mbuzi mzuri kwa doti tatu, na ngombe doti thalathin, na chooko pishi tatu kwa doti. na ukitaka mpunga — waku-tafuta pishi tatu kwa doti, labuda wapatikana; na samli kibaba kwa upande“. ikawa lázima tukanunua kwa sa'ari hii kama walivotwambia.

na ṭabia' zao za watu — hawali waanawake wao kuku wala mbuzi kabisa, kwao ni mwiko, illa wa-anaume wao hula nyama hizo.

tukakaa kwao mudda wa siku 'asherin, ili kungojea safari, iliyokwenda Mwanza. iliporeje'a safari yetu, tu-ka'azimu kusafiri. akataka bwana mkubwa wapagazi kwa sultani Mwana Ndege. akapata khamst'ashara, ili kumchukulia mizigo yake mpaka Ulangwa kwa sul-tani, jina lake Pembe.

tulipofika kwa sultani wa Ulangwa, alitufanyia heshima, iliyo kubwa sana. naye ana mji mkubwa sana, na tenna mji wake madubut sana. naye huyo sultani qabila yake Mnyamüesi. akamwambia bwana mkubwa: „leo tafadali shinda hapa pangu“. akamjibu — kama: „siwezi shinda kwako, ma'ana sina wapagazi“. akam-jibu — kama: „tafadali shinda hapa, kesho kutwa nitakupa watu“. akariḍia bwana mkubwa ili kushinda, akamfanzia heshima kubwa sana, tukafurahiwa sote pia.

na katika khabari ya vyakula katika mji wake: lindo la unga wa maweke kwa upande, na kunde pishi tatu kwa upande, na mpunga pishi tatu kwa doti. na katika vitoweo ghali sana: kuku watatu kwa upande,

na mbuzi kwa doti mbili, na ngombe doti thalathin, na ndizi mikungu miwili kwa upande, na mayayi kumi kwa upande, na asali kibuyu kikubwa kwa doti moja, na maziwa kibuyu kikubwa kwa upande.

na wao watu wa mji huo watu wamoja nadifu sana, wana qa'ida nyingi sana za pwani, na adabu nyingi sana.

khātima tukaondoka kwenda zetu Usambiro. tuli-pofika Usambiro, tukaona mji wake mkubwa mno, na watu wake wazuri mno. tulipokwisha fika katika mji wa Usambiro, marra sultani wake akatuletea heshima nzuri sana, tukafurahiwa sana kwa heshima aliyotufanyia, walakini mji wake hauna vyakula kabisa illa mhogo na kunde bassi. hapana zayidi kabisa illa ulevi wa nsoga, uko mwingi sana billa 'idadi, si wa kuuliza.

khātima tukaondoka kwenda zetu Usuwu. tuli-pofika qaribu ya mji wake, tukaona kirongozi wake amekuja kutulaqi. tukaandamana hatta mji wake wa kwanza, una mtongi wake sultani wa Usuwu. tuli-pofika akatufanyia heshima kubwa mno. akamletea bwana mkubwa mbuzi tis'a'n kitoweo chake na mitungi kumi ya asali. hio ndio habari ya mtongi wake wa Kassusura.

tukaondoka hapa kwenda kwa mwenyewe sultani wake. tulipofika qaribu ya mji wake, tukaona mto wa kuvuka maji ya kiuno. tukavuka, tukenda mudda wa nusshu sa'a, tukafika mjini mwake, tukaona mji wake mzuri sana. na sifa za mji huo una ndizi nyingi sana billa 'idadi, ndicho chakula chao, na viazi, hawana chakula kingine. na nyama kwao nyingi mno. na kuni katika mji huo 'adimu sana.

tukataka sa'ari ya vyakula, akasema — kama: „usinunue vyakula, nitakuletea vyakula vinavyokutosha“. marra ile vikaja vyakula vinavotutosha. aka-

mwambia — kama: „leo umekuja waqati da'ifu, lakini kesho itakuja heshima yako“. tukalala hatta as-subuhi, marra tukaona jeshi ya tujia, tukasita'ajjabu. walipofika kambini, tukaona wanachukua vyakula vingi mno. tukaḥesabu idadi ya watu, waliochukua vyakula, tukaona watu mia u khamsin, na waliochukua mbuzi watu mia, na waliochukua nsoga watu asherini, na waliochukua mitungi ya asali watu kumi. hio ndio heshima ya siku ya kwanza.

na siku ya pili akaleta mbuzi thalathin, na mizigo settin ya vyakula, ndizi na viazi, na mitungi mitatu ya asali. siku ya tatu akaleta mtu wake — ya kama: „kesho nitakuja kukutezama as-subuhi“. akamjibu — kama: „vema“, kamwambia — kama: „nitafurahiwa, kama utakuja kunitezama“.

hatta siku ya tatu as-subuhi katika sa'a mbili tukasikia ngoma kubwa sana, tukauliza — kama: „kuna khabari gani?“ wakatwambia — kama: „sulṭani anakuja hivi sasa, ili kukutezama“. marra tukaona jeshi kubwa sana mbele na nyuma, na yeye mwenyewe amechukuliwa katika kiti, kinafunikwa kitambi cha zari. naye mwenyewe amevaa juba na suruali na kofia ya tunusi<sup>1)</sup>. akaja mpaka kambini kwa bwana mkubwa, wakupana mikono, wakaulizana khabari ya pwani. akampa khabari za pwani, naye akampa khabari za barra.

akasita'ajjabu bwana mkubwa kwa yale magoma wanayopiga, akamwuliza: „haya magoma mbona haya nyamazi? sababu yake nini?“ akamjibu — kama: „hii desturi ya ufalme wetu, ma'ana sulṭani akisema, asipate sikilikana na mtu, illa mwenyi ḥaja naye, mwingine asisikie ṣanti yake“. tukasita'ajjabu sana.

---

1) Tunesischer Fez.

na şifa zake sultani huyo: akisema na mtu — hamtezami kabisa, na akiteka<sup>1)</sup> — watu wote wake, waliomwandama, wanalazimiwa na kucheka na kupiga makofi<sup>2)</sup>).

akamwambia bwana mkubwa — kama: „miye kesho nataama‘ani kuja kutezama mji wako“. akamjibu — kama: „nimesikia bwana mkubwa, nitafurahiwa sana utakapokuja kwangu“. tukalala hatta aşşubuhi, bwana mkubwa aka‘azimu kwenda mjini kwake. akenda na ‘askari kumi na moja. alipofika katika mji wake, wakamwambia: „kama wataka onana na sultani — rukhuşa“. akapita bwana mkubwa na ‘askari wake. wakapana mikono, wakaulizana hali. akataka bwana mkubwa kumpiga picha, akakataa kabisa kwa khofu aliyo nayo. akisha kumşihî — asiqubali kabisa.

khâtima tukarudi kambini. alipofika kambini, bwana mkubwa akapeleka mtu, ili kumpa khabari — kama: „mimi, bwana mkubwa, kesho nenda zangu, nataka unipatie wapagazi ‘asherin na watano, wanichukulie mitumba yangu hatta mto wa Kissaki, ma‘ana wapagazi wangu wengi wamekimbia. bassi fanya ehsani unipe hao watu“. ilipofika khabari kwa sultani, marra wakaja wapagazi ‘asherin na watano, wakachukua mitumba ya bwana mkubwa hatta mtoni.

tukavuka mto huo, ikawa kuingia katika miji ya Kissaki, walakini miji yao midogomidogo. na vyakula vyao ndizi, na mavazi yao ngozi, wâke na waume, hapana zâyidi ya mavazi illa hayo.

na sa‘ari ya vyakula kwao: mikungu mitatu mikubwa ya ndizi kwa upande, na mbuzi mmoja kwa upande, ndio sa‘ari yao.

na silaha zao mikuki. na şura zao kama Wasomali.

---

1) akicheka. — 2) in die Hände klatschen.



na katika miji yao hakuna kuni kabisa. wenyewe hupikia mavi ya ngombe makavu na majani makavu, hana záyidi kabisa.

ikawa tukenda katika miji yao, tukiuliza sultani wao, wakiwa wakitudanganya siku hatta siku. hatta ba'ada ya siku wakatupa khabari, kama sultani wao amejenga qaribu ya kilima cha moto, jina lake Kirunga; „bassi kama mmentaka sultani wetu, wambieni wakubwa wa miji, munayopita, — kama: „twataka kirongozi wa Kirunga“, ndipo mutakápomwona sultani wetu“.

ikawa bwana wetu Graf Götzen kushika maneno yao aliyoambiwa. tukenda zetu, tukapanda vilima killa siku, hatta tukafika kwa mwanangwa<sup>1)</sup> wake. tukamtaka khabari ya sultani wake, „yuko wapi?“ asitupe khabari kabisa. ikawa kutuficha, sababu wakaona khofu, ma'ana hawajaona mtu namna kama bwana Graf Götzen.

tukasikia khabari, kama kuna mwanangwa, jina lake Kawahehe, ndiye atakayetuonyesha. tukenda hatta kwake. tulipofika mjini kwake, tukaona kama sasa tunaqidi muradi wetu, asiqasiri. akatuletea vyakula mizigo saba'in ya vyakula, na mbuzi 'asherin, na mitungi minane ya nsoga ili heshima ya bwana mkubwa. akafurahiwa sana.

tukaaliza sa'ari ya vyakula, tukaambiwa, kama vyakula vya hapa ndizi na vyazi na nyama — hapana záyidi. na sa'ari ya vyakula tukaambiwa: mikungu sitta kwa upande, na mbuzi mmoja kwa doti. Kawahehe akasema: „na kama wataka sa'ari ya pembe hapa, ziko nyingi sana, frásila kwa doti thalathin, frásila iliyo nzuri sana, na iliyo hafifu — doti khamso u'asherin. ndio sa'ari ya hapa petu“. akamjibu bwana mkubwa — kama: „sisi hatukuja kutaka pembe, tume-

---

1) Sultans Sohn.

kuja kutaka tezama miji na kupiga picha, ndio safari yangu. na hivi sasa nataka wapagazi, watakao kupagaza, ili kunichukulia mitumba yangu“. akamjibu — ya kama: „hawa watu wangu hawawezi kuchukua mitumba, ma'ana si mazoea yao Watussi kuchukua mizigo — kabisa; bassi wewe bwana mkubwa uwe rafi sana, nachelea wasije kuitupa mizigo yako, siyo desturi“. aliposikia khabari ile, bwana mkubwa aka'azimu ili kuifungua mitumba yake, kuwapa watu wake chakula — mmoja gora moja, posho la siku tis'ain, ma'ana kupunguza mizigo. akawapa.

siku ya tatu tuka'azimu kuondoka kwenda zetu mto wa Mgesi. tulipofika mto wa Mgesi, tukavuka salama salimin pia sote. tulipokwisha vuka, tukamwona mtoto wa Kigeri, sultani wa Ruanda, jina lake Shirangawe. hapo tulipofika — tokea Pangani hatta hapo miezi sitta. tulipomwona akatupa heshima nyingi sana. akamwambia bwana mkubwa — kama: „tometoka kwetu pwani siku nyingi, hatujaona mji mkubwa kama huo. na tokea tulipoingia Ruanda, twauliza mji wa baba yako, watu hawataki kutwambia; ma'ana yake nini?“ akasema — kama: „wao waogopa, ili wasipatikane na madara, lakini kama wataka uonane naye — nitaandamana nawe hatta kwa baba yangu, upate kumwona“. akafurahiwa bwana mkubwa na watu wake pia kwa matamko ya Shirangawe. ikawa kuandamana naye, kwa kulla mji tukipita huenda Shirangawe na watu wake wakituletee mbuzi na vyakula vingine kwa kulla siku. hatta tukafika mto wa Nyavarongo, akatwambia — kama: „hapa sasa qaribu na baba yangu Kigeri“.

ikawa killa siku twaqurubia hatta tukafika mjini mwake, tukakaa qaribu ya mji wake, tukatuma mwanauwe Shirangawe — ya kama: „kamwambie baba yako, kama sisi tumefika chini ya mji wake, twataka onana

naye“. akasema — kama: „nimesikia, lakini hamna rukhuša kupanga huku juu kwangu, pangeni hukohuko. mimi khātima nitakuja kuwatezama“. aliposikia bwana mkubwa maneno yake, akaghaḍibika sana, akaona kama labuda asema, kama mimi namwogopa. marra ile akawambia ‘askari: „antreten“, tutakwenda kwake, lázima hatuna buddi, lakini wapagazi na watuṣubiri na ‘askari kidogo“. akawambia watu wake, wapigao miganda, wa kwanza ‘Abdallah na wa pili Ḥamisi: „pigeni miganda, mpite mbele, msitie khofu, mnaandamana na bwana wenu Graf Götzen, ukalie mganda ḥatta ndani ya mji wake, ndani ya ua wake“. akamwingilia ndani, akamwambia waziri wake: „mwambieni sulṭani wenu, nataka onana naye, wala sina buddi kuonana naye katika waqati huo, bassi mpeni khabari“.

akatoka waziri wake, ili kumpa khabari — ya kuwa: „bwana mkubwa amewáṣili hapa, ataka mwajaha wako hivi sasa“. akamjibu — kama: „nitakuja“. marra akatokea, wakapana mikono. akauliza khabari za pwani, akampa na yeye khabari za barra.

khalafu akamwuliza khabari ya kilima cha moto, akamwambia — ya kama: „kipo, lakini ki mbali sana“. bwana Graf Götzen akamjibu — kama: „sina buddi na kufika, ili kuona moto huo. nataka unipatie watu kunionyesha njia ya huko“. akajibu: „nimesikia, kwanza nenda kapumzike, khātima tutaonana, tuseme khabari ya kilima“. akatutafutia kambi, tukapanga qaribu na mji wake. akatufanyia ḥéshima nyingi sana, akatuletea mbuzi wengi sana na vyakula vingi sana.

ḥatta siku ya tatu akaleta khabari — kama: „kesho aṣ-ṣubuḥi nitakuja kambini kwako, ili kukutezama ḥali yako“. akamjibu bwana mkubwa — kama: „nimesikia, nitafurahiwa sana, kama kesho utakuja kwangu“. tukalala ḥatta aṣ-ṣubuḥi katika sa‘a tatu, tukasikia ma-

goma, tukauliza: „kuna nini?“ tukaambiwa — kama: „sultani Kigeri anakuja“. marra bwana mkubwa akatoka kumlaqi. wakapana mikono, wakenda ndani ya hema yake bwana mkubwa. wakaulizana khabari, wakapana, killa mtu akampa mwenziwe khabari, waka-furahi sana.

kisha bwana mkubwa akataka kwake wapagazi thalathini, ili kuchukua mizigo yake hatta kilima cha moto. akasema kama auwali: „nipe zawadi za pwani, nami nitakupa zawadi za barra, na wapagazi utakao — sina buddi“. akamjibu bwana mkubwa — kama: „si desturi yetu kutoa mbele sisi auwali, nipe wapagazi thalathini, sitaki kitu kingine kabisa. usiponifanyia hayo, sitapendezewa kabisa“. sultani akamjibu — kama: „nipe wewe zawadi za pwani kama wataka“. bwana mkubwa asiqubali. akaqasirika sultani, akenda zake, akasema: „usiponipa wewe kwanza — nami sikupi; tenna utarudi pwani, hufiki huko ukotakako, nitakupa watu wa kukurudisha pwani“. aliposikia bwana mkubwa, akaghaqibika sana, akasema — kama: „usiponiletea wapagazi thalathini, nitakwenda mimi mwenyewe na askari wangu nikawakamate, yeye mwenyewe sultani wao apate nijua, kama mimi bwana mkubwa“.

akanyamaza. hatta usiku akawasha vitu vya kuwasha<sup>1)</sup>, vina baruti, huruka juu sana, ili kuzungumza na watu wake. alipoona sultani moto ule, akaogopa, akathanni, kama ataka mtilia mji wake moto. marra akaleta mtu wake, ili kumwambia bwana mkubwa: „usiwashe huo moto, ukatutilie majumba yetu moto. na kama ni hao wapagazi — kesho aş-subuhi watakuwasilia, hapana buddi“. aliposikia bwana mkubwa maneno yake, akafurahiwa sana, akaona, kama hawa washenzi hawana aqili kabisa.

1) Raketen.

tukalala ḥatta aṣ-ṣubuḥi, tukaona ameleta wapagazi arba'in na mbuzi 'asherin. akafurahiwa bwana mkubwa, akawambia: „sasa nitawapa zawadi za pwani“. akawapa zawadi za pwani. naye sultani Kigeri akatoa na kirongozi kutufikisha kilima cha moto.

tulipofika kilima cha moto, bwana mkubwa akasema — kama: „nataka kukipanda kutazama kilima hicho“. aka'azimu kupanda, akaondoka, akapanda tokea sa'a moja ḥatta sa'a kumi na mbili, akafika juu ya kilima. akaona visima viwili, kimoja kikubwa na kimoja kidogo, na moto wake mwingi sana. akaona 'ajabu iliyo kubwa sana. khātima akareje'a kuwapa watu wake khabari za kilima na kuona 'ajabu iliyo kubwa sana. na jina lake mlima huo Kirunga kwa jina la washenzi.

khātima tukaondoka kwenda Kivu, kutazama bahari ya Kivu. tukaiona bahari kubwa sana. tukafanya kambi mudda wa siku tatu, ili kutazama khabari iliyo hapo. tukaona watu wake waoga sana, walikuwa wakitukimbia. khātima tukawambia — kama: „siye hatuna vita na mtu, tumekuja kutazama bahari ya Kivu“. khātima wakaja katika kambi, wakituuzia vyakula. na vyakula vyao unga, na mtama, na asali, na mbuzi. na themani yake doti, chakula cha siku nane, na mbuzi moja doti. na doti yake zira'a nane. na asali mtungi kwa upande, na upande zira'a nne.

tukakaa, ḥatta siku ya tatu wakātutokea usiku, wakatupiga mishare. wakupiga mtu mmoja katika wapagazi wetu. marra tulipoona khabari ile, wakaondoka maboi ya bwana mkubwa, Wasomali, wakawapiga wakakimbia. nao ni watu waliokuja wengi mno, lakini wakakimbizwa na watu kidogo sana. tulipozinyamazisha bunduqi, tukenda kutezama, tukaona watu waliokufa watu sitta katika washenzi, na kwetu hapana mtu illa mmoja majuruhi kwa mshare katika wapagazi.

tukakaa hatta aş-şubuhi, akaondoka bwana Prittwitz kwenda kwa mkubwa wao kueleza khabari, kama hivi vita vyatoka kwake ao vyatoka kwa nani? ali-pofika njiani, akamwona mkubwa wao anatokea, ili kuja kwa bwana kumwuliza khabari, iliyopita usiku — ya kwamba: „khabari hii iliyopita usiku — mimi sina khabari nayo yâ vita vyao; illa aş-şubuhi ndipo nili-posikia. nikasema — kama, labudâ bwana mkubwa atathanni, kama vita hivi nimevileta mimi, lakini nita-kwenda mpa khabari, kwamba mimi sijui khabari hiyo. na kama amekufa mtu — haiḍuru, wao ndivo walivo-taka wenyewe.

akareje'a yeye bwana Prittwitz na mkubwa wao washenzi hatta kambini. akampa khabari hiyo bwana mkubwa — kwamba: „sina khabari iliyopita jana usiku, bassi nataka uwe raḍi sana, mimi sina khabari“. bwana mkubwa akamjibu: „haiḍuru, ma'ana hapana aliyekufa mtu, lakini wao wameumiâ sana“. wakapana khabari za pwani. khâtima washenzi wakaondoka, marra wa-kaleta mbuzi watatu na mbuzi moja kwa bwana mkubwa. na wao wakapata bakhshishi kwa bwana mkubwa. ba'ada ya hayo wakaagana wakenda zao. akawambia bwana mkubwa — kama: „kesho nenda zangu kutazama mlima mwingine, nataka kirongozi kwako“. akampa, tukenda zetu. na hapo ndipo mwisho wa Ruanda.

tukaondoka tukenda zetu katika pori mudda wa sa'a mbili, tukafika katika mji, jina lake Uyungu. na watu wa hapo desturi yao kuchonga meno. na mavazi yao mbinda kama Banyani. na chakula chao ndizi, hapana chakula kabisa illa ndizi.

tukenda zetu, tukatafuta miji, iliyo na vyakula. tukaingia katika pori siku sitta, ndipo tulipoona vijiji vidogovidogo, wala havina watu. watu kidogo walioko, wamekimbia. wamepigwa na Wamassai. wala hamna

vyakula illa ndizi za shiddä sana — vidogovidogo. tukashikwa na hamu sanä kukosa vyakula, tukaaliza khabari — kama: „hiyo ndio miji gani?“ tukaambiwa: „ndio miji ya Utembe, wenyewe wameuliwa na Wamassai, hapana mtu aliyobafia kabisa illa mmojammoja“. bwana mkubwa akaona hapana hila ya kufanya, illa kukimbilia miji mingine, tutakayopata vyakula.

na wasifu wa inchi hiyo: muna milima mingi sana, haihesabiki ilivo mingi.

tukaingia katika pori la Mwanzi mudda wa siku tatu. khätima tukawaona wenyewe Watembe. tuka-pata na vyakula vingi sana, lakini vyakula vyao ndizi, hapana zayidi kabisa; wala hawana mbuzi wala kuku wala kitu kingine kabisa. nao hula watu, ni watu wabaya sana. wala hawana silaha za chuma, illa silaha zao miti kufanyia mishare na mikuki, ndio silaha zao. tenna hawana nguo kabisa, illa nguo zao huponda miti, wakafanya nguo. na mavazi yao kama Banyani. na maneno yao kama mbwa. nao ni watu wamoja wanene sana, nao wana chale nyingi sana. mtu akija katika miji yao, haoni waanawake wao kabisa, illa waanaume. ndio khabari yao Watembe.

khätima tukataka kirongozi, kutuonyesha ndia, kulikokaa waungwana<sup>1)</sup>. wakatupa watu wawili, walio wema. bwana mkubwa akasema — kama: „hawa watu wawili, virongozi wetu, watatangulia wao na mnyampara Abdallah: na watu watatu wawe wakifanya ndia na alama katika miti, nasi tutafuata alama. ma'ana huko mbele nasikia kuna waungwana, bassi napenda Abdallah awe mbele, ma'ana ni Mw'arabu, wakimwona Wa'arabu, wenziwe, watapana khabari, ya kuwa huyu

1) waungwana „freie Leute“ werden im Innern die „Küstenleute“ genannt.

Mzungu amekuja ili kutembea na kutezama miji na kupiga picha“.

akamtoa ‘Abdallah na virongozi wawili na ‘askari watatu, wakaondoka kutangulia, ili kufanya ‘alama. siku ya pili akaondoa safari. tukaingia katika pori mudda wa siku saba, hapana miji, lakini tulikuwa tukiona ndizi kidogokidogo. hatta tukatoboa miji ya waungwana, ikawa furaha nyingi sana. wakaonana bwana Graf Götzen na mkubwa wao waungwana, aliyo katika mji huo, jina lake Senga kwa kishenzi, na kiungwana jina lake Kawareware. wakatufanyia heshima nyingi sana, akafurahiwa sana bwana mkubwa kwa ta’abu iliyompata — nyingi sana.

na katika mji huo mna bendera ya beljiki<sup>1)</sup>. bwana mkubwa akasema — kama: „nataka toa salamu ya hii bendera“. wakamwambia — kama: „tutafurahiwa sana“. marra bwana mkubwa akawambia ‘askari wake: „antreten“, twataka toa salamu ya bendera“. wakasimama, wakapiga „feuer“ mbili, salamu ya bendera.

kisha wakatuonyesha kambi ya kupanga. bwana mkubwa akasema — kama: „twataka watu wako wafanye soko mbele yako, ili wapagazi wangu wanunue, ma’ana watoka katika hali mbaya sana“. marra akaamrisha watu wa mji kufanya soko, na sa’a ileile wakafanya soko, watu wakanunua vyakula.

na be’i yao: kuku wanne kwa doti, na wawili kwa upande, na mpunga pishi thalathini kwa doti mbili, ndio sa’ari yao. lakini mbuzi ghali sana, themani yake moja doti nane ao sitta. na ndizi mikungu minane kwa doti. na sa’ari ya pembe frasila doti kumi ao kumi na moja. na matumizi yao: nguo kwa wao waungwana, na washenzi matumizi yao ushanga mnene

---

1) belgische Flagge.



sana ao nguo, lakini nguo hawapendi sana kama ushanga wao.

tukapumzika katika mji huo siku tano. wakataka kutuuzia pembe. bwana Graf akasema: „sitaki pembe, mimi sikuja fanya bi'ashara, nimekuja fanya picha, na kutazama miji na watu wake, na kujua khabari za miji“. tenna akawambia bwana Graf — jinsi kama: „mimi nimekuja fanya ndia, kama mwataka kwenda pwani, nimewafanyia ndia, hapana khofu, nayo ndia nzuri sana“. wakajibu — kama: „tutafanya shauri na wenzetu, tutafute pembe, tupite njia hiyo, uliyopita wewe“. aki-furahiwa sana bwana mkubwa kwa maneno yao wali-yosema. akawauliza — kama: „twataka fika kwa Wazungu, twasikia huko mbele kuna Wazungu, bassi twataka mtupeleke huko“. wakamjibu — kama: „ni kweli, kama kuna Wazungu, lakini si kama wewe, hao qabila yao waitwa Mabeljiki, ndio qabila yao. twasikia khabari, ma'ana hatujaona şura zao; hatuwezi waşfia, lakini tutawapeleka hatta Kirondo, ndipo panapo na mto wa Rugarawa; twasikia, kama ndipo panapo Wazungu“.

khātima bwana mkubwa akasema — kama: nna-taka kirongozi wa kunipeleka hatta Kirundu“. wakampá virongozi wawili. akaondoka, ili kukimbilia hawa Wazungu, tulioambiwa. tukenda zetu, ikiwa tukapita miji midogomidogo, hamna vyakula illa kidogokidogo, hatta tukafika kwa Mwinyi Mzinga, ndipo tulivopata vyakula vinavotutosha. tukashinda siku mbili — chakula cha njiani, khātima tukaondoka katika mji huo.

tukaingia katika pori siku nane, hapana chakula illa mboga ya viazi, na tembere jina lake. ikawa ta'abu inatupatá sana; ikawa wapagazi killa siku wengine wakimbia, wengine hufa kwa ta'abu, iliyotupata kwa kukosa chakula. bwana mkubwa akasema — kama:

„sasa hapana shauri illa kutenda — chinsheni punda wangu, ma'ana wapagazi wangu wana njaa sana; enye wanyampara wangu, fanyeni mashauri, yafaa kwa wapagazi, mnipe khabari kwa upesi“. wakaondoka wanyampara kuwataka khabari wapagazi wao. wakajibu wengine kama „twataka“, wengine wakasema kama „hatutaki, tutastahimili, haiduru, hatta hapo siku ya pili labuda tutaona mji, ulio na vyakula, tutasitirika pia sote“.

ikawa kuondoa safari kwenda zetu upesiupesi kukimbilia vyakula. mudda wa siku tatu ndipo tulipotoboa mto, jina lake Ruvuto, mto mkubwa sana, na maji yake yavuta sana. tulipokwisha vuka katika mto huo, kulla mtu hafai kwa njaa iliyompata. hapo ndipo tulipopata vyakula kidogo. na vyakula vya wenyewe ndizi, hapana vyakula vingine kabisa. tukakaa hapo siku mbili, ili kupumzika.

khalafu kwa siku ya tatu tukaondoka kwenda zetu kwa Sishenyongo. tukenda kambi mbili, tukafika ndipo tulipopata vinavotutosha. watu wote wakafurahiwa sana. siku ya pili tukaondoka, tukafika katika mji mwingine kw aMzee Bendera. na siku nyingine tukenda kwa Biro Mzungu. ndio mwisho wa miji ya waungwana.

ndipo tulipotoboa mto wa Rugarawa kwa mudda wa miezi kumi. tukauvuka kwa mitumbwi, tukenda upande wa pili, ndiko kulikojenga Wazungu, Mabeljiki. na jina la mji huo Stanleyfalls. ndio mwisho wa safari ya bwana Graf Götzen kwa miguu.

ikawa kwenda katika mitumbwi siku sitta hatta papo Kisingitini, panapofika sitima<sup>1)</sup>. ma'ana sitima ya mto tukakaa siku 'asherini na nne kungojea sitima. khatima ikaja sitima. tukaingia ndani kusafiri, na safari yetu mchana kutwa hatta mchana kutwa — tu-

1) engl. steamer.

kashuka katika mji wa Wazungu. tukapanga kambi zetu siku zote katika miji ya Wazungu. mudda wa siku khamst'ashara katika stima ndipo tulipofika katika mji moja, lakini jina lake nimelisahau. ndio mwisho wa mwendo wa sitima, kwa sababu hapo pana jabali, hapapiti sitima. nao ni mji mkubwa sana, na Wazungu wengi sana; lakini pana 'illa kubwa sana — pana mainzi wadogowadogo huuzi watu sana, na tenna marađi ya tumbo mengi sana. tukakaa siku tatu kupumzika, wala hapana vyakula kabisa illa muhogo wa kivundi, na muhogo mwingine kufanya vyakula kama mikate, jina lake chikwanga.

tukaondoka kwenda zetu marra ingine mudda wa siku kumi na sitta katika miji ya Wazungu na miji ya washenzi wa Congo, hatta tulipofika Kitambe. hapo ndipo mwisho wa mwendo wa miguu. ndipo palipo na mji mkubwa sana na magari ya moshi, na merikebu, na maduka mengi sana na vitu vizuri na rakhisi sana.

tukakaa siku saba, khalafu tukaondoka katika merkebu ndogo kwenda zetu Banana, kuliko na bahari ya maji ya chumwi. mudda wa sa'a sitta tokea Kitambe hatta Banana, palipo na Guverneri wao wa Beljiki na balozi wa Wengereza katika mji huo. lakini mji huo wa Banana una marađi tele ya matumbo, na mafunza mengi katika inchi hii. ndio khabari ya mji huo.

khātima ndipo tulipoingia katika merkebu kubwa kuja zetu Unguja, na bwana mkubwa wetu Graf Götzen na bwana Prittwitz wakenda zao Ulaya. ikawa tukaqia katika bahari mudda wa siku khamso u'asherin hatta tukafika Unguja. katika watu sitta mia u settin, tulioondoka pwani, tukabaqia watu mia u settin, hapana zayıdi. ndio mwisho wa safari ya bwana Graf Götzen.

---

# **Khabari ya inchi ya Wazaramu**

na

## **dasturi za Wazaramu**

kama zilizotungwa

na

**Mtoro bin Mwenyi Bakari.**

m w a n z o w a m a n e n o .

mimi mwenyi kuandika maneno hayo nimezaliwa Dunda Uzaramu qaribu ya Bagamoyo. nami sikukaa sana kule illa zamani za udogo wangu. nilipokuwa mkubwa, nimekaa sana Bagamoyo, lakini marra nyingine hurudi Dunda, nikakaa miezi miwili ao mitatu, nikesha hureje' a tenna Bagamoyo. hivyo nikakaa siku zote pamoja na Wazaramu, nikasikia dasturi zao, hatta nikazijua zote, nyingine nimezisikia mjini, wazee wangu wamenambia na nyingine nimezisikia Dunda. na sasa nataka kuziandika zote, bassi wanaosoma maneno haya na wanaosikia, yakiwapendeza, muungu awazidishie furaha, awaondolee nyongo ya uchungu wa moyo.

kwanza nataka kuandika khabari za mapazi<sup>1)</sup>, na

---

1) pazi wird in Uzaramu der Orts- oder Landes- Aelteste genannt, je nachdem demselben nur einer oder mehrere Orte gehören.

tenna amri za hokumu za Wazaramu za zamani na za sasa. ba'ada ya hayo nitawa'arrifu killa namna za dasturi za Wazaramu kama nnazozijua.

khabari ya inchi ya Uzaramu.

tangu zamani inchi yao Wazaramu. tokea wali-poanza kuimiliki inchi hiyo katika zamani za kwanza, hakutokea mtu mwingine kuwata'arradi. tangu asili mashamba yao hawauzi, illa hukaa wenyewe mapazi na watoto wao. na akitokea mgeni, kutaka shamba kupanga — watampa, lakini watampa shuruṭi zao yule mgeni, watamwambia: „tunakupa shamba, ulime qádiri ya nguvu zako, na kulla náfaqa panda, na matunda jamié'i panda, illa mnazi usipande, sababu mnazi una da'awa. wewe ukifa, wakija jama'a zako, watatuda'i, watataka shamba lote, ndio sababu yake“. lakini wenyewe wanapanda minazi mingi.

zamani moja mbele ya miaka khamso u'asherini majumbe wa Bagamoyo walitaka kuuza shamba paḥali panakwitwa Kivumo qaribu ya Bagamoyo. wameuza — be'i imekwisha, baqi kuandika khaṭṭi barazani kwa ḥayati<sup>1)</sup> shekhi Naşur. mapazi wakapata khabari, ya kama shamba la Kivumo limeuzwa, na kesho wanakwenda kuandika khaṭṭi. mapazi wakapeleka mtu kwa shekhi Naşur — ya kama: „khaṭṭi usiandike shamba walilouza majumbe“. nao wakajikusanya jamié'i wote kutaka kuwapiga vita. shekhi Naşur akasikia, ya kama mapazi wamekuja na vita, wako mashamba. akauliza shekhi Naşur: „sababu nini?“ watu wakamjibu: „sababu shamba walilouza majumbe Kivumo“. shekhi Naşur akatuma mtu kuweta. wakaja akawauliza: „khabari yenu nini kutaka kupigana na majumbe?“ wakajibu:

---

1) verstorbene.

„sisi waanaume na hawa waanawake, kwa nini kuuza mashamba billa ya shauri yetu?“ shekhi Naşur akawapatanişha, be'i ikavunjika.

### khabari ya mapazi.

zamani sana hawakuwa wengi mapazi. Sungwi alikuwako mmoja, qabila yake Mumtonga. hokumu yake yalikuwa Sungwi hatta Benderessalama. na Yombo alikuwako mmoja, jina lake pazi Mazongera. na Dunda alikuwako mmoja, alikwitwa pazi Magubika, qabila yake Mzerekerera, naye hokumu yake yalifika Mbweni. kaşalıka Mbweni alikuwako mmoja, jina lake pazi Gogo la Msiga, naye alikuwa qabila yake Mzerekerera, waliukuwa ndugu moja<sup>1)</sup>. lakini hao ndio mapazi ma'arufu wa zamani, sasa wamekuja wengi.

Kitopeni yuko mmoja, yeye mkubwa wa 'omri, jina lake pazi Kwembe. na Yombo yuko mmoja jina lake pazi Mazongera. Dunda hapana pazi, amekufa mwaka jana. Usako pazi mmoja, jina lake pazi Pandukizi. Mbwawa na Tondo mapazi mawili, Mbwawa pazi Madenge na Tondo pari Ugoko wa Nyani. kaşalıka Buma alikuwako pazi Mkungwipara, naye amekufa. Mlingotini kuna pazi mmoja jina lake Kumvi la Moto. hawo ndio mapazi, walioko sasa, lakini waliwokuwa ma'arufu — tuliutangulia kuwataja.

### khabari ya pazi kutawalla.

pazi akitaka kutawala, kwanza hutaka shauri mjomba wake ao ndugu yake<sup>2)</sup>. wakiqubali watamjibu:

---

1) ma'ana mama moja baba mbalimbali. — 2) Dem pazi folgt der ältere Bruder desselben. Wenn dieser nicht will, der nächste Bruder oder der Onkel. Sind keine Brüder oder Onkel vorhanden, so wird aus dem pazi-Geschlechte der Nachbarschaft oder einem befreundeten ein pazi gewählt.

„wewe ndiwe mwenyi upazi, lakin kwanza tunataka mnonḡono<sup>1)</sup> wetu“. ma'ana wanataka kitu kidogo awape. atatoa kama kitu alichu nacho, ikawa reale kumi ao then'ashara. huo ndio mwanzo.

wakesha watakwenda zao. nao watakuwa wakitoa khabari kwa watu, ya kama fulani anataka tawalla. ba'ada ya mwaka ataweta marra ya pili kuwapa kka-bari: „mwakani mimi nataka kutawalla“. watamjibu: „kama utakavo, lakin mnonḡono tumeuona, sasa tunataka mkalio<sup>2)</sup> wetu na 'ada zetu, sababu wewe sasa pazi, tutakwamkia, tukuvulie kofia, nawe mdogo wetu“. atatoa 'ada awape.

marra watakwenda kwa mapazi, waliwo wakubwa, kupeleka khabari, ya kama fulani mwakani anataka kutawalla. nao mapazi watataka 'ada zao, watasema: „zamani alikuwa mwene viable<sup>3)</sup>, akitwamkia sisi, na kofia akivua, sasa havui kofia, illa tutapeana mikono — lázima atupe 'ada zetu“. marra watakwenda kumjibu, atatoa fedḡa awape wapeleke kwa mapazi; na vinyo-gori<sup>4)</sup>, na kina chuma<sup>5)</sup>, na kawambwa<sup>6)</sup>, na mwene goha<sup>7)</sup>, na jamie'i ya mawaziri ya kipazi watapewa fedḡa. kisha atakuja mshenga<sup>8)</sup>, anayetoka kwa watu wa mji, waliwo wakubwa na vijana, nao watataka 'ada yao. kazálíka watapewa. kama hakuwapa. hawamwamkii kwa hëshima.

wakipata 'ada zao wote, na watu wote wamejua, watakaa ḡatta qaribu ya kutawalla, atatoa ta'arifu, ya kama mwezi kaza wa kaza pazi atatawalla. ḡatta siku zikawa qaribu ya kutawalla, ataanza kupika pombe

---

1) von nonḡona leise flüstern, mnonḡono Geheimniss. — 2) ma'ana nataka újira wa kukalia maneno yako. — 3) Jüngling. — 4) mawaziri ya mapazi. — 5) entsprechend shaha im Suaheli. — 6) entsprechend mwenyi mkuu im Suaheli. — 7) entsprechend mwinyi im Suaheli. — 8) Bote.

nyumba zote za watu wake. hatta siku ya mkutano ya watu wote, siku ya kutawalla, atatiwa ndani, waje mawaziri wampige kilemba, ao humfunika kofia yenyi makucha ya simba, wamfundishe desturi ya daraja yake. wakisha kazi ile, atatoka nje barazani, panapo watu, awaamkie mapazi, walio wakubwa, na mawaziri wengine waje kumwamkia. marra watakuja watani kutaka 'ada zao, watapewa. marra watamtia katika kitanda na mjakazi mmoja, ameshika mwavuli, lakini mjakazi sherti awe mzalia. watamtembeza juu ya kilili killa pahali, wanakwimba kwa furaha, wanapiga na bunduqi. mwisho watamrudisha nyumbani kwake, ataingia ndani, hatoki nje mudda wa siku saba' ao mwezi.

ba'ada ya kwisha kutawalla kukaa kwake sherti juu ya mkeka, na huu mkeka si desturi kukunjuliwa wote, illa hukunjwa nuşş bi nuşş. jina lake kikuto cha pazi. mtu, asiyekuwa pazi, si desturi kukalia kikuto. każálíka mtu, asiyekuwa pazi, hakalii barazani ngozi ya simba ao ya chui. mapazi wakimwona huqaşirika sana. hii ndio khabari ya kutawalla kwake pazi.

khabari ya pazi na jumbe katika daraja zao.

katika mkutano wa watu hao, akiwapo pazi ao mwene<sup>1)</sup>, hukaa juu ya viti, na majumbe hutandikiwa majamvi, wakakaa chini. na katika desturi jumbe haonani kwa pazi macho kwa macho. wakionana — atakufa jumbe ao pazi. wa każálíka kule Udoe ao Uzigua mwene haonani na mwekambi<sup>2)</sup>. wakionana — atakufa mwekambi ao mwene. watu hao wanapotaka kuonana, ikawa katika barza, hufungwa pazia, pazi akiwa upande huu na jumbe akiwa upande huu. wakiwa

1) In Udoe wird der Orts- oder Landes-Aelteste mwene genannt. — 2) Der unter dem mwene in Udoe steht.



na maneno yao wakasema, walakini kuonana hawaonani. illa pazi na mwene wanaonana, na mwene na majumbe wanaonana, na pazi na mwekambi wanaonana, hao hawaduriani. walakini haththi<sup>1)</sup> hizo sana zamani walikuwa wakifanyiza. sasa wanafanyiza, walakin kwa żarau, wote wanażarauliana, sababu mambo yamekwisha.

#### kuamkia kwake pazi.

kama pazi na mwene wanakaa pamoja, kwanza utamwamkia pazi na khalafu umwamkie mwene. na kumwamkia kwake pazi kwanza uvue kofia, na ukiwa na vyatu — uvue. na ukiwa na fimbo ao kisu ao sime ao bunduqi — vitu hivo vyote ukiwa umechukua, kimoja wapo<sup>2)</sup>, lázima kuweka chini, na khalafu uende qaribu ya pazi, upige magoti useme: „simbamwene<sup>3)</sup>“. naye ataitikia: „aaa!“ wa kázálíka mwene ukataka kumwamkia — vilevile. kama umechukua silaha, uziondoe zote, walakini dasturi ya mwene haamkiwi na watu wengine illa na mawaziri wake na mashaha. lakini watu wengine wakenda kwa mwene, hawamwamkii, hukaa kitako bassi.

#### kazi ya pazi.

kazi yáke ba'ada ya kwisha kutawalla anashika hokumu. mtu aliyewa ao mwizi na watu wenyi da'awa zo zote zamani yote hokumu yake mtu aliyewa — naye huhokumu kuuawa. na hokumu ya mwizi, humlazimisha kumlipa. kázálíka hokumu ya ugoni — yule mgoni hulipa.

na kazi ya pili yake ukulima. hulima mashamba yeye na watu wake. ikawa kubwa, anaalika watu wakaja kumsa'idia. naye hupika pombe, akawakirimu na vyakula. kázálíka mapazi wa zamani shamba lake analo-

---

1) Grad. — 2) kikiwapo. — 3) Herr der Löwen.

lima sirkali. mtu mwenyi njaa akipita, kama kitu atakáchokiona katika shamba — rukhşa kuchukua, si desturi kumkataza.

kazálíka nyumba yake ukaliona kome<sup>1)</sup> lake, ukalichukua, ukamwonyesha mtu mwenyi fedða, ya kama hili kome la pazi, nataka fedða kaža wa kaža — atakup<sup>2)</sup>. mwenyewe akipata khabari, ya kama kome lako liko kwa fulani kwa reale kaža wa kaža, atapeleka fedða, akatwae kome lake. si desturi kuqashirika. lakini desturi hiyo yalikuwa kwa mapazi wa zamani, walikuwa na vitu, hawa wa sasa hawawezi mambo hayo.

kazálíka akiwa barazani pake, huchana muyaa<sup>3)</sup>, akasuka vikapu vidogovidogo vya nyumbani mwake, ma'ana kukaa hana kazi katika mikono hujiona amepooza. hiyo ndiyo kazi yake pazi.

**amri za hokumu za Wazaramu za zamani na za sasa.**

hokumu ya mwizi.

mtu mwizi akionekana kama amekwiba muhogo ao mtama, mwenyi shamba hana rukhşa kumpiga. yule mwizi humkamata, akamfunga mikono nyuma pamoja na shina lake la muhogo, ndiwo usháhidi wake, humpeleka kwa pazi. humwuliza: „sababu nini umekwiba?“ mwizi hujibu: „nimekwiba sababu nna njaa“. pazi humlazimisha kumlipa. iwapo anaweza kulipa, atatoa rupia mbili, kama hawezi — atafungwa. na kifungo chake huwekwa barazani mchana kutwa, hatta jioni humpa rukhşa.

na iwapo amekwiba kitu kinachó themani nyingi, kazálíka humkamata wakamfunga, na kile kitu alichokwiba, hatta panapo barza ya pazi. naye humlazimisha

---

1) langer Stock des pazi. — 2) den Stock lässt er als Pfand da. — 3) Blätter der muyaa-Palme.

hata akamwona ameqirri kuwa mwizi, na dalili zote za wizi zimeonekana, tenna pazi humlazimisha kulipa kama khasara aliyokwiba. na kama hawezi kulipa, hufungwa, hutiwa gogo shingoni. na akiwa na shamba, huuzwa, kudaminiwa vitu alivokwiba, kupewa mwenyi kuibiwa. hii hokumu ya zamani.

sasa iwapo mqaidi, amelazimishwa kulipa, na kutoa hataki, mwizi na mwenyi kuibiwa na masháhidi wote hupelekwa na pazi katika nyumba ya serkali, wakahokumiwa na Mzungu. hii ndio hokumu ya sasa.

#### hokumu ya kupigana.

zamani watu wakipigana, pakitokea mmoja amempiga mwenziwe darba, iliyo kubwa, marra hukamatwa mwenyi kupiga, akapelekwa kunako hokumu. marra huulizwa: „sababu nini kumpiga mwenzi?“ naye atataja sababu ya kumpigia. na kama akikataa — ya kama „sikumpiga“, huletwa masháhidi, hawezi kusema neno. ndugu za yule aliyopigwa nao hutaka apigwe vilevile — pazi haqubali maneno yao, atamlazimisha kitu ampe yule aliyopigwa. na kama mkiwa, atamfunga katika gogo mudda wa siku saba, tenna atamfungua.

na iwapo amempiga darba, iliyo kubwa, maneno hayo pazi hawezi sasa kuyafanyiza, illa humkamata aliyepiga na walioshuhudia, akawapeleka mjini katika nyumba ya shauri. lakini katika maneno madogo pazi anayo rukhsa kuyahokumu. hii ndio khabari ya hokumu ya ugomvi.

#### hokumu ya kufumaniana.

watu iwapo wamefumaniana mtu na mume mwenziwe katika nyumba ya mke, yule aliyefumaniwa hutahayyari sana yeye na mwanamke, marra watakuja

watu kuwasemea na kuwachekea. yule mume atawakamata wote, awapeleke kwa pazi, akashitaki atamwambia: „huyu nimemfumania katika nyumba yangu yeye na mke wangu. marra atauliza masháhidi. wakapatikana, walioona mambo hayo, kuwa hokumu ya kipazi atalazimishwa kutoa ugoni reale then'ashara. na kama akafanyiza uqaidi kutoa feđda ya ugoni — pazi atawambia: „nendeni mjini kwa bana mkubwa, akawahokumu maneno yenu“. wakifika mjini kwa khabari ya ugoni, bana mkubwa akaona masháhidi, naye atahokumu kama sheri'a.

#### hokumu ya deni.

deni zao wanapokopeshana khatti zao kijiti ao mafundo. yule aliyokopa humpa yule aliyemkopesha kijiti, naye hukiweka kile kijiti kama siku atakázoagana kulipana. na kama kijiti hicho kikampotea, siku ya mudda kutimia akataka feđda, naye hana kijiti, feđda yake imepotea, wajapokwenda kunako sheri'a, ataulizwa: „unao usháhidi?“ atajibu: „umenipotea“. atamwambia huyu pazi: „nenda ukatafute“.

na iwapo khatti (kijiti) unayo, deni zao kulipana kwa ta'abu. siku atakáyokuja mda'i kutaka feđda yake, yule anayewiwa marra atakamata jogoo la kuku, alichinshe, atahimiza chakula, atamwambia mkewe: „peleka maji chooni, akoge mgeni“. marra atakwenda koga, apakuliwe chakula, wampe, ale, wakesha watazungumza, marra atauliza: „jē, rafiqi yangu, nataka feđda yangu sasa“. atamjibu: „muhogo wangu bado kukauka, lakini nenda, mudda wa mwezi akesha ureje'e“. naye ataondoka. na atakápoondoka, atampa vilevile jogoo, atamwambia: „chukua, rafiqi yangu, ukafanyiza kitoweo kwako, salamu shemeji<sup>1)</sup> nyumbani“. mudda ukatimia,

1) eigentlich Schwager, hier ist aber die Frau des betreffenden

atakuja marra ya pili, atamfanyizia heshma kupita marra ya kwanza. ataqasirika mwenyi fedda yake, atampa maneno mazuri. kesha atampa marra nyingine kitoweo na muhogo, atamwambia: „kwa heri, rafiqi yangu“. watu wakimwuliza, „umempa rafiqi yako fedda yake“, atajibu „bado, genda ubwere, mburi silemile“, ma'ana yake „nenda ukarudi, da'awa sikukataa“. Wasuaheli wanasema: „kaunde uje, mwamba haukaliliwi 1)“. bassi atakwenda zake rafiqi yake. killa mwezi itakuwa anakwenda akirudi, hatta wafike kunako mashitaka. akimpa fedda yake, da'awa imekwisha. kama hakutoa, pazi atawapeleka kunako nyumba ya shauri. hii khabari ya deni zao.

#### hokumu ya damana 2).

mtu iwapo anawiwa, na fedda ya kulipa hana, mda'i anataka fedda yake, hutokea rafiqi yake ao jama'a wakasema: „mpe mudda huyu, akutafutie fedda yako“. na yule anayewia hukataa kumpa mudda, husema: „killa siku ananisumbua, na fedda yangu kunilipa hataki“. watatukanana hatta khalafu rafiqi moja atasema: „mwache, mimi nimemdamini, akakimbia ao akifa — fedda juu yangu“. yule anayewia ataqubali, atasema: „twende mbele ya pazi, akashuhudie tenna anipe kijiti“. atakwenda hatta kwa pazi, atampa kijiti, ndio khatti yake. bassi hutokea wengine, ba'ada amedaminiwa, hutimiza 'ahadi, akafanya juhudi kuuza vitu vyake, vilivomo katika shamba, hatta apate fedda alipe. lakini

---

gemeint, da man sowohl bei Bestellung von Grüßen wie bei Erkundigung nach dem Befinden derselben das Wort „Frau“ vermeidet. Man sagt auch salām watoto wako oder salam nyumba yako.

- 1) Bessere das Boot aus und komme wieder, über eine Klippe (die das Boot zum Kentern gebracht hat) ärgert man sich nicht. —
- 2) Bürgschaft.

mwingine, ukamdámini, atakuachia janga <sup>1)</sup>, naye akimbie usimwone ma'isha yake.

kazálíka kafala <sup>2)</sup> — hokumu ya kafala kama damana, lakin damana ni kumdámini mtu na fedða, akipotea mtu ukalipa, amma hokumu ya kafala ni kumdámini mtu min gheri ya fedða. akapotea mtu, ikawa juu yako kumtafuta, hatta umpate. illa iwapo amekufa, deni itakuwa juu ya mwenyi kudámini.

desturi ya Wazaramu ukamdámini, ao ukamkáfili — kwao uzia. atakufanyizia matata, mwisho wake hatta deni ikulázimu wewe. illa wasiwopenda matata, hao wepesi wa kulipa, ma'ana wao kufika barazani kwa mapazi ao mjini katika nyumba ya shauri hawataki, roho zao zinakhofu sana. hio ndio khabari ya damana.

#### hokumu ya rahani.

zamani Wazaramu yalikuwa hawana rahani illa mpwawe <sup>3)</sup>. iwapo ametokewa na deni, ao ameuu mtu, ao amefanyiza ugoni, hana fedða — atajiweka mwenyewe rahani ao mpwawe, wapeane midda, naye atafute fedða ya watu hatta aipate, akamkomboe mpwawe. lakini mtoto wake aliyezaa mwenyewe ao mtumwa wake — hao hawaweki rahani, ijapokuwa ana deni nyingi. na kama hana mpwa, na kujiweka rahani mwenyewe hawezi, akiwa na shamba, atairahanisha.

katika Zaramu zamani za kwanza mtu asiyekuwa na mpwa — huyu maskini. akiwa na ndugu mwanamke, naye ameolewa na mume, ndugu yake atajitáhidi pamoja na mumewe kutafuta dawa za hoto <sup>4)</sup> la uzazi,

---

1) Klage, Prozess. — 2) Bürgschaft. — 3) mpwa Neffe oder Nichte. — 4) hoto ist ein Mittel für Kinderzeugung, das der mganga besorgt. Dasselbe besteht aus Wurzeln eines Baumes, die mit einem

ma'ana yake ndugu yake apate mtoto, naye awe na mpwa. katika Zaramu mtu akiwa na feḍḍa qádiri, akiwa na mashamba, akipata na watoto, lakini kama hakuwa na wapwa, watu hawamja'ali kitu. ḥokumu hizo za rahani, iwapo imetokea magomvi, moja wapo anataka kumthulumu mwenziwe, pazi huingia katika maneno hayo. na iwapo yamemshinda, huyawacha, akawambia: „nendeni mjini kwa bana mkubwa“. na sirkali anakataza kuweka rahani watoto ao watumwa. akiwasikia wamewekeana rahani mtoto ao mtumwa, sirkali huwafunga wote wawili. ao marra ya kwanza humwambia yule mwenyi mtoto — humpa rukḥṣa ya kupata mtoto wake, lakini humwambia: „siku nyingine usifanyize khabari ya kuweka rahani mtoto“. huwasámeḥe wote wawili. imekwisha khabari ya rahani.

#### ḥokumu ya mwenyi kuuu.

zamani za kwanza katika ḥokumu za mápazi, mtu iwapo ameua, marra atakamatwa, afungwe mikono nyuma, wampeleke kwa pazi. marra atamwuliza sababu ya kuuu, naye atajibu, lakini majibu yake hayana njia, iwapo analázima ya kuuu, marra ataamru watu kumfunga, wampeleke mtoni, panapo dindi, lenyi mamba wengi, marra watamtosa. ma'ana zamani killa mkhálifu hutoswa katika maji, illa mchawi, ndiye anayechomwa moto.

kazálika iwapo si mtu wa kuuu — atafungwa,

---

Huhn, ferner chooko-Bohnen und kunde-Bohnen zusammen gekocht werden. Dann werden solche Wurzeln in heissem Wasser abgekocht und mit ugali wa mtama Hirsebrei vermengt. Beide Speisen werden gleichzeitig gegessen und zwar 7 Tage lang von Frau sowohl wie von dem Manne. Sie dürfen jedoch auch andere Speisen essen, diese gilt nur als Medicin. Die Frau muss dazu die Zeit ihrer Menstruation abwarten.

ma'ana hokumu ya kuuawa namna mbili. ya kwanza yule aliyeua, ba'ada ya kwisha kuua, pazi huwashauri wenyi ndugu yao, aliyeuawa — ya kama: „huyu ameua, nanyi mtakaje? auawe, ao mnataka dia?“ wale wenyi ndugu, aliyeuawa, wakitaka dia — hauawi. ataamru watu kumfunga yule, aliyeua, hatta walete fedha jama'a zake.

ao ikawa aliyeuawa mtumwa, kazalika aliyeua akiwa mungwana — hauawi, illa itatoka dia themani ya yule mtumwa.

kazalika kifungo cha zamani mkhalifu, aliyeua, hufungwa gogo katika shingo, na mikononi hutiwa pingu za mti, na miguuni hutiwa pingu na mti katti-katti. jina lake kifungo hicho kongora ao malinda kozi, lakini sasa tangu kuja vifungo vya sirkali, nao wameviwacha vifungo hivo. mkhalifu aliyeua, akipatikana, pazi hawezi kumweka kwake, marra atampeleka mjini katika nyumba ya shauri. imekwisha hokumu ya kuua.

#### namna ya kurithi.

zamani mtu akifa, naye amewacha nduguze na mama na baba amewacha na mpwawe na mkewe, akiwa na mali, yatafanyizwa sehemu mbili. ya kwanza atapewa mkewe, ya pili atachukua mpwawe, lakini sehemu ya mpwa ndio kubwa. waliwobaqi mama na baba na ndugu hawapati kitu. tenna watamfanyiza yule mpwa ndiye mshauri wao, killa wakiona haja waitakayo — watakwenda kwake.

lakini siku anayorithishwa yule mpwa, hujikusanya jama'a zake, wakenda barazani kwa pazi, kunako fanyizwa maneno ya urithi. hatta anapokwisha kurithi, huwagawia wale jama'a zake, killa mtu kwa qadiri yake.

na yule maiti akiwa amekosa mpwa, mali atarithi



ndugu yake. kazálíka mtoto wa suria hapati wáriti ášili.

lakini sasa watu wote wamekuwa werevu tangu ilipoingia sirkali katika Afrika, hapana mtu anayequbali kupunjwa. mwanzo wa hokumu watakwenda kwa pazi, iwapo mameisikia hokumu ya pazi wote — maneno yamekwisha. na kama hawakuisikia — watakwenda mjini. na mpwa hawaqubali arithi sasa. iwapo amekufa mtu, amewacha mtoto na ndugu, watarithi kama sheri'a ya watu wote. na mtoto wa suria sasa anapata kurithi kama mtoto wa mke. imekwisha khabari ya wáriti.

### dasturi za Wazaramu.

#### dasturi ya kuzaliwa mtoto.

mwánamke siku ya kushikwa na uchungu wa uzazi, qabla hajazaa, kwanza huitwa mumewe na wazee wa yule mke kuja kumwaga mchele, apate kujifungua mkewe. naye mwanamke awapo hakujifungua upesi, bibi zake na mama zake watamwuliza: „umefanyiza neno gani nje? usitufiche sisi, twambie!“ na yule mwanamke akaona ta'abu nyingi, kama amefanyiza neno, husema — ya kama: „mimi nimezini na fulani“. bassi iwapo ndugu za yule mume hawakusikia maneno yale, hutolewa mtu hima, akenda kuitwa jama'a ya yule mwanamume, aliyezini naye, kuja kumwaga mchele kwa faragha. na kama pale, panapo uzazi, nduguze mume wapo, wamesikia maneno yale, itakuwa da'awa. mtoto akizaliwa — hawamlei, amekuwa mtoto wa ugoni. sababu desturi waanawake wa kizaramu, akiwa na mume, si desturi yao kuzini na mwanamume mwingine, huchelea kuzaa mtoto wa ugoni, illa mwanamke asiye mume.

kažálíka' yule mume iwapo amiemwaga mchele, marrá mwanamke amejifungua, juu yake mume kutafuta ubeleko. na ubeleko, unaobebewa mtoto, ásíli ni nguo, aliyokuwa akivaa yule mwanamke zamani, alipokuwa na mimba. ma'ana mwanamke akiwa na mimba, ba'ada ya miezi saba' hununuliwa shuka mwanamke, akajifunga tumboni. lakin kwanza hupika togwa la kufundishwa yule mtoto mwanamke mambo ya mimba kama atakáyoyaona. ba'ada ya kwisha kufundishwa hufungwa hiyo shuka, jina lake mkowa.

wa kažálíka iwapo qaribu ya kuota meno, roho zao huingiwa na shughuli sana kutafuta waganga, kumfunga meno yule mtoto, yasiote vibaya, ma'ana yasi-tangulie meno ya juu kuota. yakitángulia meno ya juu kuota — mtoto hawamlei, watamwua ao watatafuta mtu, wanayemjua katika mji, wampe kumlea, sababu kwao si dasturi kumlea. lakin kumtoa kwake huyu mtoto sherti kwa taguzo<sup>1)</sup>. hukutana wazee wa yule mwanamke na wazee wa mwanamume, wakafanyiza kitara<sup>2)</sup> cha sababu ya yule mtoto kutolewa kwake, na ma'ana ya kitara kuuliza khabari — amri iliyo juu ya yule mtoto. na hicho kitara huwa siku mbili ao tatu, hatta wote wajue, ya kama huyu mtoto anato-lewa, kwa sababu ameota meno vibaya, ao amri nyi-ngine.

tenna humchukua yule mtoto, kama hawataki kumwua, hatta wakapata mlezi humpa. na yule mlezi humfundisha miko<sup>3)</sup> yake yule mtoto, ma'ana kitu kaža

---

1) Zusammenkunft. — 2) = shauri. — 3) mwiko pl. miko eigentlich Löffel, hier „verbotene Speise“. Jeder Familienstamm hat ein bestimmtes Fleisch oder gewisse Fleischstücke eines Thieres oder gewisse Fische, die sämtliche Familienangehörigen nicht essen dürfen. Der betreffende sagt z. B. mwiko wangu kidali (Bruststück) oder mzio wangu mkundaji (der mkundaji-Fisch).

wa kaza vibaya hali, na nyama kaza wa kaza hali, na kulla miko ya tangu udogo wake hatta ukubwa wake. wakesha kumfundisha yote, watamwachia mtoto kabisa, wende zao. imekwisha khabari ya mtoto kutangulia kuota meno kwa Wazaramu.

dasturi ya kuzaliwa watoto wawili pacha.

Wazaramu watoto wawili pacha shidda kuwalea ao kuwapa watu kuwalea, roho zao huwa na khofu sana, lakin huwaua kwa faragha, asijue mtu illa wale makungwi<sup>1)</sup>. kisha pale alipozalia yule mwanamke — ndipo wanapowazika. na mtu akauliza khabari ya uzazi „amejifungua ao bado“, makungwi hujibu: „amejifungua, lakini watoto si riziqi, wamerudia nyumbani“, ma'ana yake wamekufa.

na iwapo watawalea, sherti kwa dawa zilizo nyingi kufanyiziwa watoto na mamie mtu, lakin atakufa mamie mtu ao watakufa watoto. ma'ana mamie mtu anapowalea wale watoto, moyo wake umejaa khofu, na mji mzima watu wanata'ajjabu, ya kuwa fulani amezaa watoto pacha akawalea. katika inchi ya Zaramu hawapatikani sana watoto pacha.

na iwapo watawalea, vyakula vyao hutiliwa katika kitunga, hawalishiwi katika sahani ao mkungu. huo mzio wao. wafanyapo mambo kama hayo, watoto hao kukua kwao hukuwa na maradi, hutokewa na madonda mwili mzima.

kazalika wanapokatiwa nguo, sherti wote wavae namna moja, si dasturi kupewa killa mtu nguo rangi namna nyingine. na wakiungua, hupelekwa wote pahali panapo njia panda kwenda kutambikiwa<sup>2)</sup>. huja watu

---

1) Frauen, die der Wöchnerin bei der Geburt beistehen. —

2) tambika die Seele der Verstorbenen anrufen.

wakemba nyimbo za tambiko ya wale watoto kupata uzima. huchukua mahindi na jungu, lililo kubwa, na kuni za mpingo, wakapika kande<sup>1)</sup> yale mahindi. wakesha hutia hatika ungo, wakaja watu wakala. hiyo ndio tambiko yao.

na katika watoto hao mmoja akifa, na wa pili hana ma'isha. na kuzikwa kwao hawatiwi katika sanda ya bafta, sanda yao jani la mgomba ao majani ya mnyonyo. wala hawapelekwi katika maqabri ya watu wakubwa, huzikwa katika ua, iwapo amekufa kwa 'omri wa mwaka mmoja. na kama amekufa katika kuzaliwa, huzikwa mle katika chumba alichozaliwa. hiyo ndio khabari ya watoto pacha.

namna ya kulea watoto waanaume wa Wazaramu.

watoto waanaume ba'ada ya kupata miaka kumi, hufundishwa kutega nyavu za kuwindia nyama katika mwitu. wakijua kazi hiyo, hufundishwa kutega migozo ya kuvulia samaki mtoni. kisha huoneshwa dawa za nyoka iwapo amemwuma mtu. hatta akapata miaka then'ashar, hufundishwa kutaguza<sup>2)</sup> maneno, ma'ana killa panapo kitara<sup>3)</sup> huchukuliwa kufundishwa wanavotaguza. ma'ana hiyo taguzo kwao mfano wake kama hokumu. katika Zaramu mtu kama hajui kutaguza, humfanya huyu hajui hokumu. akijua kutaguza, tenna hushika kazi ya jembe, akenda shamba pamoja na wazee wake kuwasa'idia kulima, sababu wao hawendi chuoni kusoma.

kazalika na kumbini wanapelekwa, lakini katika hizi zama za sasa, zamani hawakuwa wakipeleka wa-

1) kande ya mahindi oder purre ya mahindi sind ganze Maiskolben, die in Wasser gekocht worden sind. — 2) = hokumu oder amua. — 3) shauri.

toto wao kumbini. na siku wanayopelekwa katika kumbi, usiku hucheza manyago, usiku kucha hatta as-subuhi kwimba na kucheza. as-subuhi ndipo wanapotahiriwa. lakini manyago wa kwanza wazee wao wakicheza hawana furaha, sababu mle katika kumbi hukaa sana qadri ya mwezi, hutokea marra nyingine wale watoto wakapata maraŕi, ndio ma'ana wasiwe na furaha. lakin marra ya pili huhezwa manyago ya kutokea nje watoto — hayo ndio yenyi furaha. hufanyizwa pombe nyingi ya 'ajabu, wakaalikwa watu killa mitaa, na vyakula vingi hupikwa. bassi usiku huanza manyago hatta as-subuhi. sa'a ya kwanza wale watoto hunyolewa nywele, na wazee wao huwanunulia mavazi yaliyo mazuri. na mtoto mwenyi jama'a wengi, killa mtu humletea vazi lake, ikawa kitambi ao kanzu. bassi tenna wale watoto hufunikwa ukingo wasionekane, tenna hupelekwa kwa wazee wao, na huko watu wanakwimba nyimbo, na wazee wao wanafurahi na kumwaga mchele katika njia na vigelegele. na wengine wanatoa mapesa kuwatunza wale wanakwimba. hio ndio khabari ya kulea kwao watoto Wazaramu na kuwapeleka kumbini.

khabari ya mtoto mwanamke kuwa mwari<sup>1)</sup>.

mwanamke akiwa mwari, kwanza hupika pombe ya kupelekwa muyomboni<sup>2)</sup> kwenda kufundishwa mizungu<sup>3)</sup> na desturi za kujua koga, sababu waanawake wanapo-

---

1) mwari wird jedes junge Mädchen mit Beginn der ersten Menstruation genannt. Sie behält diesen Namen bis sie geboren hat. Dann heisst sie gewöhnlich mamiye Mtoro, etc. — 2) muyombo-Baum, unter dem ihr alle auf die Menstruation bezüglichen Regeln mitgetheilt werden. — 3) Verstand. Meist ist für Verstand jetzt das arab. Wort 'aqili in Gebrauch, doch hört man auch häufig ana mizungu mingi er hat viel Verstand. Hiervon ist das Wort Wazungu „Europäer“ abgeleitet d. h. die Leute, welche viel Verstand besitzen,

kuwa wari, sherti wapewe mizungu hiyo. ba'ada ya mwaka hupikwa marra ya pili pombe, na kucheza ngoma ya muhagata siku saba. tenna yule mtoto mwanamke hupewa mikononi mwake mwana sesere<sup>1)</sup>, ma'ana yake mtoto wa mti akipika na akitwanga huwa naye pamoja, ma'ana akiolewa apate kuzaa. naye mwari hasemi na mtu killa siku illa bibi yake ao watoto waanawake, walio wadogo, ndiwo anawozungumza nawo. na nje hatoki kwenda ngomani wala kutembea, hukaa nyumbani mudda wa miaka miwili. na bikra yake haipotezi, illa kwa mume atakáyemwoa. akiwa nyumbani huwa na khofu kuzini, huchelea kupata mtoto wa haramu.

na kuposwa kwake huposwa ndani ya nyumba aliyomo. na huyu mchumba wake humletea maşurufu chakula na nguo na kulla tunu hatta atoke nje.

na kungwi lake humfundisha adabu ya kukaa na mume katika nyumba. sababu iwapo ameolewa, na yule mwanamke anafanyiza mambo, yasiyo njia, mumewe akiqasirika, huenda kwa kungwi lake, akamwambia „mwari wako hukumfundisha kitu“. yule kungwi huqasirika sana. huenda kwa mwari wake, akampa maneno yaliyo mabaya, ma'ana Wazaramu, na watu walio katika mji<sup>2)</sup> waanawake huogopa makungwi zao kuliko wazee wao. na rađi za makungwi zao wanapenda kuzipata. mwanamke akikosa rađi za kungwi lake, wenziwe wote humcheka, tenna humwambia ana wazimu. naye shidda kupata mume. tussi la mwanamke, ukitaka kumqasiri, mwambie: „wewe msungo, hukwenda muyomboni“. bassi akiwa mwanamke mwenziwe, watapi-gana mchana kutwa, hawishi ugomvi wao. na akiwa ameambiwa na mumewe, siku hiyo atamwacha. na

---

1) Puppe. — 2) d. h. die Suaheli.

ma'ana ya hili jina la msungo ni mwanamke, asiyejua mahaba ya kuzungumza na mume, wala asiyejua mambo ya katika unyago. waanawake wa kizaramu na wengine hukaa na waume zao kwa vema kwa kuchelea kupelekwa mashitaka kwa makungwi zao. imekwisha khabari ya mtoto mwanamke kuwa mwari.

dasturi ya kuoana kwao.

Wazaramu wakitaka mke, kwanza huenda kwa mjomba wa yule mwanamke, akampa khabari — ya kama: „mimi namtaka mpwa wako kumwoa“. na yule mjomba humjibu: „vema, lakin nataka mkalio wangu wa maneno, ndipo nikujue kama wewe mkwe wangu“. bassi yule mume hutoa reale moja ao mbili, akampa yule mjomba mkalio wake. tenna huenda kwa babiye mtu, akampasha khabari — ya kama: „mtoto wako ametokea mchumba anataka kumwoa“. babiye mtu hujibu: „miye sina mashauri, maneno yote yako kwenu“. tenna hurudi kwake yule mjomba kumsikiliza siku atakayokuja yule mchumba. dasturi ya Wazaramu babiye mtu hana izini juu ya mtoto wake, illa amri ya mtoto wa kizaramu killa neno juu ya wajomba zake. atakapokuja yule mchumba, atatoa feqda ampe mjomba, naye ataweta ndugu zake na jama'a zake, wagawane feqda. ma'ana yake dasturi ya Wazaramu mtoto hurithi kwa wajomba, kwa baba yake hapati kitu.

khalafu watamwoza yule mtoto mume. na kuoza kwao hawendi kwa mw'allim kufunga khutuba, illa huoza kwa mila yao na lugha yao, humwambia: „nna-kupa mwanangu wewe, ndiwe mumewe, mkae mkisikilizane“. na mume huitikia maneno yale. na 'arusi hawafanyizi karamu kupika wali na kuchinsha ngombe, illa hufanya pombe, wakaalika watu kuja kunywa. kazalika killa ngoma huja — kibende, sangara, kum-

furahia 'arusi. wala hawana dasturi ya kutembeza bikra kuonesha killa mtu, illa yule mume, ba'ada ya kupewa mkewe, humla bikra taratibu, kama siku anazotaka mwenyewe. illa iwapo hafai, killa siku anamtazama macho, tenna hampati ba'ada ya miezi sitta, atashitaki mwanamke kwa mapazi, ya kama huyu mwanamume hafai.

na wakesha oana, hawana desturi sana ya kuwachana, hukaa miaka mingi, wakazaa watoto na wajukuu. na mumewe akifa, haolewi na mume mwingine, illa ndugu ya mumewe, ao ndugu za mumewe wawe raqi kuolewa na mume mwingine, huko ndiko kuona kwao Wazaramu.

#### dasturi za kuachana kwao.

mwanzo wa ugomvi katika nyumba mwanamume huwa kazi ya kufanyiza kupata masurufu ya kumpa mwanamke kula na nguo hana, na kulima shamba hawezi. yule mwanamke huvumilia siku nyingi. akiona ta'abu sana, humwambia; „wewe mwanamume kama huniwezi niwache“. na mume hukataa kumwacha, mwanamke hushitaki kwa pazi, akasema, kama 'aibu aliyo nayo mwanamume. tenna atamwacha, lakin anapomwacha — asitokee mume marra kumwoa, itakuwa da'awa kubwa, ma'ana atasema: „huyu mwanamke asingalitaka kuachwa, illa wewe — ndiye uliyemfitini“.

namna ya pili mwanamke kutaka kuachwa, aki mwona mwanamume hafai, killa siku wanakula wakilala, marra atataka kuachwa. ao mwanamume ametoka kufanyiza bi'ashara, amepata fedda, na ile fedda hamwonyeshi mkewe, killa siku anaifukia katika shimo, ao hutia katika mfuko, akajifunga kiunoni, bassi mwanamume huyo hawana siku nyingi wataachana.

na kuachana kwao kama kuona kwao. hawendi



kwa mw'allim kuandika talaqa, illa yule mwanamume, akiona uzia mwingi, huenda kule kwa mjomba wake akanwambia: „mimi na mke wangu hatupatani“. bassi akiweza kuwapatanisha — atawapatani. na kama hawezi, mwanamume atasema: „mimi mwanamke amenishinda, sasa pokea mwanao, amefika kwako“. hiyo ndio talaqa yao. yamekwisha maneno ya talaqa.

dasturi ya Wazaramu kama mtu amekufa.

nao wanakwenda kuzika kule mazikoni, sherti wende na masikitiko. hatta wakafika qaribu ya nyumba ya yule mtu, aliyekufiwa, huanza kulia na mkono kushika kichwani. khalafu atakuja mtu kumshika mkono, ampeleke panapo ufuo<sup>1)</sup>, wampe kata ya maji, amwagie yule maiti maungo mazima. na kulla atakayekuja — hufanya kama hivo, lakini sherti watu waliomkhuṣṣi.

na kama aliyekufa ni mtu mkubwa katika ule mji, pazi atakuja kuzika. akiwāsili qaribu ya nyumba, humamru mazunguri<sup>2)</sup> kupigwa. pazi yuko mbele na mazunguri nyuma. watu wakasikia mazunguri yanalia, watu wote huzidi kulia. na hayo mazunguri hapigiwi mtu illa aliyezaliwa katika upazi.

wanapotaka kuzika watauliza: „maiti huyu hana ndugu, waliwokuja kumzika? sababu tunataka kushona sanda“. killa mtu aliyechukua sanda yake atatoa, wengine huchukua doti ya bafta, wengine huchukua riale, na wengine huja na mbuzi, killa mtu kwa qadiri yake. na killa mtu husema: „hii ndio sanda yangu“. wakesha amri ile hukata sanda hushona. tenna huweka sehemu ya watu, waliwochimba qabri, na waliwochimba ufuo,

---

1) unter die Bettstelle, auf der der Tote beim Waschen ruht, wird ein Loch gegraben, in welches das Wasser abläuft. Dieses heisst ufuo. — 2) ngoma.

na watu waliwoosha maiti, wote hupewa 'ada yao. tenna humtia sandani maiti, wakenda kuzika. nao hulaza<sup>1)</sup> tanga siku saba.

kazálíka mtu anayekwenda kuzika mkwe wake, sherú aliye machozi yamotoke. na kama hakulia machozi kumtoka, watu humfanya yeye ndiye mchawi. na mtu anayekwenda kuzika, kama ana nywele — asinyoe kichwani, si desturi kama anakwenda tangani. akafanya mambo kama hayo, watamkamata wamwulize: „sababu ya kuja tangani kunyoe nywele? wewe ndiwe mchawi uliyemroga maiti huyu“. hiyo ndio dasturi ya kuzikana kwao Wazaramu.

#### kuzikwa kwake pazi.

pazi akifa, marra hutolewa watu, wakenda kuwambia mapazi. wanapokuja killa mtu huchukua sanda yake. wanapowáşili wale mapazi, marra huamru ngoma kupigwa, na watu kwenda kumwosha. na wale wosha, wakiingia ndani, huvua kofia. marra watakuja watani, watataka 'ada yao. wakipata watakwenda qaburini kuchimba qaburi. wataamrisha watu kushona sanda, na wanaposhona — sherú wapige ngoma ya mazunguri. kazálíka maiti akichukuliwa kupelekwa qaburini, lakini waqati huo gházia nyingi. magoma yanalia na watu wanalia, na watani wanafanyiza kelele zao, siwa na mazumari yanalia hatta qaburini.

lakini akiwa na mke, waqti wa jeneza linapotoka, huja mtu mwanamke akambeba yule mke wake hatta panapo mlango, lilipowekwa lile jeneza. tenna yule mke husema: „buriani, mume wangu“. lakini akiona lile jeneza ya mumewe hulía sana. marra hurudishwa,

---

1) Causatif von lala.

vilevile amebewa, na jeneza likachukuliwa kwenda qaburini.

wakesha zika, atakuja kibirikizi kuuliza khabari ya tanga. likiwapo pazi atajibu, naye kibirikizi atawambia watu wote, ya kama usiku pana tanga. wanaolala tanga vijana na waanawake. na tanga lao hawalali juu ya vitanda, wanalala chini tangu siku aliyekufa hatta siku ya kuondoka tanga. nao hawajui kusoma khitima ya kuondolea tanga, illa waliwofuata mazahebi ya kiislamu. mapazi wanalala katika nyumba zao, illa wanakuja aş-şubuhi kuamkia na siku ya karamu.

ba'ada ya mwaka huenda qaburini kujenga panga. na hilo panga huchonga mabao, wakaweka mwanzo wa qabri hatta mwisho — ndilo panga. lakini siku ya kwenda kusimika hilo panga hufanya karamu.

#### khabari ya kuhani kwao.

wanapokwenda kumhani mwenzao, aliyefiwa, hawavai nguo zilizo nzuri, wala hawapakai mafuta. kazálíka huchukua killa mtu qádiri ya kitu alichu nacho, tangu feđda hatta náfaqa, humletea yule mfiwa. nao huanza vilio tangu njiani, na waliwo nyumbani wakisikia vilio — nao hulía. tenna huja mtu na baquli la maji kuwafuta machozi na kuwabembeleza wasizidi kulia. kisha humpeleka panapo qaburi kumwonyesha.

dasturi nyingine ba'ada ya kuzika.

kazálíka mashambizo<sup>1)</sup> aliyooshewa yule maiti — hugawana, wakapewa jama'a zake wa kuumeni na wa

1) Sobald jemand gestorben, wird er mit neuen Kleidern (Tüchern) bekleidet, die mashambizo genannt werden. Diese behält die Leiche bis nach der Waschung an. Alsdann wird er mit sanda „den Leichentüchern“ bekleidet.

kukeni, illa mali yake na mashamba hurithi mpwawe. lakini desturi hiyo yalikuwa zamani ya kurithi mpwa. na waliwoshika mazihebi ya kiislamu, killa mwaka humsomea khitima, na kupika wali, wakala watu. na walioshika mazihebi yao, hufanyiza pombe killa mwaka. na msiba wao mudda wa mwaka ndipo wanapokwisha. khasha ikawa mke amefiwa na mumewe, ao mume amefiwa na mkewe — mwaka mzima halimi wala hasafiri. hutumia vyakula vyake, vikeshu — jama'a zake humsa'idia kumpa hatta atakapolima.

mila ya mizimu na khabari za uganga na za uchawi kwa Wazaramu.

wao hawana dini, illa wameshika mila ya mzimu na tambiko. mtu akiwa hawezi, humwambia: „wewe unanguzwa na mizimu ya wazee wako, siku nyingi hujatambika“. bassi hufanyiza pombe, akaweta watu, wakamtambikia tambiko ya gombo. hiyo tambiko kubwa ya Wazaramu. husema katika ile tambiko — ya kama: „ninyi mmetangulia qaburini na huyu kijana hana uzima. sasa amekwenga pombe, kukumbuka majina yenu. sasa kwa fadila zenu, kama ninyi ndivo mnaomwuguza, tambiko igone, apate uzima“.

na kama hakupona kwa ile tambiko, hutafuta mganga akaja kutezamia. tenna mganga atabashiri — ya kama: „wewe umerogwa“, ao wenyi hosuda wanakwambia „unapata sana“, ao „mkeo kuna mtu anamtaka, naye hampati, anataka kukuua“. bassi yule mgonywa huuliza: „mwisho wake nini“? humjibu: „tafuta mtu akuchomoe, vitolewe vitu vilivyo ndani ya mwili“. yule mgonywa hujibu: „mtambua ndwele<sup>1)</sup> ndiye mganga“. tenna yule mganga atafungua mkoba wake, atoe chuku<sup>2)</sup>,

---

1) Krankheit. — 2) Schröpfunghorn.

wembe na mavumba, akesha atamchansa, amwumike, khalafu itatoka damu katika mwili. ndani yake itakuwa na vunge la nywele, ao litatoka jino la bin Adam, ao shindano na vitu vingine. bassi yule mgonywa akiona mambo yale yametoka katika mwili wake, atata'ajjabu sana. tenna mganga atamwambia: „umeona vitu vilivotaka kukuna“? naye atasadiqi kweli. ba'ada ya siku haba atakuwa mzima.

na kama atakufa — watamzika, lakin ba'ada ya kwisha kuzika watakwenda kwa mganga mwingine, jina lake mpiga mbizi<sup>1)</sup>, watachukua na ushanga mweupe kumpelekea yule mganga. naye atakuwa katika inchi nyingine. bassi wakifika kwa yule mganga, hawatamwambia, ya kama sisi tumefiwa tunakotoka, watampa ule ushanga waliochukua, kisha watakwenda kulala wote. ma'ana huo ushanga ndio njozi<sup>2)</sup> zake, wanawita kiŋgalu. hatta aš-šubuhi watakwenda kumwamkia mganga, tenna watampa khabari — ya kama: „sisi tumekuja kutezamia kwako“. yule mganga atatoa kiko chake, atie tumbako na mavumba avute. khalafu ba'ada ya kwisha kuvuta, atatoa khabari ya uganga wake, atawambia: „ninyi kweli kwangu mmekuja kutaka kutezamia“. kwanza atawapa khabari ya mwanzo wa safari yao, walivotoka katika mji wao, na mambo waliyoyakuta njiani. atasema yule mganga, kama wamekuta mtu mmoja njiani — atawambia, na kama wamekuta nyoka njiani — atawambia, kama kitu walichokiona — atawapa khabari. nao wataitikia „táile“<sup>3)</sup>. khalafu atawabashiria — ya kama: „mnakotoka — kwenu, mme fiwa na mwanamume. kama mwekundu

1) mbizi eine kleine Schelle. — 2) Traum, ndozi im kiamu. — 3) suah. = kweli, jedoch wird táile nur zum mganga gesagt, um ihn zu erfreuen, wenn er seine Sache richtig gemacht und man mit ihm zufrieden ist — táile mganga.

atawambia. nao wataitikia watasema: „kweli“. tenna atawapa sababu ya maiti kufa kwake na ugonywa aliogua. na kama amekufa kwa uchawi atasema: „ndugu yenu ameuawa na mkewe, na sababu mwanamke hamtaki mwanamume, ao sababu nyingine. kama yeye mwanamke ndiye aliyemwua nafsi yake — atawambia, ao amepewa na mtu mwingine uchawi kumletea katika chakula — yote atayasema, ma'ana sherti ajue bayana zote yule mganga. nao wenyewe waqubali yote, hapo ndipo watakapo kumqirri, ya kama anajua kutezamia.

tenna wakirudi, iwapo mkewe ndiye aliyemwua ao mtu mwingine, watapeleka maneno kwao — ya kama: „ndugu yenu ametuulia ndugu yetu“. nduguze watauliza: „kwa dalili gani“? watatoa khabari kama khabari iliyotoka kwa mganga. ikawa thábiti ndio aliyoua — hawana maneno. iwapo ndio mkewe aliyoumwua — naye watamwua.

na kuua kwao háwau kwa bunduqi ao kwa kisu. kwanza humfunga kamba yule mchawi, wakamwuliza: „ba'ada ya huyu nani mwingine umeua“? naye hukataa. tenna hukata kuni za mkuruti, kisha wakamchukua nje ya mji yule mchawi, tenna zile kuni huzipanga, naye wakamtia kattikatti ya kuni. wakesha wakamchoma moto, tenna ataungua hatta moto ukafika qaribu ya kiunoni, husema mwenyewe kama watu aliowaua. na kama uchawi wake anao mwenyewe — atasema: „uchawi wangu sikumpa mtu“. na kama ana mtu mwingine amempa, atasema: „mwanafunzi wangu fulani“.

na huo uchawi namna nyingi. kuna mwingine wa kiume, mwingine wa kike. lakini uchawi wa kike mbaya. wanauficha katika matako yao. mwanamke aliye mchawi, akitaka kumroga mtu, hutwaa punje ya mahindi ao ya mtama, zamani anapoingia katika hedi

ule muhindi, huutia katika tundu yake ya uchi, aka-changanya na dawa zake nyingine katika chakula, akampa mumewe ao mtu mwingine, humwambia: „kula pekeyako“. bassi yule mtu atakula, akiondoka hapo — mgonywa, hana siku nyingi atakufa. na uchawi huo jina lake maḥema. ao huvimba tumbo mfano wa bunju <sup>1)</sup>), kama mwanamke mwenyi mimba, lakini hawi na ma'isha — atakufa. labda apate waganga, wanaojua sana pale alipokula, marra wamfanyizie dawa.

mifano ya nywele zao Wazaramu.

nywele zao wanasuka waanaume na waanawake, lakini huzidia udongo mwekundu na mafuta ya nyonyo, ndipo wanapozisuka. na wanaosuka waanaume waliwo vijana na waanawake vijana, lakini wazee hawasuki wananyoa. na kusuka kwao kama mfano wa punje za muhindi. na wanapokwisha kusuka, hufunga kitambaa juu ya kichwa, kilicho chekundu, kuzuia zile nywele, zisipate mchanga ao vumbi. nazo wanazita mburunge ao kikonge. lakini wanaofanyiza mambo hayo, ni wale waliwoshika maḥebei yao, wasiwokwenda kumbini, wala wasiwoingia katika njia ya Uislamu, ma'ana hio ndio 'alama yao. watu wote wakiwaona namna hiyo katika inchi ya Zaramu, killa mtu atajua, huyu amekataa kwenda kumbini. tenna hayumo katika njia ya Uislamu. hio ndio namna ya nywele zao Wazaramu.

meno yao ya Wazaramu.

hawayachongi — huyawacha kama yanavoota. lakini huyasukua meno yao sana na mswaki. na mswaki ni mti, katika matawi ya mti hukata vijiti, hufanya miswaki, sababu miswaki hiyo ina kiini kizuri. amma

---

1) dicker runder Fisch.

wengine hutwaa matawi ya mchikichi, wakafanya mswaki, lakini si sana — kwa kukosa ule mswaki nafsi yake.

nguo zao za wāanaume na waanawake.

waanaume wanavaa vitambi, watu wanaojiweza, kitambi barawaji ao kitambi kareati. na wasiojiweza wanavaa shuka moja na kanzu, hawana kofia, illa watu, waliwo wakubwa, huvaa mavazi ya kāmili na kofia za alfia <sup>1)</sup>).

kazálíka waanawake nguo zao mno huvaa kaniki ao kitambi. nao ni katika wanaojiweza, waume zao <sup>2)</sup> hununua vitambi, vilivo vikubwa, kimoja chini na kimoja cha kujitanda. hawavai ukaya, illa wanajifunika ushungi <sup>3)</sup>. na wengine huvaa kaniki moja bass na upande wa kujitanda. wengine hujifunga nguo moja kiunoni hatta miguuni, kifuani hawana kitu. hayo ndio mazoea yao, anachelea maziwa yake kuanguka. kazálíka waanaume, waliwo watu wazima, hupenda kuvaa kunguru <sup>4)</sup>, ao shuka ya matamvua <sup>5)</sup> ya kibarawa, hujitupia mabegani wanapotembea. imekwisha khabari ya mavazi yao Wazaramu.

khabari ya nyumba zao.

nyumba zao wanapotaka kujenga, kwanza hukata miti ya mkuruti, sababu migumu sana. wakesha hukata pau <sup>6)</sup> za kufungia mapaa, tenna hukata fito za kufungia viwambaza vya mbele na vya nyuma. marra hureje'a tenna mwituni kuchuna kamba za kufungia. vinapokwisha tumia vitu hivo, marra hupima kiwanja, wakachimba mashimo yote ya nyumba, tenna hutia nguzo za mbele katika baraza, hufunga viwambaza vya mbele na vya nyuma.

1) Jumben-Mützen. — 2) neben waume wao. — 3) Tuch über dem Kopf zu tragen, so dass nur das Gesicht frei ist. — 4) grosses carriertes Tuch. — 5) Fransen. — 6) upau pl. pau Dachbalken.



marra hukata vyumba, wakakata na kumbi zote mbili. linapokwisha boma <sup>1)</sup> huzimika nguzo za katti, ndizo za kusimamishia mwamba <sup>2)</sup> wa kufungia paa. na nyumba zao hujenga za mgongo <sup>3)</sup>. wao si mno nyumba za mapaa manne. na baraza zao hawajengi zikainuka, mtu anayetaka kuingia ndani ya nyumba sherti ainame sana. illa wengine hujenga nyumba yenyi kirubu <sup>4)</sup> kikubwa, na kirubu chake huweza kuingia wima barazani. na ua hawajengi, illa wakitaka hufanyiza ukomea mdogo wa kogea na kwendea haja ndogo.

nyumba inapokwisha, wakitaka manyasi ya kuezekea, kazalika wanapotaka kukandika — huwambia wenziwe — ya kama: „siku kaza wa kaza mimi nataka nyasi na udongo kukandikia nyumba yangu“. nao humsikia amri yake, huja kumsaidia. wakesha kazi ile, huwapa karamu yao. hii khabari ya majengo yao.

#### khabari ya miji yao.

miji yao hawajengi katika mwitu, wao wanapenda pahali palipo qaribu ya maji, ndipo wanapojengea miji yao, lakin sherti kwa zindiko <sup>5)</sup> la khatari ya kulla mnyama tangu nyoka hatta simba. wala hawajengi boma katika miji yao, na nyumba zao hawajengi zikashikana. ukawa mji mmoja, killa pahali hutokea zi-

---

1) Holzgerüst des Hauses ohne Dach. — 2) Tragebalken, deren es gewöhnlich 5 im Hause giebt. — 3) Haus mit Dach nach vorn und hinten nur, nicht auch nach den Seiten. Ersteres auch nyumba ya mcheche genannt, während ein Haus mit Seitendach nyumba ya mapaa manne heisst. — 4) Entfernung von der Erde bis zum Dach d. h. Stockwerk, da die Häuser alle einstöckig sind = arab. ghorfa. — 5) Schutzmittel in Gestalt eines Steines, den sie mit der dazu nöthigen dawa zum Schutz gegen wilde Thiere am Eingang des Dorfes an einem Kreuzweg eingraben, so dass er aber zu sehen ist. Oder sie nehmen an Stelle des Steines eine Holzkeule mit der Nachbildung eines menschlichen Gesichtes.

kawa nyumba kumi na pengine tano, lakini jina la mji hujulikana yule mkubwa.

kazálíka katika miji yao kifuu cha nazi mzio mkubwa, hakitiwi katika jiko kupikiwa, sababu ya zindiko lao walilozindikia simba na nyoka. kazálíka katika miji yao hawaweki chuguu kama Wadoe.

wengine nyumba zao wanajenga qaribu ya kivuko katika mto. huwa na kamba na ngogo<sup>1)</sup> wengi, hufanyiza vimvaba<sup>2)</sup> vya kuvulia kamba, wakafanya kitoweo. ao huweka mtumbwi, mtu akipita kutaka kuvuka, humpa pesa moja, ao kama amechukua chumvi, humpa kidogo. lakini pana ta'abu ya mbu pale panapo kivuko waqti wa masika, mtu mwingine hawezi kulala. na mvua zinapokuwa nyingi, mto hujaa hatta nyumba zao huelea, zikawa juu kwa juu. ao marra nyingine maji yakiwa na nguvu, huzichukua zile nyumba, na watu wakafa. lakini wanajenga kwa 'aqili na házari ya maji ya masika.

kazálíka hapo qaribu ya mto wanapapenda, kwa sababu ya mashamba ya mpunga na mahindi yanastawi. lakini waqti wa kuamia ndege — sherfi juu ya madungu<sup>3)</sup>. wakiamia — chini mamba anawangoja, ma'aná hutoka katika mto, akaja inchi kavu maqsudi kungoja watu, watakáoshuka juu ya madungu awakamate. na usiku hutoka viboko katika mto kwa wingi kuja juu ya mashamba kutafuta vyakula, nao hukaa katti ya njia kungojea watu, wanaopita, huwakata na meno pande mbili. ndiwo u'ádui wao, lakini juu ya hayo Wazaramu wamependa kufanyiza mji qaribu ya mto, kwa sababu hufuata manfa'a hayo tuliyoyasema. hii khabari ya miji yao.

---

1) kleiner Fisch. — 2) Reuse. — 3) Gestell auf 4 Stangen ruhend, oben ein Platz zum Sitzen oder Stehen.

kazi ya waanaume na kazi ya waanawake.

katika Zaramu waanaume kazi zao huchimba sandarusi. hupatikana kwa ta'abu sana, ma'ana huchimba mashimo kwa majembe. na pahali panapopatikana hiyo sandarusi — inchi yake kavu sana, wanapofukua kwa mikono yao — kucha zote huwakatika. nayo huichimba waqti wa jua, zamani za masika haipatikani.

na wengine hugonga mpira. nao mpira ta'abu kuu-pata. ma'ana mpira mti, kwanza huukatakata ule mti, ukatoka utomvu, ukavuja utomvu hatta ukeshu. tenna huutoa ule utomvu, wakaviringa katika matumbo yao ao mikononi. mudda wa siku kumi ao záyidi wamo katika mwitu, wanagonga mpira, hatta vikanda vyao killa mtu vijae.

na waanaume wengine kazi zao kujenga majumba, na wengine hukata miti wakiuza, wengine hutafuta kamba mweituni, illa wazee, wasiwo nguvu, husuka vitanga<sup>1)</sup> na vikapu na majamvi. na wengine kazi zao huchonga ngoma za madogori na muhágata na zumari na vijiko na pawa.

kazálíka wengine huchukua mkoba wa dawa, aki-pita killa panapo mgonywa — humwita, akafanyiza dawa zake, kiisha humpa kitu kidogo akenda zake. hii kazi ya waanaume.

kazi ya waanawake: aş-şubuhi akiamka, kwanza hushika ufyagio, akafyagia nyumba yake tangu ndani hatta uanja. akisha huosha vyungu na mikungu na mitungi, marra huenda kisimani kuteka maji, akajaza mitungi yote tangu maji ya kunywa hatta maji ya koga. akisha kazi hiyo, hushika kazi nyingine, hutwaa kanda la muhogo, akatwanga unga, akauweka katika vikapu,

---

1) runde Matte, die als Unterlage für Getreide dient oder auch als Tablett beim Essen gebraucht wird.

ukawa tayyari. marra huenda mwituni kutafuta kuni. akirudi kunako kuni, huenda shamba kuchuma mboga ya kufanya kitoweo. kisha huichambua akaipika. na iwapo mfinanzi, ataponda udongo, afinange vyungu na mitungi. na kama msusi, atasuka mkeka, lakini si mno waanawake wa kizaramu kusuka mkeka.

na wengine kazi yao kuumika <sup>1)</sup> waanawake wenzao. na namna ya kuumika mtu, humchansa chale mbili, akaleta chuku, akamwumika pale alipomchansa, ma'ana ndani ya chuku huwa na tundu juu, akainyonya, na damu ya mtu inakuja. huyacha ile chuku mudda wa nuşşu sa'a, kiska huzibua.

na wengine wana kazi ya kuzalisha, lakini wenyi kazi ya kuzalisha waanawake wazee, sababu wanasema, mwanamke akiwa kijana akizalisha, macho yake hu-  
haribika hima kwa kutezama kunga, ma'ana ya kunga damu. hii ndio kazi za waanawake.

#### kulima kwao Wazaramu.

Wazaramu hulimia jembe na mundu. jembe ndilo linalolima, na mundu kazi yake unakata masiki <sup>2)</sup>. na ba'ada ya kwisha kulima shamba, likawa jeupe, hupanda muhogo na mbazi na kunde pamoja na maboga, kaza'lika chooko na mahindi. lakini muhogo unakawa sana kupatikana rizqi yake, lakini chooko na mahindi na vingine, tulivotangulia kuvitaja, havina siku nyingi. hivo ndivo vyakula vyepesi kuota, ba'ada ya siku khamsini wanaweza kuvila, lakini muhogo sherti miezi sitta. na mbegu <sup>3)</sup> yao kubwa ya ukulima muhogo, lakini mtama na mahindi wanapenda sababu ya kuuza. na mashamba yao hawalimii mbali na miji, illa nyuma

---

1) schröpfen. — 2) siki pl. mas. Wurzelrest, Gestrüpp. —  
3) Ertrag.

ya nyumba, ndiko kunako shamba lake. sababu aki-  
limia mbali, hapati kitu kwa wizi, waliwo wengi. lakini  
juu ya hayo shamba kuwa qaribu ya nyumba hawa-  
wachi kwiba. zamani mwaka juzi, njaa ilipokuwa  
nyingi, wameuawa watu wengi Zaramu katika mashamba,  
na wengine hupigwa mishare, wasiweze kuondoka, wa-  
kaja kukamatwa na vikapu vya muhogo.

namna ya mavuno yao.

ba'ada ya miezi sitta muhogo unapokuwa mkubwa,  
huenda shamba wakauṅoa. tenna wakauanika juani  
mudda wa siku tano, hushona makanda wakautia, mwin-  
gine huweka matumizi yao. kazálika kunde na chooko  
na mbaazi vilevile huzitia katika makanda, lakini mbaazi  
huzipika kwanza, tenna wakazianika, zisioze, ndipo  
wanapozitia katika makanda, ma'ana huzitumia mudda  
wa mwaka, huzifanyiza chakula ao kitoweo wanapo-  
kikosa.

mtama wanapouvuna, wanakata mabua yake, kisha  
huuwacha siku tano ao sitta katika mashamba ḥatta  
ukakauka. tenna huenda na makapu wakautia, wakau-  
peleka majumbani, wakauputa ḥatta ukawa šafi. tenna  
hutumia katika vikanda.

illa mahindi wanayavuna namna mbali. ba'ada ya  
kutoka shamba yale mahindi huyafunga kosa<sup>1)</sup> qádiri  
zitaázotokea. kisha huzifunga zile kosa juu ya  
mwamba wa nyumba palipo qaribu na moto, ma'ana  
ule moshi ukipata katika yale mahindi hayaqzi.

kazálika vyakula vikawa vingi zamani za mavuno,  
hualika watu kwenda kumsa'idia kuvuna. na vyakula  
vipya hawali, illa kwa mavumba, sababu Wazaramu  
wengi wana pepo wa kinyamkera. akila billa ya ma-

---

1) Bund von 60 Maiskolben.

vumba, atashikwa na homa, usiku pepo wake atapanda kichwani, apige kelele nyingi sana, hatta aje fundi wake, alete dawa ampe, ndipo makelele yatakápokwisha.

ao hujengea kibanda cha kinyamkera zamani za mavuno, hupika kijungu cha wali, wakapeleka njia panda, wakaweka kile kijungu na wali, wakenda zao.

### vyakula vya o.

wanakula muhogo, huutwanga katika kinu, wakau-chunga unga, tenna huusonga ugali. na kitoweo ni huo muhogo. ma'ana majani yanayotoka katika muhogo hufanyiza mboga ya kisamvu, wakaipika wakatowea ugali. Wazaramu hawapendi chakula kingine kushinda ugali wa muhogo. ma'ana wengine hulima muhogo ukawa haukustawi ule muhogo, na nyumbani mwake mna mpunga, atatoa mpunga ao mtama, akabadili na muhogo. ma'ana wali wa mpunga ao mtama Wazaramu wakila, hawauoni tamu kuliko ugali wa muhogo kwa nguru ao kwa samaki wa maji baridi ndohe ao pere ao samaki wengine wa maji baridi.

namna ya pili ya chakula cho muhogo, huutokosa muhogo mbichi pamoja na mbaazi. lakini chakula hicho kifungua kinywa<sup>1)</sup> ao anaporudi shamba. kazálíka nao hawali ndani ya nyumba, chakula hukitoa barazani, killa mtu, atakáyepita, akiwa na njaa, huja akala. na mgeni akitokea kwao, wakimwona hana kitu cha kutumia, hapo atakápofikia, atakula chakula hatta siku atakázoondoka hawamwambii tunataka kitu kaza wa kaza. na iwapo ndio kwanza wanavuna, na mgeni anakwenda zake, watampa qádiri ya vitu wanavovuna. ukiwa mpunga ao mtama ao muhogo — muradi haondoki mikono mitupu.

---

1) erstes Frühstück.

namna ya pombe na togwa.

pombe yao namna wanavopika: kwanza huroweka<sup>1)</sup> mtama mudda wa siku saba' hatta ukatoa miche<sup>2)</sup> ule mtama. ba'ada ya siku saba' huutoa kátika maji, wakautwanga, wakauchunga unga. wakisha hutwanga muhogo, wakachunga unga, marra waanaume huenda mwituni kukata kuni, kuwaletea waanawake. hatta aşşubuhi huanza kupika pombe. na mwanzo wao huteleka mitungi jikoni na maji, hatta yale maji yakawa moto. tenna hutia unga wa muhogo katika yale maji, ba'ada yake hukoroga<sup>3)</sup> mchana kutwa, hatta ule unga na maji uive. tenna huipua, wakawacha ikapoa hatta aşşubuhi, hutia unga wa mtama, wakaipika marra ya pili, hatta ule unga wa mtama uive. tenna huipua marra ya pili, wakaiwacha mudda wa siku mbili ikapoa. hatta siku yake huja na kamo<sup>4)</sup> za kuchujia<sup>5)</sup> makapi ya ule unga wa muhogo pamoja na mtama. bassi huikamua hatta ikawa şafi. lakin siku ya kwanza kukamua, wanapokunywa hawaipendi, ma'ana imekuwa baridi kama mfano wa togwa, illa siku ya tano na siku ya sitta wanapokunywa marra huwalevya, huwa kali sana.

kazálíka khabari ya togwa inapikwa kama pombe, lakini togwa halilevi. kwanza hutwanga kimea, na kimea ma'ana yake ni huo mtama uliowekwa kama khabari ya maneno ya pombe, lakin togwa hupikwa mtama mtupu pasipo unga wa muhogo. kwanza hupika chēnga<sup>6)</sup> za kile kimea, tenna huipua, wakawacha hatta ukapoa. usiku hutia kimea, unga kidogo, kátika lile togwa. kisha wakafunika, likalala hatta aşşubuhi, wa-

---

1) nass machen, anfeuchten. — 2) mche Keim. — 3) umrühren. — 4) Sieb. — 5) durchseien. — 6) die harten Körner, die beim Mahlen übrig geblieben sind.

kanywa huwa baridi, tenna li tamu sana. wanaokunywa pombe, togwa hawalipendi, sababu li tamu mno. hii ndio khabari ya pombe pamoja na togwa.

silaha zao.

wanashika mishare na nyuta tangu zamani, hawajui silaha nyingine. illa sasa zilipoingia bunduqi, nao wanashika, lakini si mno kutumia kwao. nayo wanaitumia na sumu hiyo mishare. kazalika mikuki wanashika, lakini hawawezi kuitumia katika mapigano, illa watu wawinda, wanaowinda viboko, ndiwo wanawojua silaha ya mikuki.

silaha nyingine ni kisu. hufanyiza kisu, kilicho kirefu, ncha yake nyembamba, hujifunga vyunoni. na vingine namuna kama hivo, lakini hivyo kazi yake huulia mamba. navo vina ncha kali, ma'ana, wakitaka kuua mamba, sherti humchoma katika jicho, katika mwili kisu hakiingii, magamba yake magumu sana.

namna ya vita vya o.

iwapo zamani mmoja amemw'asi mwenziwe, anataka vita, marra hawapigani, illa kwanza hupelekeana salamu. na salamu zao husema: „sababu nini wewe fulani umeni'asi? sasa naku'arrifu, nataka uwe katika amri yangu. na kama hutaki amri yangu, bassi katika vitu viwili hivyo nnakuletea, chagua kimoja wapo“. na katika vitu hivo humpa mshare na jembe. ma'ana ya mshare — vita, na jembe — ukulima. iwapo anataka vita, atachukua mshare, akiupokea — marra atavunja, amrejeshee vijiti vitupu. bassi marra atajua, ya kama anataka vita.

naye atapeleka khabari kwa watu wake, apige ngoma ya vita. wakija watawambia, ya kama fulani ametu'asi, anataka vita na sisi. nao wakisikia maneno



yale, killa mtu atajifunga kwa zana ya vita. watakwenda kwa mkubwa wao wote, marra watajizindika maungu yao<sup>1)</sup>, wote wende kunako vita.

na vita vyao huenda usiku, wakifika katika mji, huuzunguka wote. marra mtu mmoja atapiga bunduqi ya kuwaamsha. hatta wakiamka katika usingizi, marra wanaingia katika mji, wanachoma moto majumba. bassi yule waliyemwendea, iwapo naye ana nguvu za kuweza kupigana, watapigana huo usiku. akimwona mwenziwe ana nguvu záyidi kuliko yeye — atakimbia, awache mji. marra wale wa vita watateka vitu vyote, wamwache maskini. kule atakakokimbia, 'aqili ikamrudi, marra atatoa mtu kumpelekea yule aliyemshinda — ya kama: „mimi bassi vita, nataka amani“. vita vyao havina siku nyingi.

#### khabari ya amani.

ba'ada ya kupigana, mmoja akashindwa, atakwenda kwa mwenziwe kuanguka miguu, atasema: „mimi katika amani yako; na kulla amri utakayo mimi ni pamoja nawe, wala sikumbuki miaka yote kutaka vita na wewe“. ba'ada ya kwisha maneno haya, hamšadiqi maneno yake, atareje'a. ba'ada ya siku haba ataleta mshenga. na yule mshenga, aliyetumwa maneno yale ya amani, katika mikono yake hupewa ushanga mweupe kupeleka, ma'ana huo ushanga ndio 'alama ya amani. kama hana ushanga wala hawaqubali amani yao, hujua ya kama hawa waongo, hawataki amani. iwapo ámequbali amani yao, atawambia: „mimi sherti — mle mchanga“<sup>2)</sup>. nao watariqia kula mchanga. watasema

1) sie machen überall am Körper kleine Ritze in die Haut und reiben dawa hinein, die sie vor Pfeilschüssen und Speerstichen bewahren soll. — 2) vergl. folgenden Bericht über die Blutsbrüderschaft.

katika shuruti zao za yamini: „tunakula mchanga na fulani hatuna vita naye tangu sisi hatta tunacho kizaa sisi, tukawaza kufanyiza u'adui naye — tufe“. bassi wakesha shuruti hizo — beina yao huwa udugu ma'isha yao. imekwisha khabari ya amani.

khabari ya udugu wao.

udugu wao wanawotakana katika mkutano wa pombe ao katika safari. katika pombe iwapo amekuja moja katika ule mji wenyi pombe mgeni, hana mtu anayemjua, hutokea mmoja mwenyeji wa mji, killa marra humtilia kibaba cha pombe, akampa, na kukaa naye pamoja akazungumza. na njaa ikamwuma, marra humpeleka nyumbani kwake, akiwa na mke, humwambia mkewe: „fanyiza chakula hima, mgeni ale“. yule mwanamke hufanyiza chakula, akisha akampelekea maji chooni koga, marra humpa chakula akala na kumwonyesha kitanda, akiwa na usingizi akalale. tenna akiona ehsani nyingi, humwambia: „somo, mimi nakutaka urafiqi, tuwe pamoja mimi nawe“. naye huqubali, marra huwambia wazee wake — ya kama: „huyu mimi ananitaka urafiqi“. nao wanamjibu: „kama unamtaka — fanyeni“. marra hukamata kuku, wakamchinsha, wakatoa ini lake, waka-fanyiza shuruti kama tulizotangulia kuzisema katika urafiqi wa kidoe<sup>1)</sup>.

namna nyingine — hula mchanga wa Mzia. na mchanga huu unatoka Pangani, pahali panakwitwa Mzia. na kama pazi wao hana ule mchanga na wao hawawezi kwenda kule Pangani, hupeleka mtu kwa majumbe wa Bagamoyo ao wa Daressalama, amma wa mji mwingine, humwambia — ya kama: „pazi anataka mchanga wa

---

1) vergl. safari yangu ya Udoe hatta Uzigua im Kapitel khabari ya udugu wao.

Mzia<sup>a</sup>. nao huwapa burre, wákampelekea pazi. hutiwa ule mchanga ndani ya bakuli na maji, hunywa pamoja na maji na mmoja atasema: „mimi, kama nitamjuru rafiqi yangu, ao akitaka kitu nikamnyima, mchanga wa Mzia uniyayushe kama maji“. na wá pili husema kama hivo. bassi killa mtu amemwamini mwenziwe, ya kama huyu ndugu yangu. hii khabari ya udugu wao Wazaramu.

khabari ya vyapo vyao.

wakitaka kumpa mtu kiapo, hupika maji ya moto, wakamwambia yule mwizi kutia mkono katika maji. iwapo mwizi — mkono utachubuka, kama si mwizi — hauchubuki. ao humwambia yale maji kunywa. iwapo ni mwizi — humwanguza yale maji.

namna nyingine ya kiapo: hupepea mundu ao shoka katika moto, na ule mundu huupaka mavumba. ukesha kupata moto sana, huja mwizi atasema: „mimi kama mwizi — kiapo nigwie, na kama si mwizi — nihongeze“. yule mtu huramba ule mundu, kama si mwizi — haungui.

namna nyingine ya kiapo cha sanga. sanga ni hiyo shindano, kuja mganga, akamtia mwizi katika jicho. kazálíka akiwa mwizi, shindano huingia. na khalafu huimbiwa wimbo — ikatoka. na kama si mwizi husalimika salama.

hii khabari ya vyapo vyao. lakini desturi hii yalikuwa zamani, sasa wameiwacha, sasa wanaogopa, sababu yule mwizi, iwapo amechubuka ulimi ao jicho — hutaka kwenda mjini kushitaki, husema „mimi si mwizi, wamenipa kiapo, nami sikuchukua kitu“.

namna ya sumu yao.

katika mishare wanatia sumu. na hiyo sumu wa-

naipika uchungu <sup>1)</sup>. kwanza mti wa msunguti wana-  
chuna magome yake, wakayapika hatta yakawiva, tenna  
magome huyatupa, maji yaliyotoka katika magome —  
ndio wanayofanyiza sumu. ma'ana yale maji huyapika  
pekeyake hatta yakaganda, yakiwa kama mfano wa  
mafuta. marra huyatia katika vibuyu wakafunika. ha-  
waweki katika nyumba, wanajenga kibanda mwituni,  
ndiko wanakoficha sumu zao, illa ya kutumia kidogo  
hutia katika kibuyu. na kulla mwaka ukisha huipika  
marra ya pili, huchanganya ya zamani na mpya, wa-  
kaipika pamoja, ma'ana huzidi kuwa kali. ndio kha-  
bari ya sumu yao.

#### kuwinda kwao.

wanawinda na nyavu ao mikuki. nyavu wana-  
windia nyama za mwitu, tohe ao paa ao parahara.  
kwanza huchimba shimo, kisha wakazungusha nyavu  
upande moja wa shimo, marra wakawasaka walikolala  
wale nyama. tenna huwafukuza, wakenda kufikia ka-  
tika nyavu, tenna huwakamata, wakawapiga kwa mi-  
kuki, wakafa. na wasioingia katika nyavu — huingia  
katika mashimo.

illa viboko na mamba huwapiga na mikuki, na hiyo  
mikuki wanayowindia huitia sumu. na kuwinda kwao  
viboko waqti wa usiku, ma'ana viboko wanatoka wengi  
kwenda mashamba kula majani. wakiwaona huwapiga  
kwa mikuki ile yenyi sumu. na akifa humtoa meno.  
wengine hula nyama ya kiboko, lakini wenzao hawataki  
kukaa nao pamoja, sababu wanasema, nyama ya kiboko  
inanuka sana. bassi wale wawinda wakipata nyama ya  
kiboko, hujenga kibanda katika mwitu, wakala nyama  
yao kule hatta ikisha. khalafu hureje'a katika mji.

---

1) Gift.

na wengine hula nyama ya mamba. kazálíka ni kama wanaokula nyama ya kiboko, hawaingii katika mji.

wengine wanawinda na mishare, lakini si mno kuliko nyavu na mikuki. waqati wa masika maji yakiwa mengi, wanawinda billa ya mikuki, wala nyavu hawana, illa wanakaa katika mikondo, wanayopita nyama wadogodogo tangu tohe hatta funo na wengine, wakipita huwapigia makelele wale nyama, watu wengine huwaziwia kwa mbele na wengine nyuma, hatta wakipata kattikatti huwapiga. sababu waqati wa masika nyama hao hawana nguvu, wala hawawezi kukimbia. hiyo ndiyo khabari ya mawindo yao Wazaramu.

#### namna ya kuvua samaki.

kwanza wanakata miti mirefu, mfano wake kama mianzi, lakini miembamba, wakesha husuka machachá<sup>1)</sup>, yaliyo marefu. khalafu huenda katika tambiko, wakatambika. marra wanakwenda katika mto wenyi maji mengi kusimamisha ile miti na yale machacha. lakini kwanza sherti atangulie fundi kuzama katika maji. sababu huyu fundi anapokwenda katika maji, huchukua dawa za kuwafumba macho mamba na majoka yaliyomo, wasidurike. akisha fanyiza dawa zake, ndipo wanapointia watu kufunga hayo machacha ya kutegea samaki. tenna mamba wanakutana nao katika maji — hawawaduru. na wakiwa katika maji hawataji jina la „mamba“, wanataja „gogo<sup>2)</sup>“ ao „mkonge“<sup>3)</sup>. bassi wakesha kazi ile, hutoka katika maji, wakakaa hatta usiku, huingia marra ya pili katika maji, samaki wameingia ao bado. iwapo wameingia, huwachá wakalala

---

1) lange dünne Stange. — 2) Baumstumpf. — 3) Ast vom mkonge-Baum.

hátta aş-şubuhi, ndipo wanapowatoa samaki. nao huwapata wengi sana. killa samaki huwamo, wanawoliwa na wasiwoliwa. wakesha watoa, hugawana mafungu wale sámaki. fungu moja humpa fundi, na fungu moja hupewa mwenyi ášili ya ziwa, ndio tambiko yake. sababu desturi ya kuvua katika mito, iliyo mikubwa, sherti kwa tambiko. huenda yule mwenyi ášili ya ziwa, akatambika kwa wazee wake, ndipo anapowapa rukhşa kuvua. na kama watavua min gheri ya yule mwenyi mto, hakuwa rađi, watapata samaki, lakini si wengi. hutokea ba'adi ya siku watu wengi kukhasirika na mamba. imekwisha khabari ya kuvua kwao samaki katika mito.

#### namna ya hérizi zao.

wao hawaandiki hérizi kwa harufu za qorani kama Wasuaheli, illa, wanapotaka hérizi, huenda kwa mganga, akamwambia: „mimi nataka hérizi“. naye mganga humwuliza: „unataka hérizi ya namna gani?“ atajibu: „nataka hérizi ya macho ya watu, ao hérizi ya simba nyikani asiniđuru, ao hérizi ya vita, nendapo vitani usiniđuru mshare wala rişasi, ao hérizi ya uchumi nipate fayida“. bassi akisha mwambia mganga, atasema: „kwanza nataka mchele wangu“. watapatana mwanzo wa reale moja hátta tano kwa mtu mweza. marra mganga atakwenda mwituni kutafuta mzizi wa hérizi aliyoitaka. marra atakuja nao, tenna atatoa kibuyu kinacho mavumba, atoe na kitambaa cheupe. na mle katika kibuyu kingine huwa na asali ya nyuki pamoja na mafuta ya nyonyo, ndio wino wa kuandikia. bassi ule mzizi ataupaka yale mafuta na asali pamoja na mavumba, akisha atashona hérizi. na siku atakayompa, kwanza atamchansa katika uso na mkononi na kiunoni, kisha atamwambia „vaa“. marra atamtoa khofu moyo

wake. na yule mganga atampa shuruti zote — ya kama: „mimi nakupa herizi yangu, iwapo umesema na mtu, nawe umedurika, niletee khabari“. kazalika mzizi anaochimba yule mganga, jina lake kamila kumbwene. hii ndio herizi ya macho ya watu.

wa kazalika herizi ya vita mzizi wake namna mbali, unakwitwa ndugo. vilevile huenda kwa mganga, akamwambia: „nataka herizi ya vita“. watapatana na khalafu atafanyiza herizi, aishone na kitambaa, na ndani atie mavumba. vilevile ikisha atamchansa maungo mazima, killa pahali chale moja. tenna atampa herizi, atamwambia: „iwapo utakwenda vitani, mshare haukupati. illa utaduga katika mwili, marra utaanguka, lakini angalia — ukenda kwako, mudda wa siku mbili usilale na mwanamke“.

aifa herizi ya uchumi ni kama hizo tulizotangulia kuzisema sherti zake, lakini hiyo hujifunga kiunoni killa siku. jina lake unakwitwa mkili.

kazalika herizi ya simba — wasafiri na wawinda sherti huwa nayo. na kuandikwa kwake sherti upatikane uso wake simba na herizi yake ya mtu aliyemwua. wenyewe waganga wanajua pahali ilipo, sababu wao husema: simba anapokamata mtu, herizi yake huitema, akala nyama hatta ikesha, tenna huimeza. nayo shidda watu kuipata, illa hutokea bakhti kupatikana. iwapo simba ameuawa, huchuna kipanda uso chake, wakapata na herizi yake, hiyo ndiyo wanavoandikia watu herizi, wakawapa. lakini ghali sana, wananunua kwa fedha nyingi tangu riale kumi hatta khamust'ashara.

wenyewe waganga wa simba wakikutana na simba njiani, hawaduru, illa humtukana, humwambia: „mtu mzima wewe, huna haya? unataka nini njiani? watoto wanataka kupita“. yule simba akasikia maneno ya yule mganga, marra ataguna ataingia mwituni. mganga

anaijua dawa za simba — hamwogopi katika njia. hii khabari ya h́erizi.

maneno ya uganga wa nyoka.

Wazaramu desturi yao — wengi katika miguu yao wamechansha dawa ya nyoka, sababu asiwaume. na kuchanshwa kwao — kwanza humwua nyoko, aliye mkubwa, nondo ao chatu ao futa amma vuvi, hayo ndio majoka makubwa. wakesha na katika majoka hayo tuliyoyataja, marra hutoa nyongo yake na meno yake, kazálíka na ngozi yake, lakini meno na nyongo huyaunguza katika moto, hatta yakawa majivu. hiyo ndiyo dawa, jina lake unakwitwa usira yale majivu. kazálíka ngozi yake ndio kiti cha kukalia mtu anapotaka kuchanshwa dawa ya nyoka. akisha chanshwá, marra hupakwa yale majivu pale alipochanshwa. kwa desturi yao Wazaramu mtu aliyo chanshwa dawa ya nyoka asimwume — hamwumi. na iwapo atamwuma — hawi na uchungu, marra patanyamaza pale alipoumwa. akisha mwuma hawi na ma'isha yule nyoka, marra atakufa. kazálíka akimwuma, husimama, hakimbii, humwambia: „reje'a marra ya pili“. yule nyoka humwuma marra ya pili, hiyo ndiyo sumu yake. bassi endako — yule nyoka atakufa. naye akenda kwake, hasemi „nimeumwa na nyoka“, husema „nimegombwa na nyoka“.

namna ya kuomba mvua.

katika Zaramu mvua iwapo imepotea, vyakula vinakauka, marra watu wanakwenda kwa mapazi kuwambia — ya kama: „mna mashauri gani? vyakula hamna mashamba“. nao huwajibu: „tufanyeje?“ wale watu huwajibu mapazi: „tutambike kunako mizimu“. nao mapazi, iwapo wana nafasi ya kwenda kunako mizimu ya Ukami, watakwenda, ao watakwenda kunako maqa-



buri ya wahenga<sup>1)</sup> wao, waliwowatangulia, hupeleka shuka na bendera na kaniki katika maqaburi, husema ya kama: „tumejuja sisi watoto wenu, sababu mwaka huu vyakula, tukipanda, haviji juu. leo tumejuja kwenu, wazee wetu, kufyagia katika maqaburi yenu, muungu atushushie mvua, vyakula viote, tukapata vyakula. killa mwaka tutakuja katika maqabri“. na wakisema maneno hayo hupiga magoti wakafyagia kwa mikono. nao hawavai kofia, wala hawendi na nguo mbili. ba'ada ya kwisha tambiko, muungu atakapo kuwakumbuka, huwashushia mvua kwa wingi. husema: „tambiko zetu zimegona“. huko ndiko kuomba kwao mvua.

#### khabari ya pepo.

katika Zaramu watu wengi wana pepo. na pepo wao mno kinyamkera. mtu akishikwa na homa, huja mganga na mavumba, akampa yule mgonywa. na marađi yakazidi juu ya mwezi, mganga husema: „huyu kinyamkera kimemshika“. jama'a zake humwuliza mganga: „tufanyeje sasa?“ mganga hujibu: „kwanza tumpike nyungu ya mawe“. marra huenda mwituni, wakatafuta mawe ya vidurazi, wakakata na mizigo ya kuni. hatta usiku huchimba shimo, wakakoka moto, marra huyatia yale mawe katika moto, marra hufunga jamvi kuziwa moshi usitoke. hatta mawe yanapowiva, hujá yule mgonywa, akawekwa juu ya kiti qaribu ya lile shimo, lililotiwa mawe, marra huleta mtungi wa maji kuyazima yale mawe. naye humfunika nguo maungo yote, ule moshi humwingia mwilini. hatta yakasha kuzimika mawe, humtoa ndani ya nyungu, marra huenda kulala.

aş-şubuhî mganga huleta jimbo la koga na kupakaa,

1) Vorfahren.

ma'ana jimbo la majani, mudda wa siku saba'. marra hufanya mashauri ya kumpunga madogori<sup>1)</sup>. wakesha patana mashauri, yule mganga huenda kualika waganga wenziwe na waanafunzi wake. hatta usiku huleta ngoma zake na ngoma za madogori, jumla yake ngoma saba'. ngoma nne hupiga mtu mmoja, na mbili hupiga mtu mwingine, na moja hupiga mtu moja. marra huletwa mgonywa, wakampaka mavumba usoni, wakamremba killa rangi — nyeupe, nyeusi, nyekundu. tenna hupiga ngoma mwanzo wa usiku hatta as-subuhi, na mwele<sup>2)</sup> anacheza, na wasiwo pepo wote wanacheza. na wengine wana-jiwa<sup>3)</sup> na pepo, huanguka uanjani kwa mshindo wa ngoma. mtu mwenyi kinyamkera kama mwenyi wazimu. anapocheza pepo wake, usimwonyeshe kidole, akiona kidole, atakufukuza. akikupata atakikata na meno. khabari ya pepo — wale waganga watapunga usiku kucha, hatta as-subuhi watamkomoa pepo, wampe ujira wake mganga, ende zake. imekwisha khabari ya pepo.

mambo ya watu wenyi ukoma na marađi  
mengine.

watu wenyi marađi katika Zaramu ndui, buba, tego, yote marađi hayo hawayakhofu, illa ukoma wanaukhofu sana. lakini wanakaa naye mwenyi ukoma katika mji moja. marađi wasiyoyapenda mabalanga, ma'ana marađi hayo huchubuka mtu mwili mzima, akiwa mwekundu. na akila chakula, huyayuka mikono yake. na asili ya kutoa kumpenda yule mwenyi marađi — zamani akula naye chakula pamoja hutokea kumšibu mtu yale marađi.

wa kazalika mtu mwenyi wazimu wanamfunga gogo

---

1) kumfanyizia ngoma ya madogori. — 2) Kranke. — 3) passiv von kuja.

miguuni, wakampa chakula na maji, hapo walipomfunga, hawamwachi kutembea ovyo, sababu huchoma moto majumba ya watu na kuwapiga watoto, ndio ma'ana wakamfunga.

kažálíka marađi ya kifafa <sup>1)</sup> wanakula naye pamoja, lakini maji anayokunywa, akazaza katika kata, maji hayo mtu mwingine hayanywi. ma'ana marađi hayo mabaya kama mfano wa marađi ya pumu <sup>2)</sup>. ášili yake mtu hukohoa, na pumuzi killa marra huja juu, khašša siku za mvua, hawezi kufanyiza kazi mwele wa pumu. hii ndio khabari ya watu wenyi marađi.

---

1) Fallsucht. — 2) Schwindsucht.

# Safari yangu ya Russia na ya Sibirien

niliyofanya pamoja na bwana wangu Dr. Bumiller

ya

Selim bin Abakari.

bismillah er-raḥman er-raḥim!

katika safari yangu ya barra Russi sene elfu thalatha mia u arb'at'ashara mwezi mfunguo tatu nimeondoka na bana wangu doktor Bumiller Berlin Friedrichstrasse Nordexpress kwenda Königsberg. tulipofika Königsberg sikuwa na khaṭṭi ya múhuri<sup>1)</sup>, bana wangu akafanza sim Berlin kutiwa katika múhuri wake. tulipofika katika mpaka wa Deutsch na Russi, tukaipata simu — ya kuwa — rukḥṣa niingie katika inchi ya Russi, kwani qawa'ida ya Russi, hakuna mtu kuingia katika inchi yake — shurṭi awe na múhuri. katika Ulaya zote mtu anaweza kusafiri kulla inchi billa kuwa na múhuri, lakini Russi na Turki huwezi kuingia katika inchi zao billa kuwa na múhuri. katika inchi hizo zote nimekwenda, lakini Russi imezidi katika múhuri wake. tulipokwenda katika inchi ya Turki, sikuwa na múhuri, lakini nimeweza kuingia. na inchi ya Russi ingalikuwa

---

1) Pass.

sikutiwa katika mûhuri wa bana wangu, singaliweza kuingia katika inchi yao.

bana wangu alipata barua ya serkali, ya kuwa yeye hana 'ushuru. kulla inchi tunayopita, hapana rukh̄ṣa kuutoza 'ushuru, wala haihitaji kufungua vitu vyake. tulipofika katika mpaka wa Russi, nikaondosha barua yake ya serkali kuonyesha watu wa fordani, wapate kunirukh̄ṣu na mizigo yangu, lakini, walipoiona, wakanena: „hii haifai, lázima utafungua mizigo yako“. bana wangu akakataa akanena: „sifungui mizigo yangu, kwani nna khaṭṭi ya waziri wetu, ya kuwa sitozwi 'ushuru“. na siye tulikuwa na mizigo mingi, mizigo khamso u arba'ini, hatuwezi kufungua marra moja. nasi tumefanza uzia sana, hawakuqubali kutuwachia.

bana wangu akawambia: „sasa sina wasa'a kufungua mizigo, lakini nipeni mizigo mitatu, iliyo na nguo zangu naitaka kuvaa siku mbili hatta mizigo mingine ikija“. tukaacha mizigo yetu yote katika mpaka wa Russi na wa Deutschi, tukachukua mizigo mitatu, iliyokuwa na nguo zetu, tukawambia: „mizigo yetu tupelekeni Petersburg, tutakuja kuchukua fordani, hapa hatuwezi kufungua, ma'ana tukikaa kufungua mizigo arba'in na mitano, hatutapata nafasi kusafiri na gari hili. bassi mizigo yetu ileteni nyuma, siye tunatangukia, tukachukue mizigo mitatu“. tukasafiri tukenda zetu Petersburg.

tulipowásili Petersburg, marra nimepata fikira, kama sasa tuko katika inchi nyingine. na mavazi ya kule namna nyingine kuliko inchi za Ulaya, na magari namna nyingine. katika magari yao madogo sana, na mavazi ya masais<sup>1)</sup> kama waanawake wazee. kweli mtu akiwa katika safari, hu'allam maneno mengi, na mtu huingia aqili nyingi.

1) Kutscher.

tukatoka forđani; tukenda zetu Hotel Europa. tulipokwenda kule tukapumzika. khalafu bana wangu akaondoka, akenda kutembea, kanambia, nikisha kazi yangu, nikisha kula, nende zangu nikatembee. nilipokwisha kazi yangu, nikenda zangu mezani kwenda kula. na miye sijui maneno ya kirussi, nikitaka kuuliza kitu, hawasikii maneno yangu. nikaondoka nikenda kuita mkulimani wa kideutschi. akaja kuwambia vitu nnavotaka, ndivo walivoelewa.

na wale watu maboi wa katika hotel mno si qabila ya Russi, sana watu wa kideutschi amma Tartari. na hawa Tartari islamu. watu walikuwa maboi katika meza yetu wote wislām. nilivouliza vyakula vyangu na kitu nnachokitaka kunywa — walista'ajjabu: „kwa nini huli nguruwe, amma hunywi wein“? nikawambia: „mimi sinywi wein, wala sili nguruwe, kwani miye islām“. nao wakanijibu, — kama nao wislām. nika-thanni wananiđihaki, nikanena: „itakuwaje nyie kuwa wislām katika inchi hii?“ wakanambia: „sisi qabila yetu huitwa Tartari, na Tartari huwa islām“. siku-şadiqi. nikathanni wanasema uwongo. nikaondoka, nikenda zangu katika nyumba yangu, nikaipiga kengele, akaja boi, anajua kideutschi. nikamwuliza: „hawa watu gani, wanaofanza kazi katika meza yetu?“ akanambia: „hawa Tartari.“ kamwambia: „dini yao dini gani?“ kanambia: „islamu.“ nikasta'ajjabu sana! kuwa katika inchi ya Wazungu pana wislām namna hii.

nikaondoka nikenda kutembea katika mji, na miye sijui maneno, sijui mtu. nikenda zangu kwa bawabu wa katika hotel yetu, nikamwuliza pađali, mtu anapoweza kwenda kutazama mchezo amma kutembea. akanieleza kulla pađali penyi mchezo. nikamwambia: „nipe barua moja, uniandikie maneno ya kirussi, na

kienda kulala, lázima husujudia ile picha ya 'Isa, ndio shahada yao katika mkubwa na mdogo, tabi'a yao ni moja.

siku moja nimekwenda katika nyumba za machezo na bustani <sup>1)</sup>. na mtu hawezi kuingia katika Ulaya zote billa kutoa mapesa, lakini Russia wale 'askari, wanatwaa zile barua za mapesa, ukimpa mapesa kidogo kwa faragha — utaweza kuingia katika machezo. ma'ana nilipokwenda nimetoa rubel nne kuingia. mudda wa nuşşu sa'a nimeona watu wengine wamekuja hawana khaṭṭi ya kuingilia katika nyumba ya machezo, khalafu wakamkonyeza, wakamwambia yule 'askari: „hatuna khaṭṭi ya kuingilia hapa, na siye tunataka kutazama machezo, bassi chukua robo' moja, utuweke paḥali“. yule 'askari marra moja akachukua ile robo', akaweka wale watu watatu paḥali panapo be'i yake rupia nne. nimesta'ajjabu sana, kwani katika Ulaya huwezi kufanza namna hivo, ukifanza namna hiyo huhokumiwa vibaya sana, na yule 'askari atapata 'azabu záyidi kuliko wale, sababu ni kama uivi.

na Moskov ndio mji wa áşili wa Russia, zamani ndio mji wa 'ezi, lakini sasa mji mkubwa wa Russia ni Petersburg. lakini Moskov kuna 'afya kuliko Petersburg, sababu Petersburg ḥoma nyingi katika mji, lakini katika mashamba ya Petersburg kuzuri sana. záyidi watu wakubwa wa Petersburg hukaa mashamba, sababu mabardi wa kule nzuri kuliko mjini.

na mji wa Moskov wa zamani uliungua. wenyewe Warussia wametia moto maqşudi, kwa ájili ya Wafranza walipokwenda kupigana kule. sasa umejengwa mpya, mzuri záyidi kuliko mji wa zamani.

na mji wa Moskov mji wa bi'ashara sana, záyidi

---

1) Theater.

ya Petersburg, ma'arufu katika dola zote kuliko Petersburg. bi'ashara ya kule mno inatoka barra ya Shami<sup>1)</sup> na barra ya 'Ajam<sup>2)</sup> na Bukara<sup>3)</sup>. watu wa kule huleta vitu vyao Moskov mabassati na ngozi za kondoo na ngozi za nyama wa mwitu huja kuuza Moskov, ma'ana mabazazi wa katika Ulaya zote huja hununua vitu kule Moskov. kulla mwaka kuna musim<sup>4)</sup> mkubwa sana, bi'ashara kubwa sana hufanya Moskov, ma'ana mabazazi hutoka Ulaya hununua vitu rakhişi kule, vina- vyotoka barra yote, huenda kuuza ghali sana Ulaya kule.

na katika mji wa Moskov ndio wenyi mapádiri<sup>5)</sup> makubwa wa Russi. na makanisa yao mazuri sana. lakini dini yao namna nyingine, huabudu mtume moja kama Wazungu. na wako wislamu wengi sana kule Moskov. na wislamu wa kule vyakula vyao nyama ya frasi. nilista'ajjabu sana, kwani siye kwetu nyama ya frasi makruh, lakini kwao halali. na islamu wao Sunni, huşali sana na kusoma.

na tenna wao mabazazi sana. uchuzi wao hubadilisha vitu nguo kuuu na nguo mpya na ngozi, kulla aina ya vitu hubadilisha, wapate fayida. ukimpa kitu kikukuu hubadilisha upate kipya. na wale Tartari bi'ashara yao kama Wahindi, kofia zao kama Wahindi vilevile, wanajua bi'ashara kuliko hawa Warussi wenyewe, ndio watu nađifu kuliko Warussi wenyewe.

siku moja tumenunua vitu vyetu kufunga, tuka-taka kwenda Sibirien. tumefunga killà kitu, ma'ana Sibirien hakuna kitu kununua kule. na ukenda kule, kulla mtu atakwambia: „ununue dawa ya kunguni na dawa za chawa“. kuna wadudu sana kule Sibirien, sababu watu wachafu sana.

---

1) Asien. — 2) Persien. — 3) Buchara. — 4) Messe. — 5) Geistlichkeit.



tulipoondoka Moskov, tukenda Nishinovka, vilevile mji wa musim. na watu wa kule záyidi ni Tartari. kuna meskiti mingi sana. tumekaa siku moja, tukaingia katika stima katika Wolga kwenda Samara. na mto ule mkubwa sana. tukasafiri siku nne hatta kufika Samara.

na katika stima, tuliyoingia, wale ma'abiria Russia kulla mtu huwa na chayi yake na sukari, kulla mtu huchukua vyombo vyake vya kufanza chayi na kunywa chayi, kwani wagumu sana. nao katika stima hununua maji ya moto bassi kufanza chayi yao. alikuwa mwanaamke moja na watoto wake wamekaa tangu sa'a nane ya as-šubuhi na sufuria ya maji ya moto wamekunywa chayi hatta sa'a tis'a ya usiku, kikombe hakiondoki midomoni kabisa, kazi — hunywa chayi. nimekaa kuwatazama watu wale, nikathanni watachoka waondoke wakapumzike amma walale — lakini hawaondoki, birika ya chayi ikisha huingiza maji ya moto. hatta mimi nimechoka, nimekwenda kulala mudda wa sa'a tatu tangu sa'a saba hatta sa'a kumi, nimeondoka nikenda mezani, nikawakuta vilevile wanakunywa chayi. nikauliza mtu mmoja, nikamwambia: „hawa hawachoki kunywa chayi?“ akanena: „hii desturi ya Russia, kazi yao hunywa chayi, hawachoki“. na kulla mtu huwa na kipande cha sukari mkononi, huuma kwa meno, khalafu akinywa chayi, hawatii katika vikombe. kipande kimoja cha sukari ataweza kunywa vikombe sitta vya chayi. nimesta'ajjabu sana.

na katika magari na stima ukisafiri katika inchi ya Russia — utazame sana vitu vyako, huiba sana wao. pana watu husafiri maqsudi kufuatana ma'abiria kwiba vitu vyao.

kule Samara tulipofika, watu walishtuka sana, walipoona mtu mweusi. wakasema, kama hawakupata

kuona mtu mweusi billa miye. nikenda tembea katika njia — hunikimbia, huthanni shetani ameshuka kwao. wazee na watoto wakiniona wote hunikimbia.

tulipoondoka Samara kwenda Omskow, wakatwambia watu, tutazame sana vitu vyetu, sababu njia ile ina wevi sana. miye lázima nikae juu ya mizigo na mkulimani wetu. mmoja akilala — shurŕi mmoja awe na zamu, haifai kulala watu wawili, tukilala sote — vitu vyetu vitaibiwa vyote.

na waqati ule tulipoondoka Samara, bwana wangu alikuwa hawezi sana, alishikwa na ugonywa wa tumbo. mudda wa siku nne hakuweza kula chakula. na siye tuko katika gari. nataka nimtazame bana wangu, na mizigo isiibiwe — nikiondoka kwenda kumtazama — lázima mkulimani akae juu ya mizigo yetu. ugonywa wake wa bana wangu — alikula samaki wa kule. mtu akisafiri katika Sibirien, ajiházari sana, asile samaki wa kule, ma'ana huđuru watu wengi. hatukujua sababu ya ugonywa kule, katwambia mtu moja, tuliofuatana naye, ba'ada ya kumwuliza, kama hakula samaki, kasema, kama amekula, lakini samaki wa huko haifai kula kulla mtu, sababu kulla tumbo haliwezi kustahimili kwa samaki wa kule.

njia ya Samara hatta Omskow ndio njia <sup>1)</sup> nzuri niliyoiona katika Sibirien. mwitu wa kule mzuri sana na hewa nzuri sana. ndio pahali panapogawa Shami na Ulaya. tulipofika Omskow, tukafanyiwa heshima sana na Guverneri wa kule, ma'ana ásili yake Mdeutschi, jina lake Taube. tumekaa mudda wa siku mbili katika hotel, na hapo ndio tulipoanza kumwa na kunguni.

na katika magari yao mtu hawezi kuchukua mizigo mitatu, kulla gari huchukua mizigo miwili na mtu

---

1) Gegend.

mmoja. tuliposhuka katika gari la moshi Omskow, tumechukua magari sitt'ashara ya frasi kupakia vitu vyetu kwenda katika hotel. na njia hatta katika hotel matope mengi, mtu hawezi kwenda kwa miguu, shurūi aingie katika gari amma apande frasi.

tulipoondoka Omskow hatta Ob, bana mkubwa na bana Bumiller walitaka gari lao pekeyao, wametaka kwa Guverneri. Guverneri akawambia: „vema, tafanza wasa'a mwe na gari lenu pekeyenu“. tulipoondoka tukasafiri, wakatufuatisha askari wawili na frasi, na mahobsa<sup>1)</sup> wawili kutupeleka forđani. na wale mahobsa wakenda kutengeneza gari la bana mkubwa. tulipofika forđani, hatukupata mahali pa kukaa, gari limesheheni watu wengi sana. tulitaka sisi kureje'a kulingojea gari jingine, lakini wale mahobsa wakatufanzia wasa'a tupate kukaa. mwisho tukaingia katika gari tukenda Ob.

tumekwenda mwendo wa sa'a nne, tukafika forđa ya kwanza. tulipofika hapa, wakaingia wevi katika gari letu, walitaka kwiba mizigo yetu. na mkulimani wetu alikuwa akijua ŧabi'a ya watu wa kule, akanambia — kama: „hawa wevi, tukae zamu sisi watu wanne“. na wale walikuwa wakituandamia — tukilala webe vitu vyetu. khalafu tukafanza kelele, tukawafukuza katika gari letu, tukawambia: „ninyi mnataka kwiba vitu vyetu“. tulipoambia vile, wakajua kama wevi, marra ile wakaondoka wakakimbia.

tulipofika Ob, kwa siku ya pili tumefika, pana mji mdogo, ndio mwisho wa gari la moshi. tukakaa siku mbili katika hotel, hatukuweza kulala kwa kunguni katika hotel ile. naliuliza pahali pa koga. wakenda wakanitia katika chumba, ambacho mtu hawezi kustaŧhamili kwa jasho. nikaingia mudda wa daqiqa mbili

---

1) Offizier ; verstümmelt aus dem engl. Officer.

— sikuweza kutoa pumzi kwa moto mwingi. nilista'ajjabu sana, watu wa kule wana bardi sana, nao wanaweza koga maji ya moto záyidi kuliko watu weusi.

watu wa kule maskini sana. huchukua vişanduqu vyao, hufunga tumboni, wakiombea mapesa. wengine wanakuja kuomba mapesa ya kanisa.

na nyumba za kule nyumba za miti, nyumba ndogo kabisa, vyumba viwili na jiko ndani. na watu hulala pamoja — chumba kimoja — na nyama wao. nastaja'ajjabu katika 'ajabu niliyoona — watu, walioko katika inchi ya bardi, na pahali walipolala, siwezi kulala miye mtu mweusi kwa moto. wao hustahamili jasho sana, hustahamili na baridi sana.

na mvinyo yao kama mafuta ya taa, ukiwasha — moto huwaka kama taa. nao hunywa tele ya mafuta haya.

siku ya pili tumeondoka kuingia katika stima<sup>1)</sup> kwenda Bernaul. na katika mto, tulioingia, zamani kulikuwa zahabu nyingi sana na fedða nyingi sana. hatta siku ya pili tukafika Bernaul, tukenda katika hotel. ule mji wa Bernaul kuzuri kidogo. na Bernaul hapana gari la moshi, lazima kusafiri na gari la frasi. na watu wa kule vilevile wakaniogopa, hawakupata bado kuona mtu mweusi.

tumekaa siku tatu Bernaul, tukataka kuonana na yule guverneri wa inchi ile, apate kutupa muhuri wa kusafiria, ma'ana kama mtu hakupata muhuri wa guverneri, hawezi kupata frasi na gari. akaja bana mkubwa wa Bernaul kuja kumtazama bana Wissmann. bana Wissmann akamwambia, kama ataka muhuri. kamwambia: „la, miye siwezi kufanza muhuri, muhuri shurti uende Domschow, khalafu utapata muhuri“. na bana

---

1) engl. steamer.

mkubwa hakuweza kureje'a Domskow, sababu mbali. yule bana wa Bernaül akamwambia: „tafanza sim kuleta sahihi ya mkono wake, khalafu utapata barua ya watu wa shamba wakupe farasi“. ma'ana yule guverneri wa Domskow ndiye anayehokumu watu wa mashamba, naye huhokumu 'askari, na 'askari huitwa Kosaki. bana Wissmann alikuwa na muhuri wa sultani wa Russia, kapata rukhsa kulla pahali apewe frasi anayotaka, lakini watu wa Sibirien hawasikii amri ya sultani, wanasikia zayidi ya guverneri. ukionyesha khatti ya guverneri, marra hukupa frasi na magari.

khalafu akatuletea sim guverneri wa Domskow, tupate barua ya safari. tukanunua vitu vyetu Bernaül, tukanunua mikate na biskuti na mboga na jokho za baridi za ngozi za kondoo — vitu vya miezi miwili, kwani kule juu Altai hapana vyakula, shuruti watu wanunue vyakula kule Bernaül amma Biskow. tuka-gawa mizigo yetu. mingine tukapeleka mbele Semi-palatschinski na mingine tumechukua. tukaingia katika magari ya frasi, na kulla gari moja frasi sitta, huenda sana kama upepo. kulla mwendo wa sa'a tatu ukifika mjini — lazima utapata frasi wapya. na wale watu wa mji wa kwanza hawana rukhsa kupita na frasi wao mji wa pili.

na katika vivuko vya mitoni wana mashua zao, hupakia magari na frasi katika duwara. na ile duwara huzungushwa na frasi hatta huvukia ngambo ya pili.

tukenda hatta mji wa mwisho, tukataka mahali pa kulala. wakatupeleka katika nyumba ya serkali kwenda kulala, na mizigo yetu wameiweka nje, wakaweka mtu wa serkali kukaa zamu. na kulla mji wa Sibirien una nyumba ya serkali na mtu wa serkali wa kutazama vitu vya wageni. na katika nyumba zile za serkali havitozi qo'odi, illa utalipa kitu chakula kwa mwanamke,

anayekaa katika nyumba kutengeneza vitu vyote vya nyumba. na mwanámke huyu na manamme wake wamewekwa kwa hokumu ya serkali. na yule mtu anatafutia frasi, analeta magari kwa watu wageni. aš-šubuhi tulitaka kulipa hesabu yetu, yule mwanamke tukamwuliza: „qiasi gani?“ akasema: „kama mwataka“. na mtu akimpa reale mbili amma reale tatu hufurahi sana.

tukaondoka tukasafiri kwenda Biskow, hatta siku ya tatu tukafika. na mji huo ndio mwisho wa posta na sim<sup>1)</sup>). tumekaa siku mbili vilevile, tukasafiri Biskow kwenda zetu vilima vya Altai. na farasi wa kule Biskow wakenda sana kama upepo juu ya vilima, na katika mito ya maji hupita na magari yao. na kulla gari hutiwa frasi tis'a na watu wawili wa kupanda. mwendo wa daqıqa kumi kulla frasi huhesabiwa kopeken tatu qo'odi yake. nasi tulikuwa kulla marra huchukua frasi themanie u'asherin, na siku moja hupata frasi settin.

na kule tumeona watu walevi sana, khaşsa wa mashamba. kulla juma' a mosi na juma' a pili hawana kazi illa kunywa mvinyo, wao na waanawake wao hulewa pamoja hatta na watoto wao. hupita njiani wakupiga makelele, mtu hawezi kulala kabisa.

na watoto wao — mtoto wa miaka minne — hupanda frasi pekeyake. mno huenda kwa frasi. frasi wengi sana kule, lakini frasi wao si wazuri kama frasi wa Ulaya. na kulla frasi themani yake utapata tokea rubel kumi hatta 'asherin. na vitu vyote vyao huchukua juu ya frasi, hatta kondoo na mbuzi wao, amma hufunga miti nyuma ya frasi, hupakia kondoo huburura.

na watu wale Semski hawasikii neno la mtu amma hokumu ya mtu billa guberneri wao. nao hawamjui

---

1) Post und Telegraf.

guberneri, huhokumiwa na watu wanatoka kwa guberneri. nao wapumbavu sana. ukiwaonyesha barua, kama inatoka kwa guberneri amma kwa sultani, japokuwa haikutoka kwao, husadiqi, ma'ana hawajui kusoma. bakhti kulla mji ukiona mtu mmoja, ajuaye kusoma na kuandika.

na fedda ya safari fedda ya qartasi. na kama fedda hiyo mpya, hawachukui, husema: „hii si ya sultani“. hawakujua kama sultani mwingine sasa, wao hujua sultani Alexander bassi.

na ta'abu katika gari la frasi humiza mbavu sana, kwa jissi wanavopanda katika vilima na mawe. shurfi ukae katika mito, uweke katika gari na mbavuni.

na katika safari hii tulipopita na magari, tukipita mashamba, bana wangu akitangulia, walipomwona watu wa shamba, humwamkia, lakini si zayidi kama miye, miye huniamkia sana kama miye sultani, sababu humwona bana wangu mweupe kama wao, lakini miye mweusi, hawakumwona bado, wakathanni miye ndio mwenyi safari.

tukenda hatta tukafika inchi ya Kalamik. hawa Kalamik şura zao kama China. nao hawana nyumba katika inchi yao. dini yao huabudu shetani. na makazi hukaa juu ya vilima, hunena kama shetani hukaa juu ya vilima, kulla kilima kina shetani. nao hukaa juu ya vilima vilevile, hulala ndani ya hema ndogo sana za magunia. nao hawakai pahali siku mbili — kama Wamassai, wao hufuata pahali penyi majani na mbuzi wao na kondoo na frasi. na mahali wanapokaa, huchinsha farasi, huchuna ngozi yake, hutungika juu, husema ndio kanisa lao. hurekebisha katika kilima, husema ndio penyi shetani, huabudu ile ngozi na shetani.

nao Kalamik hawajui kulima. wala hawajui koga. ma'isha yao hawashiki maji, wala hawanawi uso. wao

hunuka sana, tenna hapana watu wenyi chawa kama wao.

vyakula vyao nyama ya kondoo na nyama ya frasi na nyama za mwitu. na wakiwa na nyama hupakia juu ya frasi, huweka katika matandiko yao ya frasi, hukalia juu yake. huenda kulla paha! wanapotaka kuchunga frasi na kondoo. hatta jua likichwa, wanjenga vihemu vyao, wanalala pale. hulala kulla mahala wanapofika, hawana mji illa moja tu. na mji wao Angudai wapata nyumba thelathin, ndio mji mkubwa wa Kalamik. hapo lazima tukaanza kupanda frasi kwenda vilimani. alikuwa hawezi sana bana wangu, siku tatu hawezi homa. tukapanga frasi kusafiri kwenda Altai. na wale Kalamik wakiniona — hunisujudia, hawakupata kuona mtu mweusi. wao wanaabudu shetani, wakathanni miye ndiye shetani wao, aliyeshuka vilimani.

na tabi'a kule mwanamme huweza kuoa kwa miaka kumi na mwanamke kwa miaka minane. na mtu hawezi kujitahidi kukaa nao pamoja hatta asipate chawa. hawawezi kwenda chini, kulla mahali huenda kwa frasi na ngombe, hatta watoto wa miaka mitatu na waana-wake pia juu ya frasi. frasi zao ndogo kama punda. kulla mtu huweza kupanda kwa kuwa taratibu sana. hapana frasi dunyani kupanda vilimani kama frasi za Kalamik.

tenna nimeona kule ngombe — nuşşu frasi nuşşu ngombe, na mkia wake wa frasi.

mno hupiga nyama za mwitu hao Kalamik. nyama za kule sala <sup>1)</sup> na kondoo, lakini kondoo wa mwitu wa kule ana pembe kubwa kuliko mbogo. na tenna simba Ulaya <sup>2)</sup>, na simba hawa hawakai paha! illa penyi barafu.

na ukiona paha! palipolimwa, ujue kama pana Russi, lakini Kalamik hawajui kulima kabisa.

1) Hirsch. — 2) Ejsbär.



guberneri, huhokumiwa na watu wanao-  
neri. nao wapumbavu sana. ukiwaon-  
inatoka kwa guberneri amma kw-  
haikutoka kwao, husadiqi, ma-  
bakhti kulla mji ukiona mtu m-  
kuandika.

na fedda ya safari fedd-  
hiyo mpya, hawachukui.  
hawakujua kama sultan-  
tani Alexander bassi.

na ta'abu katik-  
kwa jissi wanavop-  
ukae katika mito-

na katika  
mashamba, be-  
wa shamba.

mpaka wa Russia  
Warussi wakakaa zamu ya  
mwisho wa Kalamik, inaanza Mon-  
mweusi. Wakirgisi wislamu, lakini tabi'a zao  
mwer Kalamiki, na mavazi yao kama Kalamiki. wa-

Kwamba wakulimani wetu, ya kuwa hawa islamu -  
sikusadiqi. nikawambia: „huku hapana islamu, pahali  
mbali kama hapa islamu atakujaje hapa?“ wakulimani  
wakanambia: „waulize ismu yake islamu“. nikawa-  
piga: „salām 'aleikum“. wakanijibu: „'aleikum salām“. nao wakasta'ajjabu sana, ya kuwa miye islamu. khalafu nikatambua tenna, ya kuwa wao wislamu katika kofia zao na kusali kwao.

wakatuqurubisha katika nyumba zao, wakatufanzia vyakula, wakachinsha mbuzi na kondoo, tukala. wakatupangisha na frasi zao za kupigia nyama, wakatupa na watu wa kuchunga frasi.

na maziwa yao Kalamiki na Kirgisi maziwa ya frasi, hupenda sana. na mtu akinywa bilauri moja,

sana hapana watu wenyi chawa kama

1  
999  
-

sana ya kondoo na nyama ya frasi  
wakiwa na nyama hopyakia  
sana nakandiko yao ya frasi.  
kila pahali wanayotaka  
ya shamba, wao-  
tukala kulla ma-  
na mji wao  
na mji wao

hulewa mtu kama mvinyo. Kirgisi walinipa ninywe — nikakataa, nikawambia kama hiyo mvinyo. waka-sema: „hakuna, siye wislam“. nikawambia: „haifai ku-nywa, sababu inalewa.

hatta tulipofika vilima, tukenda kupiga kondoo. tukenda tukajenga kambi juu ya barafu, tukakaa hatta siku ya pili, tukaondoka al-fajiri kwenda piga nyama vilimani. tumepanda frasi tangu sa'a hed'ashara al-fajiri hatta sa'a tatu ya aş-şubuhi, tukafika juu ya kilima. tukakuta kondoo wakubwa sana, tukataka kuwapiga. Kalamiki wakatwambia: „bado msipige, ngo-jeni, ma'ana sasa wamelala kondoo, na wakilala, haifai kupiga“. ma'ana kondoo wa kule wakilala, wawili amma watatu huwa na zamu, hutazama kama wanakuja watu na hunusa 'arufu za watu sana. wakijua, kama pana kuja watu — huwaamsha wale wengine, waka-kimbia. Kalamiki wakatwambia — kama: „tukae hatta waamke wote — wanakula, waqati ule hawashiki zamu, kulla nyama hutazama kula, huendea mbele kunatokea upepo“.

tumekaa pale mudda wa sa'a saba' hatta walivo-amka wanakula. wakatwambia Kalamik: „sasa rukhsa pigeni“. tukapiga moja, tukareje'a kwenda kambini. na ukipiga nyama, Kalamik hufanza kelele sana kwa furaha ya nyama, wao hutaka nyama bassi, hawajui kama pembe zao ndio mali.

nao wana 'ilimu kwenda kupiga nyama. huchukua fupa la nyama, hutia moto, khalafu hujua, kana mtu atapiga amma hapigi. tulipokwenda, tumekaa siku sitta, hatukupiga nyama. siku moja huyu mpiga nyama akachukua fupa, katia moto, akanambia: „nataka tazama, kama bana wako atapiga nyama“. alipoondosha lile fupa katika moto, akanambia: „kesho bana wako atapiga nyama mkubwa“.

hatta al-fajiri walipoondoka kupiga nyama, wakenda vilimani vya katika barafu, wamekaa mudda wa sa'a then'ashara — hawakuona kitu. hatta walikuwa waki-reje'a kuja zao kambini, wakashuka kilimani maghribi — marra wakakuta kondoo, bana wangu kampiga kondoo mkubwa sana na pembe zake nzito sana. ndivo nilivo-sadiqi 'elimu yao kama kweli.

hatta siku ya pili akanambia: „vilevile atapiga nyama, lakini hana pembe“. walivokwenda wakapiga kondoo mwanamke, hakuwa na pembe, ndogo sana pembe zake.

siku moja bana wangu akanambia, atakwenda piga nyama mbali sana. akanambia hajui, kama atarudi siku hiyo kambini, amma atalala huko. na bana von Wissmann akaenda China. nikamwambia bana wangu: „nitakuja na weye pamoja, kama utalala huko“. nikachukua sufuria moja na nyama kidogo na chumvi na pili-pili na vifya vya kupikia. tukapanda frasi zetu, tukenda zetu kupiga nyama. tulipokwenda mwendo wa sa'a tatu, ikatokea upepo wa bardi, unanyesha barafu <sup>1)</sup> — hatukuweza kwenda mbele wala hatukuweza kureje'a nyuma. Kalamik wakatwambia — kama: „hatuwezi kwenda mbele, pigeni frasi upesi, twende mahali penyi majani, tupate kuwasha moto“. tulipofika mahali penyi majani, pana kijuto kidogo, lakini maji yake si mengi. tukashuka juu ya frasi, Kalamik wakaanza kutafuta kuni kuwasha moto. miye na bana wangu tukatafuta mawe na majani kujenga ukuta kuzuilia upepo wa barafu. tukajenga ukuta wapata zira'a mbili, tukakaa pale. marra ile ikaja barafu sana na upepo mbaya sana — mtu hawezi kuona mbele. ilipopita sa'a mbili, ikanyamaza kidogo, tukapanda frasi zetu kwenda mbele.

---

1) schneien.

mwisho tukafika hapo pahali penyi nyama, tukafanya kambi hapa.

tuliposhuka, bana wangu akachukua Kalamik moja, wakapanda vilimani kwenda kutafuta kondoo. nikabaqi miye na watu wawili kutafuta kuni kuwasha moto. hai-kupata mudda wa sa'a, ulirudi upepo mbaya sana. bana wangu akarudi upesi. tukaanza kujenga ukuta wa mawe na udongo kutengeneza pahali pa kulala. na siye hatukuwa na hema, hatukuweza kurudi kambini, tukafanza ukuta kidogo wa zira'a moja a nuşş kuzuilia upepo na barafu. tukachukua matandiko ya frasi, tukatandika chini, hatukuwa na nguo za kujifunika illa makoti zetu za baridi. nikapika uji kidogo na nyama ya kondoo, kulla mtu akapata kikombe kimoja — bana wangu na miye na wale Kalamik, tukalala. lakini sisi hatukuweza kulala kwa bardi, na Kalamik wakalala zamu kuwasha moto na kutazama frasi. na kule khatari sana kwa simba ya Ulaya na mbwa wa mwitu, ndio nyama wabaya sana. lakini mweny'ezimuungu atuja'alia, hatukuona nyama mbaya.

hatta aşşubuhi tukaondoka kwenda tafuta nyama tupige, lakini hatukupata. tumeondoka tangu sa'a tatu, hatta sa'a kumi tumefika kambini. tuliona ta'abu sana katika vilima vya Altai. na siye tumekaa siku arb'at'ashara kule kambini kwa şjili kupiga nyama.

khalafu tukareje'a tukenda zetu Kashkashi. bana wangu akanipa frasi moja, akasema: „panda frasi huyu“. na frasi yule amefundishwa kupiga nyama, frasi wa Kirgis, huenda kama tiyyara. ukisema neno kidogo — marra hukimbia. na miye sikujua, kama frasi wa kupiga nyama. tulipokwenda mwendo wa nuşşu sa'a, tukaona pahali pana pembe. akanambia bana wangu: „nenda katazame, labda ile ya nyama wetu tuliopiga“. nikampiga frasi kwenda kutazama, nikakuta si pembe

yetu. na bana wangu amekwisha kwenda mbali sana. mimi nimekaa nyuma, nikataka kumpiga shoti, aende upesi frasi, nimfikie bana wangu, lakini frasi wa Sibirien ukiwapiga — hawaendi, wenyewe wana maneno yao wanayosema na frasi. na frasi ukisema naye neno la kwendea upesi, ma'ana „tshu“, hukimbia sana. na miye nikasema „tshu!“ frasi akakimbia mbio katika vilima hatta nikamfika bana wangu. nilipomfikia bana wangu, nalitaka kumzuia frasi, sikuweza kumzuia, tukampita bana wangu. akawacha njia, akapanda vilima, tukenda mbali sana. bana wangu akathanni, kama atanitupa frasi. nikamwachia kutazama huko anakotaka kwenda. hatta tukafika mbali kwenyi majani na miti, nikafanya 'aqili. kwani nilikaza zile khatamu zake hatta zikataka kukatika, lakini hasikii kabisa, nikamrejeza kama nikimtaka rudisha upande mwingine — akanyamaza. bana wangu akasimama kuningojea, na wale Kalamik walikuja kunitafuta. niliporudi, bwana wangu akanicheka, akanambia — kama: „sasa unajua ta'abu ya frasi“. waqati ule nalijua, kama frasi yule kweli frasi wa kupigia nyama.

nilipowambia wenyewe Kirgis, wakanambia, kama frasi wa kukamatia mbwa wa mwitu. wakenda na wale frasi kupiga nyama, hawahitaji kupiga bunduqi, huwafukuza hatta wakakanyagwa na frasi.

hatta tulipofika pahali, tukafanya kambi. hatta aş-subuhi tukaondoka, tukafunga mizigo yetu. bana wangu akanambia: „tunataka mudda wa sa'a tatu tufike Kashkashi“. na kutoka ile kambi hatta kufika Kashkashi mwendo wa sa'a saba. tukaacha safari yetu nyuma, tukapiga frasi wetu, na pamoja na kirongozi wetu tukenda mbio sana, hatta mwendo wa sa'a tatu tukafika Kashkashi.

tumekaa siku moja Kashkashi, bana mkubwa akatangulia mbele, akatwambia, ajenge kambi, atungojee. na siye tukafunga mizigo yetu na pembe zetu, tulizopiga,

tupeleke Moskov, na mkulimani moja atangulie na vitu vyetu. na siye tukapita njia nyingine kwenda Semipalatshinski. tukaondoka al'asiri miye na bana wangu, tukenda hatta magharibi — hatukuona mtu. tukafika pahali bana mkubwa alipotwambia, kama atatungojea, lakini hatukumkuta pahali hapo. tukasema: „twende mbele, labda tutamkuta“. tukenda mwendo wa sa'a tatu sa'a nne za usiku — tusimpate. tukapiga bunduqi na kupiga makelele — lakini hatukumwona. na siye hatuna hema, wala hatuna kitu cha kulalia billa silaha zetu na frasi wetu bassi.

kirongozi akachukua frasi wake, akenda mbele kwenda kuwatafuta. alipokwenda — hakuona mtu, akareje'a pahali tulipokuwa. na upande ule hapana mtu hatta moja, wala hapana nyumba pahali, kule vilima vya barafu bassi.

tukareje'a nyuma, tukenda pahali tukakuta hema moja na kondoo wengi sana na ngombe na frasi za Kirgis. tukenda tukawaamsha wale Kirgis katika hema yao, tukauliza, kama hawakuona safari yetu. wakanena hawakuiona. tukawambia watufanzie pahali pa kulala. wakatugurubisha katika hema yao.

na wale Kirgis wake wao na watoto wao katika ile hema, na ngombe wadogo na kondoo wadogo wakalala pia ndani ya hema. na mlangoni huwa paka wa mwitu kutazama watu. na wale watu wana chawa sana na kunguni. wakatupa nguo zao kujifunika, wakachukua sufuria kubwa sana, wakatia maji kupika, wakachukua chayi. na chayi yao kama jiwe, ngumu sana, hukata kwa visu amma kwa shoka. hupika na chumvi, ndio sukari yao, wakachanganya na maziwa, hupika pamoja. nayo huwa nzito kama uji. wakampa bana wangu kikombe kimoja na miye kikombe kimoja, tunywe, lakini tuliona uchafu sana, hatuwezi kunywa. lakini tukikataa kunywa wataqasirika. kulla mtu akanywa kidogo, na

tamu yake kama kinini<sup>1)</sup>. tukafikiri tufanye nini hatta tusinywe hii chayi! tukafanza kama tunalala na kunywa, tukaimwaga wasione, tukawapa vikombe vitupu wakatupa marra ya pili, tukakataa, tukawambia: „hii yatoshā“. nao wanaweza kunywa kulla mtu vikombe sitta, hawaoni uchungu.

hatta aš-šubuhi tukaondoka tukawapa pauni<sup>2)</sup> moja, wakakataa, kwani hawajui zahabu yao, wala hawajui feḍḍa, illa feḍḍa yao qarṭāsi. nikasema nao kwa kibubu, kuonesha hii záyidi kuliko qarṭasi, khalafu waka-chukua. na wale Kirgis waṭaw'a sana, desturi yao ya sala hawaachi kabisa, hušali sana.

tukapanda frasi zetu kwenda kumtafuta bana mkubwa. tukamkuta mtu moja njiani, akaja kututa-futa. tukenda hatta tukafika kambi ya bana mkubwa, na kule ndio mwisho wa Kalamik. tenna tukaingia katika inchi ya Kirgis. tukenda mwendo wa siku tatu, tukafika katika mwitu wa sala. na sala wa kule wakubwa sana kama frasi. na hawa wapiga nyama wana zumari yao ya mio la sala ya kuitia sala, ma'ana hulia kama sala. sala akisikia huja kama ana wazimu.

bana mkubwa alikwenda kupiga sala, akafuatana na mpiga nyama Kalamik. walipofika mwituni, wamekaa paḥali, akapiga zumari yake marra tatu. marra wakaona sala, anakuja mkubwa kama frasi, na pembe zake kubwa sana, yapata frásila moja u nušsu. akampiga, wakareje'a kambini. wakaondosha watu, wakenda kumchukua nyama. nao hufunga na miti, huburura na frasi.

tumekaa siku nne katika kambi kule ya sala, tukaondoka kwenda mbele. na katika inchi ya Kirgis na Kalamik shidda sana kuona mji, huku hapana miji

---

1) Chinin. — 2) pound, ein Goldstück.

kabisa. kazi yao hukaa mwituni na maporini kuchunga nyama wao. nao hawajui pahali panapozaliwa, sababu huzaliwa maporini.

hatta siku ya pili hatuwezi kutazama mbele kwa upepo na barafu. tukajenga kambi juu ya barafu. na shidda moto kuwaka katika ile barafu. tukakaa hatta siku ya pili, tukaondoka kwenda zetu. tukenda mwendo wa siku mbili, tukafika pahali panapo nyumba za Russia na za Kirgisi, wanazokalia, mpaka wa Russia na China. ndipo pahali tulipokuta watu. hapo haijambo, tulipata vyakula kidogo. kuna barafu sana, hatta mito imeganda kwa baridi, huweza mtu kutembea juu ya barafu, asiweze kuanguka ndani ya maji.

tukakaa siku mbili, tukaondoka kwenda zetu Alteiski. tulipoondoka hapo bana wangu alikuwa hawezi sana. nikabaqi nyuma mimi naye, bana mkubwa ametangulia mbele. akenda akajenga kambi, na siye tumbaqi nyuma na Kirgis moja. kulla robo' sa 'a hushuka juu ya frasi, hawezi kupanda jissi alivokuwa hawezi. tukenda hatta jioni, hatukufika bana mkubwa. tuka-shikwa na baridi sana. tukenda polepole hatta la 'esha, tukakuta watu, walioondoshwa na bana mkubwa, kuja kututafuta. tukafika kambini, tukakaa hatta as-subuhi.

hatta siku ya pili mji wa kwanza tukafika ni Alteiski. na Russia wa kule huitwa Kosaki. na ma'ana ya Kosaki — lazima hutumikia serkali ma'isha yake. kwanza anafanya kazi ya 'askari miaka mitatu, khalafu hupata shamba lake la kulima, lakini vilevile huwa katika 'askari. na Kosaki akiwa 'askari, lazima achukue frasi wake mwenyewe, anunue nguo zake mwenyewe, lakini rukhsa kulla waqati akitaka, huvuo nguo za serkali.

hapa Alteiski ndio mji wa kwanza tulipokuta gari la frasi. tukaondoka Alteiski kwenda Sikukuminagosko.



walitwambia, kama tutaweza kufika kwa siku kumi, lakini siye tulifanza kwa siku sitta, ma'ana tulikuwa tukenda usiku na mchana. na frasi wa kule wanakwenda sana, ukimpa sais mapesa kidogo bakhshishi huenda sana. lakini walevi sana, kulla mji unakwenda wamelewa waanawake wao hatta watoto wao, hupiga makelele njiani. hatta siku moja tumefika pahali mji mdogo, tukakuta watu wote wamelewa. tulipofika katika nyumba tunamolala, tukawakuta wote wamelewa. akachukua mtu mmoja taa, akataka kumchoma bana wangu moto machoni jissi alivolewa. na Mrussia akilewa — hasikii maneno ya mtu.

lakini jissi wanavokwenda katika gari lao la frasi — wana machachare sana. mtu hawezi kutazama mbele kwa vumbi — jissi wanavokwenda upesi, na frasi hawaonekani kwa vumbi. wana maneno yao wakitaka kusema kwenda upesi, akisema „nōnō“ — frasi huenda kama tiyyara.

tulipofika Sikukuminagosko, ndio mji wa kwanza tulipokuta posta na simu. na kutoka mji huu tukaanza kusafiri kwa posta. huweza kununua mtu barua — kulla pahali utapata frasi, ukilipa pahali pamoja, hatta ufike pahali utakapo. lakini katika barua hizo uzia sana, ma'ana ukenda katika mji — hukupata frasi za posta, huwezi kuondoka, shurṭi ungoje frasi wengine waje. na ukichukua kulla pahali mapesa, kama hukupata frasi za posta, huweza kuchukua za watu wa shamba, lakini hushika ghali be'i yao. na mtu aki-pewa barua ya frasi tis'a, huweza kutaka frasi thelit'ashara, kulla frasi wa tatu hukuzidishia moja záyidi, na kama hakukupa, huweza ta'arraḍia.

na watu wa kule katika Sikukuminagosko watu wema záyidi kuliko upande mwingine wa kule Altai, wepesi katika safari zao. na maakuli kule mema zá-

yidi kuliko Altai. na hewa kule hubadilika upesi sana, marra utaona jua kali kama kule barra Afrika, na marra huona mvua huona barafu — ni khabari ya 'ajabu kubwa mno. na katika upepo wa kule mbaya sana, unaduru watu. kutoka Semipalatshinski hatta kufika Werne hatta Aulyata ule upepo wa kule wakiona kama unakuja — hawaqubali kusafiri. na ule upepo huitwa „burani“.

kutoka Semipalatshinski tukenda siku nne hatta mji mwingine. na kulla gari frasi tis'a. na katika inchi hizi Warussia na Islamu. na mavazi yao ya wale Kirgis ni nguo za ngozi za kondoo min ajili ya bardi nyingi sana. na waanawake hupiga vilemba vya mharuma vyeupe. na vyakula vyao ni mno hufanya maandazi ya ki'arabu. na maji yao ni maziwa ya frasi, jina lake kumis. na kazi yao kazi ya frasi, ngombe na mbuzi, ndio mali yao. na tenna kazi yao kuibiana frasi, wakibadilisha rangi zao. nao wanajua kuandika ki'arabu, na kusoma, na kusali. na mazihebi yao Hambali na Hanefi. wao hupenda sana wakiona mtu aliyo-khussa dini yao, amma akitoka katika barra 'arab — humpenda sana, hutaka kumweka mw'allimu, ili kuwasomesha. hapana mtu ana rukhsa ya kuvaa kilemba, illa amekwenda Makka. na inchi yao imeanza tangu Altai hatta kufika Werne hatta Aulyata, ndio mpaka. nao hawakai sana mjini, hukaa zayidi katika pori na nyama wao. na 'ajabu — ngamia za kule migo miwili, na kondoo za kule wana pembe kubwa.

khalafu tukafika Atropol. kule tumeona vitu vya zamani katika tempel yao. tukakaa siku mbili, khalafu tukaondoka tukenda Kapal. na tulipofika hapo, tabi'a yao ya Kirgisi wa hapa ningine, wao wana bi'ashara zao nzuri za maduka. na katika waqati wa sala hufunga maduka yao mpaka wasali, ndipo wafungue.

nasi tumefika katika nyumba ya sherifu mmoja, na huyu sherifu ndio luwali wa Kapal. alitushika vizuri sana.

tumekaa siku nne, tukasafiri, tukenda zetu Werne. na Werne ni mji mkubwa kidogo kuliko miji hii mingine. na Werne ndio mji wa guverneri. hapa tukakuta watu, waliosema kideutschi, wakatufanzia heshima. na yule guverneri alitufanzia heshima vilevile.

na kutoka Werne hatta kufika Taschkend, inaanza uzia wa frasi. na tenna njia mbaya sana. tuliposafiri — kulla pahali tunapofika, tukitaka frasi - hufanziwa uzia sana, kwani watu wa kule wanatama'ani sana kupata mapesa. ijapokuwa frasi wako nyumbani, atesema „frasa hapana, kwani hutaka ukae siku nyingi, apate fayida ya vyakula. walakini kama mtu akiwa na 'aqili, akifikiri, haqubali kukaa. shurṭi ufanze vishindo hatta akupe frasi. na mtu asipokuwa na pass ya guverneri, hawezi kuondoka kabisa katika ile miji, kwani hawampi frasi. na katika safari yetu tulikuwa watu watatu. bana mkubwa huenda mbele mudda wa siku moja, khalafu bana wangu humfuatia nyuma, na miye ndiye nilikuwa wa mwisho, kwani ni kungoja hatta wakitangulia mbele na frasi wao. na kulla unapofika, nikitaka frasi, hunambia — kama: „hapana“. hunambia: „utakaa siku moja ao siku mbili“? na miye nime-wafanzia nguvu hatta kupata frasi waqati ule niloutaka. miye hujitia wazimu, huwatukana kwa maneno ya kisuaḥeli, humsukuma yule mkulimani kutazama hatta tupate frasi.

na Aulyata katika inchi ya Bukhara. na watu wa kule huvaa wote vilemba na juba. nao waṣalḥina sana. nao mashamba yao hulima sana pamba na ḥariri. na kazi yao hufanza mazulia. na katika mazulia mazuri, tuliyoyaona, hutoka upande kule wa inchi ya Bukhara.

kutoka Aulyata kwenda Taschkend waqati ule tukapata njia nzuri hatta tumefika Taschkend. katika ule mji mkubwa wana tabi'a kidogo ya Ulaya. nao wana bi'ashara sana ya mazulia na vitambaa vya hariri.

tukaondoka tukenda Samarkand. tukaona kuna majumba ya zamani ya majábil, wamefanza meskiti sasa. na qabila za kule zimechanganyika sana. wako Bukhara, ndio wenyi inchi, lakini watu wanaofanya bi'ashara ni Warussia, Kirgisi, Tartari, Turkestani, Ajam, na Farsi. ndio mji tuliopata gari la moshi. tu-kaingia kwenda Bukhara. Bukhara tukakaa siku tatu. kule huweza kupata watu husema kideutschi na ki'a-rabu. na kule ndipo anapokaa Amiri wa Bukhara. la-kini huyu Amiri sasa hana nguvu sana sababu ya Wa-russia. na watu wa kule wana bi'ashara nzuri, matá-jiri; bi'ashara yao mazulia na ngozi za kondoo ndogo <sup>1)</sup>. na inchi yao nzuri sana, hawa wa kule nzuri sana.

tukasafiri kule tukenda bahari Kaspisch, bahari ya maji ya bardi, lakini ina mawimbi sana. tukasafiri katika meli, tukenda mji wa Baku. na kule Baku ndio pahali penyi mafuta Ulaya. yanatoka katika ardi. na ule mji wa Baku ášili ya watu wa Fars. na ile dini yao ya Farsi, wanaokaa barra hindi, dini yao ya moto, wameanza kule Baku. na katika haya mafuta Ulaya, pahali panapotoka, viko visima vyapata sitta, nayo hutoka kwa nguvu sana yapata zira'a thelatha mia. nao wamejengea minara ya miti ya kuzuilia nguvu za mafuta yasipotee na upepo. na kulla siku katika yale mafuta wanayopata hupata vibabá kari tatu, ma'ana milioni tatu.

kutoka Baku tumesafiri tukenda Kaukasus, tuka-

---

1) Persianer.

nasi tumefika katika nyumba ya <sup>kasus</sup> ndio vilima  
huyu sherifu ndio luwali wa <sup>ya</sup> Sham. na katika  
sana. <sup>ama</sup> vizuri sana — ndio

tumekaa siku nne, tr <sup>na</sup> kule huitwa Tscherkessen,  
na Werne ni mji mku <sup>na</sup>waita Búrgia. na kazi yao  
gine. na Werne nd <sup>na</sup> sana kufua. nao hodari sana  
kuta watu, walio <sup>na</sup> mtu akitupa rupia chini, humpigá  
na yule guver <sup>na</sup> haina, akaichukua.


na kut <sup>na</sup> hapa tukenda Moskau kwa gari la  
uzia wa <sup>na</sup> kwa njia ya Warschau hatta tukafika  
— ku <sup>na</sup> khabari yangu ya safari yangu ya  
uzia <sup>na</sup> ya Sibirien.

P <sup>na</sup> katika safari zangu zote furaha zangu na ta'abu  
\* \* \*  
<sup>sangu</sup> nilizoziona nyingi, lakini miye nikastahamili,  
<sup>sababu</sup> mwisho wake nimeona ma'ana yake. na miye  
<sup>nimejua</sup> khabari nyingi katika dunia, nami nimeona  
<sup>ritu</sup> vingi, nisivyopata kuviona katika barra yetu,  
<sup>amma</sup> kuvisikia. na sasa namshukuru mweny'ezimu-  
<sup>ungu</sup> na bana doktor Bumiller, niliyokaa naye miaka  
<sup>kumi</sup> na miwili, aliyonionyesha dunia. ma'ana safari  
<sup>kama</sup> hii na safari zote nilizozifanya naye pamoja  
— ehsani kama hiyo asingeweza kunifanzia baba yangu  
mwenyewe, ijapokuwa ana mali — asingalifanza. wala  
hawezi kufanya kulla mtu mwenyi mali, yataka mtu  
mwenyi roho njema na imani. na miye tangu kuza-  
liwa kwangu nimekaa na watu wengi, wamenifanzia  
njema nyingi na fádili, lakini sikupata mtu, aliyoni-  
fanzia fádili ya bana doktor Bumiller. na ahsante  
yake mweny'ezimuungu ndio atakáyemlipa fádili aliyo-  
nifanzia, ma'ana mweny'ezimuungu ndio anayeweza ku-  
lipa njema, lakini bin Adam hawezi kulipa.

**Orda ya khabari zilizomo zote.**  
(Inhaltsverzeichniss.)


	Seite.
Safari yangu ya barra Afrika ya Slēmān bin Mwenyi Tshande bin Mwenyi Hamisi esh-Shirazi . . . . .	1
Safari yangu ya Nyassa waqati bwana Major von Wissmann alipopeleka stima katika juto la Nyassa ya Selim bin Abakari. . . . .	50
Safari yangu ya Ulaya toka Daressalama hatta Berlin ya Selim bin Abakari . . . . .	106
Safari yangu ya Udoe hatta Uzigua na khabari za Wadoe na mila yao inatoka kwa Mtoro bin Mwenyi Bakari. . . . .	126
Safari yangu ya Afrika toka bahari ya suaheli hatta bahari ya pili katika safari ya bwana Graf von Götzen ya 'Abdallah bin Rashid . . . . .	181
Khabari ya inchi ya Wazaramu na dasturi za Wazaramu kama zilizotungwa na Mtoro bin Mwenyi Bakari . . . . .	205
Safari yangu ya Russia na ya Sibirien niliyofanya pamoja na bwana wangu Dr. Bumiller ya Selim bin Abakari . . . . .	253

---




1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100





1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100





**RETURN TO the circulation desk of any  
University of California Library  
or to the**

**NORTHERN REGIONAL LIBRARY FACILITY  
Bldg. 400, Richmond Field Station  
University of California  
Richmond, CA 94804-4698**

- **ALL BOOKS MAY BE RECALLED AFTER 7 DAYS**  
2-month loans may be renewed by calling  
(510) 642-6753
- 1-year loans may be recharged by bringing books  
to NRLF
- Renewals and recharges may be made 4 days  
prior to due date

**DUE AS STAMPED BELOW**

MAR 29 1993

APR 27 1995

OCT 23 1998

10138700

U.C. BERKELEY LIBRARIES



C020859659

